


B 543643 ^{DUPL}



Z
241
.29
H73
148

Das buch der weisheit

41

DAS BUCH DER WEISHEIT

Gedruckt und vollendet durch
Lienhart Hollen zu Ulm nach
Christi geburt MCCCCLXXXIII^{ar}
auff den XXVIII tag des mayenß



FAKSIMILE-DRUCK

herausgegeben von

RUDOLF PAYER VON THURN



1925

Wiener Bibliophilen-Gesellschaft.

1
241
.Z9
1175
1483

Photomechan. Druck des Kartographischen, früher Militärgeographischen Instituts in Wien.

Libr.
Südamer.
10-1-43
48804

Das Buch, das die Wiener Bibliophilen-Gesellschaft ihren Mitgliedern hier in treuer Nachbildung eines der schönsten deutschen Wiegendrucke darbringt, ist wie kaum ein zweites geeignet, uns den Begriff der Weltliteratur recht sinnfällig vor Augen zu führen.

Entstanden nach der neuesten Annahme Johannes Hertels um 300 n. Chr., und zwar in Kaschmir, so ziemlich im Mittelpunkt des alten Kontinentes, hat es sich von da zunächst über ganz Indien bis nach Siam und Java verbreitet. Ursprünglich in Sanskrit verfaßt, ist es zur Zeit der Sassaniden-Herrschaft ins Mittelpersische, das Pehlevi, und aus diesem bald nach der Eroberung Persiens durch die Araber ins Arabische übersetzt worden. In dieser, der sogenannten semitischen Fassung, hat es dann seine Wanderung nach dem Westen angetreten, ist über Syrien und Nordafrika bis nach Spanien gelangt, und dort zu Anfang des 12. Jahrhunderts von Rabbi Joël ins Hebräische übersetzt worden. Unabhängig von dieser hebräischen ist wahrscheinlich im Jahre 1251 auf Befehl des Infanten Don Alfonso, des späteren Königs Alfons des Weisen, eine spanische Übersetzung entstanden. Die hebräische Übersetzung des Rabbi Joël ist für die weitere Verbreitung des Werkes in Europa von der größten Bedeutung geworden, denn auf ihr beruhen alle späteren Übersetzungen in germanische und romanische Sprachen. Der slavischen Welt dagegen ist das Werk durch die griechische Übersetzung Symeons, Sohn des Seth, der gegen Ende des 11. Jahrhunderts lebte, vermittelt worden.

Die aus dem Mittelpersischen geflossene älteste arabische Übersetzung ist später wiederholt ins Neupersische, aus diesem ins Türkische und Mongolische übersetzt worden. Die französische Übersetzung der türkischen Fassung ist dann auf dem Seewege nach Hinterindien gelangt, im 19. Jahrhundert ins Malaïsche übersetzt worden und auf diese Weise mit den auf dem Landwege dahin gelangten älteren Fassungen wieder zusammengetroffen.

Dabei haben wir es jedoch keineswegs mit Übersetzungen in unserem Sinne zu tun, die bestrebt sind, das Original nach Inhalt und Form möglichst getreu wiederzugeben, sondern mit mehr oder weniger freien Bearbeitungen: „In Prosa, kurz und mit wohlüberlegtem Wortlaut, der des Witzes Seele nicht nur im Gegenstand selbst, sondern auch in angemessenem, knappem Ausdruck sucht, und verbrämt mit Sentenzen und Zitaten aus der politischen Literatur, die seinen lehrhaften Charakter erhöhen, ist das Grundwerk geschrieben. Sein Verfasser und seine Zeit sind unbekannt, seine Sprache ist die der gebildeten höfischen Kreise, nämlich Sanskrit, sein Zweck ist, junge Fürstensöhne zu klugem Handeln im privaten wie im staatlichen Leben zu erziehen. Der lehrhafte Charakter ist das einzige allen Bearbeitungen Gemeinsame. Sonst aber, welche himmelweiten Unterschiede! Bald wird der Stil vereinfacht, bald wird er künstlicher gestaltet; bald werden Strophen und Erzählungen hinzugefügt, bald gestrichen. Der eine erzählt die alten Geschichten in behaglicher Breite, der andere notiert ihren Hauptinhalt in knappen Sätzen zum leichteren Verständnis für die liebe Schulpupille. Der und jener sucht sich nur die Erzählungsstrophen zusammen, deren schauderhaft verstümmeltes Sanskrit er ungefähr errät, und erzählt die zugehörigen Geschichten unabhängig von seinem Grundtext, volkstümlich und in der Volkssprache“.

„Eigentliche Moral zu lehren, lag dem Verfasser völlig fern. Er wollte vielmehr zeigen, wie List, die sich über die Gebote der gewöhnlichen Sittenlehre unbedenklich hinwegsetzt, zu Glück führt. Der König ist nicht an die Moral gebunden, welche für die übrigen Menschen gilt. Ihm sind die schlimmsten Verbrechen erlaubt, wenn er dadurch nur seinen und des Reiches Vorteil wahrnt . . . Alle moralischen Erzählungen des Pañcatantra sind nachweislich späte Einschübe“.

Mit diesen Worten charakterisiert der beste Kenner, Johannes Hertel^{*)}, die Grundtendenz des Werkes und die Art und Weise der folgenden Bearbeitungen.

Das Werk geht durch die Weltliteratur unter verschiedenen Bezeichnungen. In der wissenschaftlichen Literatur des Abendlandes wird der Titel Pañcatantra, welcher eigentlich eine spätere verkürzte indische Fassung bezeichnet, gern als Gesamttitel für die ganze weitverzweigte Sippe verwendet, so von Benfey und Hertel. Im Orient ist das Werk unter dem Titel *Kalilah wa Dimneh*, den Namen zweier Schakale, die redend eingeführt werden, bekannt. Durch die französische Übersetzung der neupersischen Bearbeitung des Husain Ibn 'Alī al Wa'iz, die schon 1644 zu Paris erschien und unter dem Titel *Les Fables de Pilpay* oft wiedergedruckt wurde, ist dieser letztere Titel auch in die deutsche Literatur eingedrungen. Pidpai oder Pilpai ist der Name eines Brahmanen, der in einer Höhle in der Mitte der Insel Ceylon haust, und dem der persische Bearbeiter die Parabeln in den Mund legt.

Das sanskritische Grundwerk sowie die Pehlevi-Übersetzung, deren Wert Hertel übrigens nicht übermäßig hoch einschätzt, sind unwiederbringlich verloren. Aber auch die älteste arabische Übersetzung, die Abdallah ibn al-Moqaffa, ein von der zoroastrischen Religion zum Islam übergetretener Perser, nach dieser Pehlevi-Version in der zweiten Hälfte des 8. Jahrhunderts unserer Zeitrechnung verfaßt hat, ist nicht auf uns gekommen, darum stellt die Arbeit des Rabbi Joël für uns die älteste, dem Grundwerk verhältnismäßig am nächsten stehende Fassung dar. Sie wurde zwischen 1263 und 1278 von Johannes von Capua, einem zum Christentum bekehrten Juden, ins Lateinische übersetzt und um das Jahr 1480 in Deutschland unter dem Titel *Directorium vitae humanae* gedruckt.

Im Gegensatz zu Johannes von Capua, dem sein moderner Herausgeber Derenbourg das wenig schmeichelhafte Zeugnis ausstellt: *un médiocre hébraïsant et un détestable latiniste*^{**)}, erweist sich der ungenannte Verfasser der vorliegenden deutschen Übersetzung, die fast gleichzeitig mit dem *Directorium vitae humanae* im Druck erschien, als einer der hervorragendsten Meister der deutschen Prosa vor Martin Luther, dem es an einzelnen Stellen sogar gelingt, durch das wüste Gestrüpp seiner unmittelbaren lateinischen Vorlage hindurch dem Sinn der hebräischen Fassung, die er gewiß nicht gekannt hat, näher zu kommen als Johannes von Capua.

Gewidmet ist diese deutsche Ausgabe, wie das Akrostichon der Anfangsabschnitte des Werkes (EBERHART GRAF ZU WIRTENBERG ATTEMPTO) ergibt, dem Grafen Eberhard im Barte (1445—1496), dem ersten Herzoge von Württemberg, vor dessen Grab Kaiser Maximilian I. am 29. Mai 1498 die denkwürdigen Worte gesprochen hat: „Hier liegt ein Fürst, welchem ich im ganzen römischen Reich an Verstand und Tugend keinen zu vergleichen weiß“. Daß er es war, der die Anregung zu dieser deutschen Übersetzung gegeben hat, bezeugt außer dem obigen Akrostichon noch ausdrücklich Konrad Summenhard von Calw, seit 1484 Professor der Theologie an der von dem Grafen Eberhard gestifteten

^{*)} Johannes Hertel, *Das Pañcatantra Seine Geschichte und seine Verbreitung*. Gekrönte preis-schrift, Leipzig und Berlin 1914, S VII, S 11.

^{**)} *Johannis de Capua Directorium vitae humanae alias Parabola antiquorum sapientum Versio latine da libro Kalilah et Dimnah* Publiée et annotée par Joseph Derenbourg. Paris 1889.

Universität Tübingen, in der Leichenrede, die er am 9. März 1496 seinem Herrn gehalten hat, mit den Worten: „*Opus praeterea quoddam fabularum perutile: quod primo indice: post persice: dehinc arabice: hebralce: pariter et latine exaratum fuerat: ipso iubente primo in linguam transiit germanie*“.

Der Verfasser der deutschen Übersetzung blieb jedoch nahezu vier Jahrhunderte lang im Dunkel, und zwar recht unverdienter Weise. Theodor Benfey, dem wir die erste, für alle Folgezeit grundlegende Darstellung der ungemein weitverzweigten Geschichte dieses indischen Fabelwerkes danken*), stellt fest, daß seine Vorlage, die lateinische Übersetzung des Johannes von Capua, nicht bloß an einer durchgehenden vollständigen Formlosigkeit, sondern auch nicht selten an einer solchen Unverständlichkeit leidet, daß es wahrhaft bewundernswürdig ist, wie der deutsche Übersetzer vermittelt ihrer eine solche ganz vortreffliche Arbeit zu liefern imstande war; denn was sie durch die im ganzen doch nur wenigen Freiheiten, welche sie sich genommen hat, an Treue einbüßt, ersetzt sie durch die Würde, die Kraft und Schönheit ihrer Sprache, wenigstens im Verhältnis zu der lateinischen, mehr als überreichlich.

Im Jahre 1860 hat Ludwig Holland im LVI. Bande der Bibliothek des Literarischen Vereins in Stuttgart „Das Buch der Beispiele der alten Weisen nach Handschriften und Drucken“ herausgegeben. Er konnte zu diesem Zwecke drei Handschriften benutzen, die sämtlich der Universitätsbibliothek zu Heidelberg angehören, außerdem zwei Ausgaben ohne Ort und Jahr, die Holland für die ersten hält.

Mit der ersten datierten Ausgabe: „Gedruckt vnd vollendet durch lienhart hollen zu vlm, nach cristi geburt. m. cccc. lxxxij. iar auff den xxvij. tag des mayenß“, die unserer Reproduktion zugrunde liegt, beginnt eine lange Reihe von Drucken, die für die Bedeutung und Verbreitung des Werkes Zeugnis ablegen. Noch im selben Jahre 1483 „an sant Jacobs abent“, also acht Wochen nach dieser ersten datierten Ausgabe, veranstaltet derselbe Verleger eine zweite, und nicht ganz ein Jahr später, am Mittwoch vor Pfingsten 1484, eine dritte Ausgabe. Gleichzeitig druckte Hans Schönsperger in Augsburg und bald darauf, 1485, Conrad Dinkmut in Ulm das Buch nach. Bis zum Jahre 1592 verzeichnet Goedeke**) nicht weniger als zweiundzwanzig deutsche Ausgaben des Werkes. Nach G. H. B[ode], in den Göttinger gelehrten Anzeigen 1843, S. 739, ist es auch sehr oft als Volksbuch gedruckt worden. (Holland S. 219.) Kirchhof nahm die Erzählungen fast vollständig in seinen „Wendunmuth“ auf, auch Pauli hat in seinem „Schimpf und Ernst“ einige Anleihen daraus gemacht (Hertel S. 398). 1618 wurde unsere deutsche Übersetzung von Christian Nielssøn ins Dänische (daraus wahrscheinlich zu unbekannter Zeit ins Isländische) und zweimal, 1623 von Zacharias Heyns und 1693 von J. Duikerius, ins Holländische übersetzt.

Nur schrittweise ist es gelungen, dem deutschen Übersetzer biographisch näher zu kommen: Zwei Jahre nach dem Erscheinen der Holland'schen Ausgabe hat Karl Goedeke in dem oben genannten Aufsatz im „Orient und Occident“, I. Jahrgang, S. 686, weit hinter dem Akrostichon des Grafen Eberhard in den Anfangsbuchstaben der 10 letzten Absätze des zweiten und der ersten Absätze des dritten Kapitels (Seite 107 bis 141 unserer Ausgabe) den Namen Anthonyus v. Pforedana entziffert. Die Buchstaben des Namens an den Anfang der betreffenden Absätze zu bringen, waren einige Inversionen nötig gewesen, die dem Verfasser bei seiner Sprachgewandtheit keine Schwierigkeit bereitet haben. Dem Korrektor des ersten datierten Druckes, eben desselben, den unsere Ausgabe

*) Pantaschatantra: Fünf Bücher indischer Fabeln, Märchen und Erzählungen. Aus dem Sanskrit übersetzt mit Einleitung und Anmerkungen. Leipzig, 1850.

**) Zu Kallihah und Dimnah. Orient und Occident. I. Jahrgang S. 687 f.

wiedergibt, war diese Beziehung jedoch offenbar unbekannt, er hat also auf Seite 135 einen neuen Abschnitt mit der Initialie „E“ geschaffen und damit in den Namen eine Lücke gerissen.

Wer jener Anthonius gewesen, konnte Goedeke damals noch nicht sagen. Erst zwei Jahre später hat Fedor Bech in der *Germania*, IX. Band, S. 226—228 in H. Schreibers Urkundenbuch der Stadt Breisach den Namen Phor als den eines schwäbischen Adelsgeschlechtes wiederholt nachgewiesen, darunter auch den Namen „herr Anthoni von Pforr“ in einer Urkunde Herzog Sigismunds von Österreich vom Jahre 1458. Im folgenden, X. Band der *Germania* S. 145—147 hat K. A. Barack D. Anthonius von Pfor als Pfarrherrn von der Herzogin Mechtild, der Mutter des Grafen Eberhard im Bart, 1477 gestifteten Stadtpfarrei zu St. Martin in Rottenburg am Neckar gefunden: Im „Grundriss“ (2. Auflage, I S. 366) hat Goedeke dann die spärlichen Daten zusammengestellt, die den Lebenslauf des Mannes zu verfolgen gestatten. Das Jahr seiner Geburt ist wie das seines Todes unbekannt. Urkundlich begegnet er uns zum erstenmale 1455 als Dekan zu Endingen bei Freiburg, am 11. November 1458 wird er als Rat Sigismunds von Österreich genannt, am 26. Dezember 1472 wird von der Erzherzogin Mechtild, der Mutter Eberhards im Barte, die in zweiter Ehe mit dem Erzherzog Albrecht VI. von Österreich, dem Stifter der Universität Freiburg († 1463), vermählt gewesen war, zu ihrem Hofkaplan ernannt. Zum letztmal erscheint sein Name urkundlich am 15. September 1477 in der Matrikel der damals von Eberhard gestifteten Universität Tübingen. Eine Erwähnung als Testamentsvollstrecker Konrad Gügelins, Kirchherrn zu Burkheim, am 25. April 1472 hat Friedrich Pfaff, *Zeitschrift für vergl. Literaturgeschichte* N. F. I. 453 nachgetragen. Ein Hans Werner von Pforr, offenbar ein Bruder oder Vetter unseres Anthonius, wird im Februar 1474 zum Stadtschultheißen in Breisach ernannt, vielleicht weil er dem Herzog Karl von Burgund das Geld zur Einlösung des Schultheißenamtes vorgestreckt hat, das Sigismund von Österreich der Stadt Breisach verpfändet hatte. Er war in den Prozeß des berüchtigten Statthalters Peter von Hagenbach verwickelt und wurde am 14. und 15. Juni gefoltert (F. J. Mone, *Quellensammlung der badischen Landesgeschichte*, III. Band, Karlsruhe, 1863, S. 242, 249). Das ist so ziemlich alles, was wir von seinem Lebensgange wissen. Vielleicht wird noch einmal sein Grabstein in einer Kirche Württembergs gefunden. Irgend eine andere literarische Leistung seiner Feder ist nicht bekannt geworden.

Der Drucker Lienhart Holle, einer alten Familie der Stadt Ulm angehörig, hatte vor Errichtung seiner Buchdruckerei eine Spielkartenfabrik, deren Erzeugnisse bis nach Venedig und Konstantinopel versendet wurden. 1482 ging aus seiner Offizin einer der berühmtesten Atlanten, der viel bewunderte und begehrte Ptolomaeus, aus 32 in Holz geschnittenen Landkarten bestehend, hervor. Das zweite Werk seiner Presse war das Buch der Weisheit, das innerhalb zweier Jahre drei Auflagen erlebte. Trotzdem konnte er auf keinen grünen Zweig kommen. Die Herstellungskosten, namentlich der Pergamentdrucke, die wahre bibliophile Meisterleistungen waren, hatten seine Mittel erschöpft; 1484, kurz nach Vollendung der dritten Auflage des Buches der Weisheit, mußte er wegen Schulden die Stadt Ulm verlassen. Seine Typen und Holzstöcke hatte er an Johann Reger, den Ulmer Vertreter des Venezianers Justus de Albano verpfändet, der damit 1486 eine neue Auflage des Ptolomaeus herstellte. Später taucht er in Nürnberg auf, wo er aber keine selbständige Verlagstätigkeit mehr entfaltet hat.

Auf dem ersten Blatt des Ptolomaeus findet sich in der Umrahmung die Bemerkung: *Insculptum est per Johannem Schnitzer de Armßheim*. Daraufhin will Ernst Weil*) in diesem Johann von Armßheim, von dem wir nicht mehr als den Namen

*) Der Ulmer Holzschnitt im 15. Jahrhundert. Berlin, Mauritius-Verlag, 1923, S. 52 ff.

wissen, den Meister der Holl'schen Offizin überhaupt erkennen. „Mit dem Buch der Beispiele der alten Weisen“ führt er aus, „wird eine neue Form des illustrierten Buches eingeführt. Der Textseite stehen selbständig fast im selben Ausmaße des Satzspiegels die illustrierenden Tafeln gegenüber. In ihrem großen Format, eingefäßt von einer starken Randlinie, wirken sie bildhaft und selbständig neben dem Text. In diesen Blättern ist dem Zeichner nicht mehr darum zu tun, sein Vertrautsein mit Natur und Mensch zu zeigen, er geht auf die große Form aus. Die Zeichnung ist fest umrissen, Mensch und Tier sind knapp in einer starken, fast ungebrochenen Kontur gefangen. Eine Tektonik strengster Observanz spricht aus dem Aufbau der dargestellten Handlung, die häufig in den Rahmen zweier Pfeiler oder Säulen mit einem gedrückten Bogen darüber gespannt ist. Dahinter ist der Raum so karg als möglich gestaltet. Diese Sparsamkeit in der Umreißung der Schaubühne überträgt sich in die Zeichnung der Figur. Erstarrt in der Härte der Bewegung, wirken diese Gestalten formelhaft und figürlich. Allerdings nicht im Sinne einer eintönig abkürzenden Fassung, wie in Augsburg in den siebziger und achtziger Jahren, sondern mannigfaltig und immer neu kombiniert, reich im Einfall bis zum kleinsten Beiwerk, wechseln die Bilder.“

In allem, was an diesen Bildern in einem gewissen Gegensatz zu den gleichzeitigen Erzeugnissen der Augsburger Holzschnidekunst steht, will Gustav Weil italienische Einflüsse erkennen: „Das Italienische am Holzschnitt Johannis von Arnheim ist die Klärung der Linie, ein an italienischer Schönlebigkeit erzogener Formsinn und eine Klarheit im Aufbau der Zeichnung. Von dort hat er die Großzügigkeit und das Monumentale seiner Schnitte, die Souveränität gegenüber kleinem Beiwerk und verwirrender Fülle und Krausheit des gleichzeitigen Nordens“.


Der vorliegenden Reproduktion, die der Leistungsfähigkeit unseres Wiener Kartographischen (ehemals Militärgeographischen) Institutes ein schönes Zeugnis ausstellt, liegt der Pergamentdruck der Wiener National-Bibliothek zugrunde. Mit Bedacht wurde diese erste datierte Ausgabe gewählt, obwohl ihr Text, wie Holland nachgewiesen hat, durch die Nachlässigkeit des Korrektors ziemlich mangelhaft ist, weil in ihr die Holzstöcke am wenigsten abgenützt sind. Die Initialen sind in diesem Druck in der Regel ausgelassen, um dem Miniaturmaler Gelegenheit zu geben, seine Kunst zu entfalten. Dazu ist es in unserem Exemplar allerdings nicht gekommen.

Das dünne Papier, das die Wiener Bibliophilen-Gesellschaft notgedrungen wählen mußte, bietet übrigens in dem vorliegenden Falle den Vorteil, daß das Durchscheinen der Rückseite tatsächlich den Eindruck des Originals wiedergibt, denn auch das feine Pergament der Vorlage läßt die Rückseite durchschimmern.

Zum Schlusse gebührt noch der Direktion der Wiener National-Bibliothek der besondere Dank für die liberale Art, in der sie die Reproduktion des kostbaren Originals gestattet hat.








S ist von den alten weisen der geschlecht der welt diß büch des ersten in indischer sprach gedicht vñ darnach in die büchstabe der perßen verwandelt/dauo hond es die arabischen in yre sprach bracht/furter ist es zu hebraischen zungen bracht/vnd zu letzt zu latein gesagt vnd yetzt in teutsche zungen geschriben/vnd diß büch ist lieblicher wort vnd kostlicher reden dardurch die alten hond wöllen ir weißhait außgiesen damit sie ir weißhait durch die wort der vernunft erzaigete vnd hond diß büch gesetzt auff gleichnuß zu reden der thier vñ der vogel/vnd das gethon vmb drey vrsachen/Des ersten das sie sach funden yres aussprechens/zum andern zu kurzweyl der lesenden vnd der figuren/dann darinn lieset der vernünfftige vnd findet die weißhait/vnd dem schlechten ainseltigen lieber darinn die kurzweyl der figuren/zum dritten wann die lernenden seind genaigt zulesen die beyspil vñ seind yn lieblich zu lernen vnd behellich durch an zaigung der thier vnd vogel/vnd ob sie die inn yrer iügent nit zu endelicher verstentnuß nemen mügen/so ist doch wann sie inn vernunft erwachsen das yne die weisen ding betrechtlich seind so werden sie dann bedechtelich was in disem büch durch die beyspil der thier vnd vogel gelesen haben/vnd mag yn das zu hoher vernunft vnd fürbetrachtung zu gutem hüt eren vnd guts fruchtbarlich dienen/dann ein vernünfftiger mag manigerley mainung mit d welt übung des argen vnd guten herinne finden were diß büch betrechtlich vnd mit merckung des syns der figuren vnd der vrsach erkennt/da durch er sie billich vor dem argen beware vñ das gut üben mag.dann wer diß büch list der muß acht nemē war zu es gemacht sey/dann were das nit waiß vnd nit acht nympt/was dye richter hieinne betracht haben dem geschichte als eym blinden der die vnkunden weg gat durch berg vñ tal.

Lyde in anfang vnd ende diß büchs /gezympt sich
eyn yeglichen der darinn will lesen das er dye wort
die er liset verstande /vnd auff was meinung die wei
sen tichter diß büchs das gesetzt haben vnd das er eyle zü dem
ende diß büchs ee er den anfang vñ proceß diß büchs recht mer
cke /dann wellicher das er list vnd nit verstatt der mag dauō
kein nutzbar frucht empfahe so er das nit zü güter vernunfft
vnd besserung üben will dann so würt ym dauon wie kostlich
das ist nit mer on aller frucht /dann arbeyt des lesens geleych
wie dem der einen grossen scharz fand vnd gedacht in ym selbs
sol ich von disem scharz alle tag ein teyl heym tragen das würt
mir überlestig vnd das überig zü bewarē sorgsam /vñ ist mir
nit bessers dann knecht zü dingē die mir das eins tags in mein
hausß tragen vnd gab denen den scharz allen den er mit arbeyt
auff grub auff yren rucken die trügen den allen yeglicher heim
in sein hausß /vnd do er den allen auß graben hette da gieng er
auch heym in sein hausß seinen scharz furter zü bewaren /vnd
fandte des gang nit vnd erkānt das yeglicher das in sein hausß
getragen het /vnd also ward ym nicht von dem gefundē scharz
dann allein sein arbeyt des grabens dann er hat sein werck nit
fürsichtlich betracht vñ künde nit behalten das er funden het

Die vorred



Inem yeden weysen mann gebürt wann er diß bü/
ch lesen will das er in seinē gemüt betracht vñ merck
das diß büch zwü verstantnuß hat/die ein offenbare
dye ander verborgē/vñd gleichet zū einer nuß/die ist zū nicht
sie werd dann auffgebrochē vñd das inner verborgen teyl ver/
fücht/dann wellicher list das er nit zū recht verstan kan/dem
geschicht als einem der wolt gern gelet habē gezierte wort in
lattein vñd die zūerstentnuß auß legen/dem schraib einer der
geleten ein regel wie er das reden solt/vñd schraib im dz auff
ein gulden tassel daran leret er tag vñd nacht/vñd do er die le/
sen künde/noch marckt er ir verstantnuß nit/vñd zū einer zeit
faß er bey geletē vñd redten solliche wort die in seiner tassel ge/
schriben waren vñd er maint sie mit seiner schrift zū über klü/
gen/vñd hūb an nach inn halt seiner tassel nū sagen da was
der anhab seiner wort torlich vn-wissenheit/da sprach einer sei/
ner gesellen·schweig gesell du hast geirret/er sprach wie möchte
ich irzen ich hon dye wort meiner tassel geredt/vñd do er aber
sagt do verstand er nit was sie zū recht bedeuten/vñd wardt
des zū scham/vñd darumb zympt einem yeglichē was er lese
das er begir hab das gruntlich zūerston/dan ein lere mit gū/
ter verstantnuß bringt einen man zū noch besser verstantnuß/
dann es sprechen die weisen es gebürt sich einem verstantigen
nicht dann mit weißhait vmb zū gan/dann die manigfaltikeit
der kunst/erleuchtet des menschen verstantnuß gleich als dye
sunn den glast des flāmes von dem feur/aber wellicher list zū
gütter verstantnuß vñ dem nit nach folget dē ist es nicht frucht/
bar/vñd geschicht ym als eym der lag nachts an seinem bedte
vñd hort das ein dieb in sein hauß gieng vñ sprach zū ym selbs
ich will schweigen vñd horchen biß diser dieb nū samen gefas/
set was er stelen will/darnach stond ich auff vñ nym von ym
das gestolen mit starcken strachen/inn dem über kam der sch/
laff disen man vñ was das zū gūt dem dieb/dann do er erwa/
chte do was der dieb mit dem diebstal hinweg·da strafft d mā
sich selbs/vñd befandt das vñ sein weißhait nit fruchtbar ge/

wesen was da er das nit geübet vnd vollbracht het/dañ es sp
 rechen die weisen das die weißhait nit/dann durch die wercke
 der weißhait fruchtbar werde/dann die weißhait ist gleich ei/
 nem baum der frucht übung der werck heißen.dann welcher
 einen bösen weg weiß vnd den gat vñ verlasset den güte weg
 den er vor gelernt hat den mag man einen toren schenzen/dañ
 wer allein seinem lust vnd begird nachfolget vnd verachtet dz
 ym nutz vnd erlich ist vnd bey den leuffen diser welt sein bests
 nit erkiesen noch betrachten will der ist gleich einē siechē d̄ wol
 erkennet wellich speyß ym gesundt oder schad ist vnd laßt sich
 doch seinē lust oder begird überkūmen das er ym selbs die sched
 lichst für die gesund auß erkieset.

irre vnd klag sol disem über sein aigen haubt billich
 fließen so er das böß erwelet vñ die güten werck ver
 schmahet/dañ welcher in seiner vernunft das güte
 vor dem bösen erkennet vnd sich doch seinen lust überwindē las
 set dem geschicht als dem geschenden der mit einem blindē über
 selte wandelt vnd sielent baid in ein tieffe grūbe darinn sie bai/
 de starben/nun hat der geschende vor dem blinden keinen vor/
 teyl dann das man sprach recht ist ym geschēhē/do er die grūb
 sach solt er billich sich selbs vnd den blinden dar vor gewarner
 haben dann der weiß sol geflissen sein güte werck zū thūn vnd
 andere das auch zū leren/vnd was er ander leret sollichs sol er
 auch nit vergessen das er nit geleichet werd einē brunnē der al
 le thier trencket/vñ doch vō den allen kein hilff empfanct.aber
 ein weiser man sol ander menschen die güte werck zū üben vn/
 der richten ia wann er sich selbs der/in übung bracht hat/dañ
 die weisen sprechen das eym yeglichen menschen geburlich sey
 drii ding zū suchen/weißhait/reichtumb/vnd auch barmher
 zigkeit/vñ das nyemant seinen eben menschen schelten sol.der
 vrsach das er an ym selbs hat/dann der wurde gleich geschenkt
 dem blinden dem die augen außgestochē seind/vnd schalt den d̄
 blind geboren was/das er von iugent auff nye gesehen het vñ
 warēt doch auff das mal baid blind/es gezympt auch nit das

ein man seinen nutz mit schaden eins andern suche/das ym nit
geschehe als einem von dem man sagt. Es waren zwen gesellē
die hetten wainzen kaufft gemein vnd den auff einer kornschüt/
tē in zweyen hauffen geteylt da auch sunst vil hauffen vō wai
zen gesundert lagen/der ein gedacht wie er seinen gesellē vmb
seinen wainzen betriegē wolt/vnd bat einen andern zū im vñ
verhieß dem halb /vnd gieng eins tags darzū vñ bedeckt seins
gesellen teyl den er stelen wolt mit seinem mantel so er nachts
darzū kame das er das dabey erkennen wurd/da zwischē kam
der ander zū dem korn vnd sach seins gesellen mantel auff seinē
korn ligen vnd sprach wider sich selbs/eyn wie getrüw ist mir
mein gesell das er mit seinem eygen kleyd mein korn für dz sein
deckt/das mir darcin nit vnsaubers falle /aber sicher das sol
nit sein vñ nam den mantel vñ legt den auff seins gesellen korn
Des nachts kam der dieb mit seinem andern gesellen den er zū
ym zū dieb gemacht het vnd graiff in der vinstere wo er seinen
mantel auff seines gesellen korn ligen funde/ vnd do er den be
graiff do nam er dauon das halb vñ gab seinem mit dieb das
ander halb hin zū tragen/morgens frū gieng der dieb mit sei
nem gesellen mit dem er das korn kaufft het auff die kornschütt
da sach er das er ym selbs sein eygen korn gestolen vnd dz halb
hin geben het vñ wardt traurig seins verlusts



Je soltu mercken das nyemane sein glust verfolgē sol
der zū schadē seins eben menschen dienet vñ besund
auff zeytlich gūt / dan es sprechē die weysen menschē
wem sein gemüte strengtlich auff zeitlich gūt geneygt ist dem
bleibt zū letzt nit anders dann ein hertzhchs trauern so er sich
mit tod dauon scheiden muß / vnd sein doch zwey ding die dem
menschen nutz seind / reichthumb vnd gottes forcht / dann wer
gottes forcht hat der sol in armüt nit verzweueln. dann durch
gotes forcht die ein anfang aller weisheit heisset / wirt 8 men
sch bey weylen zū reichthumb gefurdert / als einem beschach der
was arm vnd gieng zū seinen fründen in seiner armüt / sein ar
müt vnd gebrechen ynen vmb hilff zū clagen / vnd do ym von
yn allē hilff versagt ward. kam er traurig wider zū seinē hauß
vnd lag nachts wachend an seinem bedt von vnmut / vñ hort
in seinem hauß einen dieb vnd gedacht was mag diser dieb ste
len so doch nicht in deinem hauß ist / dann ein wenig melbs da
durch du morgē frū für deinē hūger brot backen soltest. der dieb
gedacht du wilt vngestolē auß disem hauß nit kumen vñ sandt
doch nit dann das mell / vnd zoch ab seyn kappen vnd schütt
das mell darein / an der kappen was ein zipfel darinn er gold
vnd silber trug das er in vergangen zeyten villeicht auch mit
stelen über kumen hett / inn dem gedacht der haußwirt nympt
der dieb das mell so müst du morgen hunger leiden vnd stond
auff vnd schray den dieb an mit lauter stym vnd eylet dem na
ch mit seinem waffen / der dieb floch vnd mocht der kappen nit
wol getragen vnd müst die fallen lassen die begraiß der hauß
wirt vnd erretz sein mell vnd sandt dabey silber vnd gold zū
seiner nordurfft.

Die vorred



Wer ein weiser man sol sich nit allein daran lassen dz
 ym on übung sein narung beschert sey / besunder vō
 reich zū reich faren dardurch er sein nordurfft zū er/
 zichung seiner kinde vnd auß bringung seins lebens übertum/
 men müg / wie wol etlich menschen on arbeyt zū reichthumb kū
 men seind / beraten besunder worden ee sie zū arbeyt geschickt
 waren / dauon sol aber der fürsichtig weiß man nit beyspil ne
 men dann es selten gerat / besunder sol ein yeglicher weiser mā
 mit gerechtigkeit in gottes forcht sein narung nach seinem stat
 über kūmē vñ mit fürsichtiger achtung war nemen wye er sich
 vor dem beware des er schaden empfahe mag / das er nit ge/
 schert werd zū der tauben wie dick d̄ die iungen von dem nest
 genūmen oder getöde wei den dester minder nit zūcht sie in dem
 selben nest aber iungen das sie aber genūmen werde / es spreche
 die weisen das drii ding dem menschen nordurfftig seind / Das
 erst ist geset vñ ordenung / das ander narung vnd nordurfft /
 das dritt rechtfertige bewarung vnder ym selbs vñ seinē eben
 menschen / da wider wellichem menschen dise nachgeschriben
 fier ding nit anhangen seind / des wesen mag nit gnügsam sein
 Das erst überfarung gebot der geset / das ander versaumung
 seins eygen nuzs / das dritt yederiman glauben / das fierd alle
 weißhait verachten vnd es gezympt einem yeden weisen man
 bedechlich zū handeln vñ wandeln in seinem wesen vnd seinē
 rat nit von vnerkanten zū nemen dann allein von den gerech
 ten vnd getrüwen solt du rat nemen aber vor hin frage nach
 dem getrüwen / leg dich nit auff z̄ weuelhafftig ding biß du dē
 grund erfindest das dir nit geschehe als dē der einen z̄ weuelhaf
 tigen weg gieng ye lenger er gieng ye verzer er von der rechten
 strassen was / oder als dem der etwas in seinem auge befindet
 vnd höret nit auff zū reyben mit seinen hendē biß es böser wirt

Hye endet sich dye vorred / vnd vahet an der anfang des
 büchs vnd ist genant das büch der beyspil der alten weisen vō
 anbegynne der welt / von geschlecht zū geschlecht

Der anfang des büchs



Aegierender hertz des reichs / zu edom was
ein gewaltiger künig by seiner zeit genant
Anastres tafari / der het by im einē weisen
schriffte geletten man d̄ was genant Bero
sias / diser was eyn fürst der artzet durch
sein hohe kunst der artzney vnd empfieng
von dem künig hohē solt vnd ersamē statt
auff ein zeit wardt dem künig ein büch geschickt darinn stonde
vnder andern geschribē in indischer zungē also / wān es seynd
in india hoch berg darauff wachsen etliche beume vnd kreuter
wer die erkennen vñ conficiert nach yrer gestalt / so wurd dar/
auß ein artzney mit d̄ die todte mit gotes verhengnuß lebē wer
den gemacht / der künig begert diser sag warheit zu befindē vñ
gebot berosiam seinē artzt das er durch sein ersuchung dem gede
chte nach zu kumen so wolt er yn darzu mit gold vñ mit silber
verlegē vñ yme fürderung thun / an die künig vō india / d̄ yeg
lichē berosias gabe vō seiner herrē bracht / als gewöhent ist dye
mechtigē herren aneinander zu schickē / sollich gab vñ brief wur
den von berosiam yeglichē künig über antwurt / die sich willig
in d̄ werbūg vñ yrer weißesten vō yrē hōfen vñ landē yme zu
gegeben erbottē / in disem fürneinē arbeyt sich berosias zwölff
monat vñ bracht zu samē vō allē baumē vñ kreutern mit ver
mischung d̄ apotectischē dingē vñ macht darauß ein electuari
um alles nach außweisung d̄s gemeltē büchs / vñ versach sich
damit die todte zu erquickē / vñ do das nit sein mocht / da ach
tet berosias die für erlogē schriffte vñ wart trurig dan im wart
schwer wid zu seinē künig zekūmē vngeschafft / dan er besorgt
dadurch veracht zu werdē vñ fügt sich zu dē weiß gelertē in in
dia vñ offent yne dise ding / die sprachē d̄z sollichs anzeygunge
sye in yren büchern auch fundē vñ hettē darauff furter gesucht
so lāg biß sie die außlegung in ein büch vō den altē weisen vō
anbeginn der welt in diese meynunge funden hettē / also das
die hohē berg bedeutēt dye weisen maister / die baum vñ krüder
sei die künst vñ hohe verstēnuß die auß dē selbē meister wachsen

das electuarium das darauß conficiert ist / seind die bücher der weisheit vnd der kunst / die todten die man durch medicin erquicket / seind die toechten vnd vnweysen menschen die on alle weisheit vn̄ erleuchtende vernunft ir leben schliessen / die werden erquicket von dem tode der vernunft / vnd darnach mit der artzney der weisheit / wann sie die selben bücher lesen vnd lernē vnd das darinn stat behalten vnd volbringē lebende gemacht vnd do berofias diß vernam da begert er dise bücher zū haben vnd sandt die in indischer zungen vnd bracht die in die sprach der perßen / vnd kam wider zū seinem herren anastren Tassei den künig / vnd do der künig das vernam da wart er begierig die bücher zū haben vnd der verstantnuß vnd übet sich mit allem vermügen zū lernen die kunst der weisheit / vnd erhöhet die inn im selbst / vnd sagt ym das für alle ander kurtzweil vn̄ reichthumb darinn die künig pflegen zū leben

Neulich bey hoher p̄nen gebot der künig anastres in seinem künigreich schüle der lere auff zerichten / vnd die auß seinem trysol zū besolden auß zū spreiten die kunst vnd die bücher zū meren / vnder denen wart diß büchlin auch in indischer schrift funden vnd dauon seinen schreiffe gelerten in die sprach der perßen gesetzt / vnd funden dison namē also / diß ist das büch der beyspil / der alten weisen von geschlechten der welt. vnd ist der anfang des ersten capitels vnd dem nachfolgenden als hienach geschriben stat

Das erst capitel sagt von berofiam vnd ist von forcht vnd gerechtigkeit gottes.

Das ander capitel sagt von dem lewen vnd dem ochsen / vnd sagt vō betrüglicher furfürung.

Das dritt capitel sagt von ersuchung neydischer sachen vn̄ ist vō endung der sich freuwer eins andern vnglücks

Das fierd sagt von d̄ tauben vn̄ sagt von trüwer geselschafft.

Das fünfft Capittel das sagt von dem Rappen vnnd auch von den Aren / vnnd ist von dem der seinem versonten feinde

Das Register

gelaubte vnd was yme zu letzt dauon zu fellet.

Das sechst Capitel sagt von dem affen vnd von der schiltrotten/ vnd ist von dem der einen trüwen freunde hat vnd weiß den nit zu behalten

Das sibent capitel sagt von einem ainsidel/ vnd ist von dem d schnell in seinen sachen ist vnd das ende nit betrachte

Das acht sagt von dem maufshund vnd der mauf/ vnd ist vō dem feind der in d not friden sucht mit seinen andern feinden.

Das neund capitel sagt von eym künig vnd vō eym fogel/ vñ ist von gesellen dye heymlichen neyd trage/ vnd wie sich einer vor dem andern bewaren sol

Das zehent capitel sagt von künig Sedra/ vnd ist von dem der seinen zorn enthalten vnd dye vntugent überwinden kan.

Das ailfft ist von eym ieger vnd einer lewin vnd sagt vō dem der von argem lat durch args das ym beschicht.

Das zwelfft sagt von dem einsidel vñ dem waller vñ sagt von dem der seyn eygen werck verlaßt vnd gebraucht das yme nit geburt noch an er erbt ist

Des dreyzehent sagt von dem lewen vnd von dem fuchs/ vnd ist von der liebe der künig die sie nach d rachtung habē sollen

Das vierzehent sagt von dem goldschmid/ dem affen der natter vnd der schlangen/ vnd sagt von barmhertigkeit vñ das dye vndanckbarkeit nit erzeygt sol werden

Das fünffzehent ist von des künigs sun vnd seinen gefellē vñ sagt von der götlichē fürsehung wider die nyemant sein mag.

Das sechßzehent sagt von den fogeln vnd ist von den dye vn/ der yn selbs sich betriegen

Das sibenzehent ist von der tauben vnd dem fuchs / vnd sagt von dem der eym andern raten kan vud ym selbs nit

Hie fahet an das erst Capitel vnd sagt von Beresia/ vnd ist von forcht vñ gerechtigkeit als du dann wie folgt lesen wirst.



Nit ere vnd kunst sagt Berofias ein haubt d
weisen des reichs zu edom / d diß buch in die
zunge d perßen gesant hat ist mir vō meinē
vatter vñ mütter nit den minsten in dem kün
nigreich zu india zugefügt für all ander my
ne geschwister damit das sie mich in dem si
bende iar meins alters zu schül gesant habē
zu lernē die bücher der artzney / da lobt ich meinē vatter vñ die
mich gebat / vñ do ich meinen syñ gesetzet hett mit der kunst d
artzney das ich den siechē mit meiner kunst d bücher mit gnad
des almechtigē zu staten künmen möcht / so bedacht ich das fier
ding seind darzu sich d menschen gemüt naigen sol / edel sitten
narung / güt lūmūt / vñ verdienūg künfftigs lebēs / vñ ich er
welt mit das fierd vñ gedacht das nit gnūg wer mein artzney
den armē zu yrē leib vmb sunst zu geben / sunder das ich darzu
habē müst vñ gebrauchē die medicin auß den büchern d weyß
hait damit ich nit allein die siechē gesundt sunder auch dye tod
ten erquickē mocht rñ mich des gebruchē zu lob des ewigen na
mens vñ dadurch glych werdē dem mertzler d einen edeln stein
verkauft vmb einē pfennig der vil het mūgē geltē . vñ riet dar
umb meym gemüt vō wollust diser welt sich zu ziehē wān das
end yrer freud ist widerwertikait / dz ich nit glych wurde dem
löffel / dan die weyl d nūwe ist so braucht yn d koch / so bald er
aber alter so würfft er yn an dz feur vñ sprach zu meinē gemüt
laß dich geselschafft nit fürē da du sameln mügest da durch du
nicht werdest dz dir nicht geschee als dē rauchfaß / dz vō vil kō
len entzündt würt mit weirach vō dē die vmbstender gütē gesch
mack empfahē vñ ym blybt nicht dan das es dauon verbrint /
ich warnet auch myn gemüt dz es sich nit ere d weltlichen hof
fart betriegē ließ dz es nit glych wurd dē gepflantzte hōr dz auff
dem haubt seinem treger so wert ist / vnd wann es zu der erden
fallt das er es mit seinen füßen hyn vnd hiene stoffet

nūwe nit mit deyner arbeyt sprach ich zu meinem ge
müte vnd laß dich nit vertrießen der widerwertikeit

Das erst Capitel

ymb das künfftig leben das du dardurch den verdienten lon verlierest / vnd beschee dir als einem kauffman der einen ganzen gaden voll guldener vnd seyden tücher hett / vnd gedachte soltu das alles by der elen verkauffen das würt dir langwey / lig vnd verkaufft das in einer summe / vnd do er das gelt zalt da hett er das ymb das halb zu nahe geben mit seyner verlust vnd vnderwant much darumb der artzney die todten zu erquickten / vnd erwelet mit hie bey die bücher darinn ich die erkent / muß des vnderscheids sünd das vnrecht zuuermeyden vnd gut dat zuuolbringen / dann ich fandt in den büchern der medicant mit vō den setzen oder statuten die sele zu reynigen vnd vnder / want mich der bücher darinn ich verdienen mochte künfftigs leben erkennen möchte damit der menschen gemüt von dem tode der vnuerstendlichkeit erquickt werden mag.


Der do ich die bücher der weisheit von den gesetzen aller geschlecht der welt erkant / vnd dye maister aller zungen der solcker erfragte mich zu vnderweisen durch wellich gesetz ich die warheyt / von der vnwarheit vnd die gerechtigkeit von der vnrechtigkeit aller bast erkennen möchte darinn zu wandeln vnd zu bleibe mit ainseltigkeit meins hertze vñ mit übung genemer werck da fand ich by yn allen nicht dann yegliche nation sein gesetz zu loben vnd dye andern zu schelten / vnd merckte dabey das ein yeglicher nach lust vñ gefallen seins gemüts inn seinem gesetz wandelt vnd nit nach dem grunde der gerechtigkeit / dann ich fandt bey yn allen nicht das mit dye gerechtigkeit zaygen möchte / vnd darumb wolt ich kainem vnder denen glauben alles in sorgē mit wurd geschehen als dem der leycheftertig was zu glauben / dann es gieng eins mals ein dieb mit etlichen seynen gesellen in der nacht zu eyns reychen mannes hauß zu stelen / vnd do sye nur auff des mans hauß dach kamen / do wurden sie vō dem hauß wirt / der bey seiner frauwen an seinem bedte lag erhort / vnd von stundan merckte er das sye von stelen dahin kommen waren / dann sye vor gar vil diebstale vnd mordes inn der statt

begangen hat vnd sprach zů seiner frauwen /ich hör die mörder
auff vnserm dach die wöllent das vnser stelen/vñ ob wir das
weren werdent sye vns villeicht ermorden/darumb thū nach
meinem rat vnd frag mich mit lauter stym wie ich mein reich/
tumb gewonnen hab vñ ob ich dir das zů sagē verziehe so laß
doch nit ab an deinen fragen/die frauwe thet nach geheiß yrs
mañs/der man gab ir mit verstentlicher stymme antwurt vñ
sprach/laß dich genügē das ich dich in groß gůt vñ reichthumb
gesetzt hab/iß vnd rñet vnd leb in freuden vnd frag mich nit
vmb sachen die dir nit zů sagē seind/es möcht der hören es zug
sich dir vnd mir zů großem schaden/die frauwe sprach ich bit
vnd ermane dich gůter trüwe der du allweg an mir befunden
hast vnd nit verhele dise versach vnser reichthumbs vor mir/
dann es ist nyemans der vns yetzt hören müg so bist du meins
verschwigens sicher/der man antwurt dem weyb vnd sprach
wey wol des weysen wort warnung geben die heymliche ding
vor der die in deiner schoß schlaffet zů bewaren so geyt mir do
ch das getrüwen deiner liebe dir das nit zůuerschweigen /vnd
sprach wiß das ich mein reichthumb alles mit stelen hab gewun
nen antwurt die frauwe /wie mag das sein du bist doch früm
von allen mensche gescherzt/antwurt der man wiß das ich sol
lichs mit betrachtung vnd weyßhait geton hon vnd heymlich
vnd fürsichtlich das des nyemant hat mügen innen werden
sprach das weyb wie was das/antwurt der man ich gieng by
der nacht bey vollem monschein vnd staig auff die decher der
heuser darinn mich reichthumbs versach vñ nam war der dach
fenster durch die decher dardurch der monschein vnd sprach di
se beschwerung zů sibem malen. Sulem Sulem vnd begrayff
dann den schein des mons vnd ließ mich daran durch dz hauß
zů der erden on alle laydigung/vnd wann ich also auff die er
de des hauses kam so sprach ich aber die wort der beschwerung
sulem sulem so wardt mich durch den schein des mons gezeygt
die stat des schatzs vñ giengen damit auch alle schloß auff/vñ
wann ich mir genam nach meiner begird so gieng ich wider zů

Das erst Capitel

dem schein des monen vñ thet myn beschwerung wye ich vor
geton het so gab mir der schein güt stat wider zü dem tag fen/
ster auß zügen als ein gemachte stieg vnd bracht also meinen
diebstal on all sorg in meinen gewalt.


No waren die drey dieb auff dem dach do sye dise
kunst horten vnd sprachen zü samen/nun haben wir
funden das vns besser ist dann aller schatz golds od
silbers dann yent haben wir funden die kunst damit wir reich
tumb überkumen mügen on alle sorg vnd enthielten sich so lög
biß sie bedaucht das der haußwirt vnd sein gemahel wider ent
schlafen weren/da stond der elter vnder yn auff vñ gieng zü
eyn tag fenster vnd ließ sich an den mon schein in glaubē dar/
an in das hauß zü kumen vnd thet die wort der beschwerung/
vnd vmb sieng damit den schein des monen vnd ließ sich zü tal
vñ siel auff sein anzlic auff des hauß boden zühant stünd auff
der wirt vñ lieff über yn mit einem grossen bengel vnd erbett
ym sein haut vnd sprach wer ist hye/diser antwurt vnd spra/
ch/es ist einer der so bald gelaubt hat vnd damit betrogen ist
dann das ich hort hab ich glaubt ee ich das zü recht erfare hab
vnd bin darumb wirdig deiner strach



Das erst Capitel

V gelauben das ich den grunt nit wesse vñ da durch
ich villeicht Jrr gan möcht / ward ich forchtſam vnd
nam mir aber fur zu beleiben in dem geſetz meiner für
faren vnd gedacht doch ob ich also Jrr gieng / dann ein zeubrier
deß vatter vnd müter vñ alt fordern zaubrier geweſt ſint d wirt
doch in ſeinem glauben geſcholten / vnd ym wirt ſein langer ge
bruch ſeiner fordern nit zu gelaffen deſter beſſer zu ſein / vnd ge
dacht mir an einen der was vnmeſſig an eſſen vnd an trincken
vñ da er darumb beredt ward gab er antwort. Also hand mei
vatter vnd müter vnd mein altſordern gelebt / vnd befand das
ym ſolichs kein entſchuldigung was dz er darumb auch also le
ben ſolt / vnd betrachtet mir hie mit das ich darumb nit verſach
het in geſetz meiner fordern zubleiben. Sunder ich nam mir für
die geſetz d rechten wathait zu finden darinn die menſchen ewi
ges weſen verdienen möchten vnd beſant dabey das mein ende
meins lebens naher vnd das meiner tage vil verzert waren vñ
ſprach wider mich ſelbs du wiſt nit wie behende das ende deins
lebens iſt / vnd gedacht das ich erſtmals geton het die werck die
ich wond zu zale der gütten dienen ſolten. aber mitt ſöllichem jrr
gan mains ſuchens ward ich daran verhindert / vnd villeicht
wurd mir geſchehen als eym von dem man also ſagt. Es was
ein weib die het einen elichē man vnd zu ym einen hülen vñ het
auß irem hoff ein heimlichen außgang vnder der erden bei einē
galbrunnen gemacht zu nottufft ob der man vngewarnt kum
men wurd das der hüß dadurch entrinnen möchte / auff ein zeit
ſtand ſie bei irem hülen vnd ſach iren man zu hauß kummē / ſie
ſprach / lauff bald bei den galbrunnen findeſt du einē heimlichen
außgang er kam wider vñ ſprach / ich find keinen brunnen dan
er iſt zugeworffen. Sie ſprach / narz ich ſag dir nit von dē brun
nen allein das du den außgang bey dem brunnen finden ſolteſt.
Er antwort du ſolteſt mir nit den brunne genēnt han da er nit
mer da was Sie ſprach hebe dich vñ mach nit vil wechſel wort
es würt dir zekurtz / der narz gab ir wiß wort in dē kam d elich
man vnd ſchlug yn gnügsam vnd antwort in dem richter

b. j.



Das .ij. Capitel .

Je wol ich nun hier inn 'förschtet das mir villeicht in meinem wegsell gedencken mit verlengerung . Auch also geschehen möcht so gedachtich da zū leben nach meiner vernunft in einer gūten gewissen dat inn alle gerechte gerecht gemūt gehellen / vnd satzte mir für kainen menschen zū geweltigen vñ mich vor aller üpiger hoffart bewaren / nymant dz sein zunemen / niemant zū betriegen / vñ niemant lügen zūgeben die ym schaden möchten / vnd hūte mich vor aller übelldat vnd hieß mein gemūt nichts begeren das wider das künfftig leben were / vnd det mich von den bösen vnd kōrte mich zū dem gūten / vnd betrachtet das dem menschen kain bequemlicher freund noch gesell ist dann gerechtikait / dann sy ist ym erlicher dann vatter vnd mütter / vnd wer sy behele darff nit förchten wasser noch feur / mōrder oder dieb / oder all ander zūfelle diser welt . Vnd ich nam acht deß der die gerechtikait verachtet / dān er west nit ir ende vñ volget nach einer clainen freude vnd wol lust diser welt / vnd die macht yn vergessen deß gūten der künfftigen zeit / vnd ward gegleicht einem kauffman von dem sagt man er hette vil edels gestains das verdingte er einem maister zū palieren / vnd gab ym eins tages dreissig schilling / vnd da d̄ maister anfieng zū palieren da kam der kauffman zū dem palierer vnd fant bei ym ein harpfen in seinem gemach vnd sprach / ob er darauff spilen künd / vnd bot ym die harpfen / vnd bat in darauff zū spilen . Der palierer spilte darauff den ganzen tag vor dem kauffman auff der harpfen mit seinem gesang / vnd da es abent ward hiesch d̄ maister seinen lon . Der kaufman sprach Was hastu dann gearbait darumb ich dir lon geben solt . Er antwort . Ich hab nach deinem gehaiß getan / vnd triben sollich wegselwort biß der tag ganz hienweg kam . Vnd er must dem maister seinen lon geben vngelobt seiner stain vnd vngel palieret .


b.ij.



Das erst Capitel.

Ch s. zte mir für die welt da ich ir üppige übung er/
kant zuuerlassen / vnd mich in ain bewert abgeschai/
den leben zu befestigen / dann ich merckte das ain ab/
geschaiden gaistlich leben den menschen bewart als ain vatter
seinen sun / dann ich sich das die gaistlichen abgeschaiden men/
schen begrüßet werden / die sich dar inn diemütigen vñ die sich
lassen benügen mit der speise die yn gefaszt ist . Vnd schaiden
sich ab von dem lüst diser welt / vnd sint genüig mit dem das
yn von got erachtet vnd von iren obern zu geordnet ist . Vnd
sint frei von der trübselligkeit diser welt vnd vnforchtam / rü/
wiges gemüts . Vnd nam mir für der obgenanten menschen ei
nes zu werden / vnd ward doch in mir gedencken ob ich das in
die harre nit erzeugen möcht vnd das mich mein gelust wider
zwünge zu der speise der ich vor gewonet hett von iugent / vnd
betracht / solt ich mein wesen dar inn ich ersamlich erzogn was
verlassen / vnd würde dann das angefangen wesen nit behar/
ren / so geschicht mir als dem hündt der bei ainem wasser gieng
vnd trüg in seinem münd ain stück flaischs vnd sach den schat/
ten dauon vnd gedacht ym seinen münde auff zethon vnd das
auch zefassen / vnd also entpfiel ym das gefaszt stück auß seinem
münd vnd ward beraubt der beder.

•b.iii.



Das erst Capitel.

Echt ward ich erst forchtsam mit betrachtung solt ich
das abschaiden leben anfah:n vnd darinne nit be/
harren vñ gedacht mir zůbleiben in meinem stat das
mir ward geoffenbar et das kein freud noch begird oder wesen
diser welt ist es werde zů seiner zeyt gemüschet mit schmerzē vñ
traurikeit oder widerwertikeit / als das gesalzē wasser ye mer
man das trincket ye mer lusts zů trincken vnd dursts nach vñ
nach erwachsend / oder gleich einem herren bayn da noch et/
was geschmacks von süßikeit des fleisch in ist. so das ain hůde
findet der nach dem geschmack on alle frucht büßung seins hun/
gers naget biß ym die biller seiner zen daruon blütig vnd sere
werden vñ hört doch darumb nit auff / vnd ye mer er naget ye
wirser er seinen zenen tůt / oder gleicht einem alten weigen der
ain klein fleisch findet vñ so er sich da mit speisen will so st:egē
zů ym die andern fressigen fōgel vñ müß sich der mit not erwe/
ren die weyl er das fleisch in seinen klauwen treget / vñnd mag
doch des nit vor ynen gemessen / zů lest will er sich růwig ma/
chen so last er das fleisch vnd belebt hungrig wie vor / oder ge/
leicht einem faß das in seinem ober tail mit hōnig verdeckt vñ
ist darunder verborgen giff / vnd wer des hōnigs süßikeit ver/
sucht der findet da bey vil d bitterkeit / oder im ist gleich als ai/
nem schlaffenden dem etwas entrommet d in seine gemüt ain
freud hat / wann der erwacht so endet sich sein freud mit dem
schlaff / oder als ain nachtplitzen der gibt einem menschen ain
klaine weyl ein schein der haitre vnd darnach last er den men/
schen in d finster als vor. oder als einem seiden wurm d seine fa/
den fast lang auß ym selbs spinnet vñ macht sich selbs d ardur /
ch zů nicht

Delich schantz ichs meinē gemüt das es so wandelbar
lich genaigt was zů leben / vnd sprach / es zympt sich
nit das ich mich wandel von einem stat in den andr
vnd aber von dem in disen vnd nit in gleichem wesen vnd ge/
müt verliebe das ich icht geschantz werd als d richter der bei al/
ten zeiten gewest ist / vñ dem man saget. Es keme aincer zů ym

vnd erzalt Im sein sach vnd er gab vrtail für den selben. Bald kam dy ander party vnd erscheint Im ir sach / dem gab er auch vrtail nach seinem gefallen / vnd da ich mir gedacht was mir widerwertiges in dem abgeschaiden leben zů fallen möchte / da forcht ich mir dar Inn zů kommen / vnd befand an meinem gemüt ym sölichen schwere zůsein vnd das es in begere was lieber In wollust diser welt zů sein vnd zů leben. Vnd ich sprach schelt ende zů meinem hertzen. Wayst du nit das wollust diser welt so mit kümerlicher widerwertikait vol ist / vnd das sein wollust erzeugt zů ewiger peinlichkait / vnd sprach zů im. Gedencck das besser ist dy pitterkait des wermüts dy hinder Im hat ain gesunde süssikait dann dy süssikait dy hinder ir hat ain langwerende bitterkait wirt ainem menschen gegünnet zů leben hundert Iare / vnd doch nit anders dann Inn grosser arbeit kümer siechtag / en vñ traurikait / armüt vnd aller widerwertikait Vñ darnach solt er in diser zeit allen lust seins leibs reichtumb haben vnd on alle sorgfeligkait leben weren im nit dy hundert iare als ain ainiger tag. Also ermannet ich In mein gemüt / vnd sprach. Warumb solt ich verschmehen das abgeschaiden oder ain gerecht leben dar Inn ich ain kleine zeit widerwertikait / vnd darnach zů ewiger freud vnd freude komen möchte / vnd sprach zů meinem gemüt. Sichstu nit das dise welt ist vol trübselikait armüt arbeit vnd widerwertikait. Wayst du nit das der mensch von der zeit seiner entpfachung von mütter leib gat von ainer trübselikait in die ander zc.

Ygentlich findest du das in den büchern der naturlichen maister der Arznie wie dy erst gestalt der geschöpff des menschen in mütter leibe genant Embrio kombt von ainem samem aines manß mit vermischung des weibes zů gebung / vnd dar auß wirt ain scharpff pünckly das sich ain wenig zů samem müscher zů ainer dicken materi. Darnach gewint die flüssikait überhant mit gemüschem blüt vnd wirt dann gleich ainem wasser. Darnach wirt es getailt in dy glider in sunder zal der tage. Dann ob es ain knab ist so wirt ym sein

Das erst Capitel.

antlüt gestalt zu den lenden seiner mütter/vnd in sechzig tagen wirt sein taylung der gelider/vnd wirt ein gelassen in dy haimlikait seiner geburt vnd wirt Im sein ougen vnd antlüt gepogen auff seine knüw vnd mag kain sein gelid geregen/sunder als ain kart gebogen zûsaugen von dem nabel seiner mütter dauon es sein narung entpfacht vnd in sollicher arbeit beleiben biß zu der zeit seiner geburt. Mit was not es zu zeit der geburt von seiner stat zu weichen bewegt/vnd mit was angstberkait es geboren wirt ist kôum zu sprechen vñ was schmerzen es entpfindt so es von mütter leibe an gedastet wirt/nit minder dann ob ainem gewachsen sein haut abgezogen wurd. Darnach bleibt es in vil arbeit vnd schmerzen/dann mit hunger so es trincken muß/yetz mit durst so es essen muß. Mit wetagenn den es nit sagen kan/dann wirt es getragen so es gern ledig wer. Darnach se es die zeit der wiegen über kombt/so muß es darnach vnder dy rütten teglicher straffe leben manigerlay siechtagen vnd zûuell dulden. So es dann ergreiffet dy tage der mannlichen iugent/dann so fellet es erst in besintliche ansehung. Hie mit begirde richthumbß/da mit füre der minne/dort mit überkomen aims eelichen weibes/vnd sorg der angefallenen kinder wie er dy ernewen mög. Dann volgen im nach zûuell der vier element das sein complexion auff ytweders zûuell genaigt darauff im siechtagen entstehen werden. Dann wurd er gepeiniget mit wachen/mit trôumigen schlaffen/kelte hiez schne regen reissen/vnd vil ander mißfellikait. Darnach kommet sein alter/Ja ob das er lebet/dann werden ym zwen knecht zu gedinget der haisset einer der schmerzen/der ander sucht/dy Im vrientlich genauwen warten wann das alles mit were vnd sich vor aller widerwertikait bewaren möchte/vnd allaine gedecht den tod den er so mit herter grimikait leiden muß/der in schaidet von gut/von eren/von seinem schönem weibe/kynder vatter vnd mütter vnd gefellen/vnd von allem seinem grôsten wollust dyser welt. Vnd muß faren da hyn da er nit wiß wie er entpfangen wirt/oder wo hyn er geacht ist/so bedecht er billich vnd versehe sich nach seinem ver


müß züuerlassen alle freud diser welt zeit die zü sorgkünstigs
leben bringen mag/vñ besunder übung d yezigen welt die sich
so ganz in verkörunge gestalt hat züuolbringen die vndat vñ
die gerechtigkeit züuermeiden

Vñ sehē wir das die zeyt diser gegenwertikait sich so
gantz von güt zü vngüt verkeret hat/dann die wort
der gerechtikait werden vertilget/vnd die vngerech
tikait fürtringet/die gerechtikait wirt geschwecht /vnd die vn
gerechtikait gesterckt/die kunst d weißhait bleibt heimlich/die
torhait vnd ire gebrücher geöffnet/Liebe des eben menschen
verborzen/neyd vñ haß kunbar/die regierung wirt genemē
von den gerechten vñ geben den bösen/die falschait wacht vñ
die warhait schlefft/Der baum der lügen treit frucht vnd der
baum der warhait ist dürr/die weg der boschait scheinen aber
die weg der gerechtikait sind finster/der gyl d getikait ist auff
geron züuerschlingen was er findet/aber der güt will ist ganz
verlassen/Dye bösen werden erhöhet biß zü dem hymel/vnd
die güte vnder gedruckt in die tieff/das adelich gemüt wirt ge
druckt durch die s:ß der vnadenliche/der fürst kert sich von dē
st:il der erbarmung zü dem sitze der grimmitait/vnd ist zü vn
recht verkeret dise ganz welt/sprechent/ich hab verborzen dye
gü:en d:ng/vnd die bösen hab ich geoffenbart

Erechlich nam ich mir darauff versuchung meiner
vernunfft/vnd fandt das der mensch in seiner gesch/
öpff besser ist über all ander creatur vnd sich doch nit
bewaren will zü gan von einem bösen in das ander/vñ wiß
doch welcher mensch ein klain der weyßhait bey ym hat das er
diß züuermeiden wol gedenccken mag /aber ich befinde da bey
das mich verwundert das ein klain rsach diser verhindrung
ist ein kurtzer wollust vnd freude dye der mensch in diser welt
befindet/alleyne durch sehen hören riechen schmacken greiffen
vnd befindung/vnd ist möglich das der mensch des lüzels übe
rigs hab inn diser welt dann ein klaine weyl vnd vergisset dar
durch sein sele zü behalten.

Das erst Capitel.

In sollicher mensch würdt recht gegleichet ain man
der floch einen lewen der yn iagt / vnd kam zu ainem
dieffen brünnen vñ ließ sich dar ein vnd hüß sich mit
seinen henden an zway claine reßlen. So bei ende deß galbrün
nen gewachsen warend / vnd sein fuß satz er auff ain walzen/
den stein / vnd sach vor ym her gan vier tiere die mit geduckten
haubten vnd yn begertū zuuerschlinden / vnd da er sein gesicht
von ynen zu tal kōrte da sach er ainen greuselichen trachen mit
auff getanem münd vnder ym im gründe deß brünnen / beraut
yn in seinen giel zu enpfachen / vnd nam war das bei den zwai
en reßlen daran er sich hüß ain schwarze vnd ain weisse mauß
waren die ab zenagen nach irem vermügen. Dieser mensch da
er in so grossen engsten stund vnd mit west wann sein end was
da ersach er neben ym zwischen zwaien stainen ein wenig hō
nigsams / dauon leckt er mit seiner zungen / vnd durch entpsin
dung der clainen süßigkeit vergaß er ym selber für zu sehen wy
er von seiner angst geledigt werden möcht biß das er viele vnd
verdarr. Ich geleich den brünnen diser welt / die vier tiere die
vier element von den alle menschen zum tod gefordert werden /
die zwai reiß das leben des menschen / die weiß mauß den tag /
die schwarz mauß die nacht die sterz das leben deß menschen ab
nagend / durch den trachen das grab deß menschen das sein al
le stund wartet das wenig hōnigsam der zergenglich wollust
dieser welt durch den sich manig mensch in ewige vnruw ver
senckt.



Das Ander Capitel.

Lecht zu fertigen meine werck / vnd die nach meinem vermögen in besserunge zu setzen / gedacht ich mir zu werden ein ainsidel vnd mich göttlichem dienst zu ai genen das ich mir erwerben möchte ein bestentliche rüw in der fünfftigen welt in der die Innwoner nit sterben noch ynen keiner müßfelliger zuuall begegnet . Vnd straffte mein gemüt sich zu bewaren vor allen vnrechten dingen / mit büßwertigem rüwen deß so ich in vergangner zeit volbracht hette . Vnd belaub also in sollicher ainigkeit meines lebens . Vnd da ich von India wider ainheimisch ward da bracht ich diß büch in geschrift der Persien dar inn ich das von Indischer zungen gesetzt hette . Also anfachende .

Hie endet sich das erst Capitel von der gerechtigkeit vnd der forcht gottes . Vnd facht an das ander Capitel von ainem Lewen vnd einem Ochsen . Vnd ist das Capitel von trügnüß vnd von vntreuwe .




Ib mir sprach Disles der Künig von India / zu Sendebat seinem weisen maister / ein beispiel von zwaien guten freunden / vnder den ein verräter mit lügen sich vermitelt so lang biß er sie zu vergießung ihres blütes bringt . Antwort Sendebat dem Künig . Herr ich wiß wann treuwe gesellen durch lügen gen einander verwundet werden das ir haß vngemessen vnd ir leben gen einander ganz vernicht würd / vnd ynen geschicht als dem Lewen vnd dem Ochsen . Der Künig sprach . Wie geschach das . Antwort Sendebat . Man sagt es sey gewest in einer Prouintz zu India ein kauffman gar vast reich /


der hette drei sün die hetten nit acht zū behalten das reichthumb
ires vatterß/sunder das iüppeclich zūuerreren. Die berüfft ir
vater vnd sprach. Lieben sün es sünd drei ding die ein mensch
in diser welt suchen soll/vnd soll doch die nit dann durch vier
ding finden/die drei die er suchen soll sünd nahrung seines leibs/
einen erlichen stat bei den leuten/vnd sich wissen zū bewaren.
Aber die vier damit er dise drei überkomen soll sünd Das er sein
güt erberlich vnd gerechtlich gewinne. Das ander das er die
wisse zū meren. Das dritt das er die zū nordurfft mit eren wiß
zū gebrauchen. Das vierde das er dardurch ewigen lon wiß der
künfftigen welt zū überkomen. Vnd welcher diser eins übergat
dem erscheinet nit das best ende von seinem güt/dann welcher
nit wiß noch will sein güt zūmeren vñ dauon alle zeit braucht
dem geschicht als dem der ein salbe hat zū seinen augen wie we-
nig man pflegt dauon zūnemen so würt doch zū lenzt nicht da.
Welcher aber das so er besitz mit seiner fürsichtait meret/vñ
aber deß zū seiner nordurfft nit gebraucht der würt billich arm
geschetzt/dann sein reichthū ist sein herr. Vnd zūlenzt geschicht
seinem scharz als einem krüg der vol mosts vnd beheb gestopfft
ist/vnd so der nit lufft hat so zerspringt er zū mal vnd würt der
most zū vnnutz verloren. Vnd da die süne das erhörten da sa-
ten sy ir gemüt dem nach zūkomen. Vnd der elste gieng seiner
kauffmanschaft nach in ein stat dar inn er zwen oxsen dreibñ
vnd da verkauffen wolt/hieß der ein Senesba/der ander Te-
neba/vnd auff der strasse kam er in einen engen weg der vast
tieff vnd vn sauber was also das ym Senesba versanck den er
mit arbeit wider herauß ziehen vnd den onmechtig hinder ym
in eins seines freundes hauß verlassen/vnd er warde so krank
das yn der haußwirt von ym zū velde iaget. Diser Senesba
gieng hyn durch den walt vnd fand ein grosse weite gar mit
fruchtbar waide vnd feucht/vnd gedacht ym/hie bistu abge-
schaiden von aller forchismitait vnd arbeit bei guter waide da
du dich selber widerbringen magst/hie wiltu dein wesen setzen
vñ dich deß benüßenn lassen das dir nicht auch geschehe

Das.ij.Capitel.

als einem der was gangen in ein walt vmb holz zů seiner not/
durfft/vnd was holz er sandt gedaucht yn vnnützlich/vnd
gieng so lang far vnd für biß yn ein schar wolff betrat ab denen
er forcht nam/vnd ynen zů entweichen floch er zů einer brucke.
vnd da ym die nachfolgten da sach er das die bruck zerbrochen
was/vnd gedacht über die bruck magstu nit komen/so kanstu
nit schwimen/erwarttestu der wölff so bistu gefressen/nicht bes/
ser du lasset dich in das wasser dir würt villeicht darauß gehol/
fen/vnd warff sich selbst in das wasser. Von geschicht waren
fischer bei dem wasser die yn hörten schreien die hulffen ym auß
vor onmacht vnd deß wasserß so ym in seinen leip gangen was
leinten sie yn an ein maur/vnd da er zů ymselbs kam da erzal/
te er den leuten durch was versach er dahyn komen vnd wie er
durch ir hylff von dem tod erlöst was. In sollicher rede viel die
manr daran er geleinet was vnd schlug in tod.



Also nach kurzen tagen ward Senesba von der gütten waid zu seinen krefftigen kumen vnd sieng an nach seiner art zu luten mit starcker vnd laudter stimme. Nun was nachend bei diser waid ain wonung da ain lew wonet der ain herr vnd regierer was aller tiere des lands / vnd bei ym warend vil d tiere als wölff beren fuchs vnd d gleichen an sein hof. Diser lew was ains grossen gemüts / eigenwillig vnd haimlich in seinē fürnemen seins rads. Auff ain zeit hört er die stimm vō Senesba vñ erschrack dar ab dann er het bei seinen tagen d stimm gleichen nit gehört noch d tiere gesehen / vnd behiele die forcht in sein hertzen / vñ schambe sich des yemand zesagen / vñ vermied da bei das zu wandeln so er gewonlich getan het. Nun warend bei ym vñ sein hofgesind zwai tiere brüder vñ gefellen hieß d ain Kellila d and Dymna / vñ sprach Dymna zu sein brüd Kellila. Hastu nit achte genomen dz vnser herr der lewe nit nach seiner gewonhait auß gat od wandelt / od dy kürzweil rüt d er sich biß her gebraucht hat. Antwort ym Kellila. Brüd was bewegt dich zu erfaren das vnß nit zústat / wir habñ vnsern stat d vnß zu geordnet ist vñ dar in kain gebreñ vñ vnß gezumbt nit nach vnserm stat vnser herrn haimligkeit nach zefragen / wir würden dann durch sein anzaigung dar zu bewegt. Dañ wiß wer erfaren will das ym nit zústat vñ seiner hantierung nit ist d mag geschehñ als d affen. Sprach dymna wie geschach ym. Antwort Kellila. Man sagt vō ain affen d sach ain zimberman ob ain starcken baum stan vñ den auffspalten / vñ so dick er mit d art den baumb auf schlug so stieß er dar ein ain werck vñ züg dañ die art her auß fürter zu schlahñ. Es begab sich dz d zimberman vñ seiner arbeit zu essen gieng / d aff was behendlich da vñ wolt dz werck des zimermanß treibñ vñ stalt sich über den baum vñ von kürz seiner bain hieng ym sein geschirr in den spalt des baumß vñ züg die art auß d baub vnd vergaß den werck vor dar ein zu schlachen vnd clambe sich zwischen d baum dz er dar in verhefft was. Von sein geschrai kam d zimberman vñ gab ym zu d straff dar zu strach.



Das .ij. Capitel.

Nachait irret manigen man sprach Dymna / dann ich han dein wort wol verstanden vnd dein beispiel / darumb weiß ich daß nit übel getan ist darnach zu fragen damit ainer seinem herren oder freund frölich vnd seinen feind traurig machen mag / vnd sich gegen seinem herren erhöhet / dann die werden billich für toren geschertzt die sich an clainen dingen genügen lassen wann sie geschickt sint größers zu überkomen / vnd gleichen ainem hunde der an ainem durren baim das er findet freud nimbt / dann ain geborene mann gebürt sich nit an clainem genügen zelassen / sunder er soll sein gemüt hoch setzen biß er an die stat kumpt da er würdig ist. Als d lewe wann der ainen hasen gefangen hat siecht er ain merer vnd besser speise er leßt den hasen vnd begert ains bessern. Du siechst das der hündt seinen wadel so lang wegt biß ym sein herr brot fürwerfet Das helfant erkennet seinen adel vñ nimbt kein speiß die um für getragen würdt es seche dann das sie rain vnd geschmack sei. Ich sag dir wer in ainem ersamen stat vnd da mit senfftmütig vnd barmherzig ist / ob deß tag in diser zeit nit lang weren. so macht er ym selbs doch ain alte gedechtniß / dann die weisen sagen das vnder allen den der der armst gehaißen sei des tag in neid vnd haß verzert werdend.

Jerisch ist es gelebt sagt Dymna der sein speiß nit suchen vnd hünge leiden wil durch forcht geleich etlichen vnuernünftigen bestien die durch neid den sie in ire hertzen tragen darumb mangel leiden vmb das ander deß auch nit gefreuet werden. Kellila sprach. Ich verstand dein sagen nun vernim meine wort vnd verstand die / dann ain ieglicher der in ainem güten stat ist der soll sein anschlege erlassen die mit zústand / vnd sich genügen lassen das im zu geben ist. Nun sint wir nit in dem stat das vnß ichtit gebrest darumb wir vnsern stat verachten sollen. Dimna sprach. Brüder du sagst war aber das edel gemüt ains geborenen oder vernünftigen manß gedencet alle zeit höher. Gleicher weiß das gemüt des daimnen clainmütigen mensche hat nit acht sich zu höheren stat zu bringe

c.ij.

Sunder ruckt es in sich von hochem stat zu niderem gleich dem hün wie wol das gefidert ist vñ geacht zu fliegen so findet man es doch auff dem mist. Vnd wiß das gar hart von dem nideren stat an den höchern zegangn würdt aber leichtlich würdt ainer vom höchern zu dem nideren gestossen. Zu gleicher weise ain schwere bürd ist hart in die höche zebringen / aber von ir selbst mag sie von der hoch in die nider fallen. Darumb gezimpt vnß nach vnserm vermügen von dem nideren stat in den höchern zu werben / sunder so wir deß versach haben mügen. Antwort Kellila. Brüder warauff hastu aber den gründ deines furnemenß gesetzt. Sprach Dymna. Ich sich das mein herr der lewe ainer schwachen weißheit vnd clainmütig ist / vnd wenn ich im nehe mit getorstigem radt yn freislich zeloben vñ radt zu getorstige sachen zu geben villeicht würd er mir dar durch ainen höchern stat ym zu nehen zu geben. Antwort Kellila. Wer macht dich deß gewiß das der künig sei als du sagst. Sprach dymna. Das will ich durch höflich fürwürff vnd ersuchung erfinden biß ich sein haimlich dün vnd lassen erkenne. Antwort Kellila. Wie magst du dich aines hohen stats vom künig versehen dann du bist im nye so nahend geweest das du sein dün vnd lassen oder was im gefellig od vngefellig sei wissest. Sprach dimna. Waist du nit das ain senssemütiger starcker ainer schweren bürd nicht acht / dann ain gesunder ist geschickt zu wandeln / ain weiser zu handeln / ain senssemütiger zu überkomen. Antwort Kellila. Du waist das dem künig niemand zügangt hat dann die ym zu ge ordent sint / wa durch mainst du dich zu ainem höchern stat zebringen so du doch der selben ainer nit bist / dann würt dich der künig nit selbs berüffen wie wiltu dann den zügangt haben so es deß künigs gewonhait nit ist yemants zu im zegan den er nit berüffet.

S ist war antwort Dymna das du sagest. Aber wiß das die so in deß künigs kamer yetz bei im sint nit vñ dem tag irer gebürt allzeit bei im gewesen sint allain durch etliche anseng irer schickung vnd fürsichtigkeitait vnd deß

gelücks verhengung hand sie irem stat höher wirdt:ait bei dem
 künig erworben/vnd ich hoff wann ich mich dar zu schick wie
 sie sich geschickt haben. Mir soll das gelück auch zu lassen das
 yn zu gelassen ist. Oder münest du das ich durch gebürt oder
 beraubung der element gelücker minder dann sie entpfenglich
 sein soll/dann ich mir leid: das sie geduldet haben/dann es
 haben die weisen gesprochen/es kumet keiner entpfenglich in
 dienst des küniglichen salß dann der hochmütigkeit hien legen
 vnd auff sein: angseln manigerlai widerwertigkeit tragen kan.
 Dann also sagt der spruch der weisen. Leidend in gedult das ir
 erhöhet werden. Sprach Kellila. Werest du yetzt zu dem künig
 in sein gen ich kumet was wird ordnung deiner rede sein da
 durch du dir selbs ain höhern stat bei dem künig eröbern ver/
 münest. Antwort dymna. Wann ich des künigs wesen vnd
 sitze erkennen wird so wolt ich mich des ersten der wort fleis/
 sen zu gebrauchen die ich vermainen möcht im zu gefallen vnd
 freudsam werend/vnd die mit süßigkeit der geberde vnd stim/
 lauten lassen/vn im mit widerpenig mit Worten sein/vnd wann
 er ichts het vor im zu tün das recht wer so solt ich yn darumb lo
 ben vnd im sagen was güz dauon kumen wird vnd yn dar in
 stercken vnd meinet fließ anhöran das im sollich mit freude ge
 linge. Wann im aber etwas vngleichs in seinem müt fiel dar
 inn forzligkeit wer so wolt ichym mit meinen Worten entschlis/
 sen was arge dar auß entspringen möcht vnd das tün mit die/
 mütiger zungen vnd ich hoff das ich das baß zetün wisse dann
 keiner yetzt an des künigs hof sei. Antwort Kellila. Nach dem
 das du dein gedencet hast gesetzt zu nuz vnd ere des künigs so be
 darfft du forgedas du dauon yemants da durch beschwert wer
 den mögest/dan es sprechen die weisen es sint vier ding der sich
 niem:and vnderzih: dann ain toze vnd müz yn niem:and enttri
 nen dann der vernünfftig. Das erst ist haimlicher rat vnd dien
 er des künigs. Das ander haimlich sach offenbaren seinem wei
 be. Das drit nießung vergiftter ding/vnd über das mere zesa/
 ren/dann die weisen scherzten der herren dienst gleich ainem

hohen berg darauff baum stand gûter lûftiger frûchte/vnd sint
aber bei den baumen vil hûlen der beren wôlff vnd der andern
dûctischen tieren/vnd wellicher der frûchte gewinnen will der
muß wol gewapend vnd mit maniger were bewart sein/vnd
allweg in sorgen leben. Sprach dymna. Jetzt verstand ich an
deinen worten das du ain getreuer warner bist/doch so wisse/
wer verzagelich lebt vnd sich fürcht in widerbertigkeit zû setzen
der mag selten in hohen stat kumen/dann man spricht es sint
drei ding dar zû niemand kumen mag dann mit hilffe aines
grossen gemûts dem kûnig zedienen/ain merckart zetûn vnd sei
nen seind zeshedigen. Auch sprechen die weisen das man ainen
hochuernûnfftigû maû alain an zwain orte find: sol in dienst
seines natûrlichen herren/oder in dienst gottes in der ainigkeit
gleich dem helfant das durch sein hochmûtigkeit vnd wurde al
lain funden wirdet in dem hoff der kûnig/oder in ainigkeit der
welt. Antwort kellila. Gang hien vnd der herre bewar dich in
deinem fûrnehmen. Also gieng dymna zû dem kûnig vnd grûste
yn vnd der lewe fragt die so vmb yn stunden wer diser wer. sie
sprachen/herr es ist auch ainer ewers hofgesinds/vnd ist deß
sun des geschlechts. Antwort der lewe. Ja ich hab seinen vater
wol erkant vnd rûffet im vnd fragte yn/wo ist dein wonung.
Antwort dymna. Herr ich hab iertz manig ier nie vermiten ze
dienen bei der tûre deins sals gedenckend/es kumpt etwen die
stund das du dem kûnig zû etwas nûtz sein magst/wie wol ich
mich mit hoher gebûrt od vernunft erkenne/so bin ich auch mit
bei den minsten das villeicht etwas nûtzlichs durch mich ge
wûrckt werden môcht/dann wie schnôd vnd vnwerd die agen
ist die auß dem hanff geschwungen vnd hin auff das ertrich ge
worffen/so wirt sie etwen zû nutz gebraucht das sie ain mann
sein zen zû raumen gebraucht/dann die tiere den der welt lauff
vnd handel aller maist kûnt vnd wissen sint die werdent billich
vont dem kûnig für ander gewirdiget.

• Das.ij. Capitel



oiii.

Er gefellet sprach der künig die rede vnd wort dymne
vnd bin fro / dann ich hoffe bei ym gütten vnd weisen
radt zefinden / vnd sprach zu seinen dienern. Wissend
das dieser ain verstendiger vnd weiser ist / vnd das wir bei sein
er zucht vñ diemütigkeit verstand das der edel vnd ob sein adel
nit kumbat ist so zeugt doch den sein natur das er nit verborgn
bleiben mag. Gleich dem feur wenn das entzündt wirdt so leß
es sich dann nit verbergen. Dymna erhöret die wort des lewen
vnd verstand das sie dem lewen genem waren vnd das er gnad
bei ym funden hett. Es ward auch den haimlichsten retten vnd
dienern vom künig entpfolhen des künigs haimlichkeit vnd des
gerichtes sach ym nit zuuerhalten sunder mit seinem radt zuhan
deln dar auff fleiß er sich bei dem künig zusein vnd von ym nit
zu weichen vnd ym zusagen da mit er des künigs günt erwerb
en vnd sein weisheit ym ertragen möcht vnd sprach. So lang
die weisheit in ainem mann verborgen leit vngeübt so ist sie ge
leich dem samen in der erd der nit gelobt wirdt biß er sein frucht
ertraget / dann es gezimpt sich ainem künig des acht zu nemen.
vñ yeglichem zu setzen nach seiner werde dann man spricht das
zway ding sint die niemant gezimen auch dem künig nit dann
für ain toren würde er gescherzt der sein schüch an sein hent leit
vñ sein hentschüch an sein fuß. Desgleichen das der weiß man
gesetzt würde an die stat des narren vnd der tor an die stat des
weisen / vnd sprach. Herr künig wiltu in deinen sachen deines
reichs auff gen vnd rüwig regnieren so hab deiner diener acht.
war zu dir yeglicher der nüttest sein müg vnd wie yeglicher sein
dienst volbring / dann nit in vil zale deiner diener stat das hail
deins reichs / sunder in nutzbaeren dienern ob der nit so viel ist /
dann ob ainer ainen grossen vnnutzen stain ainen ganz auf sei
ner agsel trüg / er mag dauon nit so vil krafft oder nütz entpfan
hen als der ander von ain fast clainen edeln stain den er an sei
nem finger dreit / sunder die diener der betriegnüß vnd list die
man forchten muß die sint dem künig nit nütz. Es gezimpt sich
auch nit das der künig adelich gedat vnd vernünfftigs gemüts


Das.ij.Capitel.

bei yemand verachtet auch ob er das bey ainem vnachtbarem man funde/dann gar dick siecht man das wenig in viel wegset vnd das veracht zu nutz kummet/als das gedermte von ainem doten tiere hien geworffen darauß saitten gemacht werden/da mit dem künig zu kürzweil gespilt würdt/oder zu ainer sennen ains pogens gemacht deß sich der künig zu schimpff vnd ernst gebrauchen mag. Vnd dymna wolt nit das man gedecht das yn der künig darumb lieb haben solte/als er gesprochen hett er het sein vatter wol erkant/sunder überhüb sich seiner weißhait da er hort das sie dem künig wol gefiele das er yn darumb lieb gewinn vnd für ander hoher gebürt eren solt/vnd sprach der künig soll niemand lieb haben durch willen irer vater vnd mütter. Er soll auch niemand hassen vmb vrsach vatter oder mütter/sunder et soll acht nemen der vernunfft vnd künst seiner diener vnd wes er yeglichs bedarff vnd dann yeglichen achten in den stat seiner wurde da durch er sein leip bewar/dan die mauß ist dem künig allernegst dann sie wonet deß nachts bei im in seiner kamer bei walen vnder seinem bett vnd ist ym doch zu kainen nütz oder ergetzung/besunder zu seiner mercklichen vnruhe. Aber der sperber würdt fere vō dem künig erzogen vnd durch sein adelich gebürt vnd sitten würdt er dem künig so lieb das er yn auff sein aigen hant nimpt vnd yn streicht/darumb soll der künig acht nemen wer im zu dienen nütz oder vnnütz sei vnd sy erkennen an irem wandel irer übung/dann es sint zwaiierlai geschlecht der menschen/die ain die allain in irem lust vnd müßwillen leben mit allen bösen sitten/der selben soll sich der künig bei zeit abtün/dann ainem der vnwissend ist gegangen über vergifft würmb das sie yn mit vergifft heten der det vnweislich das er hinwider über sie gieng züsuchen ob sie in aber nit vergiften wolten. Die andern menschen sint güter sitten vnd offenbares/rechten wandels gleich als die wolchmackenden güten würtz so mer man die reibt so mer sie iren güten geschmack außgeit. Vñ es macht sich auff ain zeit dz dymna allain bei dē lewē in seim gemach blaib da all and sei diener an ir rü gangē warē



Das .ij. Capitel.

Als iamert bistu herr künig in deinem gemüt vnd forcht
sam das zeugt dein gesicht. • Tun sprechen die weisen
das traurig gemüt dervet das gebain darüß ist dir dz
nit nüz zuuerschweigen / nun ist nit arges in meiner frag dann
zuuertumen dein beschwerde nach meinem vermügen / vnd da
sie also mit einander redten so hebt senesßba aber an vnd schreit
seinen schrai mit lauter stimm / vnd der lewe erschreckt von sol
licher stimm vnd sprach. • Diese stimm hat mich gehindert vnd
forchtsam gemacht von meinem gemach zegan / dann ich gedenck
mir das sein person groß vñ starck als sein stimm vñ dem nach
mechtig / vnd wann das also were so hetten wir nit bleibens an
disem ende. Des antwort im dymna. Ist nit args darumb mei
herr der künig trauret / so soll der künig darumb sein wonung
nit lassen / dann disem ist güt mittels zefinden dann wer allain
ob ain gedön erschrickt dem geschicht als dem fuchs. Der lewe
sprach. Wie geschach dem. Antwort dymna. Es hett ain fuchs
wandel bei ainem wasser da bei hieng an ain baum ain schell
vnd wann der windt die est des baums erwegt so gab die schel
len don / vnd da der fuchs das hell gedöne hört das bracht im
forcht vnd gedacht das sollichs ain starcks tier sein müß das so
lich gedön von im ließ / vnd sorgt von dem vertriben zewerden
seiner wonung / vnd schlaich tügentlich dar zu / vnd da er die
schell sach das die groß vnd aber ganz hol ler vnd treflas was
vnd nit dann ain gedön dathinder was da sprach er. • Nit mer
will ich glauben das alle ding die grosser erzaiung vnd greu
selicher stimm sint darumb deßter mer sterck habend.



Rügentliche stimm betreugt dir dein gehör. darumb
 hab ich dir gesagt das ich hoffen will / sehest du daß
 deß stimm die dich erschreckt hat es würd dir leichter
 dann du dir es gedencst / vnd will es dem künig gefallen mich
 zu ym zeschicken vnd in warhait vnd gestalt deß tieres zu erfa-
 ren. Diß gefiel dem künig. Dymna gieng an die stat da er Se-
 neschba fandte vnd er kant yn durch was versach er in das lande
 kumen were / vnd kam wider zu dem künig vnd sprach. Ich
 hab das tiere gesehen. Der lewe fraget yn was geschlecht vnd
 natur er were. Antwort im Dymna. Es hat mit sunder stercke
 oder macht / dann ich hab es sensstnütiglich versucht vnd be-
 funden das nit sunderliche forchtam sterck in ym ist. Der lewe
 sprach. Du solt dich nit lassen betriegen an seiner sterck. Siech.
 Der wint weet nit ab das gras auff der wiesen / vnd weet doch
 vmb die starcken beuwe vnd grossen baum. Also dünd gewon-
 lich die starcken die ir sterck nit gegen den kranken vnd onnec-
 tigen erzaygen / sunder gegen den sterckern oder ireß gleichen.
 Dymna sprach. Herr künig mit biß schreckhafft dann ist es dir
 gefellig ich bang dir yn zu deinem angesicht. Der künig sprach
 Gang hin nach ym. Dymna gieng zu Seneschba vnd redet mit
 im dügentlich das er sich nit forchten solt / vnd sprach. Der lew
 hat mich zu dir gesandt das du zu im kumest vnd eilest sein ge-
 bot zu volbringen / vnd vergibe dir hie mit das vnrecht das du
 so lang hie in seinem land gewonet vnd dich ym nit selbs erzay-
 get hast vnd ob du deß vnghehorsam sein wilt deß gib antwort
 dem künig zefagen. Antwort seneschba. Wer ist der dich zu mir
 gesant hat. Dymna sprach. Es ist der künig aller tier. Antwort
 seneschba. Wiltu mir dann glauben dün das mir nit args vom
 künig zu gesügt werde so will ich willig sein zu deß künigs ge-
 bot. Dymna schwur im des den glauben vnd gieng dar auff
 mit ym für den künig. Der künig grüßt yn vnd fragt yn tügent-
 lich. Wie bistu in das land kumen / oder was versach hat dich in
 diese wüldnisse bracht. Seneschba erzalt dem künig all sach vnd
 zuwelle die ym von dem anfang bis dar belegend warend.

der lewe sprach. Senefba hab dein wonung bei vns vnd förch
te dich nit/ich will dich an meinē hof halten vnd dir gūts tūn.
Senefba danckt dem künig diemütiglich. Vnd da Senefba
also ain claine zeit bei dem künig gewont da nam yn der künig
zū seinem rat vnd sagte yn ainen vitzumb seines landes/dann
er fand bei im vernüfftigen rat. vnd nutzbar weißhait aller sei/
ner sachen vnd gewan yn von tag zū tag ye lieber vnd ye lieber
vnd nehet im selbs biß das er yn erhöhet vnd eret über alle die
an seinem hof wartend vnd gab im die obersten stat ob allen sei/
nen retē. Vnd da Dymna sach das der künig Senefba an sei/
stat über yn vnd all sein ret geschickt vnd gehöcht het vnd das
er nun sein aller haimlichster was das wart im fast schwer vnd
nam deß traurigen müte vnd sieng yn an zū neyden vnd gieng
zū seinem brüder Kellila vnd sagt im sein schwerde vnd sprach
Brüder wundert dich nit meines toreten rats vnd meiner üppi/
gen verschung die ich mir selbs getan hab das ich dem künig zū
gūt Senefbam zū im geschafft hab das er inich auß treibt von
meinem stat. Ich hab in das schwert in sein hant geben da mit
er inich schediget. Antwort ym Kellila. Dir ist geschehen als
ains mals ain ainsidel geschach. Dymna sprach. Wie geschach
im. Antwort Kellila. Man sagt es sei gewesen ain ainsidel dem
gab ain künig köstlich gewand diß sach ain dieb vnd gedachte
wie er ym das gestelen möcht vnd gieng zū dem ainsidel vnd
sprach.


D.18.ij. Capitel.



Heilger man ich bitte dich ich bin nacket vnd arm/
vnd hör vil sagen von deiner heiligkeit vnd bin dar
vmb von ferren landen komen das ich bey dir won/
ung neme dir zū dienen von dir zū lernen. Der ainsidel sprach
Du solt nachzal hie bei mir haben / vnd morgens gefiel ym deß
diebs wesen das er yn bat bei ym zū beleiben vnd der dieb won
te bei dem ainsidel vnd dient ym wol vnd andechtiglichen / al
so das er ain glauben an yn gewan vnd im ganz getrauwet /
vnd ym in seinem hauß ganzen gewalt gab. Auff ainen tag gi
eng der ainsidel in ain stat zū bitten vmb sein nordurfft / da er
hüb sich der dieb vnd nam dem ainsidel alle seine claider vnd
floch hinweg / vnd da der ainsidel wider haim kam da befand
er das ym der dieb seine claider gestolen het vnd gedacht yn zū
suchen / vnd kört sich gen ainer stat da zwischen in ainem wald
fand er zwen hirszen mit einander kempfen biß auf vergießung
ires blüts / vnd sach wie ain fuchs dartzum vnd leckt von der er
den das blüt das von ir abran / vnd was ym deß so not das er
von den hirszen getreten vnd auch blutrünstig gemacht ward
das er tod belaub.

Also verharret d ainsidel den dieb zū suchen vnd kam
nachts in ain stat vñ ward beherbergt in ainer frau/
wen hauß die was ain düppel / vnd die het ain hauß/
dierne bei ir die mit irem leib gelt verdienen solt vnd irer frau/
en das antwurten / vnd die haußdierne het ainen pülen gewun
nen der ir gefiel vnd wolt sich sust niemands anders geben / da
das die frau befand das es wider iren nutz was da gedacht sie
wie sie iren bülen erdöten möcht / vnd auff den abent schickt dy
magt nach irem bülen vnd gab ym essen vnd gütten crancē zū
trincken das er da bei entschlieff / diß nam die frau acht vnd
kam heimlich zū dem schlaffenden mit ainem ror dar in sie pul
uer von giffte gemacht het vñ wolt ym das in sein naslöcher blo
sen / vñ da sie ym das ror an sein naslöcher satz dar inn sie das
giffte getan hat vñ als sie anfieng zeblassen vñ iren münd dar zū
auf der da edembt d schlaffend in das ror daß dē weib das pul
uer in iren münd kam die auf stund dauon starb.

Das.ij.Capitel.



8.f.

Orgens früe gieng d̄ einsidel fürter zefüchen den diep
vnd ward nachts beherbergt in einem seins freundes
hauß/der befalch seiner frauwen das sie disem mann
gnügsam fürsehen dete dan̄ er wer ein gast geladen / vnd gieng
also vom hauß in ertzaigung das er der nacht nit wider ainhal
misch werden wolt. Nim het dise frauw ein bülen vnd ir nach
beurin einß scherers weib was ir kuplerin der befalch sie das sie
ir den bülen deß nachts heimlich durch ir hauß da sie ein heim
lichen gangt zu samten hetten bringen wolt. Das geschach. In
dem kam ir eelicher man vnd wardt deß bülen in dem hauß ge
war vnd da im der entran da schlug er sein weib vnd bandt sie
darnach in dem hauß an ein saul mit einm sail / vnd er leget sich
an ein bett. Der büel schickt die schererin vnd bat sie zu erfragen
wie es seinem bülen gieng / die sandt sie an der saul gebunden /
vnd sagt ir das ir büel noch in irem hauß were. Die frauwe bat
sie mit hoher vermanung vnd sprach. O liebe gespiel laß dich
her an mein stat binden das ich die zeit zu meinem bülen kom.
Die schererin det nach irer gespilen bet vnd ließ sich an die saul
binden biß die frauw von irem bülen widerkem. In dem erwa
chte der haufwürt vnd flücht sein weib mit flüchenden worten
Die schererin gab nit antwurt dann sie forcht das er sie an der
stimm erkant. Vnd da er zu dem dickern mal rüffet vnd im nit
antwurt wardt / von zorn lieff er zu der saul vnd schnaid der
frauwen die nasen ab vnd wonte das seinem weib geton habn̄
vnd sprach. Gang bringe die nasen deinem bülen



Als da die frauw wider von irem bülen kam befand
 sie wie die schererin vmb ir nasen komen was/ vnd
 bandte sich selbs wider an die saul/ vnd die schererin
 gieng wider in ir hauß. Dis hat der einsidel alles gesehen. Nun
 gedachte die frauwe wie sie sich entschuldigen wolt irer getath
 vnd rüffet mit lauter stimme das ir man das wol hören mocht.
 O got herre Sabaoth sich vnd schaw die kestigung deiner die-
 nerin mein tranchait vnd die vnschuld meiner werck/ vnd das
 ich gefangen bin von meinem mann on alle schuld. Got vnd
 herr gib mir mein nasen wider vnd erzaig heut an deiner dien-
 erin ein zeichen der vnschuld/ vnd schwig da mit ein weil/ dar-
 nach schrai sie mit lauter stimm gegen irem mann. Stand auf
 du böser wichte vñ nym acht der wundte gottes die an mir vol
 bracht sint/ mein vnschuld vñ dein vngerechtigkeit zů befinden
 ist mir mein naß wider angesetzt wie vor. Der man nam sich
 des wunder vnd redte wider sich selber. Wie mag dis gesen/
 vnd stünd auff vnd er brant ein liecht vnd eilet zů der frauwen
 vnd da er ir nasen ganz an irem anclit sach da entband er sie
 von der saul vnd siel für sie bittend das sie ym verrige vnd ver-
 iach sein vnrecht got vnd hat genad vnd ablaß. In der zeit be-
 tracht sich die schererin durch was auffatz sie vor irem eelich-
 en mann sich diser geschichte entschuldigen möcht. Morgens frü
 kam der scherer der die nacht in der kassern gessen was vnd
 wecket sein weib das sie auff stünd vnd ym berautschaft geb er
 müß eilend gan ein übel verwunden zůerbinden. Die frauw
 beharte mit auffatz in irer kamer biß das den scherer irs lang/
 en aussen seinß müwet vnd mit zorn vnd mit drauworten rüf-
 fen ward. Sie gab ym raißende wort hienwider vnd gieng da
 mit auß irem gemach. Mit zorn warff der scherer mit eim schae-
 sach zů ir/ das weib schrai mit lauter stimm. Owe owe meiner
 nasen die mir mein man mit einem scharfsach abgeworffen hat
 Hey hei des mords. Der frauwen freund kamen zů gelouffen/
 vnd da sie den schaden irer schwester sahen vnd wonten das ir
 das von irem man geschehen wer/ da clagten sie das dē richter

Das.ij. Capitel.

Vñ da er dar zu nit antwurt geben kñnd da hieß yn d' richter binden vñ mit knütteln durch die stat schlagen vñ als er yent ge bünden vñ ein groß solck zůsam gelauffen was zůsehen yn also auß zůschlahñ da kam d' ainsidel zů gegangen vñ fragt warůb. d' also gebunden wer/vñ fand daselbst stan sein dieb d' sein clai der an seinem halß het/vñd da er die versach vernam gieng er zů dem richter vñd sprach diese wort. Die clauder die der dieb gestolen hat warend mein claider/oder hand nit die zwen hirschen den fugs der ives blüts begierig was erdótet/hat nit die frauw mit dem vor sichselbs vergiftiget/vñd dieser scherer hat nit seinem weib die nasen abgeschniten. Vñd auff frag des richters leutert er diese wort.

b.iiij.




Das.ij.Capitel.

Ar auff sprach Dymna . Ich verstand deine wort/
vnd es geleicht sich wol vnser sach. Doch hat mir nie
mand schaden gethün dann ich mir selbs/darumb
so gib rat was soll oder mag ich dar zů thün. Antwort Kellila
Brüder laß mich dein mainung vermercken. Da sprach Dym/
na. Ich fürcht das ich nit fürter hoffen bedarff an einen höhern
stat allain wider dar ein zů komen dauon ich von Senesbā
verruckter bin/dann in dreien sachen soll sich ein yeder weiser
man acht nemen vnd fürdencken. Das erst das er vnder schaid
nem vnder gūten vnd bösem/vnd das er sich vor dem bösem
bewart vnd das gūt im selbst nehen müg. Das ander das er bei
seinem stat der im erlich ist sich behalten/vnd ob er dauon ge/
stossen würd sich wider dar ein bringen mög. Das drit das er
in allen seinen sachen dieser zeit das gūt für das arg welen kün
wann ich nun siech meinen begenden sal so ist mir notdurfft zů
achten wie ich mich wider in meinen stat bring/vnd dem der
mich deß verstoßen hat überwintlich sei vnd waiß für mich nit
bessers dann anschleg wider Senesbā zů suchen biß ich yn
vom leben bringen mög/vnd wann ich das volbring so waiß
ich das ich wider zů meinem stat kommen mag bei dem künig/
vnd ich main das solichs auch für den lewen sei/dann die über
grosse lieb die der lewe zů senesbā hat macht yn verschmecht in
dem solck. Dar zů sprach Kellila. Mich will nit beduncken das
sein der künig entgelten müg das er mit Senesbā sunder haim
lichkeit hat/vñ das ym darumb icht args entstan mög. Ant/
wort Dymna. Es sint sechs vrsach her in dar durch der künig
geleidigt würt. Durch verkörung deß gelücks. Durch widerspe/
nigkeit seiner diener. Durch wollust. Durch die zeit. Durch lei/
chtfertigkeit deß haubts. Durch vnzügentliche wort. Deß erstn
hauffet es billich ein verkörung deß gelücks so ein herr seinen be/
sten vnd weissesten rat vnd diener verlüret/vnd das er sein gū
te sitten verwandelt. Zum andern wann er vrsach gibt das
sein lantfleut gen einander kriegen. Zum dritten das der herre
sowil wollust hat mit weiben mit trincken essen iagen da mit er
d.iiij.

nordurfft seins reichs verfaumet. Zum vierden durch leichtfertigkeit des haubtes / wann der herr leichtfertig ist mit seinen sitten. Zum fünfften durch die zeit / wann dem herren durch leuff der zeit in sein land kommet sterben vnd tůre. Das sechst durch widerwertige werck / wann der kůnig thůt das ym zethůn nict gebůrt / vnd vnderwegen lest das er thůn soll. Also hat der lew yent seinen glauben in Senesba gesetzt vnd hat ym geoffenbaret all sein h. ımlichkeit darumb wůrt er von Senesba verachtet. Sprach Kellila. Wie vermainst du Senesba zů schedigen so er stercker ist dann du / auch grősser in der wirde vnd in hőchern stat / vnd ist lieber gehalten von dem kůnig vnd dem folck dann du / hat auch mer freund gesellen vñ anhangen. Antwort Dymna. Brůder nit acht es diesen weg / dann die getat wurt nit allein mit sterck vnd gewalt volbracht / dann gar vil krancker ires leibs armer ires gůt sint durch ir fůrsichtigkeit an sollich stet komen dahien gar starckmechtig vnd reich nit hien. komen mőchten / oder dir ıst vılleicht nit gesagt wie d rapp mit seiner fůrsichtigkeit vnd listen den schlangen tőtet. Kellila sprach Wie was dem. Antwort Dymna. Es was ein rapp der het ein nest auff einem baum / vnder dem baum was ein loch dar inn lag ein schlang vnd wie dick der rapp sein iungen außbrůtet so ickt vergıfft sie ym der schlang / vnd trůg die seinen iungen zů speiř. Des wart der rapp traurig vnd gieng zů dem fuchs vnd offer. ym sein clag vnd sprach. Deucht dich icht gůt wann der schlang schlegt das ich ym sein augen auß bisse vnd mich an im da mit rech. Ich bitte dich zaig mir deinen rat.

Das.ij.Capitel.



Antwort der fuchs das . So du willen hast mag nit
geschehen mit gewalt oder mit gedorstigem freuel .

Besunder so such dar inn fürsichtigkeitait / dann mit
auffatz muß es geschehen das dir nit noch arges dar auß er-
wagse / vnd dir geschech als eins mals ein vogel mit ein krebs.
Antwort der rapp . Wie was das . Sprach der fuchs . Es was
ein vogel der het sein wonung bei einem see vol fisch / nun da der
vogel alt wart da mocht er nit mer sein speiß von den fischen er-
iagen als er vor gethün het / darumb saß er eins mals gar trau-
rig auff dem gestat des sees . Zu dem kom von vngeschicht ein
krebs vñ sprach . Nachbar was ist vrsach deiner traurigkait
Antwort er . Güt freund was güts oder glückseligkait ist nach
dem alter / mein leben ist biß her gewesen von der speiß der fisch .
heut sint fischer hie für gangen vnd haben gesprochen / wir wöl-
len all fisch diß sees all zu mal fahen . Antwort einer vnder ym .
Nain yetzt nit . Ich weiß einen see dar inn vil grosser fisch sint .
die wöllen wir vor auß fischen / darnach wöllen wir zu diesem
see . Nun weiß ich das sie sollichs thün werden / das würt mein
verderbniß / dann so hab ich nit speiß das ich mein leben gefri-
sten mög . Der krebs gieng bald zu ein schar fisch seiner geselln
vnd sagt ym was er vernomen hett von dem vogel . Die komen
all gemainlich zu dem vogel vnd begerten seins getreuwten rats
dann ein vernünfftiger verbirgt sein rat mit auch für sein feind
der von ym hielf begert . Der vogel antwort . Ir wissend das
ich den fischern mit gewalt nit widerstan mag / aber ich weiß
einen guten lüstlichen see dar inn vil frisches wassers ist dar inn
vil baum ligen das man die garn dar inn nit gebrauchen kan /
wöllend ir so will ich euch dahien tragen . Sie danckten ym vñ
sprachen . Wir haben siß keinen nothelffer dann dich . Der vo-
gel sprach . Ich will es thün zu euerm nüt . Auff das nam der
vogel der fisch alle tag zwen vnd trüg sie auff einen hohen berg
vnd fraß sie . Auff einmal kam d krebs zu dem vogel vnd sprach
Ich fürcht mir hie zu bleiben ich bit dich trag mich zum see zu
mein gesellen . Der vogel nam den krebs vnd trüg ym da er sein


Das.ij.Capitel.

gesellen gefressen het/vnd do er den krebs in die höhe bracht da
sach er das gebain der verzerten fisch/da merckt er die betrieg
niß des fogels/vnd das ym auch diß gleichen geschehen wolt
vnd gedacht in im selbs. Es genimbt einem yeglichem sein leb/
en zü retten nach sein vermügen/vnd legt dem fogel sein scher
vmb seinen halß vnd truckt den so hart das er dot zü der erden
fiel. Vnd er gieng wider in den see vnd sagt seinen gesellen fal
schait des fogels/vnd wie er sie an ym gerochen hett.



Das.ij. Capitel.


Ise geleichnisse hab ich dir gesaget das du merckest
solt das ein vngetreuer rat seinen aigen herren er/
tötet/darumb rate ich dir das du acht nemst vnd flie
gest in ein stat wo sich die frauwen auff deß hauß obtach wesch
en die ir clainat von yn legen der ainß zenemen/dann werden
die leude dir nach lauffend/dann wirff das clainat in das loch
da der schlang in wonet so werden dir die leut nach lauffen so
finden sie den schlangen/also wirdt sie von ym getödt Der rap
chet nach rat deß fuchs vnd wart die schlang tod geschlagē vñ
er dar durch in rñw gesezet.



Das .ji. Capitel.

Ch hab diß exempel darumb gesagt zů versteen das fürsichtigkeit vnd geschaidigkeit bey weilen besser sint ain sach zůvolbringen dann mit stercke oder gedurstigkeit deß manns. Antwort Kellila. Du sagst war wann Senesba yetz nit zů hohem stat komen wer das du das volbringen möchtest/dann ietzt hat er übung seiner weißhait vnd beystand vnd ist für den obersten vnd weissesten geschenet vnd biß gewiß das er sich bewaren wirdt von allen dem dar inn er ym schaden erkennen mag/besunder so er dein fürnemen mercken würdt. Antwort Dimna. War ist das sich Senesba durch sein sittige vernunft bewaren kan. Aber nit vor mir/dann er hat sein person ganz in mich vertrauwet vnd glauben in mich gesagt von dem tag als ich yn zů dem künig bracht hab/aber es würdt mein nordurfft erhaschen yn von dieser welt zebringen zů widerbringung meins stats/also das es mit bescheidenheit vnd mit listen gescheen muß/als der fuchs dem lewen der Sprach Kellila. Wie was das. Antwort Dymna. Es was eilwe in einer wiltnuß vmb den vil tier allerlai geschlechter wonen. Nun was die waid vnd der wandel den tieren nach allem irem wunsch/allain die forcht deß lewen/dann er kam alle tag die zeshedigen deß sie sich nit erwerben mochten Nun berüfft sie der fuchs vñ gab yn ein radt wie sie deß lewen abkomen möchten/vnd nach erfindunge irer weißhait deß rats schickten sie den fuchs dem auch deß ratß gefolget was zů dem lewen/also sprechend. Herr lewe wiß das es nit in die harr sein mag/das du alle tag speiß von vnß haben mügst dann mit mercklicher arbeit vnd nach iagenß. Nun habñ wir ein weg gedacht für dich nützlich vnd für vnß berüglich/also du sagst vnß sich/er vnd sorgloß so wollen wir dir alle tag williglich ein tier vñ vnß auff wallichs ongefertlich das loß fellet zů der stund deines essens zů deiner speiß schicken/vnd das will ich dir alle tag antworten. Diß gefiel dem lewen vnd versprach dem fuchs die beredunge zů halten. Der fuchs kam wider vnd saget das seinen mitdienern. Deß morgends früe sprach aber der fuchs.

Sehend das ich euch mit treuwen bei sein will/so will ich der
 erst sein der diese abenture bestan wirdt./vnd macht sich auff
 die fart zů der wouung des lewen vnd verbarg sich da selbest/
 doch das er des lewen wol acht nemen mocht./vnd da es sich de
 mittag schier nehet da fieng der lewe an mit zorn zů brünnen
 von grosser vngedult seiner speiß zů warten. Da diß der fuchs
 ersach das sich der lewe von vngedult von seiner stat erhüb./da
 lieff er schnelliglich gen der lewen als ob er fast fere her gelauf
 fen wer vnd fiel für den lewen auff sein hertz. Der lewe sprach.
 auß zorn. Wie verharrest du so lang mein speiß die mir durch
 dich zůgesagt ist zebringen. Der fuchs antwort. Herr mein ge/
 sellen hand mich heut zů guter tagzeit auß geschickt mit ain an
 dern fuchs der dir heut nach der wale zů speise gefallen was vñ
 der vast genüigig was./vnd so ich den nit ferre von dieser won/
 ung bracht so bekumt mir ain and lew fragend was ich beginnd
 Ich sage ym das ich dir mein herren diese speise bringen wolt.
 der sprach er wer herr vnd nit du vnd im gebürt solich speiß/er
 vñß auch genediger herr vor dir wol beschirmen vnd nam mir
 damit dein speise. In grossen grimmen fragt der lewe ob er ym
 den weisen möcht. Er sprach. Ja ich bin im nach gefolgt biß in
 sein holi die nit fere hieuon ist. Der lew bat sich dar zefürn. Der
 fuchs gieng für der lewe nach biß zů einem brunnen der in der
 erden dieff was von wasser. Der fuchs sprach. In dieser holi ist
 der lewe. Der lewe eilet auff den brunnen der fuchs mit ym vñ
 stünd ym zwischen sein ordere bain auff den brunnen. Der le/
 we schaut mit zorn in den brunnen vnd sach in dem wasser sein
 selbs schein vnd des fuchs schein zwischen seinen bainen. Der
 fuchs sprach elend. Ich sich den lewen vnd den fuchs noch vn/
 uersert bei ym stan. Von grimmigkeit des zorns sprang der le/
 we in den brunnen zů streiten mit dem andern lewen./vnd er/
 tranck. Also gieng der fuchs zů seinem gesellen vnd erzalt wie
 er gehandelt vñ den lewen iren durchechter vom lebē zům tod
 bracht hett.



Wurte Kellila. Magst du Senesßbam also gesche/
digen das der künig dauon nit schadens befind so ist
es dester besser das dir nit arge dauon auff stande/
dann er hat dir vnd mir vnd manigem vom hoff schaden ge/
thün. Will aber der künig in deinem fürnemen mißfall haben
so rat ich das du es nit volbringest/dann biß nit widerspenig
deinem herren dann das wer das aller böst/vnd dir stond dar
auff grösser verlust vnd verwiß. Also nam im Dymna für den
lewen etlich tag zu meiden vnd nach etwen manigem tag kam
er zu dem künig als ob er vast traurig vnd vnmütig were.



Als da der künig dymna sach da sprach er Warumb
han wir dich so lang nit gesehen/ist es in gutem. Ant
wurt Dymna. Es ist etwas verborgens vnd groß
haimlichtait. Der lewe antwurt vnd sprach. Mach mir das of
fbar/wir sint doch an einer haimlichen stat. Antwort Dym
na. Was ein man argwonen mag in einer sach dar inn er ge
warnt wirt das ym schad sein möchte vnd doch nit glauben
wolt/der soll doch den fürbringer nit melden/wann er den fust
gütz wandels ainfeltigs lebens vnd getreuwes rats weiß. Be
sunder er vermain das vnd merck vnd lig was gütz vnd böß
dar inn sei/dann ist gütz oder arges dar inn das berürt allain
den der da gewarnt wüerd. Besunder so get dem warner dauon
weder gütz noch böses für sich selbs allain das er genüg thut der
pflicht vnd der liebe so er zu seinem herren hat. Darumb mein
herr vnd künig du bist weiß vnd verstendig/ich will dir ainß
sagen vnd weiß das du das nit gern hörst/vnd versiech mich
das du das nit glauben würst vnd woltest doch nit das es die
verschwigen belieb/dann wann ich betracht vnd siech das die
schar dieser tiere deins solcks nit gütz oder lebens haben mügen
dan in dir so mag ich nit fürde das ich die warhait verschweigen
soll/sunder dir das zu offenbaren das du dich selbs dar inn er
suchen mügst/vnd fürcht doch das du solichs nit glauben wer
dest/so gerimbt es doch mir nit zuuerhelen/dann wölicher die
ner seinen getreuwen rat oder warnung verhielt vor seinem
herren vnd vor dem arzt seinen siechtagen vnd vor seinem ge
treuwen freund sein haimlichtait der thut vnrecht vnd gedreche
ym billich d schad auff sein selbs haubt. Der lewe sprach. Sag
was ist diß. Antwort Dymna. Mir ist gesagt von einem mein
treuwen gesellen das Senesba rat gepflegen hab mit dem ob
ersten deiner schar vnd gesprochen. Ich bin so lang bei dem kün
ig gewont vnd han sein weißhait vnd sterck erkant/vnd yn
dick versucht vnd sind yn krancks gemüts vnd der sinne auch
des leibs vnd der seines solcks ganz nicht achtet oder lieb hat.
Nun so sollichs für mich komen ist vnd das du ym ere vnd ge

Das. ij. Capitel.

nad erzaygt hast vnd yn dir züm nesten gesetzt hast vnd einen vicarien deins reichs gemacht / vnd im alle haimligkait getrauwet vnd das er sollich verreterei in ym haben soll / dann er vnderstat sich dir zegleichen vnd ist zü gedencken er hab hoffnung nach dir dein reich zü besitzzen ob er weg finden mocht dich da von zü dringen / darumb herr künig biß nit hienlessig in dieser sache dann es sprechen die weisen / wenn ein künig befindet vnd seinem solct etlich die begierig sint in seinem stat auff zü steigen vnd mit haimlichen vnd aignen deten vnd anschlegen sollichn gewalt fürnemen so gebürt sich dem künig die zü themmen dan verbierth er sie zü nichtigen er wirt vernicht. Nun bist du herr weiser vnd fürbetrachtlicher dann ich / aber mich dunckt billich das du ein fürsehen habest deiner person vnd zü ym greiffest ob er dir entgan würd auß deinem gewalt / vnd biß her inn nit saumig dann dar durch möcht dir schad zü gefügt werden dem du darnach nit widerston möchtest. Dann man sagt das drei erlai leut sint in der welt. Die ersten sint fürsichtig vnd können mit iren weisen betrachtungen vngesell fürkommen als vil des müglich zü thun ist. Gleich als der gesunt sich behüet vnd bewaret vor siechtagen. Die andern sint sorgfellig vnd emssig in d widerwertigkeit vnd züsellen vnd sint dar inn vnuerzagt weg zefuchen biß sie wider dar auß komen. Die dritten sint schwerß gemüts vnd liderlicher wissen / nit wissend yzund züuerkomen vnd noch vil minder so sie in sorgen sint sich wissen darauß zü richten / vnd sint dar zü irrig in allem iren fürnemen / gleich dreien fischen. Sprach der lewe. Wie was das. Antwort Dymna. Man sagt es sint drei fisch gewesen in ein wag der ein was treg / der ander fürsichtig / der drit vernünfftig. Auff ein zeit komen zwen fischer mit iren garnen vn spreiten die in das wasser. Diß sach der fürsichtig vnd merckt was die fischer thun wolten das sie da hien vmb nit komen waren dan sie zü fahen vnd het für gedencken wie er im selbs sein leben retten möcht / vnd schwam eilend auß dem wag in das wasser das in den wag flosse vnd wie klein das was doch enthielt er sich dar inn das er ym

e. iij.

selbs sein leben rette. Der weiß was still gestanden biß er die fischer sach den auslauff deß wassers verlegen/da sprach er wi/der sich selbs/yezt hast du dich versaumbt/es gilt dir dein leben/vnd gedacht sich selbs on verzihen zü erlösen/betrachtende Dann lang verzihen selten langt zü fruchtbarem ende in sachen die nit beitz haben wöllen vnd ein vernünfftiger soll in nöten betrachtig sein vnd ym kein forcht lassen so nahend das er dar inn verzag/dann das gelück hilfft dem getorstigem/vnd diser fisch schwam auff das wasser vnd schwebet da gleich als ob er tod were. Da ym die fischer neheten sie schenken yn für vnnütz vnd worffen yn auff das land/von dannen er in dem mittel utes fischens wider in das wasser kam vnd ward erlöst. Der trege schwam schlechlich hin vnd herwider vnd was in ym selbs irrig wo er hin solt biß er gefangen ward.




Er lewe sprach. Ich hab dein wort verstanden aber
 wie mag ich böß von Senefba gedencken das er ar
 ges gegen mir begere über dy grossen lieb so ich zu im
 hab/ich han yn doch geeret vnd gesetzt über all ander in meinē
 hof. Antwort Dymna. Tut vmb ander versach sucht Senefba
 dich zu schedigen dann das er vō dir nit laidigung entpfind od
 entpfunden hat/vnd das du kainen so in erliche stat in deinem
 hoff gehebt hast/du hast yn des lassen walten/nun mercket er
 das kein höher stat mer verhanden ist dar inn er sich erhöchen
 müg dann das er herr über dein reich würd/dann ein yeglich/
 er vntreuer wer der etwen weißheit hat vnd wol reden kan/vor
 dem ist sich zehüten/dann sy trachten alles an die ende der sy
 nit würdig sint/vnd ob man yn ein wesen züsügt das yn billich
 zūwil wer noch lassen sy it gemüt nit höher zu gedencken/vnd
 ob sy darumb iren herren an laib oder an güt schedigen solten/
 dann der selben kainer diene sein herren vmb nutz seins herren
 sunder seinen nutz all zeit dar inn zefuchen/wie er reich werden
 vnd hoch kumen müg/vnd ob er des ersten in gutem getrewen
 dienst erscheint/so bald er aber zu reychtum vnd gewalt kome
 so fahet er an zūvolbringen die werck dy auß grunt seiner bö/
 sen wurzeln versprung haben. Gelich dem wadel an ein hünd
 der krumb ist so lang du den in gewalt deiner hent hast so blei/
 bet er schlecht/so bald du ym seinen gewalt lest so wirt er wider
 krumb als vor. Vnd ich sag dir herr künig/wellicher nit gelau
 bet sein reyen der ding die ym nach miz geraten werden der ist
 nit zeloben/vnd ob ym ioch gütz auß seinem rat gienge. Dann
 er wirt gegleichtet ein siechen der den rat des arnts verlest vnd
 braucht sein selbs gelust/dann man sagt der best vnder den rei
 chen sei der nit ein knecht sei seines aignen gelusts/vnd der best
 vnder den gesellen der nit zörnt noch kriegt. Vnd man sagt leg
 ein man am gestat des meres bei dem wasser oder auff vergifft
 en schlangen so möcht er sicher rüen/dann dem getrewen der
 ym auff sein leben gat. Nun will mich bei diser rede beduncken
 der künig wöll hinleffig sein mee dann güt sei/vnd würd wol

Das .ij. Capitel .

gegleichet dem helffant das nimbt keiner ding acht die vor ym
geschehend.

Er lewe sprach. Du hast dein red lang gemacht aber
wa von du gesagt hast das sint nit sach vnder freun/
den / so waiß ich keinen feind der mir geschaden müg
vnd ob mir Senesba gehaß wer als du für gibst noch möcht er
mir nit geschaden . Wie möcht er arges wider mich üben so er
gras vñ kraut isset vnd ich isß flaisch / vñ er mocht mir zu speiß
sein vnd ich ym nit. Ich hab auch in Senesba nie args funden
noch böß gemerckt / noch keinen aberwandel als vmb ein trith
nach dem vnd ich yn zu meinem knecht vnd inn aid genomen
hab / vnd so ich yn nurvor aller meniglich gelobt vnd erhöcht
hab über alle mein fürsten vnd solck / soll ich das on offenbare
schuld endern / so würd ich billich für einen toren in mirselbs ge
halten / dann ich verlaugnet meiner treuwe vnd ging von dem
weg der gerechtigkeit. Dymna antwurt. Herr dein hertz soll di
se warnung nit also verachten / also sprechend. Ich mag im nie
zu speise sein sunder wiß wo Senesba dich durch sein macht nit
geschedigen mag so sucht er aber ander dann man spricht stünd
bei dir ein verschmechte oder trancke person ein zeit noch magst
du nit wissen iren sitten seiner übung / darumb solt du dich ym
nit vertrauen / sunder bewar dich vor ym das dir nit widerfar
ein gleichniß von der man geschribē findet. Der künig sprach
Wie was das. Antwurt Dymna. Man sagt es sei ein lauß bei ei
nem edelman gewesen in ainer stat seins leibs vnd vil seins blü
tes gefogen das er deß nie acht genomen het. Auf ein nacht kam
ein floch vnd gieng da für die lauß vñ sprach. Beleid hienacht
bei mir hie wollen wir dise nacht güter speiß genüg haben vnd
ein baich bett . Dieser floch blaiß vñ wont der man schließt vnd
fieng an vñ baiß nach irer speiß so hart das ð man rufft ym ein
liecht zebringen vñ an dē bett suchen. Die lauß ward auff stund
fundē vñ getöt. aber ð floch so bald sy das liecht sach do sprang
sy hin vnd wider biß sy entran .



Das .ij. Capitel .

Ich beispil hab ich dir gesagt das du merckest das der böß nit von bößhait leß/vnd was er selbs durch sich allain nit gethün mag das er andern dar zu berüß/vñ ob du nit widerwertigs an dirselbs von Senesßba entpfundē hast oder zweiffels zu ym tragest/so soll mich doch billich dein frum solck erbarmen der hertzen er von lieb zühēt vnd verwandelt dir zu has/vnd ich weiß das er wider dich persönlich fechten will vnd das niemands anders beselhen/vnd auff diese wort ward deß lewen gemüt bewegt das zu glauben vñ sprach Wie soll ich diesen dingen thün . Antwort Dymna . Nit besfers dann yn von dieser welt abschaiden/dann ein mensch das einen faulen zan hat in seinem mund den verlest sein wetagen nit die weil er den nit außbricht . Zu gleicher weiß der mage der vol böser speiß ist hat nit rñw die speiß sei dann hien weg geschickt . Also ist vor dem feind der zu fürchten vor dem ist sich nit baß zehüten dann yn von dem leben zebringen . Der lewe sprach . Du hast mich yetz abwürffig gemacht der gesellschaft Senesßba ich will nach ym senden vnd erfahren was in seinem hertzen sei wider mich/vnd ym sagen das er im selbs ein ander stat such . Dymna geriet sorg zehaben dann er weßt wann der künig mit Senesßba reden vnd yn wider hören/er würd im glauben/vnd besorgt da bei das ym der künig nit verschwiege was ym Dymna fürbracht het/vnd sprach züdem lewen . Es dunckt mich dir nit ein guter rat nach Senesßba zu schicken vñ ym sein schuld für zu heben/dann er mainet du seiest deß nicht wissen/du hast doch gewalt über yn/dann wirt er von dir darumb zu reden gestalt vnd beriecht das du die haimligkeit waist/so ist zu besorgen vnd zu fürchten er werde schickligkeit vnd eilend weg suchen dir zu bösem vnd gedencet als der schuldig wie er ym selbs sein leben vor dir wiß zu bewaren/vnd würde er dann vnderstan mit dir zu fechten als sein not vnd gestalt der sache erhauset/so wirt er dich mit freuelicher eile an lauffen/dann er ist gar wol zu fechten geschickt vnd fast starck Wirt er aber yetzund von dir hin wege gan auff das mal

so kumbt er da er vor dir sicher mag sein / vnd auf ein zeit so du
vngewarnt bist so mag er dich überwinden. Nun ist war tüg/
gend des künigs ist niemands behendlich zü töten dann allein
den des übeltat offenbar ist / aber des getat nit kumbt ist der
soll gefraget werden vnd nach erfindung geschehen. Antwort
der lewe. Du solt wissen wellicher durch peinlich handel gefra/
get wirt vnd nach eigentlicher ersuchung erfunden das solichs
auff yn gesagt nit warlich erkant wirt / alles das böß das auff
yn gesagt worden ist wirt auff dem lügner auß komen vnd zü
buß gesatz auff sein leben / vnd ich mag ye nit glauben das se
neßba solichs wider mein leib übe. Dymna sprach. Herr lewe
so ich ye merck das dein will dar auff stat das er für dich kom/
men soll so ist mein rat da bei also lüg das du dich wol vor ym
bewarest das er dich icht schedigen müg / dann nim sein war so
er zü dir in deinen gemach komet wie er sein löck an seinem hal
se auff rückt vnd von zorn nach seiner art zittern wirt vnd von
beden wenden sehen seinen wadel hien vnd wider werffen vnd
sein horn fürkeren als ob er yetzt sechten wolt. Der lewe sprach
Wolhien ich will deinen rat auf nemen vnd sich als du mir für
gibst so mag ich wol glauben das du mir war gesagt hast. So
nun Dymna den lewen auff sein fürnemen bracht hat da geda
cht er zegan zü Senesba das er ym sein hertz verkörte gegen dē
künig vnd einen haß zwischē yn machen möcht vnd wolt doch
nit on wissen des künigs zü Senesba gan vnd sprach. Herr kü
nig wiltu so will ich gan zü Senesba zü ersaren was er thū /
vnd was wandels er hab vnd seine wort vernemen an dem ich
villeicht etwas dieser mainung entstan möcht dir wider zesagū
Der lewe sprach. Gang hien vnd hab acht seiner übung vnd
bericht mich der. Dymna gieng zü Senesba in sein hauß in
trauriger gestalt fast schwermütig vnd nam Senesba mit zü/
chten ersamlich vnd sprach. Warumb hab ich dich in so vil tag
en nit zü hof gesehen / ist es icht neues.

Das.ij.Capitel.



Ad fieng an vnd reder mit Senefba diese wort.
 Wellicher frummer lest seinen willen vnd mer in wil
 len vnd gefallen seins herren des er ein diener ist wie
 wol das in dem selben weder trüwe noch glauben ist dar an
 sich ein getreuer diener ein ainige stund gewiß lassen möcht.
 Antwort Senefba. Was ist das dauon du sagst/ist icht neiß
 zu hof. Sprach Dymna. Ja/aber wer ist der fürkommen mag
 das geordnet ist/oder wer ist dieser der zu grosser ere vnd wir/
 de komet vnd darnach nit wütricht/oder wellicher folget nach
 seinem aigem lust das er nit feller/oder wellicher verpflichtet sich
 der weibe lieb vnd würt nit betrogen/oder wer bitet einen nar
 ven vmb ein gab das es yn nit gereu/oder wer hat gesellschaft
 mit den bösen vnd beleibt vngelezt/oder wer wonet in der für
 sten höff das ym sein güter leimut nit getrenckt werd vnd sein
 ere. Gerecht ist das wort der die gesprochen hand/die lieb vnd
 die trüwe der fürsten gegen iren dienern gleiche sich wol einer
 iippigen frauwen die hangt an ain nach dem andern vnd dem
 lezsten den liebsten. Antwort im Senefba. Ich muß an dein/
 en wo ren verstan als ob dir etwas neues mit dem künig bege/
 gend sei. Dymna sprach. Ja es ist war/doch so berürt es mich
 nit aber wolt got das es mich berürt ich wolt mich dar ein schi
 ken. Aber die freundschaft die zwischen mir vnd dir ist/vnd
 die gelübd vnd verainigung die ich dir schuldig bin zehalten/
 auch das ich dir mein gesellschaft zu gesagt hab seit der zeit da
 mich der lew zu dir schickt so weßt ich kainen weg da mit ich dir
 den selben glauben nüzlicher halten möcht/dann ich schwür
 dir das ich dich niemer betriegen oder mein gelübd der verain/
 igung zwischen vnß brechen. Besunder ich wolt dir offenen
 was mir kündig würd alles des dar inn dir schaden begegnen
 möcht. Da antwort Senefba. Was ist das. Dymna sprach
 Mir ist durch einen guten getreuen gesellen haimlich gesaget
 worden das der lew zu einem seinem diener gesprochen hab.
 Mich wundert gar sere von Senefba das er ist so groß vnd
 wechtig vnd faist vnd ist mir doch ganz nichznit nüz/dann

Das .ij. Capitel.

meinen hüngrer mit ym zů setten / vnd euch deß auch zů geben /
da ich das vernomen han hab ich da bei verstanden deß künigs
vntreuwe vnd sein boßhait dich also in den tod zegeben / vnd
han dir das also nit wöllen lang vnuerkund zelassen gien sund
genüg zetün der bündnisse halb zwischen vnß beden / vnd han
her inn allain sorg deiner person . Da nun Senesba das hörte
da erschrack er deß vnd ward betrübt vnd sprach zů Dymna .
Es genumbt dem lewen nit böses wider mich für zenemen wann
ich hab im nie args gethan oder niemand in der welt / aber vil
leicht hört er erlogne wort die wiß mich zů rüct gebraucht wer
den / dann ich weiß das etliche wandel zů ym haben die vol al
ler boßhait sint vnd ym schmaichwort für sagen als ob sie war
siend . Nun beiwohnung der lügnen vnd der bösen gebiert haß
vnd reid / dann ich weiß das vil herren deß hofs sint die mich
neiden vmb den stat der mir von dem künig zů geacht ist . Nun
ist d künig souil vñ manig mal von seine getreuen diener in die
er doch glauben gesetzt hat betrogen worden vñ gefelschet das
er ganz treuwendig worden ist / vnd yetz von den getreuen
frümen vnd ainfeltigen deß gleich gelaubt das er an den bösen
funden hat / vnd würd eins mals gleich tün als ein wasser fog
el der schwam nachts auf einem see vnd sach einen schaten von
eim stern vnd sach das für ein fisch vñ rückt sich vnder das was
ser vnd sucht yn die ganzen nacht vnd künd den nit finden / zů
lenzt ließ er von seinem suchen / morgens im tag sach er ein fisch
vnd gedacht es wer das so er in der nacht gesehen het vnd ach
tet das nit zefuchen oder zefahen vnd lid da bei hüngrer . Wie ob
lügenhafftige wort von mir an den künig gelangt sint vnd er
versicht sich nach dem ym vor von den andern geschehen sei /
das solichs gen mir auch war sei vñ gedencet mich darumb zů
vertilgen vnd betracht nit das ich seinem gemüt so ganz gewil
liget hab vnd alles das vermyden das ich west ym widerwer
tig zů sein / wann nun zorn oder neid vmb vrsach aufferstet so
ist einhoffnung oder besserung das er etwen gemilert werden
müge . Aber wann sich haß neid oder zorn on vrsach auferstan

so ist mit hoffnung einer besserung / dann wenn die vrsach für/
gehalten vnd nit erfunden wirt so wirt der zorn hien geleit/
oder die vrsach wirt verantwart nach billicher mainung oder
durch genad ab erbeten . Aber was mit falsch zu rück geschicht
on fürgehalten vrsach das wert biß in den tod . Nun weiß ich
ganz kein vrsach darumb much der künig so hart hassen soll.
Ich weiß auch nit das ich mit ym auch nie gerwalet hab / ich
hab dann zu zeiten in seine haimlichem rat wider yn geredt so
mit sein fürnemen nit gefiel . Vnd so er etwan also sprach / ich
will das also vnd nit anderß / vnd ich im sagt was arge im da
von entstünd vnd was gütz dauon komen möcht wenn er das
vermeid vnd hab das nit offenbar vor yemands sunder alweg
haimlich vor ym allein geredt / so gebürt doch einē künig das
vnrecht seiner diener zu wegen / vnd nach größe der vnschuld /
ung pein zu setzen . Aber er sagt war sprach Senekba . Wellich
er oder wer sich auff das mere geit der ist vrsach seines vnder/
gangs . Vil mer der sich geit in dienst deß künigs / dann ob der
künig freun vnd getreu ist so ist doch müglicher das ein vnschul
diger durch etlich vntreu mitwoner in solich strick fall dar auß
ym die andern nit gehelffen münd / wer weiß ob mir das al
lein geschicht durch das güt vn getreu redt so ich dem künig ge
thün han da mit ich sein genad fürter dann meins gleichen üb
er komen hab dann der baum d güt ist muß dick entgelten d vil
seiner gütten frucht die er treit / dann die erste brechen von schwe
re der frucht / vnd wirt auch bei weilen auff die erd zerbrochen
deß gleichen d vogel kost deß flügel edeler speise dann was sust
an ym ist / vnd sint doch ym zu sundern grossen schaden / dan
wann er geiagt wirt so beschweren sie yn das er zu letzt zu der
erden fellet . Ein güt pferd entgielt seiner sterck dann es wirt de
ster fester überladen vnd gebraucht biß es vmb kumbt . Deß ge
leichen ein frumer weiser man den ist dick sein weißheit zu scha
den dann er wirt dar durch von seinem mitwoner verneidt das
ym zu schaden dienet dann an allen steten findet man d bösen
mer dann der gütten . Ist aber das im zuuall durch keiner der

Das .ij. Capitel .

versachen so ist es viltail gottes die kein mensch wid/
derriffen mag. Sprach Dymna. Du solt wissen dy feintschaft
so dir der lewe tregt ist durch kein der erzalten versachen sunder
durch aigen gesamelte boßhait seins hertzen/wann sein anfang
ist allweg süßer honig vnd sein end tölicher vergift. Antwort
Senesba. Jetzt glaub ich deinen worten das sy war sint dann
ich hab dasselb honig versucht vnd daucht mich fast süß in der
entpfindung. Nun sind ich das ich auff die gift komen bin da/
uon du mir sagst/dann wer mein begird mit sunder zu dem le/
wen gestanden durch seinen süßen willen wandel vnd wort ich
wer bei ym nit beliben besunder so er flaisch isset vnd ich graß .
aber mein will vnd gelust zu dem lewen habend mich in disen
strick geworffen. Vnd mir ist geschehen als den binen die bei 8
sunnen aufgang so sich die blümen auff tünd dar inn sitzen vñ
durch die süße so sy dar inn befinden verharren biß zu der sun/
nen vndergang das sich die blümen wider zu tünd vnd darinn
verderben/dann wer sich nit lest benügen mit zünlicher nar/
ung in diser zeit/sunder deß augen nachfolgen der üppigen ere
diser welt vnd künfftiges nit bedenckt der ist gleich der fliegen
die nit genüigig ist zu saugen dy feucht der frucht sunder sy setzt
sich an die körper der mechtigen tiere/von den wirt sy dann zu
tod gequetschet . Wellicher auch mit getreuem rat vnd liebe in
arbeit vnd müit seines gemüts beladet sein leib durch den die er
es nit bedenckt/der ist gleich dem der sein haimligkait sagt eine
der nit gehört. Dymna sprach. Verlaß dise wort vnd su.h weg
dir zu fristung . Antwort Senesba . Was rats mag ich ge/
winnen will mich der lewe tod haben/dann ich erkenne deß le/
wen sitten vnd seinen rat/vnd ob er mir gütz günnet vnd aber
die ret die vmb yn sint böß so mügen sy mit irer boßhait vnd
auffsetzen mich laidigen biß sy zwischen yn vnd mir feintschaft
machen/dann wann ein ganze samelung der verreteer sich ver/
ainen wider einen vnd ob der vnschuldig ist noch mügen sy den
vmbbringen/vnd ob er wol mechtig vñ starck ist vnd sy kranck
gleich als dē Camele von dē wolff rappen vnd fuchs geschach.

f.ij.

Dymna sprach. Wie was das. Da antwurt Senefba. Man sagt es sei gewesen ein lewe der het drei mitgesellen seiner diener ein wolff ein fuchs vnd ein rappen. Auff ein tag gieng da für ein kauffman vnd ließ da ein Camel das vor müd nit furter kommen möchte das gieng vnd suchte sein waid damit es sich wider zu krafft bringen möchte. Von geschichte kam es zu der stat da es den lewen vnd sein gesellschaft fand. Zu dem sprach der lewe Durch was vrsach bistu hie. Antwort das Camel. Ich bin hie zu dienen dem künig ob er mein gerüche vnd zu ersatten sein gebot. Antwort der lewe. Gefelt dir vnser gesellschaft/ vnd wiltu mir getreu sein so magstu sicher bei vnß beleiben mit rü vnd on forcht aller widerwertigkeit.



Also belaid das Camele bei dem lewen manig zeit.
Auff ein zeit als der lewe was auß gegangen zü such/
en sein speiß/da kam zü ym ein Hellsant das sich ge/
gen ym streits an nam/ vnd wunder den lewen mit seinen zen/
en vnd raiß yn an manigen enden/ also das der Lewe von dem
Hellsant mit onmacht enttran wund vnd blütig zü seiner wo/
nung/ vnd mocht fürbaß sein speiß nit mer suchen. Es begab
sich das den Lewen seinen hüngrer bestond/ vnd sach auch das
seinen gesellen speiß gebrast diß bracht dem Lewen trauren/
vnd sprach zü yn. Ich sich vnd merck eu wern mangel nun wer
ich schuldig üch als iungen vnd mein diener züuersehen. Die
gaben antwurt vnd sprachen. Wir trauren nit allein vnser not
durfft dann fast mer vmb dich vnsern herren mit betrachtung
was an dir gelegen ist/ mit grossen begirden deinen bresten zü
wenden/ mit vnserm vermügñ das wir auch bißher nit gesparrt
haben. Antwurt ym der lewe. Ich hab bißher eu wern fleiß vñ
ernst befunden vnd getrüwen rat/ vnd möchtend ir außgan
villeicht sündent ir speiß der ir vnd ich erfreu wet werden möch
ten/ vnd als sie auff deß lewen verschaffen auff das feld komen
da tailten sie sich von dē Camel das sich nun in ire geselschafft
getan het vnd trügen an einen rat vnd anschlag vnd sprachen
zü samen.


As soll bei vnß das Camele so es kraut isset vnnd
wir flaisch/ es ist doch nit vnser natur. Vnd sprach
der fuchs. Nit bessers wir gangen zü dem Lewen vñ
raten ym das Camel zü essen vnd sagen ym das es ym vnd vn
ser gangen geselschafft vnnütz sei vnd das wirt ym vnd vnß zü
gütem. Antwurt der wolff. Des mag nit wol sein vnd gezimbt
vnß auch nit wol dem lewen das zü raten/ angesehen den glau
ben den das kamel ym getan hat. Sprach der Kapp. Bleiben
ir hie an vnser stat vnd lassend mich mit dem Lewen reden.



Ad da yn der lewe erfach da sprach er. Hastu icht er
 tagt. Er sprach nain. Allain der vernüfftig verstat/
 vnd der augen hat der siecht. Aber der künig hat vnß
 die baide genomen/doch haben wir aines gedacht da mit wir
 hoffen das leben für dich zu behalten vnd auch für vnß. Frage
 der Lewe. Was ist das. Da sprach der Rapp. Vnß dunckt gera
 ten sein das du nimest das Camel dir vnd vnß zu speisen/dan
 es ist nit vnseres geschlechts oder wir deß seinen/es gehöret auch
 ganz nit in vnsern rat. Der Lewe erzürnte über den Rappen
 vnd sprach. Schweig du verflüchter/got muß dich schenden/
 wie schnöd ist dein rat/es ist in dir weder trüwe noch gelaubn
 wie soltu so getorstig sein mir diesen rat zu geben/oder waistu
 nit was ich dem Camel mit meinen worten zu gesaget vnd ge
 sichert hab bei meinem glauben/vnd das in der welt kein gröf
 ser gerechtigkeit nit ist dann zu hilff komen dem vnschuldigen
 deß blüt vnuerschult vergossen soll werden. Antwort der Rapp
 Herr künig du sagest war/aber durch einen leib werden alle
 leib diß hauß erlöst/vnd die leib deß ganzen geschlechtes vnd
 deß künigs solck alles das durch deinen tod verweisen würde.
 Der Rapp kom wider zu sein gesellen beden vnd sagt yn was
 er geredt vn wie ym der künig geantwurt het vnd werden für
 ter zu rat wie sy die sach volbringen wolten. Sprach der fuchs
 Ich merck das der lewe allain sein gelübd in diesen sachen be
 sorgt/da wider musten wir dieser sach ein solich gestalt geben/
 das der Lewe von seiner gelübd geledigt würd/villeicht würd
 er folgen. sprach d rapp. Herr fuchs wir losen ganz deins rats
 zu vnserm hail. Der Fuchs sprach. Mich will gut beduncken
 wir gangen mit einander für das Camele vnd erzelen ym die
 vergangen guttat so wir von dem Lewen on alles mittel ent
 pfangen haben mit erzehlung das wir schuldig sein ym das zu
 widergelten wie wol wir ym ains fiertzigsten nit möchten hab
 en zuuergelten der vnß guts gethan hab/so mögen wir nit fin
 den das wir ym geben/darumb wollen wir ym vnd yeglicher
 in sunder vnserselfs person überantworten das er vnß zu speiß


hab / vnser yeglicher also sprechend. Herr künig ich will das du mich essest vmb das daß du nit hungers sterbest / wann vnder vnß dreien das ainer spricht so stand der ander vnder vnß vor vnd sprech dasselb wort biß an das Camele / da mit erwerben wir gegen dem Künig grossen willen / vnd wann es zu letst an das Camel kumbt das es auch also spricht so gehellen wir dar / inn vnd bezeugen das ym durch sein gehelle nicht vnrecht geschicht.

Er Fuchs ging vor zu dem Lewen vnd sprach. Her Künig der Rapp hat vor mit dir geredt wie du deinen hunger auff diß mal büßen möchtest / damit wir dein diener vnd dein ganz land nit durch deinen tod beschwert würden. Nun merck ich das dir der Rapp roche mainung für gehalten hat / die in dir als in einem Künig ganz kein gestalt hat / dann der Künig on glauben ist gleich ainer glocken on einen don oder kalle vnd ein figur aller boßhait / darumb herr Künig wellest mich deinen knecht verstan so findest du in meinem rat das dir dein hunger gebüßet vnd von dir dein glaube nit verruckt wird. Antwortte der Lewe vnd sprach. Ich mag deines rats lösen. Der Fuchs sprach. Herr hast du nit wol vmb all dein diener verschult mit deiner treuwen bewarung aller nordurfft so du vnß erzaiget hast die vergangnen zeit das wir vnßselbs dir zu speiß erbieten so gebürt dir deins willens zu leben / dann die recht sagen das an dem der verwilligt nit gelauß gebrochen würde. Antwortt der Lewe vnd lobte diesen rat deß Fuchs vnd sprach. Von den weisen höret man weißhait / vnd von den getreuwen dy güten rete. Auff das gieng der Fuchs zu seinen gesellen vnd sagt yn wie er vom Lewen geschaiden was. Es gefiel yn vnd beschickten das Camel vnd gingen hin zu dem Lewen.



Das. ij. Capitel.

Also fieng der Rapp an zu reden mit dem Lewen vñ sprach. Herr Künig yetz bistu gleich dem tod gena het vnd betrachtest nit die selber zu helfen/aber vnß gerimbe dir vnser aigen person zu geben durch die treuwe vnd barmhertigkait so du vnß alle zeit erzaigt hast/dann von dir haben wir gelebt vnd hoffen noch vnser nachkomen von dir leben sollen/nun will ich herc das du mich essest. Sprach der Wolff. Schweig du Rapp dann dein flaisch ist nit güt/es wer auch dem Künig nit nütz wann vngesunt flaisch meret die siech tagen/nun bist du ganz ein schwarz flaisch von dem Ethica wegset/mein flaisch ist güt der Künig soll mich essen. Bald ant wurt der Fuchs dem Wolff. Dein flaisch mag dem Künig nie mermer gesunt sein/dann wer sich gern bald döten will der esse deines flaischs so wirt er von stund mit dem tod vmbgeben vnd sprach. Herr Künig is mich ich bin dir gesunt. Das Camel thet auff seinen mund vnd sprach. Fuchs schweig du waist das dein flaisch süchtig ist vnd dein leib ganz vol vnreinigkait vnd versach das ainselig Camel es solt von seinen gesellen auch also mit worten abgeredet werden/vnd das sollich wort allain hoffwort sein solten vnd sprach ymselbs zu grossem schaden. Herr is mich dann ich mag dich gesettigen dann mein leib ist vol lüstiger speiß vnd vol güts geschmacks von blüt vnd gütem flaisch durchzogen mit güterer faiste/darumb herre nymb mich zu speiß.



Das.ij.Capitel.

Er Rapp sprach. Herr Künig das Camel hat wol geredt vñ sprach wider das Camel. Du hast höflich getan / vnd ich mag herr der Künig euch das wol geraten / es mag dir deinen krancken hützigen leib wol erfeuchten / Der Fuchs sprach. Camel dein geschlecht nach dir soll das billich von dem künig genießen das du dich zu auffenthalt seines leibs geben wilt vnd redet zu dem Künig. Herr wer sich begibt an dem wirt nit gefreselt oder kainerlay gelübd überfaren so dz Camel so williglich dir als seinem herren sich opffern will das das die gött gefazt habñ das sie lebendig opffer mit vergiffung deß blüts empfangen haben. Der Wolff sprach. Herr künig ich sag dir das die bücher der rechten sagen das in nöten alle ding deß fürsten sint ym zu seiner nordürfftigen nießung / vnd ob dz on willen der vnderthonen beschicht / vil mit besserem gewissen angesehen deinen krancken leib an deß tod dem reich mercklich / er schad vnd abgang ligen würd. Nun ist mir nit zweifels dich soll das Camel mit seinem leib mit gesundem wolßmackendē flaisch also speisen vnd setzen das dir dauon gar behend gesunt hat enston werde / dann sein flaisch ist allein von gutem wollschmackenden kreutern erwagfen dauon dir wider ein gesunnde neu blüt gemert werden mag / vnd giengen die drei darauff zusammen vnd zügen das Camel zu der erden vnd gaben das dem Künig vnd yn selbs zu speisen wie wol der Lewe als ob er erbarmung damit hett erzaigt.




Das .ij. Capitel.

Js beispil han ich fürbracht zü gleichen meinem künig dem lewen vnd seinem gesellen/dann ich merck das sie über mich versamelt sind mich zü töten/vnd ob der künig nit des willen ist so tragen sie tegelich die wort in seine oren damit sie doch zü lenzt iren anschlag volbringen. Ab er es sprechen die weisen. Der lobelichst vnder allen künigen ist der da geleichet einem adeler vmb den allweg vil toder körper sind/vnd der vnlobelichst künig ist der da geleichet einem todē körper vmb den allweg vil geiren sind/dann het der künig ein recht freidsam hertz vnd gerechten willen gegen mir noch so möchten yn zü lenzt soliche vnnütze wort vmbwenden oder sein güte nit verkören/dann du siechst das die troppfen des wassers so lang auff einen harten stain fallen biß sie ein loch dar ein machen. Dymn sprach. Was dunckt dich güte das ich herinnen thun soll. Antwort Senesba. Ich weiß nit bessers dann wege zü suchen zü einer errettung meiner person/dann ich weiß keinen gerechtern streit dann das einer seinen gesellen zü dem er vertruwet ist gelauben hellet/vnd der für seinen aigen leip getruwelich sichtet wider die so ym sein leben mit falschait kürzen wollen/dann ym begegnet zwai güte. Das ein wirt ym da zwischen sein leben genomen so hat er ewigs leben dann er ist vmb vnschuld gestorben. Das ander mag er sein leben geretten biß die falschait an den tag komet so überwindet er seinen feind vñ macht den zü schanden. Antwort Dymna. Es gebürt sich mit einem verstendigen mann sich in arbeit des tods zü geben so er doch entsagen mag mit andern fugsamen anschlegen/dann stirbt er also er wird an imselbs schuldig vnd sündet/dann ein weiser soll sein anligend krieg zü end setzen vor allen andern seinen geschafften. Es ist ein gesprochen wort/das niemand seinen feind verachten soll/vnd ob der fast schwach vnd nit achtbar were/so waißt du doch die stercke des lewen vnd auch sein macht/dann wer seines feinds geschafft veracht dem geschichte als ein vogel der was ein fürst des mers gegen zwaien wasser/fogeln. Senesba sprach. Wie geschach dem. Antwort Dymna

Es warent zwen fōgel an deß meres gestatt ein man vnd ein
 weib / vnd da das weib iunge gemacht sprach sie zū dem man
 Besiech vnß vmb ein ander stat die sichrer dann dise sey da wir
 vnser iungen erzihen mügen biß sie selbs wandeln mügen. Ant
 wurt der man. Ist nit diß ein sichre stat / hie ist wasser vnd lust
 licher gestat mit gūten kreutern vnd besser dann wir suß find/
 en mügen. Das weib sprach. Gedenc̃t was du sagst / sichst du
 nit das mere auffgan vnd vnß vnser nest mit den iungen hien
 fūren mag. Der man sprach. Ich mag das nit glauben / dann
 der fürst deß merß würd vnß an ym rechen. Antwort das weib
 Wie törllich redest du / waist du nit das niemand so starck ist
 in der welt der deß meres geweltig sei oder ym vnd seinen für/
 sten widersteen mög. Es ist noch war das man spricht es sey
 kein schedlicher feind dann ein man ymselber / das bistu auch.
 folg vnß laß vnß von vnser stat weichen. Vnd da der man dē
 rat seins weibs nit folgen wolt da sprach sie. Wellicher nit gūtz
 rats seiner freund folgen will dē geschicht zū letzt als der schilt/
 kroten. Der man sprach. Wie was das. also sprach die frau. Es
 warent in einem feld bei einem brūnnen bei einander in gesell/
 schafft zwen fōgel vñ ain schiltekrot / vnd auf ein zeit begab sich
 das es lang nit regend / vnd versieg der brunn vnd wart das
 ertrich fast dürr / deßhalb wurden die fōgell zū rat sich von der
 stat an ein ander da nit gebrest deß wassers were zū thūn / vnd
 giengen zū der schiltekroten vrlaub von ir zū nemen vnd sagten
 iren gebresten deß wassers. Die schiltekrot gab yn antwort vnd
 sprach. Ich wiß das euch nit wassers gebresten mag / ir mūg/
 end das alleweg zū ewer nordurfft erholen / aber wir armen
 die allein in wasser leben müssen mag dar an gebresten / vnd
 bitt ūch thūnd mir genad vnd nemmend mich mit ūch. Sie sag
 ten ir das zū vnd sprachen. Tun lūg wann so wir dich durch
 die lūffte fūren bekūmbt dir yemand das du nit redest. Oder
 fraget dich yemand so hüt dich das du nit antwort gebest. Sie
 saget zū das zethūn. Sie sprachen zū ir. Nimb ein klain hōlz/
 lein in deinen mund vnd behalte das gar hart in deinen znen

Das.ij.Capitel.

so will ich das an einem end vnd mein gesell an dem andern ort
nemen vnd dich also fliegende mit vnß durch die lufft führen an
die stat dy wir außerwelt haben. Das geschach also. Vnd da sy
ym durch die lufft in der höch fūrten da sachen sy das etlich sein
es geschlechts das die schwüren zū ym wunder. Sehend vnd
schauend wunder da flūgt die schiltkrot durch die lufft zwischē
zweiē fōgeln. Da das die schiltkrot erhört gab sy antwurt. Ja
ich flūg hie ob euch das we tūt / vnd als sy iren mūnd auff het
zū reden da entging ir das hōlzlen auß iren zenen vnd viel her
nider zū der erden das sie starb.



Das .ij. Capitel .

Al sprach der man zu dem weib. Ich han deine wort verstanden / aber acht nit deß meres. Es geschach da das weib ire foglein auß brütet da vernam der fürst deß meres das ym der fogel so gar verachtet vnd wolt mercken wie der fogel sich sein er weren wolt / oder weß rat er dar inn haben wolt / vnd schuff das mere zu waghßen so das er dem fogel seine iungen mit dem nest hinfürt . Da das weib diß befand sie sprach zu dem mann. Nun ist vns dein tothait auff vnsern halo gefallen mit verlust vnser kinder . Antwort der man. Du wirst noch befinden das vns der fürst deß meres vnser kinder vndancks w. dergeben muß / vnd hüß sich auff vnd gieng zu seinen gesellen vnd allen andern fögeln bei dem mere vnd clagt ym was ym zugefügt wer durch den fürsten des meres vnd wa das nit fürkommen würd so wissend ir nit wa euch deß gleichen begegnen mag. Die fogel all gaben ym antwort. Vns missellet das dir geschehen ist / vnd dunckt vns billich dir hilff zethün / aber was mügen wir wider das mere vnd seinen fürsten fechten / aber vnser hilff nach vnserm vermögen soltu an vns finden. Antwort er. So ist mein rat das wir all gemainlich gangen zu der Künigin der fögel das ist der stöck vnd ist vns zefuchen / vnd da sie dy suchten da funden sy die bei irem folck vnd clagten ir deß fogels mangel der ym durch den fürsten deß mere zugefügt wer. Nun bist du vnser Künigin vnd dein man ist stercker dann der fürst deß meres . Die stöckin nam die clag auff vnd schraib irem mann das er einen streit wider den fürsten deß meres übe. Da der fürst deß meres das hört da weßt er sich gegen dem fürsten der fögel zetranc vnd hieß dem fogel seine kind wider antworten .



Das .ij. Capitel .

Ich beispil hab ich gesagt das dir nit nütz ist den Künig zuuerachten vnd wider yn zusechten vnd dich damit in sorg deß tods zugeben . Antwort Senesba . Nichts duncket mich besser ich gang dann zu dem Künig vnd erschein gleich frölich vor ym das ich ym künnen argen willen erzaig / dann gleich wie ich vor zu ym gangen bin biß ich von ym sich das zu fürchten ist . Da diß Dymna hört da het er dar / ab missal / vnd gedacht wirt der Lewe nit die zaichen an ym sehen die er ym vor gesagt hette / so möcht der Künig gedencken das sein vertrag argwenig wer / vñ möchten dar durch sein an schleg offenbar werden / vnd sprach zu Senesba . Lehe dich zu dem Künig so magstu warlich befinden durch sein geberd was in ym ist . Antwort Senesba . Wie mag ich das wissen . Antwort Dymna . Wann du zum Künig kumest sichst du yn dann freuelich stan vnd gegen dir sehen als ob er zu fechten bereit sei vnd wegt sein haubt gen dir vnd sicht dich mit gesperten augen an / mit ein gedruckten oren / vnd das er mit seinem wadell auff die erden clopffet so wiß das du tod bist / vnd hüt dich vnd biß bereit zu der were . Antwort Senesba . Sich ich von dem Lewen das du mir sagst so merck ich das du mir war hast gesagt . Da nun also Dymna das gemüt deß Lewen wider Senesba vnd das hertz Senesba wider den Lewen bewegt vnd irrig gemacht hett . Da gieng Dymna zu seinem brüder Kellila der sprach zu ym . Durch was vrsach kumest du zu mir in deiner sach . Antwort Dymna . Jetzt nahet hail vnd gelück nach meiner begierd vñ deinem gefallen / dann ich han sollich widerwertigkait zwischen dem Künig vñ Senesba gemacht das ich wiß das Senesba von deß Künigs henden sterben wirt .



A mit stund Kellila auff vnd gieng er vnd Dymna zu dem Lewen / in dem kom Senefßba auch zu dem Lewen gangen. Der Lew nam wunder ab Senefßba's zukunfft vñ gedacht an die wort Dymnas vnd besach Senefßba mit sorgen vñ mit zorn. Vnd da Senefßba von dem Lewen die zaichen die im Dymna vor gesagt het ersach / das er gegen ym mit zornlichen geberden auff stund / vnd sein oren schinuckte / vnd mit sein wadell auff die erden schlug / vnd yn mit gesperten augen an sach / auff stund gedacht er das im Dymna vor gesagt het vnd sprach zu ymselber. Vnselig ist der der in der Künig sal wesen soll / dann er muß in den grösten sorgen leben gleich dem der bei schlangen vnd giftigen tieren wonet in iren tamern / dann es mag bei den nimer gut end nemen on mercklichen schaden irs leibs oder der eren / vnd gedacht auch da mit umb sich zülügen vnd mit vortail in dē sal zūstan auff die rede Dymnas das er dem Lewen entweichen möcht oder zuuertummen biß durch iemand geschaiden würd. Da der Lew sach Senefßbam vortailig stin vnd sein umbsehen erst gelaubte er was im Dymna gesagt het was geberd Senefßba haben würd vnd schlug yn übel wunt. Senefßba werte sich so best er mochte doch mit erbietung fridelicher wort. Aber des Lewen müte was so im zorn erbrunen vnd schlug Senefßba so grosse wunden das Senefßba tod belaub. Der lew sach Senefßba tod ligen vnd besach yn vnd ward betrübet in seinem gemüt das er on rechliche erfindung der warhait vnd rechtes Senefßba vom leben zum tod vnd yn sein blüt vergossen hett.




Es nun Kellila diß gesehen het da sprach er zu Dymna. Lüg das end deiner werck vnd deiner reue die freilich böß sint geweest / dann du hast den Lewen betrübet vnd Senefba erdöt / vnd das die hertzen deß gantzen hoffs verkört gegen dem König das sie schrecken dar ab / ab dieser sach genumen so sie den König bißher alle zeit gütig gefunden vnd yetz so tyranisch erschen haben / vnd zu dem allen ist zu besorgen das dein güt wort da mit man dich biß her gelobt vnd lieb gehabt hat gang zu haß kumen ist. Vñ so sie diese dein übel dat befinden / dann es ist gang vnmüglich das es nit offenbar werde. Hast du nie gehört das es ein vnnützer rat ist wer krieg oder blüt vergießung sucht / dann es solt ein weiser sich vor kriege bewaren so ferr er mag / auch seinem herren den an mercklich versachen zufahren nit raten / dann sein außgang ist zweifelhaftig / vñ man spricht das nie sach hoher sinne bedörfften dann krieg zu hoher weib lieb wer die on miß gelück treiben soll. Ich sag dir Dymna ich besorge das dir dein überglust eren vnd gewalts durch diesen falsche anschlag zu bösem end bringen werde / vnd du werdest zu letst samelen das du gewickt hast vnd schneiden das du gesewet hast / vnd böses über dich vnd mich gan werd. Ich hab dich vom anfang gestrafft vnd dir geoffenbaret was dir nach volbrachter sach nachfolgen werd / aber ich hab befunden das mein lere an dir nit versangen hat / vnd ich folg billich dem der da spricht / nit bekümer dich den zu weisen der nit folgen will / lere nit der nit lernen mag. Straff auch den nit der vngestraft will sein. Dymna sprach / wie was das. Antwort ym Kellila. Man sagt es seiend geweest auff einem berge ein schar der affen / nachts auff ein mal was es kalt vnd sy sachen einen schein von einem nachtwurmlein vnd sie wonten das es ein faw were vnd samelten vil holz vnd legeten das über den schein vnd bliesen die ganze nacht mit mund vnd mit henden. Nun was deß würmleins schein vnder ein grossen baum darauff vil fögel waren der etlich her ab kamen vnd sprachen zu den affen. Ir werckend vmb süß dann diß ist nit solichs das

g.iii.

ir wendend / vnd da sy das nit vermeiden wolten da straffet sie
der ein vogel ires dorechten gemüts . Zu dem gieng einer vnder
den affen vnd sprach . Lieber nit weise das nit vnderwissen will
sein / vnd nit lere das nit lernen mag / vnd straff nit das sich nit
lat straffen / dann ein stain den ein bickel nit brechen mag den
soll keiner mit seinem guten schwert vnderstan zühawen / vnd
nit vnderstand zu einer wied zemachen das sich nit biegen leß
dann wer daß vnderstat der nimbt des keinen nutz . Vnd do der
vogel sich daran nit hören vnd von seiner straff nit lassen wolt
begrab yn einer vnd drat yn mit seinen füßen das er starb .

Das.ij.Capitel.



Vn so ich sich das du deß gemüts bist so hilfft an dir
 mein straff noch lere nit/dann dein hertz ist vmbfan-
 gen mit üppiger ere vnd betriegnüß die baide böse sit-
 ten geberet. Vnd wiß wer sich vnderzeucht deß das ym nit ge-
 zumbt./vnd ob das mit warhait wer so möchte es doch sein für-
 nemen vmbfahen./vñ ym geschicht als der azel. Sprach Dym-
 na/wie was das. Antwort Kellula. Es was einer im land zü
 Persia der het ein schön weib die bülte ein ander/der man wolt
 deß warhait befinden vnd züg ein azel die lerte er reden darüß
 das sie ym sagen solt was in seinem hauß geschach. Auff ein tag
 gieng der man vom hauß zü seinen geschefften von stund schick-
 te die frau nach irem bülen der kam vnd stünd bei ir ein zeit./
 vnd gieng wider sein strasse/vnd da der man zü hauß kam da
 fragt er die azel die sagt ym alles das sy gesehen het von dē bü-
 len vñ der frauen/auff das schlug d man die frauen gar hart
 die frau gedachte das sie ir megde verraten hetten vnd kriegete
 mit ym./die megd sagten ir das die azel solichs getan het/da dz
 dy frau vernam sy gedacht dötest du die azel so wirt dein man
 gedenden es sei darumb vnd hast es böser dann vor. Vnd auff
 ein nacht da d man aber nit ainheimisch wz schickt sy nach ire
 bülen vnd gebot den megten das sy vmb die azel stünden vnd
 gab der einen in ir hant ein schellen das sy leuten solt/d andern
 gab sy ein spiegel den solt sy ye bei weilen d azel für ir augen he-
 ben./die drit sprengt wasser mit eim wedel auff sy./die siard wel-
 gert ein ploch bei dem kebich./die fünfft wegt die kebich da die
 azel im saß./vnd die weil das werte da mocht die azel d frau
 en handlung nit vernemen. Morgens kam d man zü hauß vn-
 fraget die azel nach seinem weib./die antwort vnd sprach. wie
 möchte ich dauon icht vernemen so ich dise ganze nacht in so
 grossen nöten gewesen bin von regen blinngen doner vnd ertbid-
 men daß zü forchten was die welt wolt vndergan vnd da das
 d man hört dann es was zü winter zeit./da gedacht er das alle
 wort so ym die azel von seinem weib gesagt het erlogen sein sol-
 ten vnd nam die azel vnd döte sie.



Arwe des fogels vnd wie wol er war saget so stund
ym das doch nach seiner art nit zû/darumb hab ich
dir gesagt zû wissen wellicher sich an nimbt der sach
die ym nit zûstond vnd ob die warlich sint der wirt erwen dar
vnder gefellet. Vnd ich waiß das dir geschichte zûletst als ainez
geschach. Dymna sprach. Wie geschach ym. Kellila sprach. Es
sint gewesen zwen die auf der strassen zusamen kumen vnd sich
gesellschaft mit einander vnderredten/hieß der ein trügner der
ander schnell/vnd da sy mit einander wandelten da funden sie
ein stecklein vol silbers vnd hörten wider in ir haimat/vnd da
sie zû der stat nahenten da sprach der schnell zû dem trügner.
Gib mir das halb silber. Dem antwurt der trügner. Das geschi
cht nit/dann die gesellschaft soll noch lang vnder vnß weren.
Also vnser yeglicher nimbt von dem silber das er yent bedarff
Das ander sollen wir behalten an ein sichere stat wenn wir sein
bedörffen das wir es da finden. Sein gefell schnell wonte er re/
der das auß gütem grünt vnd folgte seins rats/vnd verborgn
das silber in einen grossen baume vnd dauon yeglicher in sein
wohnung gieng.

Or bewerunge des namens der trügner gieng haim/
lich zû dem baum id nam das silber alles vnd trüg
das haim in seinen gewalt. Darnach kam der schnell
zû seinem gefellen vnd sprach. Wolauff vnd gang mit mir zû
dem schatz dann ich bin meins tails nocturfftig zû nemen. Disee
sprach gern/vnd da sie zû dem schatz gruben da funden sy nichte
da sieng der trügner an sichselbs zûrauffen vnd sprach. Niem/
mand soll getrauen seinem gefellen noch brüder/dann du hast
diß selber gethan. Der schnell schwur bei dem lebendigen gott
das er deß vnschuldig wer. Antwurt der trügner. Diß hat nie/
mans dann ich oder du/dann niemand hat das süß gewist vñ
sprach. Kum wir wöllen gan für den richter das er vnß darüb
entschaid. Da sy für dē potestat kumen vñ er sy verhört/da fra
get er ob kain zeugen vmb weren. Antwurt d schnell nam. Ant
wurt d trügner ia. es ist d baum vnd d wir dz vergraben habē

Das. ij. Capitel .

Antwort der potestat. Fürrent mich morgen früe zu dem baum
eu wer sach zu entschaiden . Nun gieng der trügner haim vnd
saget seinem vatter diesen handel vnd sprach. Willtu dein hilff
darnü thün so beleibt vnß der scharz allain / vnd mügen den me
ren vnß zu grosser narung. Der vatter fragt wie das wer. Der
sun sagt im wie er den scharz genumen het vnd sprach. Ich wole
das du heinacht in den baum stigest wann er ist von oben inn
hol vnd die nacht dar inn bliebest / vnd wenn morgen früe der
potestat kem vnd den baum fragen würd wer das silber genu
men het so gebstu antwort in dē baum vnd sprechest der snel
ist kumen vnd hat das genumen . Der vatter sprach . Wie dick
hat üppiger rat seinen herren verfellet. Für sich dich das dir nit
geschech als einem. Der sun sprach. Wie was das. Sprach der
vatter. Es was ein vogel nit ferr von eim wasser der het in einē
baum sein nest darinn er seine iungen erzug / vnd dieser het ein
schlangen zu einē nachtbauern in einem baum die im sein iung
oder aier fraß. Nun was dem vogel gar schwer die stat zūlassen
durch güt der fisch vnd ander lustigkeit vnd was ym doch wi
derwertig da zu sein bei dem nachtbauern . Diß sagt er einem
krebs der antwort ym vnd sprach . Ich waiß dir zu raten das
du allweg sicher beleibst vor der schlangen / vnd firt yn für ein
loch bei dem weg darinn was ein tier gleich eim hünt dem er
clagte sich der vogel von der schlangen der sprach. Gang hin vnd
überkum so vil fisch das du ein nach dem andern legest von dem
gestat deß wassers biß an das loch deß baums darinn der sch
lang wonet . Diß thet der vogel vnd ordnet ein fisch nach dem
andern biß zu dem baum vnd an die holi. Morgens gieng das
tiere das gestat auff vnd fand die fisch vnd aß ein nach dem an
dern vnd kam damit zu dem loch der schlangen vnd erdöt die /
vnd fand damit das loch da der vogel innen was vnd fraß den
auch mit seinen iungen.

Das.ij.Capitel.

Wie manigen get sein anschlag üörr seinen aigenen
halß/darumb lieber sun hab ich dir diese fabel gesagt
das mir der gewin nit züuerlust kumb. Antwort der
trugner vatter. Laß von solicher rede/dann diese ding sint gar
leichtlich zethün/vnd überredet sein vatter das er in den baum
staig vnd belub darinn die ganzen nacht. Morgens früe gieng/
en dar die zwen vnd der potestat mit seinen knechten vnd stünd
vor dem baum vnd fraget wer das silber dannen genomen het
Dieser in dem baum sprach. Der schnell hat es genomen. Der ri
chter erschrack vnd lügt vmb sich vnd auff den baum/vnd da
er niemand sach da hieß er holz vmb den baum legen vnd das
anzünden. Da der rauch vnd die hiez dem alten mann in dem
baum nahente da ward er schreien vñ halb tod auß dem baum
gezogen. Da der potestat diese trügnüß sach hieß er den vatter
mit dem sun peinigen vnd dem schnellen das silber alles geben.
Von solicher kessigung starb der alt den nam der sun vnd trüg
yn haym vnd belaub trauren durch verlust seines vatters vnd
deß silbers.



Das .ij. Capitel .


Vn hab ich dir diese fabel gesagt das du verstandest
das zum dickernmal vil menschen in irer aigenen trug
nuß verderben. Darumb sag ich dir Dymna die bö/
sen siten so du an dich genomen hast mögent vngestraft mit be/
leben / vnd du magst hart entgan dann das blüt Senefbas
das durch dein anschleg on schuld vergossen ist / rüget über dich
rach zu schrien / vnd du redest mit zweien zungen vnd tregest
zwei gestalt in deinem anlit. Dem Lewen ist auch ganz kaum
schuld zugeben gen Senefba / allein deiner zungen die sy beide
gen einander verwirret hat dann es lebt kaum yemands in der
welt man mög yn mit schmaichenden zungen bereden vnd trie/
gen / wann der menschen hertzen mögen sich mit allweg vor be/
triegnuß auffeziger vnd geblinter wort bewaren / dann sie wer/
den gezogen mit dem sail der falschen fürgebung / gleich de weib
das iren man betrug mit iren gestiften Worten. Dymna sprach
wie was das / Antwort ym Kellila. Es het ein man gar ein sch/
ön weib die was ein hülerin. Auff ein tag als ir man siehet spr/
ach er das sy gieng zu der appotek vnd ym kaufte zu notturfft
seiner gesuntheit nach rat des appotekers. Das weib gieng zu
dem appoteker vnd der was ir hül das er ir geb zu arznei irem
mann. Er firt sy in die appoteken vnd stond da bei ir ein weil
vnd besach dem knaben in der appotek das er da zwischen be/
rat darumb sy da wer. Der knab nach dem er der appotek vn/
bericht was vnd dar zu mit winzig nam er staub in ein tüchlein
vnd bant das hart zu vn gab das der frauen vnd sagt ir sy het
was ir zu gehört. Die frau gieng zu hauß vnd gab dem mann
das tüchlein also verbunden vnd gieng sy zeholen ein geschirre
darinn sollich arznei behalten würd / da zwischen bant d man
das tüchlein auf vnd fund dar inn den staub vnd schrei zu dem
weib was soll diß sein du bist nach arznei gangen vnd bringst
staub. Da diß das weib erhört die noch mit wider zu dem mann
kamen was das sy durch den knab der appotek gefelscht was
da nam sy bald in ir hant ein siblein vn gieng hin zu irem man
Ach du waißt nicht sprach sy wie es mir gangen ist / es kam ein
b .j.

lauffend ainig pferd vnd stieß mich zu der erden da mit entpfiel
mir das gelt auß meiner hant/ vnd da ich das nit bald vor me
nig der leut finden mocht/da nam ich den staub zu samen vnd
bandt den in mein haubedüch vñ bring darumb ein siblein den
zu reittern ob ich villeicht das gelt darinn find. Der man gelau
bet den Worten des weibs vnd gab ir ander gelt vnd schicket sy
wider zu dem appoteker.



Es hab ich dir diß beispil gesaget das du verstandest
dann sich niemans vor falschen vntrewen Worten be-
waren kan/er muß erwen glauben darauff setzen da-
durch sein hertz betrogen wirt. Geleich also ist der lew durch dei-
ne wort betrogen worden vnd hat yn gelaubet/dann wiß das
die wasser güt sint ee sy gemüschet oder betrübt werden. Also sint
auch dy gesellen güt dy weil kein neidiger oder böser vnder yn
wonet/vnd weiß nicht in der welt dem ich dich gleichen künd
dann einer gestalt der giffet auß irem mund tropfet/vnd darüb
bin ich deiner gesellschaft allweg erschrocken/dann es sprechen
die weisen gesellschaft der vntrewen sei zü fliehen/auch in den
angeboren negsten freunden/aber bei den dy edels gemüts sint
vnd liebhaben dy gerechtigkeit von den soltu dich nimer schai-
den vnd bewar dich der beivonung deß vntreuen/vnd ob er
ioch weises rats sei noch hüt dich vor seinen vngetreuen tücken
vñ weich nit von d gesellschaft der edlen vñ gerechten vñ ob er
dir nit vil nutz geschaffen kan so soll dich von ym genügen das
du yn frum waist. Aber von den üppigen vnd falschen fliehe dar-
umb soll ich billich von dir fliehen vnd mich widern von deiner
gesellschaft dann darin ist nichts güt zü finden. Ich mag dich
wol geleich ainer fabel darinn d kaufman sprach das ertrich
muß eisen essen ist möglich dz dy sögel kind hintragen. Sprach
Dymna/wie was das. Sagt Kellila. Es was ein kauffman d
hett vnder ander kauffmanschaft hundert pfund eisens dy leit er
in ains wirtzhauß in einer stat zü behalten vnd für er in ein an-
der land nach seinem gewerb/vñ da er nach iaren herwid kam
da fordert er von disem sein eisen. Der wirdt sprach/fürwar ich
het das eisen in ein winckel meins hauß gesant vñ daselbs hand
es dy meuß gessen. Sprach der kauffman. Wie hat man geseñ
dz ein tier sei das eisen eß on ain strauß vñ hie essen es dy meuß
aber scheze das alles für nicht allain so dich vor yn behüt hat
das du vnbeschedit von yn kumen bist. Der wirdt was fro vñ
deß kauffmans Worten vñ lüd yn bei ym zü essen/vñ do d kauff-
man auß dem hauß kam gedacht er wie er dem wirdt seinen sun

stelen möchte der zumal ein wolgeschaffner iunger knab was vñ dem vatter fast lieb / vnd da er ym den gestal da hielt er den in eines andern seins wirtzhauß vñ kam darnach wider in des mans hauß / Da sprach zñ ym der wirdt / habend ir mindert meinen iungen sun geschen den hab ich nun den dritten tag verlorn Antwurt der kauffman. Deß foderen tags sach ich ein vogel bei deinē hauß der zuckt ein kind / ob aber das dein sun gewesen sei oder nit weiß ich nit. Da diß der wirdt erhört schrei er mit lauter stim vñ sprach zñ den vmbstendern. Hand ir ye gehört daß vogel kind der hinweg führen. Der kauffman antwurt vnd sprach. Das ertrich deß muß hundert pfund eisens essen ist möglich das vogell sein kind hincragen. Vnd da diß der wirdt hört merckt er das er überfür was vnd ym sein list nit helffen mochten vnd veriach ym das er sollich eisen verkaufft vnd verthan het / vnd sprach. Gib mir mein sun so will ich dir dein eisen bezalen.



Das .ij. Capitel.

On dir ist aller glaub gewichen sprach Kellila zu Dymna
n. seinem brüder / darumb hab ich dir dise fabel gesa-
get / du hast den künig betrogen / was ist dir mer geg-
en andern zu getrauwen. Nun ist in d welt nit schedlichers dan
glauben in den zu setzen in dem weder treu noch gelaub ist / vnd
wer dem barmhertzigkeit tüt der es nit erkent / vnd der den leret
der sein nit begert / vnd dem sein haimlichkeit sagt der es nit ver-
schweigen mag / vnd merck das du nit zu wandeln bist mit dein-
en sitten sunder in der natur du geboren bist darinn bleibst du /
dann ob ein baum bitter frucht ganz mit honig gesalbt wird
vmb das geb er doch nit süsse frucht / vnd ich han bißher geirrt
mit deiner beivonung / dann der den güten mitwont der nymbt
von yn güts / wer aber den bösen beivont der mag deß entgeltē
als der wint wān der durch kalt vñ faul ding weet so entpfacht
er dardurch bösen geschmack / weet er aber durch edle würtz vnd
blumen so entpfacht er dauon güten vñ süßen geschmack. Nun
weiß ich das dich meiner red lang verdrossen hat aber dy welt
höret nimer auff von irer natur das dy vnwissenden die ver-
nünfftigen hassen / vnd dy nidern dy öbern / die bösen dy güten
Hie mit warend geendet die wort Kellileß mit Dymna seinem
brüder.

h .iij.



Das .ij. Capitel


Es was senesba von dem lewen dot geschlagen vnd was den lewen das gerauwen vnd bedacht dye gedat erst nach dem ym sein zorn gestillet vnd vergangen was er getan het / vnd sprach . Mein gemüt ist traurig vmb senesba dann er was ein person weises gemüts / hoher vernunft gerecht vnd getrews wesens / vnd weiß gegen mir kein vrsach warumb ich yn erschlagen hab / vnd mißfiel ym selbs sein handel mit trauren . Da diß dymna befand da ging er zü dem künig vnd sprach . Herr künig yetz hat dir gott überwindung geben an deinem feind der dein leben gesucht hat / vnd du bist traurig Der lew antwurt . Ja mich rewet das ich das getan han dann ich han allweg seines rats begert / vnd wolt deß noch begeren / dann zü loben was sein hohe vernunft verstantniß vnd sein edel sitten / auch sein lustiger beiwandel vnd ich trag rew vnd schmerzen darumb in meinem hertzen . Antwurt dymna . Bei nicht soll der künig das wort reden / dann du sollte nit erbermd haben deß vor dem sich zü entsitzen was / dann ein frumer vernunftig er künig gewint gar dick mißfall ab eim vnd dreibt den von seinem hof on alle gnad / vñ numbt yn darnach wider vnd setz yn über sein geschefft so er yn frum vnd gerecht erfindet / gleich de der ab dem driackens vnlust hat durch sein pitterkeit / vnd nit betracht sein krafft der gesuntheit . Deß gleich so hat der künig etlichen gleich lieb vnd eret den mit gaben vnd höhet yn für and Darnach vertreibt er yn ganz so er sein bosshait fürchten muß als der mensch deß finger vergift worden ist der schneit yn ab vñ würfft yn hin fürchtend das ym dy giffte dauon in sein ganzen leib kum . Vnd da der lew diß von dymna hört da glaubt er im vnd nam yn wider zü ym in seinen reden zü hören dy er teglich mit ym traub .



Das .ij. Capitel

On dir hab ich nun gehört sprach künig Disles zu
Senden seinem wasen die fabel vnd gleichnuß vñ
da bei verstanden dy werck vnd geschichte Dymnas/
vnd gedat des lewen/ vnd hab des wunder so Dimna so ein ver
schmecht schnöd tier vnd das nit geacht ist vnder andern tierren
das es das hertz des lewen wider den ochsen gereizen mocht vnd
da gegen das gemüt des ochsen wiß den lewen zu haß bringen .
vnd befind das in disen worten vnd beispilen grosse lere ist den
dy das begeren in gründe zuuerstan/ also das da bei abnemen
mögen sich trüglicher menschen mögen zübewaren vnd nie
glauben zu setzen da mit glaub gehalten wirt/ vnd zu pflanzē
dy menschen dy güts wandels vnd getreus rats vnd warhaffti
ger wort sint da gegen dy vngetreuen zwaiier zungen zuuerni/
chten da durch gewint der künig fruchtbarn rat freid vnd rü in
seinem reich.

Hie hat ein end das ander capitel des lewen vnd ochsen vnd ist
von betriegen vnd neid ic. Vnd hebt nun hienach an das dritte
Capitell/ vnd ist von der gedtat Dymne/ vnd wie er erfraget
wart/ vnd ist von dem d sein nutz mit eins andern schaden sucht
vnd was dem zu letzt von got darumb erachtet wirt.



Einlicher künner vnd widerwertigkeit ent
stend von falscher betriegnüsse erdochter
wort/das hab ich sprach Dipsles der künig
zü Sendebart seinem weisen wol vernom/
men in dē fabeln so du mir gesagt hast biß
das der Lew Senesßbam dortschlug. Nun
offenen mir wie sich Dymnas sach begab
biß auff die zeit das d lew yn auch dōten hieß. Antwort Sende
bart. Herr künig man sagt das d lew senesßbam erdōt het nach
etlichen tagen/darnach raw es yn hart das er solichs so schnell
vñ on gūt vorbetrachtmuß yn auch nit vor zū red gestelt oð ku
men lassen het/dan er was angedenck seins gūten getreuen rats
seiner vernunft vñ adelichen gemessen wandels/vnd darumb
nam sich d lew an vil zūsitzen vñ zūwonen ergeulichs geschäfts
da durch er diß seins widermüts vergessen vñ den in freuden ge
wandeln möcht. Nun was vñ den selben seiner diener ainer d
Leopart vnd nach dē vnd er d eltest vnd d edeler was für die an
der des künigs diener da nam yn der künig zū seinē sundern vnd
haimlichen in seiner kamer von dē er auch alle tag rat nam vñ
handelt mit ym haimliche ding vnd behielt yn stets bei ym. Es
begab sich auf ein zeit das diser leopart abends bei d nacht dur
ch das hauß gan wart da dymna vñ kellila in wonten vñ hört
die wort kellile wie er dymna strafft vmb die groß verrererei die
er gegen dē künig getriben da mit er yn zū dē dortschlag senesßbe
gereizt vñ bracht het/dann kellila weist allen handel den dym/
na wið senesßba on alle schuld geübt het vñ verweist yn das er
von dē lewen darumb nimer vngestraft kem/dann es wer vn/
müglich das solicher mort den er durch sein liegñ vnd auffatz ge
triben het zū letst nit geoffenbart vñ sein lon darüb nemen solt
Des antwort dymna. Tain es ist nun so fere kumen das es nit
müglich ist d; es mer geoffent werde müg darüb ist d wort für/
ter zū schweigen vñ weg zesuchen wie man des lewen gemüt vō
seiner traurigkeit wider bringen möcht vnd dem nit wider nach
zü betrachten/dann es ist geschehen vnd hat mich doch selbs

Das .iiij. Capitel

gerawen das ich deß ein vrsach gewesen bin vñ hat mich doch
mein gelust dar zů gedrungen. Diß alles höret der leopart vnd
gieng zů deß lewen mütter vñ sagt was er von disen zwaiern ge
hört het/da verhieß sy im das kainen lebendigen menschen zů/
sagen. Morgens fast friie hüß sich deß lewen mütter auff vnd
gieng zů irem sun/vnd da sie yn traurig fand damerckt sy das
es vmb nicht anders was dan das er Senesßbam on vrsach ge
döt het vnd sprach zů ym. Wiß sun das dein rew vnd seuffzen
dir nit wider geben mögen das du verloren hast/sunder sy tren
ken dir dein leib vnd dein gemüt vnd verliren dir dein vernunft
Darumb offne mir was ist vrsach deiner betrübniß/dann es
ist ein sach darumb billich zů trauren ist/so wiß das kainer dei
nes hofgesins er het mit dir mitleiden/vnd ob das widerbracht
möcht werden seinen fleiß. Ist aber das allain darumb das du
Senesßba erdötet so ist offenbar vnß allen das du übel an ym
getan hast vnd das er vnuerschult dot ist/hettest du aber dein/
en zornigen willen zů der stund deins zorns gemaistert vnd be
tracht das laid vnd schmerzñ das du yetz darumb hast so wer
dir die warhait geoffenbart worden/dann es sprechen dy wei
sen wer ein ding hasset deß gemüt hab auch erschrecken oder sch/
euchung darab. Nun sag mir wie was dein gemüt gegen Sen
nesßba ee du yn erdötest vnd wie darnach. Antwort der lew. Ich
hab yetz zůvil in meinem hertzen betracht diser geschicht/vnd
in meinem gemüt bedacht vrsach wider yn vnd kan das nit fin
den warumb ich das geton hab darumb reut es mich vnd brin
get mir widermüt vnd trauren/dann all vernünfftig meines
hoffs haben es dar für das Senesßba vnschuldiglich dot vnd
was wider yn gesagt trügnüß sei/vnd das eines gerechten vnd
ainseltigen hertzen gewesen sei/doch so hat wider yn gefordert
der grymme Dymna ich main mit lügen vnd mit schalckait vñ
mir von im gesaget das ich main senesßba nie getan oder in sein
hertz zetün genomen hab. Aber mütter ich merck das du dauon
etwas gehört hast/sag mir was ist das. Antwort dy mütter
Mir ist gesagt von einem getreuen freund dimna hab diß wid

senefßba gehandelt mit groffer falſchait vñ hab dich verfür̃t vñ
dein herr̃ verkört / vñd die verſach das er Senefßba hat gehaſſet
vmb die wurde ſo du an yn geleit haſt vñd das du ym ſo gnedig
geweſen biſt . Sprach der Lew. Mütter wer hat dir das geſagt
Antwort die mütter . Der mir das geſagt der hat mir verboten
yn nit zū melden . Wann nun einem ein heimlichtait vertraut
wür̃d der ſoll getreu ſein in dem das ym vertraut iſt . Der betreu
get ſeinen freund der ym das ſagt / vñd gewint dar durch einen
ſchnóden leimüt das im für̃ter nit zūuertrauen iſt keinerlai ſach
hinder yn zūuerbergen .

Das.ij.Capitel.



Grauw mütter sprach der Lewē du sagst war / vnd es
ist vrsach wie du meldest / doch soll nieman sein freun
den die warhait verschweigen / besunder die offnen
das dar durch vnschuldigs blüt gerochen werd / dann wer die
schuldign hilfft verlegen der würt mit entpfacher deß getatderß
Der Künig soll auch nieman vnrecht tün . Ich wil auch auff
dein wort nieman peinigen oder vrtailen biß ich die warhait er
far / dann blüt vergiessen ist schwer gegen got . Vnd ob ich übel
an Senesba getan hab on schuld yn zū toden das ist mein rew
vnd deß gleich soll von mir nit mer geschehen gegen Dymna
an zügen vnd erfahrung der warhait / vnd ich sich das du waist
den der dir das gesaget hat / dann du gewinst schuld das zūuer
trucken . Antwort dy mütter / du hast recht gericht aber ich won
te das du nit zweifel soltest anden dingen dy ich dir sagt / vn̄ an
meiner sag solt dy zeugnüß gnügsam sein . Sprach der Künig
Ich acht dich gen mir nit anders dann getrew vnd warhafftig
Aber ich will das du de offnest d̄ dir das gesaget hat / dar durch
würdt mein gemüt deßer rüwiger . Antwort dy mütter . Bin ich
in deinen augen getrew vnd recht gescherzt so peinig disen grim
en verfürer als du de andern on schuld gepeinigt hast . Sprach
der Lew . Dir kan noch mag kein vngleichs dauon entstan das
du mir den offnest . Antwort dy mütter . Ja mir mag groß argß
dauon entstan / dann ich würdt billich darumb schnöd gescherzt
in deß augen d̄ mir sein haimligkait geoffent hat das ich den be
trüg fürter würdt mir billich keiner haimligkait mer vertraut .
Vnd da der Lew diß vernam da merckt er das ym sein mütter
sollichs nit offnen wolt / da ließ er sy freuntlich von ym schaidē
Morgens frü gebot der Künig allen seinen alten vnd weisen sei
nes folcks auß aller seiner schar / vnd schickt nach seiner mütter
vnd nach Dymna / vnd da das gantz hoffgesind zūsamē kum
men vnd all sein ret / da saß der Lew vor yn mit traurigem ge
naigtem haubt / schemig das er Senesba gedöt het .

Das.iii.Capitel.



Prach Dymna in seinem gemüt. Ich merck das heut
 der tag meiner rechtfertigung kumen vnd das blüt se
 neseßba über mich schreien will/ vnd sprach zü den dy
 vor ym stunden. Warumb erzagt der künig so ein traurig ant/
 lüt. Ist aber icht neuwes vorhanden darumb er vnß all besam
 melt hat. Darauff antwurt deß lewen müter wider Dymna. Al
 le traurigkait vnd reuen dy du am lewen sichst ist allain darüb
 das er dich bei dem leben gelassen hat vmb das du vnderstand/
 en auch volnbracht das du den künig durch deine verkörte vnd
 lügenhaffte wort bewegt Seneseßba zü döten. Antwurt dymna
 Ich sich nit anderß dann was dy weisen geredt das sy war ge/
 sagt haben. Also wer sich fleisset allweg recht zethün dem ist reu
 vnd widerwertigkait nahe. Aber diß exempel berürt den künig
 nit noch sein hofgefind/dann man spricht wer den bösen anhen
 get vnd ob er böß in seinem gemüt mit yn nit übt der mag doch
 von yn vngelert nit kumen wy fast er sich hüt/dann es ist ni
 man in der welt der gutz vmb guts gebe dann allain got in dem
 hünel wy wol das von art vnd recht auch züstan solt. aber wer
 das finden wil der darf das in der künig hof nit suchen sunder in
 dem abgeschaiden leben dy allain gott dienen vnd vmb dy lieb
 gottes vmb böß guts geben. Aber ich han mein lieb vnd getreu
 en dinst allain geleit an dē künig vnd mein getreuen rat mit im
 getailt vnd behüt vnd bewart wider den der sich gericht hat wi/
 der dy gerechtigkeit. Mein gedenc habend mich zü diser wider/
 wertigkait vnd arger schuldigung gewiesen im zü offnen was
 ich von yemans argwons befunden hab vnd dy verretnüß von
 seneseßba wider den künig ist offenbar gewest vnd ist ym dy war
 hait kunt worden durch erfahrung vnd will der künig so erfrage
 er noch von diser sach vnd sech dar inn mit den augen der war/
 hait so findet er dy gerechtigkeit meiner wort in allen dem das
 ich ym geoffenbart han/dan̄ das feur das im stain ist mag dar
 auß nit gezogen werden dann durch list/so mag auch das übel
 nit verborgen bleiben dan̄ so man das mer erfragt vnd ergrün
 det ye mer es lautbar würt vn̄ scheinlich als eī übelשמאכעnde

Das .iiij. Capitel.

grüß ye mer man dy übt ye mer böses geschmacks man da be-
finder/dann wer ich der schuldig gedatet ich wer freilich gewich-
en biß zu end der welt/so ist doch wol als weit das ich mich dæ
durch entseit haben wolt/ich blieb fürwar nit in deß künigs hof
Allain das ich meiner gerechtigkeit getraw vñ der vnforteltait
meins hertzen vnd in der vnschuldigkeit meiner hend bin ich bli-
ben vnd nit geflohen. Aber ich bitt den künig ob vor ym gemü-
sche wort gebraucht wurden diser sache so laß er darnach erfar-
en vnd dy warhait ergründen/also das der so zu solicher erfar-
ung geordnet werd ain frummer schlechter berichter man sei der
nit zwai anclit trag vnd das in disem erfaren nit vortail sei vñ
das der künig mich vnschuldigen nit vom leben zum tod bring-
en wöll/vnd das der verhörer geschickt sei dem künig mein vnd
andre wort an zübringen/dann so sech der künig vnd geb gere-
cht vrtail vnd vrtailt nit nach den Worten der neidigen vnd dy
mich hassen/besunder derbern warhait nach dann seitmals ien
geoffenbart wurd der künig hab auf falsch vnd neidig wort dy
ym fürbracht sint senesßba erdöt on schuld/vnd er hab der war-
hait vor nit nach erfahrung getan/so ist ym billich yetz fürter zu
hüten das er solichs an mir mit auch du/ee er dy recht warhait
erfunden hab/dann ich hab vom künig ain hohen stadt den vil
ander neben mir begeren/darumb sint sy mir neidig vnd waiß
das sy den künig gern gen mir verkörten/vnd will der künig in
en verfürlichen Worten glauben/so waiß ich das er gedencken
würd mich vmb zübringen/vnd das mir dauon niemand dar-
allain got gehelfen mag der alain dy hertzen der menschen erken-
net. Nun spricht man wellicher etwas zweifelt vnd die warhait
an das liecht nit bringt vnd bedencket was er thū deß sache würt
zu letzt als dy gedat einer frawen dy der knecht betrog durch ir-
en bülen. Sprach der lew vnd all ander in der schar. Wie was
oda. Sagt Dymna.

Es ist gewesen in ainer stadt ain zimmerman der het ein
hübsch weib dy het ain bülen der was ain maler zu de
sprach dy fraw. Ich will dz du mir ei zeichen machst

Da bei ich dich nachts erkenne das dir nit not sei zu rüffen oder klopfen. Der bül sprach. Ich will machen ain claid halb weiß vnd schwarz vnd wann du das claid sichst so merck das ich da sei. Es gefiel dem weib Diß erhört der haußknecht vnd nam dar auff acht vñ sach den bülen nachts also vor der tür vnd dy frau dem zaichen nach zu ym iahe. Vnd auff ein mal begab sich das der maler abends in des kunigs hoff arbeiten must vnd der zim erman nit haim was da zwischen gieng der knecht zu des malers weib vnd bat sie ym zeleihen das gemalt claid irß manß vñ leit das an vñ ging gegen seins maisters hauß/so bald dy frau das claid erblickt on fürter erfahrung oder frag entpfeng sy den knecht vnd thet seinen willen/darnach bracht er der malerin ir claid wider/darnach kam der maler haim vnd leyt diß claid an vnd gieng gen des zimermanns hauß/dy frau ging ym entgegen zu der tür vnd sprach/was gemaint das so du so bald auff dyse nacht wider kumst so du doch vor vnlang mit mir dein willen volbracht hast. Da diß der maler hört er erschrack vnd mercket das yemans anders bei ir gewesen was/vnd ging haim vnd er fur sein weib vmb das claid/vnd da er des ausleihens befand/do schlug er sein weib vnd verbrant das claid.

Das. iij. Capitel.



i. iij.

Regierung dy nutzbar ende nemen soll mit eil haben/
vnd besunder in trügelichen sachen. Dann mit guter
eigentlicher erfahrung darumb hab ich diß beispil ge/
sagt/dann het dy frau zum ersten baß erfahrung getan vnd mit
dem ersten zweifel gelaubt so wer sy mit betrogen worden/dar/
umb soll d künig in trügelichen sachen mit eilen dann dy sünd
würdt auff ym auß gan/vnd ir all bedörffend nit zweifeln das
ich das vor forcht deß tods rede/dann ich weiß das der tod einē
yeglichen menschen kumbt über seinen willen. Vnd das sich deß
niemand eruern mag dan was lebt das muß sterben ob es hun/
dert menschen leben in ym het. Darumb weist ich das der künig
sundern gefallen in meinem tod het ich sprech selber vnschuldig
lich ich wer deß ziegs schuldig. Allain laß ich das darumb das
der künig sein hant nit belez mit vnschuldigem blüt/dann wy
er mir das thet so würdt er bedacht das er solichs noch vil ande/
ren auch tün möchte vorerfahrung d warhait/vnd das wer dan
dem künig ein grosse hindernuß/vnd geb got das auff heut mei
vnschuld offenbar werd darnach wolt ich mit willen auf stund
sterben/aber ich fürcht mir zu sterben on erfindung meiner vn/
schuld vnd das ich disen leimüt hinder mir lassen müst. Deß ant
wurt ym einer auß der schar/vnd sprach. Dymna du sagst nie
war das du dise warnung durch liebe dy du zu dem künig hast
tüst dann allain vmb retung deins lebens suchstu dise list das
du da zwischen entrinnen möchst dem strick darinn du gefallen
bist. Antwort dymna. Verflucht seiest du ist das vnbillich das
ich mißselbs mein leben rett so ich den tod nit verschult han. O d
hat yemant etwas das im neher sei dann sein aigen person vnd
es sei dann das ich michselbs gedenc zuuersprechen vnd vrsach
meiner errettung such. Wer ist vnder euch allen der es für mich
thū. Es sprechen dy weisen. Wer ymselber nit getreu sei gütz ze
tün der tū es auch nimand anders. Dann yetz hat sich dein neid
vnd haß geoffenbart durch dein mund den du gegen mir nit ver/
bergen magst/vnd alle so dise dein wort gehört hand verstant
das du dichselbs zu erkennen geben must als ein neidiger/vnd

Das. iij. Capitel.

dein boßhait nit vō dirselbs verschweigen dir zūschaden wie vil minder magst du dann andern nūtz oder gūt sein / vnd gehörest wol vnder das vnuerständtlich sieche vnd nit vnder dy thiere deß künigs hoff. Vnd da dymna dise wort geschprach da gieng diser vngeantwurt vñ geschmecht hinweg. Auf das sprach deß lewī mütter. Mich wundert nit dan dein behende zungen mit den Worten der fabel dy du yeglichem wider dich redende erbieten kanst / so du doch dy verrettrisch sach volbrachte hast. Antwort dymna Warum sichstu allain mit ein augen vnd hörst mit ein oren vnd losest mit den oren der gerechtigkeit oder lügst mit den augen der trew / dann du volnerst nach deinen sinnen vnd ich sich das nun vngesell mich verwandelt hat vor deinen augen / vnd hör kein der dy warhait vnd gerechtigkeit nachred / sunder sy alle mit falsch vnd nach irem aigen gefallen vnd besunder dy vernunfftigen vom hof deß künigs dy teglich deß künigs liebe vnd barmhertzigkeit notturfte vnd ander erfahren vnd warten sint / die schamen sich nit zū reden nach irem aigen willen vnd bezügen selbs dy warhait vnd den falsch mit den künig treulich zū machen in hoffnung würd mit der künig mein leben drauwen das er seiner wort nit widerging vnd darinn sint sy billich streflich / vnd yn wer dar auff wol gleichmüsse zusagen wer es versenglich. Deß lewen mütter sprach zū irem sun. Sich disen grimmen verretter der getan hat alles das das von ym gesagt wirt. noch will er aller vnser augen zūschliessen mit seiner falschait / vnd vnsern rat zerstreuwen da mit er sich vnschuldig erzaig. Antwort dymna. Das sint dy die solichs tünd dauon du sagst dy haimlichkeit sagen dy yn vertraut vnd ein man der das clait seiner frawen an tüt vnd ein weib das das clait ireß manß an tüt / vnd ein pilgerin der sich haufswirde schenken will / vnd der vor ein künig redet vnd seinem folck das er nit gefraget wirt. Darauff sagt dy lewin.

l. iij.

Alteyne dy boßhait deiner gedat vnd nim deß forche
vnd verstand die sünd deins geschweßs/dann du eni
gast nit on grosse rach. Sprach dymna. Wer sündet
vnd frem leut nit lieb hat der ferret sich nit von dem vnrechten
ob er ioch das tün möcht. Antwort die lewin. Du verreter vnd
widerspeniger wie bist du so gedorstig sollichs vor dem künig ze
reden/dann mich hat wunder das er dich hat lassen leben biß
auff heut. Da antwort dymna. Dusen den du nenest ist ein man
dem zü gehört vnd gezimbt güter vnd gerechter rat das ym sei
feind in sein hant werde/der ich nit bin/vnd waiß das er mich
nit erdöt on schuld/vnd eins weibs rat über mein vnschuldigs
blüt nit verfolget. Er bedenckt das Adam der erst man seines
weibs rat verfolgt vnd ward geschendet von gott vnd was seit
her mann von verfolgung weibes rat geschehen ist. Sprach
deß lewen müter. Du falscher vnd vnwarhafftiger nimstu dir
für zü enttrinnen von sollichem übel so du geton hast mit deinen
lügen dy du dem künig fürbracht hast. Antwort dymna. Wer
fürgibt das nit ist der leidet billich das du geurtailt hast/dann
ich han die warhait gesaget vnd han dy bestetiget vnd dy dem
künig fürbracht/vnd da mit meiner gelübde genüg geton vnd
in meinem hertzen nie gedacht vnrecht zü tün oder lüg zereden/
vnd wil hoffen mein treu werd noch offenbar vnd mein gerech
tigkeitt bezeugt vnd dy vnschuld meiner hend vnd mein ainsel
tigkeitt werden an das liecht kumen. Vnd da sy den lewen sach
gantz nicht dar zü reden oder antwort geben zü den worten dym
ne da gedacht sy in irem gemüt. Es ist villeicht falsch vnd erlo
gen alles was wider dymna gesagt ist vnd ist villeicht alles vn
schuldig/dann wer sich offenbarlich vnd so tratzlich vor dē kün
ig vnd seinem folck entschuldiget vnd ym niemands da wider
redt ist zü gedencken das der war sag/dann schweigen in seinen
aignen sachen ist gehellen. Vnd es sprechen dy weisen. Wer sch/

Das.iiij.Capitel

weigt der bestetigt / vnd dy lewin stond auf vnd gieng von dem lewen vol zorns . Da gebot der lew das man dymna ketten an seinen halß legen vnnnd yn in einen kercker beschliessen solt vnd yn darinn aigentlich die sach erforschen vnd auff das gnauest ersuchen vnd dann solichs an yn langen lassen . Vnd er ward also in den kercker gefürt.



Das. iij. Capitel


Arn. ich redet dy müter zū dē lewen irē sun vnd sprach
Mir sint yetzt sach gesagt von disem schemlichen ver
retter dy ich vor von kainen nie gehört hab / vnd dy
zungen alles hofgesinds sint darinn ainhellig noch vnderstat er
das zūfertörn / vñ sein gedat ist nit haimlich vor allen versteric
lichen menschen dises hoffs / vnd dar zū ist mir haimlich gesagt
vnd hinder mich verborgen durch ein der es gehört hat sein boß
hait vnd sein versürung / vñ gibst du im gūnst er überfür dich
mit seinen falschen listen / vnd der mir das gesagt hat der ist ein
glaubhafftiger man / vnd ich rat dir mit treuen das du dich nit
an sein wort tōrst / sunder so fere yn von dir ab sunderst vnd set
dein solck in rü. Der lew antwort vnd sprach. Müter hab frid.
ich wird sein sach auff das gnauwest ersuchen / dann für war er
ist weis vnd fürsichtig / darumb würd ich emssig sein zūfragen
dise geschicht vnd ernstlich dar zū sehen vnd nit hinlessig darinn
sein / vnd darinn nit auf mein sel laden gnüg zetün allen den dy
zweifel haben diser sach ob es war oder durch feintschaft auf yn
gelegt sey. Darumb zaig mir wer ist der frum warhafftig man
den du mainst vnd sag mir seinen namen / dann bei weilen haf
set einer den andern vnd begert einer deß andern stats. Antwort
ym sein müter. Wiß das diser frum vnd schriftweiser der mir di
se haimligkait hat gesagt ist der leopard dein haimlicher kamrer
Sprach der lew. Deß ist gnüg / du wirst sehen wy mein fürne
men gegen ym gethon wirt / darauff gang dein weg an dein ge
mach. Als nun tellula vernam das sein brüder dymna in gefenck
niß genomen was nam er deß erbermd durch dy teglich beiwo
nung brüderschafft vnd gesellschaft so sie teglich beieinander ge
habt hetten / vnd erhüb sich vnd gieng haimlich zū dem kercker
zū mitternacht / vnd da er yn also sach gebunden an eisen ket
ten vnd gefangen so gar hart / da sieng er an haß zū waiten /
vnd sprach zū ym. Du hast ein sach gethan darumb ich dich
nit straffen will. Bist du auch mein angedenck vnd deß das ich
dir vor mals auch gesaget vnd geraden hab / vnd dar zū hett
ich dich geren gewisen auff den rechten weg der gerechtigkeit

aber da was kein folgen allein du woltest dein hohes müt vnd
deinselbs fürnemen nach kumen. Nun ist gesprochen. Der vnge
recht stirbt vor der rechten zeit/nit allweg das ym sein leben ge
nügen werd/sund so er in solicher gefencknüß peinlich gehalten
wirt. Als du yetzt gefangen bist da eim ein behender tod weger
wer/vnd sprach. We deiner vernunft vnd weißhait dy dich ge
fellet haben/dann yetzet haben sy dich geführt biß an dy tür deß
tods/vnd von dir wirt billich gesprochen. Wer nimbt dem wei
sen sein vernunft vnd gibt dem toren weise wort. Antwortt ym
Dymna. Ich weiß brüder von der zeit das du mich bekant hast
so hastu nit verlassen mir guten rat zü geben vnd hast mir gü
ten rat geben/vnd hast mir dy warhait nit verschwigen/vnd
mich gern bewegt zü rechtem weg vnd mir den angensaigt. Ich
hab aber dein getreuen dienst vnd rat nit angenommen/der glust
der bößhait der mich deß überwunden hat das ich gern den höh
ern stat gehabt het in eim solichem würdigen wesen das mir zü
vil was. Darumb wer gewunt wirt mit d wunden der hoffart/
deß end wirt allein dy reu seiner werck/vnd yetzt ist mir dy selb
stund dy ich geforcht hab kumen. Aber was kan ich fürter wiß
dy hoffart vnd neidige begird meins hertzen/dy manigem gere
chtem mann sein sunn gebrochen vnd dy rechten vrtail gefelscht
hat/vnd dy weißhait d weisen verkört. Gleich dem siechen d sei
siechtage weiß im allein zü gefallen sein durch übrigen gelust zü
ungesunter speiß die ym sein siechtage meren vnd will doch dem
selben glust nit widerstan biß sein siechtage so gemert würd das
er deß stirbt. Nun ist mir nit allein vmb mich selbs dann auch
vmb dich das du durch gesellschaft brüderschaft vnd teglicher
beiwonung vnser baid her zü auch behaft vn zü fencknüß pein
licher erfahrung geführt werdest vnd gezwungen zeoffnen mein
hainligkait/vnd das ich durch dich auff den sy glauben setzen
gedót werd/vnd das du nach meinem tod nit von dem hoffer/
ledigt werden mügst.



Nurrt Tellil: yent erkenn ich das seelen yemant so
arg leben dy wil er in selden stat endert/allain wann
er in erfuchung vnd trübniß feller/dann würt er be
w:gt: 3: erkennen vnd bey wilen mer wann er getan hat vmb
das yn sein leide: dest: ringer sei. Nimb war ich will hin gan
m:in weg das mich mit yemans bei dir sind des hoffts/vnd bitt
dich nach mein rat zefolgen das du dein übel dat vñ den handel
veriehst dann du bist doch tod/dann besser ist du habest vmb
dein verschuldigung hie pein vñ leiden dann das dir soli chs auf
dy künfftig ewig pein gespart werd. Sprach dymna. Du bist
gerecht vnd hast mit ain nützen rat geben/aber ich will vor dy
wort des lewen vernemen vnd warten was er mit mir würckn
wöll. Also schid Tellila von ym traurig in sein hauß fürchtend/
das dy bößhait dymne auff yn auch ersucht werden möcht/vñ
in solicher forcht widerwertigkeit vnd schmerzenden seuffzen
ward er vmbgeben so strenglich das er dy selben nacht starb.

Das.iii.Capitel



Vn was nahend bei dem kercker in ein andern kerck/
er/der wolff in gefencknüß der baiden wort gehört al/
les das sy geredt hetten/vnd wie einer dem andern ge
antwortet het/vnd tet das eigentlich in seiner gedechtnüß behal
ten. Früe an dem andern tag als dymna in gefencknüß kumen
was hüb sich des lewen mütter auff vnd ging zü irem sun vnd
sprach. Gedenc an dy wort dy du mir zügesagt hast in der sach
des verretters vnd was er wider dich vnd zü schand deinem hoff
geübt hat/dann ich weiß nit grösser verdienung so ainer yetz
in zeit tün möcht/dann der diser welt der bosen creatur ab hilfft
dann es ist geschriben wer gehilt mit den bosen iren wercken der
ist der mit tailhafftag. Darauff besalch der lew dem leopart vnd
dem richter auch allen seinen retten für sich das sy zü gericht sitz/
en sollten/vnd dymna für sich vnd alles hoffgesind beschaiden
vnd verhoren/vnd aller seiner wort acht nemen was wider yn
geredt vnd was er darauff antwort geben würd auff schreibn
soltten das sy im eigentlich anbringen mochten vnd sich darinn
niemans betrogen ließen/auch niemans anclüt darumb anseh
en/besunder das alle ding volbracht würden nach der gerechtig
kait. Also ging auß der leopart der richter vnd dy ret vnd satz
en sich zü gericht in beiwesen alles volcks/vnd dymna ward vor
gericht gebunden an seim hals mit zwaien ketten bracht.

Das.iii.Capitel.



Also hüb an der Leopart vnd sprach. Je mender von
 dem hoff des Königs hörend von dem tag als der Kö-
 nig Senesba erschlagen hatt/ist er biß her traurig
 vnd widernütig gewesen/dann vnuerschult ist das geschehen
 sunder durch list vnd verführung Dymne/durch haß den Dym-
 na zu Senesba gehabt hett vmb dy ere vnd wird dy Senes-
 ba vmb den König verdient het. Wer nun vnder euch von die-
 sen dingen etwas weiß oder vernommen hett der wöll bei seiner
 verpflichtet vnß das sagen das wir das fürter an den König na-
 ch seiner begird bringen mögen/dann es ist ye nit des Königs
 mainung das er yemands mer döten wöll/dann nach gnügsa-
 mer erfahrung vnd das nach erfindung der sach vnd nit nach ei-
 gnem fürnemen volfaren werd. Dartzu sprach der Richter. Se-
 hend auff vnd verstand eben alles das der gesetzt biß her Leo-
 part mit euch geredt vnd auß gerüfft hat. Es soll euwer kainer
 darinn nicht verhalten was ym wissend sei vmb vil versach.
 Dy erst soll euwer kainer zu vngüt schetzen das vrtail das gan-
 würt es sei böß oder güt wann ir nit vor dauon sagen woltend
 das euch zewissen ist/dann zeugnüß der warhait ob der lüzel ist
 so ist sy dartzu güt das der König niemands on versach erdöet.
 Zu dem andern wann der übelthöter gestraft würd nach seiner
 gedat das bringt schrecken den andern dy das vernommen/sich
 vor des gleichen zu bewaren/vnd das kumbt zu güt dem reich
 Das dritt/wann ein verräter vnd hiengeber vnd der sein sach
 durch lüg handelt von der welt kumbt so ist es dem folck ein gro-
 ße reu/dann eines verräterß oder lügenhafftigen menschen bei-
 wonung bringt groffe irrung vnd mißhellung des folcks. Dar-
 umb euch der warhait hieinn nit zu verschweigen ist. Da dises
 das folck erhört da sach yeglicher den andern an vnd schwigen.
 Da sprach Dymna. Warumb schweigend ir/sag ein yeglicher
 was er weiß vnd sorgend nit das ir mir damit mißfelligkait er-
 zaigt/dann hett ich gesunde als man mich zeicht so freu wet ich
 mich euwers schweigens. Aber ich weiß mich vnschuldig/dar-
 umb sagend was ir wissent/vnd sint da bei gewarnt dann ich

Das.iiij.Capitel.

will zu eines yeglichen sach sunder reden/darumb sag yeglicher was er wiß das da war sei/dann einer wenet villeicht gesehen han das er nit gesehen hat/oder gehört das er nie gehört hat . dem geschech als einem dorechten artzet. Der richter vnd der leoparc sprachen. Wie geschach ym. Antwort Dymna. Man sagt es sei in einer stat zu Indien gar ein geübter vnd geleter artzet gewesen der fast lieb gehalten was dem het got durch sein frum leben gnad getan das er alle siechen mit seiner kunst vnd der hilff gottes gesund macht. Da der starb da sahen sein nachkumen in seine bücher vnd studirten in den das sy darauß gut lere remen mochten. Auf ein zeit kam einer in dasselb land der gab sich auß für ein artzt vnd was sein doch nit. Nun het der künig deß lantz ein tochter die ym lieber was dann alle andre kind/dy gieng groß eins kunds vnd da schier dy zeit der gebürt kam da fiel ir ein mercklicher siechtag zu mit namen der rat schad. Der künig gebot bald nach einem artzet der ym kunt was zu schicken in hilff zu kumen seiner dochter. Da der bot zu ym kam da was der artzet blind/vnd do er nit kumen mocht da gab er dem boten in geschrift das man der tochter ein solchen tranck geben solt. Der Künig hieß ym einen artzet suchen der einen solchen tranck confizieren kund von den auff geschribnen stücklein/von vngeſchicht kam man zu den der sich außgab ein artzet zu sein der sprach zu dem Künig. Er were deß maister zu machen vnd hieß ym dar setzen auß der appotecken dy büggen dy deß guten bewerten artz der nun tod was gewesen waren/vnd da in dy dar gesatz wurden ergraiß er ein fleischlein in dem giff beschloffen was vñ nam dauon vnd vermüſcht das vnder ander arzney die er auß andern büggen genumen hat vnd gab dy dem Künig vnd sprach. Diß ist dy arzney deiner tochter. Vnd da der Künig die behendigkeit deß artz sach da gedacht er das diser ein beweter artzet wer vnd eret den mit gaben eines mercklichen gelts vnd beclaidigung/vnd nam dy arzney vnd gab dy seiner tochter. So bald sy der ein tail getranck auff stund geschwal sy so fast das sy auff stund an starb. Da der Künig diß befand do gebot er

k.ij.

bald den arzt zů sehen vnd das man ym das übrig des trancks
zů trincken geben solt/vnd da er das getranck da geschach ym
wie der tochter geschehen was vnd starb. Dife gleichniß hab
ich gesagt das irwer einer mit sag dauon ym mit wissen sei/oder
das ir andern gefallen da mit thün wöllend. Vnd ist doch war
das ein yeglich mensch von seinē aignen hertzen über redt wirt
den worten ains geleerten arzts mer zů glauben dann ym selbs.
Nun bin ich ye vnschuldig diser ding die mir für gehalten sint.
vnd bin doch in irwern henden. Aber habend gott lieb nach
irwern vermügen.



Isē sach hōrt der kuchenmaister des künigs vnd über
gab sich seins ambts vñ sprach vor dē andern. hōrent
alle diser samelung vnd das ich üch sagen werde das
vernemet. Die weisen hand nicht verlassen zū schreiben von den
zaichen der gūten vnd der bösen / sunder sy haben das alles ercle
ret. Nun die zaichen der boßhait vnd falschait erscheinen für
treflich an disem übeldeiter zū den bösen leimut der auff yn gefal
len ist. Sprach der richter. Wir haben deine wort gehört / aber
wenig ist ir die das verstend / darumb sag vnß was hast du ge
sehen. Antwortt der kuchenmaister vor allem folck. In den büch
ern der weisen findet man welichem sein lingt aug clainer dann
das ander ist vnd das dick beweget / vnd dem sein naß auff sein
recht seite gekrümmt ist vnd weit zwischen den augbrawen vnd
sein augbrawen dick vnd lang sint / vnd der mit vndergeschlag
nem haubt bei den leuten wonet vnd vil hinder sich sicht vnd do
bey hoffartig / der ist trugenhafft vnd vngetrew vnd verreter /
lich. Disß alles ward an dymna funden. Dymna antwort vnd
sprach. Es ist war alle ding bedeuten sich selbs vnder einander.
Aber das vrtail gottes ist allein warhafftig über sein creatur /
vnd gerecht ist der in dem kein falsch noch vnwarhafftig ist / der
in dem kein böses ist. Aber wir al dy vnder dem himel sint stand
in gots gewalt vnd sprach Ir menner der weißhait vnd der ver
nunfft hōrend mich dann diser möcht wenen es weßt niemand
zū reden dann er / vnd man soll dem toren antwort geben vnd
ym sein torhait offenbaren das er sich nit für weis achte / dann
es sej gūt oder böß das von ein menschen geschicht wer das al
lain von dem zaichen die es an seinem leib hat so wer yetz offen
bar das vmb got niemans verdienen oder für frum geacht wer
den möcht / auch niemans mer verschulden oder erwerben dann
nach den zaichen die es an seinē leib hat / so wer der sūnder vmb
sein vnrecht nit zū straffen dann es wer nit in seinem aigen wil
len oder macht sunder in dem gewalt der zaichen die menschen se
lig zū machen oder zūuerdamnen / vnd also werend die mensch
en gezwungen gūts oder böß zūthun vnd dem nach so müßt ich

Das.iiij.Capitel.


gezwunglich das gethan haben das man mich zeicht vnd hett
deß nit schuld /sunder der mich geschaffen hat. Ich bin aber vn-
schuldig deß ziegs vnd han mich nie anders gehalten dann in dē
fußpfad der warhait. Aber yentz ist billich allen in diesem ring
dein dorchait offenbar vnd du waißt noch erkennest die ding nit
dann du bist nit vnwissender dann die andern in dieser schar/
vnd ist doch niemant der seinen mund so mit nerrischer red auf
gethan hab als du/dann du hast geirret in deinen worten/dar-
umb wirst du wol gegleicher dem arzt von dem ich vor gefaget
hab.vnd sagte das einer ainß malß sprach zū seinem weib. Lere
mich vnd hab mich lieb nach allem vermügen vnd löse mir vn̄
niemands anders vnd nit beschrei die masen so andre weib an
ynen haben sunder verhol vnd verbirg die so du an dir hast.
Sprach der kuchenmaister. Wie was das. Antwort dymna.
Es wart ein stat gewunen von iren feinden vnd da sie die man̄
der selben stat all erschlugen da tailten sy die weiber vnder sich.
vnd von vngeschichte wurden ein kühirten zwai weiber. Vnd
auff ein tag gieng er mit seinen zwaiern weibern holz ein zū tra-
gen ab dem feld/vnd sie waren übel beclaidet. Die ein fand ein
stück von einem tuch vnd dackte das über ir scham. Die ander
ersach das vnd spottet ir sprechend zū irem mann. Schaw die
nackente rümpel was sie über ir scham gespannen hat. Deß gab
ir der man antwort vnd sprach. Schand dir du laßt deinen leib
vngedeckt vnd spottest der die ir schand gern verdeckt.



Das .iiij. Capitel.

Ich wundert sere warumb dein hertz sich bewegt hab
zü reden so du in deiner person findest das du so ver/
mainst an mir versehen haben / Vnd dein körper ist
so vnrein vnd dein werck so böß vnd vntugentlich / vnd ist nie
zumlich dir in dem ampt in des künigs kuchen zü sein / sein speiß
mit deinen vnreinen henden vnd leib zü berühren / vnd ich vnd
ander haben dein vnreinigkeit langst gewist / dann das ich dy
vmb deiner eren willen im besten verhalten hab . Aber nun so
mir geoffenbarer ist deinem haß gegen mir das du mit lügenen
vnd falschait auff mich geredt hast von sachen die die nie kunt
sint / vnd sag dir das du nie würdig bist dem künig zü dienen in
keinen seinen geschefften oder in seinem hoff zü wonen / vnd be/
sunder bei seiner speiß. Antwort der kuchenmaister. Dymna re/
dest du dise red mit mir. Sprach dymna. Ja dir sag ichs / dann
es ist vil böses in dir versamelt / dann du hinctest vnd bist zer/
brochen vnd schrüding in deinen henden vnd gründig in deinett
gemecht vnd kratzest dich zü aller zeit daselbst / vnd dein haube
ist voller schuppen / vnd billich were das du furter nie giengest
zü disem ampt des künigs.

Als diß der kuchenmaister höret was dymna wider yn
gerett het / da wart sein anliut dauon entschickt / vnd
sein zungen hieng ym an seinem rachen vnd fing an
zü wainen das yn dymna also vor dem solck gelestert het. Vnd
da dymna sach das er waint da sprach er zü ym . Es ist billich
das du wainest vnd tag vñ nacht traurig seiest / dann weist der
künig was in dir wer er thet dich fere von ym biß zü end seines
lands. Diß alles ward auff geschriben von dem offenen schreib
er des hoffs zü dē der künig sunder vertrauwen het wie es geredet
worden was. Vnd da diß für den künig bracht wart da hieß er
des ersten den kuchenmaister von seinem ampt vnd von dē hoff
verürlauben vnd verschicken. Vñ da diß geschach vnd die auff
geschribnen ding versigelt wurden da wart dymna wid in den
kercker geführt / vnd schieden all auff den tag yeglicher zü seiner
wohnung.




Das. iij. Capitel.

Vn was vnder des künigs dienern einer der hieß Aesba / dieser was kelliles gesipster vnd het einen ersamen stat an des künigs hof der ging zu dymna für den kerk vnd saget ym das kellila dot were. Da das dymna vernam da het er des groß laid vnd ward ym sein schmerz gewisfeltiget vnd wainer getrüwlich vnd sprach. Wee meinem leben / dann ich bin nun abgeschnitten von meinem brüder von aller ergetzung vnd hoffnung meines lebens. Nun hat der recht gesprochen der da spricht. Wellicher geschlagen würd mit einer widerwertigkeit dem begegnet darnach zu allen seitten ungesellig ding. Als auch mir yetz so vil trübnüß auff meinen halß gefallen ist / die gefencknüße diß kerckers / vnd das alles solt wider mich stat / vnd auff meinen tod all rat geben / vnd bin verlassent vnd beraubet aller meiner freund vnd brüder / vnd aller die mir ye güten rat gaben. Aber yetz lob ich got das mir mein brüder dich seinen freund hinter ym gelassen hat mit dem ich meinen sal vnd den tod meines brüders kelliles ergetzet werden mag. vñ getraw yetz der barmhertigkeit gotes vnd das ich gemercket hab das du ernst erzäigest in deiner sache / vnd das du in trüwen zu mir köret hast an der stat meines brüders den zuerweisen. Nun haben wir baid ein barschaft zu sammen bracht vñ behalten an einer häumlichen stat zu vnser notturst wann wir des bedorfflich würden vnd mich bedeuht gut das du solichs holtest an dem end. Aesba eilte an die stat vnd sandte das / vnd da er das alles zu sammen bracht da trug er das für dymna / vnd nam dauon ein tail / den andern tail gab er Aesba vnd sprach zu ym. Bewer vnd sterck dein hertz in gutem gegen mir vnd in trüwen vnd hilff mir mein sache zu gutem austragen / vnd hab auch acht was der künig sagen wöll wann er die auff schreibung verhöret / vnd was er zu meinen worten reden wöll / oder was geperd er hab. Besunder was die lewin das ungetreu weib sagt / vnd hab merckung was ich dir befilch das du das wöllest selbst betrachten vnd was man in des künigs hoff von mir sag. vnd man mein gedenck das du mir das alles widersagen mögst

dann du hast wol macht auß vnd ein zü gan so dick du wilt/
vnd nit das du das wenig so ich dir yetzt geben hab da für hab
est das ich das meiner gefencknüß halb gethan hab/sunder ich
hab das gethan durch lieb vnd freuntschafft dar im du tellile
meinem brüder gewont gewesen bist/vnd das ich deinem rat ge
trauwe dann ich weiß niemand der das so tellila verlassen hat
billicher dann du besizest. Also nam Aesba das ym dymna ge
ben hett vnd schwür ym zü offenbaren alles das so er von dem
lewen vnd sust seiner sach zü hoff hört.

Das.iiij.Capitel.



Orgens früe ging Senefba in des Königs hoff vnd fand bei dem König den Leopart vnd den Richter/ dy hatten für den König bracht etlich quatern/ vnd da dy gelesen wurden da hieß der Lew den schreiber dy ab schreiben vnd dy dem Leopart übergeben/ vnd gebot dem Richter das er Dymna stellen solt für das hoffgericht vnd ym diß alles fürlesen ob er deß also anred sein wolt vnd wider zü sagen was Dymna darzū redte. Vnd da der Richter vnd Leopart also von hoff giengen da bekam yn deß Lewen mütter/ da hieß der Lew das alles seiner mütter fürlesen/ vnd da sy das verhöret sieng sy an wider iren sun zü reden vnd sprach. Zürn nit sun ob ich etwas scharpfs mit dir reden würd/ dann ich sich das du nit erkennest was gut oder böß ist/ hab ich dich nit gewarnt das du dich betriegem lasset in den worten die dir diser schalck fürgibt. ich rat dir setz dein solck vnd dich seinenthalb auß sorgen/ dann soll er leben er zerstreut dir dein wesen/ vnd bringt dir dein solck zü widerwertigkeit/ vnd gieng damit zorniglich von seinen augen. Vnd da Senefba die wort horte da gieng er zü Dymna für den kercker vnd sagt ym alles das deß Lewen mütter vor im geredt het. Vnd dy weil Senefba mit Dymna redt da kam deß Richters bot vnd fürt yn gefangen für das gericht in beirwesen alles folcks. Vnd do er also stond da sprach zü ym der Lantfogt deß folcks. Jetzt ist mir offenbar worden dein gedach/ vnd mich hat ein warhafftiger deß gewiß gemacht/ vnd ist nit nottuerffe fürter darnach zefragē dan ich weiß dz dein schuldigug war ist dan nach meiner frag hab ich die warhait erfundē vñ d künig hat vñ gnaden disen verzug deins tods zü gelassen vñ dich wid für stellen lassen durch erbermd dy er mit dir hat vñ auch vmb willen deß folcks dy dich vnschuldig wenen sust werstu vnberüf fet gericht wordē nach deinen wercken. Antwort dymna. ich hör deine wort als deß d ganz kein barmhertigkeit in ym hat/ vñ d nit an sicht den vnuertrautē vñ den gedruckten vñ muß dich für den achten d nit die warhait ersucht oder finden will die gerechtigkeit/ vnd nit fürsetzen wil dy gerechtigkeit d vnbilligkeit.

Das .iiij. Capitel

dann du fürest dich allain nach deinem lust vnd gefallen/vnd eilest mich zūdören wie wol dir nit warhait in dem minsten meiner sach kunt ist/vnd ich muß mich vor dir erclagen das du also ein vngerechter vnd böser nit wilt das dy gerechten vnd liebhaber güter vrtail warten. Darauf gab im der richter antwurt vnd sprach. Der richter der geordnet ist muß dem gerechten ganlassen was recht ist/vnd zū gleicher weiß den vngerechten peinigen vmb sein vnrecht vmb das die solliche hören forchtsam die bösen gestrafft vnd dy guten arg zetün forchtsam werden. Darumb gebürt sich baß das du in diser welt leidest vnd gepeiniget werdest dann das du mit solicher buerd der sünden verführest vnd dir solichs in dy ewigkait gespart würd. Darumb Dymna so vergich dein sünd vnd beichte dein übel dat vnd gib gott ere damit volführest du ein güt loblich end vnd wirt dein sel erlost von ewiger pein vnd machst damit das man güts von dir seit vmb das du dein sünd erzele hast dy in diser zeit zū büßen vnd wirst dardurch von vil trübseligkait erlost vnd vermeid deine freuele wort/vnd biß nit der dy in allen iren reden falsches fürgeben/vnd setz dein veriehung deiner sünd ein versach deins friedes in dem hauß der künfftigen welt vnd gedenck das recht gestorben ist besser dann boslich gelebt. Des antwurt dymna vnd sprach zū dem richter. Herr der lantsozt horend mich auch gedultlich dann du hast war gesagt vnd deine wort sint gerecht vnd dein red ist ein red eins weisen.

Och wann sich das gelück ein gefellet so sol er sein end da mit nit verkauffen vnd das vmb dise verfluchte welt geben. Auch sol der weiß man nit rü vnd müßig leben suchen durch der andern kessigung/sunder er soll die warhait vnd sein sünd bekennen. Vnd wer ich ein grosser übeldecker dann alle menschen diser welt vnd het dein red gehört ich hette mein hertz gediemütigt zū veriehen mein schuld/vnd ich mocht mir wünschen das ich übel gethan veriehen hett da mit ich von diser falschen welt vñ trübseligem wesen vñ grosser widerwertigkait erlost werden mocht dan wywol ich mich vnschuldig waß

So brecht mir doch dein ermanung vnd anzaigung der trübse-
 ligkeit diser zeit zu bewegung zuueriehen das ich nit getün hett
 in hoffnung würd ich vnschuldiger peinlich gedót das ich dar-
 umb zwifaltigen lon nemen würd in ewigem leben. Aber so ich
 gedencke der weisen wort dy da sprechen. Wer sichselbs dótet der
 hat kein tail der besizung in diser welt oder ewigem leben dann
 zu hinlegung meiner widerwertigkeit leit ich auff mich ein sch-
 uld durch die ich stirb / dann das es mir geschantz würd als ob
 ich michselbs mit d hant erdót het so ich das sagt das ich mit ge-
 tan het. Aber ich bin vnschuldig vnd rain von allem dem das
 auff mich geargwonet ist / wie mag ich mich dann selbs ermör-
 den vnd meinen widersach da mit gerecht machen / vnd das ich
 dem gleich würd der mich schuldigt. Vnd du magst wissen was
 her unn güts vnd böß ist. Wiltu aber mich vnredlich dóten so
 wirt doch gott mein helffer sein / vnd sag gleich wie ich gestern
 sprach. Habend got vor augen vnd gedencke an das iüngst ge-
 richt / das ir ein sach tünd vnd wann ich üch dy getra u das ir
 sy dann nit widerbringen mügend / dann wissend dy vrtail sol
 nit gefellet werden auff zweifel / sonder auff warliche ergründte
 sach dann ich erkenn mich selbs baß dann ir mich erkennen mó-
 gend / dann allain das ir böses auff mich argwonend. darumb
 lügend das euch nit geschech als ein knecht der saget das er nit
 weist noch gesehen het. sprachen d lantfogt richter vnd das solck
 alles wie was das. Antwort dymna. Man sagt es sei in einer
 grossen stat in India gewesen ei reicher kauffman d het ein schö-
 ne frum weib gehabt weiß vn vernunfftig. der kaufman het ein
 knecht der das weib gern gebült het. vnd da sie ym zum dickern
 mal abgeschlagen vnd ym sein wort übel empfangen het da ge-
 dacht der schalck wie er dy frawen zu schanden bringen mócht.
 Auff ein zeit gieng der knecht auß vnd sieng zwen sittickus vnd
 ein papagei vnd beraut den ir gemach darinn er sy ziehen wolt /
 vnd lernet den einen in Edomischer sprach zu reden Ich sach dē
 portner bei meiner frawen ligen. Den andern lernt er sprechen.
 Wie schencklich ist das gethan. Den dritten lernet er sagen. Ich

Das. iij. Capitel.

will fürter mit reden. Vnd dise sache lernet er sy all in Edomisch er zungen das sy sust kein mensch des lants verston mocht. Auff ein zeit saß der man bei seinem weib da bracht der knecht die fögel das sie der herr hören solt in ire sprach vnd der man dar inn so groß wolgefallen hett. Da befalch er die fögel seinem weib das sy ir hinfür pflege in irem gemach on allen mangel vnd ir schon wartet. Auff ein zeit komen zü dem mann etlich pilgeren auß dem land von Edom/ vnd er lüß sie mit ym züessen/ vnd nach dem essen wurden die fögel durch abendtür ires geschwezes dar getragen/ wie wol das dē weib vnd dem mann vnuerstent lich was. Vnd da die pilgeren hörten die fögel ir geschweze treiben da erschrakten sy vnd bestonden mit genaigten heubtern an einander an zü sehen vor schand vnd sprachen zü dē kauffman Verstast du icht was die fögel reden. Er antwurt nain/ dann allain an ire stimm vnd geberd han ich kurzweil vnd gefallen. Sy sprachen. Laß dir nit mißfallen das wir reden/ der ein fogel sagt der portner sei bei deiner frawen gelegen. Der and sagt er hab schentlich mit ir gelebt. Der dritt spricht er woll nit mer reden. Darzū sprach d̄ haußknecht der da bei stond vñ bezeugt was die fogel sagten. Der man hieß auff stund sein weib doren



Das. iij. Capitel.

Je frau hat vernunfft vnd merckte das ir solliches
von den hauß knecht zu gericht was/ vnd sprach.

Herr ersuch dise sache eigentlich so findest du disen lüg
ner vol falsch/ vnd des ersten so frag die pilger die dise sprach
der fōgel verstand mit den fōgeln zu reden ob sy in der sprach an
ders dann dise wort können/ dann ich merck das dein vngetreu
er knecht diß die fōgel gelernt hat der seinen gelust gern mit mir
volbracht het vnd so ich im des nit stat tūn habē wōl so hat er
diß auff mich geschoben. Der kauffman bat die menner mit den
fōgeln zu reden/ vnd was sy mit in redten so kunden doch dy fō/
gel kein ander wort dann wie sy vor geredt heten/ da bei erkan
te der man das der knecht daran schuld het vnd berüfft den kne/
cht zu dem sprach dy frau. We dir du schalck wie woltestu mich
gegen meinem mann veruntruwet han. Der knecht veriach sein
schuld/ vnd der herr hieß yn dōten vmb das er gezeugniß geb
en den fōgeln die er gelernt das er nie gesehen noch gehört het.



Das. iij. Capitel.

Ch hab üch dise fabel gesagt dann wellicher thut als
difer gethan hat der numbt darumb billich seinen lon
Nach diser rede ließ der richter aber auff schreiben
was mit dymna geredet was vnd sein antwurt mit der widerre
de/ vnd ward damit dymna wider in den kercker gefenglich ge/
für vnd redet vil hinder sich gen dem richter als man yn von dē
gericht für aber seine wort wurden fürter nit gehört. Der rich/
ter vnd die andern all gingen in deß künigs hoff da sprach die le
win aber zu irem sun. Last du Dymna leben so er doch diß ge/
thon hat so wirt er noch vil böß zu wegen bringen da mit er di
ch vnd dein solck zu fall bringt da für ir euch nit behüten müget

Vn begab sich da dylewin dise wort teglich gegen ire
sun braucht das sie der künig zu hertzen nam vnd er/
für dabei wie sy das angelangt was vnd wart der le/
opart der sollichs zwischen kellila vnd dymna gehört het da er
durch ir hauß gangen was dar gestalt vnd wart auch nach dē
wolff geschickt der im kercker neben dymna gelegen was vnd ge
hört was dymna geredet het vnd was ym kellila darauff geant
wurt het vnd wie er yn gestrafft het deß gab der wolff gezeug/
nüß. Darauff sagt der lew seinen glauben vnd erkant das dym/
na yn wider senesba versürt het vñ gebot das man dymna für
yn brecht vnd in seiner angesicht tod schlug/ das geschach. Dar
nach sprach disleß der künig zu seinem weisen. Es muß sich ein
vernünfftiger man bewaren vnd hüten vor solichen dingen/
dann wer seinen nutz suchen will mit andern schaden der sünd/
et wider seinen eben menschen vnd ist möglich vnd wol das er
zu lest behang in der böshait seiner werck als disem dymna ge
schehen ist.

141



Das.iiij.Capitel

Hie endet das dritt Capitel von der erfahrung Dymnes handels vnd das niemant seinen nutz mit schaden deß andern suchen soll. Vnd sahet nun hie nach an das fierd Capitel von getrewen gesellen.




Ach diesen dingen sprach Disles der künig zu Sendebart seinem weisen. Nun sag mir von frumen leuten die beieinander wonen vñ einander lieb gewinnen wie ir lieb vnd freundschaft gefestet werde / vnd da der ain de andern guts erzaiget in trüwer gesellschaft / antwurt Sendebart dem künig. Ein weiser verstendiger ist ein helffer seiner freunt. Vñ das haissen freunt die in selbs vndereinander helfen vnd getrew sint vnd der liebe um's kein vrsach zerbrochen würt / ia vnz in den tod. Deß findet man beispil die dartzu dienen als die fabel von der taube vñ den tauben der meuse rappen vnd dem hirtz. Sprach der künig Wie was das. Antwurt Sendebart. Es ist gewesen in einer profinz ein grosser wald mit vil gewilts dar inn die ieger alle tag iren wandel hetten ir waidwerck zutreiben. In dem selben wald stünd sunder ein grosser baum mit grosser höhen vnd vil esten. auff dem lag ein nest eins rappen. Auff ein mal saß der rapp in seinem nest vnd sach einen waidman nahen zu dem baum mit einem netz vnd stehen / dar ab erschrack der rapp vnd gedacht nun waißt du nit ob der waidman disen züg über dich oder yemands anders bereit hat / vnd sprach. Ich will stan vnd zu sehen mit dem so spreit der fogler somen auff die erden vnd richte dartzu sein garn vnd stünd ferr vñ hinter dem netz / bei einer clainen weil kam ein taub mit einer mercklichen schar tauben der fürerin sie was / vñ da sie den waidman da sahen vnd deß garnes nit acht numen fielen sie darein vñ wurden mit dem netz all überdeckt. Da diß der fogler sach da ward er fro. Da sich nun die tauben gefangen empfunden da flotterten sie hien vnd her sich zu entledigen. Zu den sprach die taub ir fürerin. Nit verlaß sich

l. iij.

ein yede an sichselbs allain vnd das keine wider euch sichselbs lieber dann die andern hab·sunder lassend vns alle mit sambt aufschwingen vñlleicht mügen wir das garn erlupffen das es vnß folgen wirt das wir da mit hien fliegen mügen·vnd also erlediget yegliche sichselbs vnd die andern mit ir· Sie folgten vnd hüben das garn übersich in die lufft vnd flugen darunder mit dem netz hin deß sich der fogeler fast verwundert vnd folgte yn nach vnd hette seine augen auff sie in hoffnung das sie das netz bald zu der erden drucken solt· Der rapp gedacht du wilt nachfolgen zuschauen was auß disem wund werden wol· Vñ da dy fürerin der tauben den fogler sach nachfolgen da sprach sie zu iren gesellen· Gehend der waidenman folget hernach vnß zu suchen· verharren wir auf dem starcken weg zu fliehen so bleiben wir ym in gesicht vnd mögend zu letst nit entgan· flugen wir aber über berg vnd deler so mag er vnß nit in augen halten vnd stellet destet ee ab sein nachfolgen dann er wirt an vnß zweifelen vnß wider zu finden· Es ist nit ferr von hinnen in ein tal ein hôle dar inn wonet ein mauß mein gesell vnd freund vnd weiß kumen wir zu ym das er vnser netz zernagt vnd vnß erlöset· Die tauben dethen nach rat irrer fürerin biß sie von dem gesicht deß foglerß kumen· Vnd da er sie nit mer sehen mocht da zweifellet er sie zûfinden vnd köret wider auff seinen weg· Der rapp flog langsam hinden nach zu schawen was ende diser geschicht werden wolt ob sie sichselbs auß dem netz lösen möchten vnd durch was gestalt ym selber dar auß zu lernen ob das yemer not sein würde sollichs auch zu gebrauchen·


Das.iiiij. Capitel



Als da die tauben zu der hôle da die mauß inn won/
te kamen da ließen sie sich gemainlich auff schaffung
irer fürerin zu der erden. vnd da sie auff die erden kam/
men vnd vnder dem garn lagen da sahen sie das die mauß wol
hundert hōlen zu notturfft ihres vmbwandels gemacht het vnd
züflucht wann sie geengst würd vnd die fürerin rufft der meuß
sambar nach irem namen. Die mauß antwort auß dem löchlen
Wer bistu. Sie antwort. Ich bin die taub dein gespiel sie kam
bald herauf zu ir/ vnd da sie ir gespielen sach vnder dem netz da
sprach sie. Schwester wer hat dich in den strick geworffen. Die
taub antwort vnd sprach. Waist du nit niemans ist in der zeit
ym sei von got etwas widerwertait züerachtet vnd allermaist
den die sich in der welt began wōllen die menglichs betriegerin
ist sie hat mir wainen kōrner geoffenbaret aber das netz da bei
verborgen biß ich vnd mein gespielen darein gefallen sint. Sich
mag nieman deß entsagen das ym von oben ab crachtet ist dan
mein schwester du sichst das sich sunn vnd mon erwen leiden
müssen dardurch sie iren schein zu zeiten verliesen. Also werden
die fisch im wag gefangen der so tief ist das yn nieman ergrün
den mag/ vnd die fōgell werden gezucket auß den lufften zu
seiner zeit/ dann wer de n truzener gibt das er begeret de: stel
let den emsigen von seinem fürnemen. Vnd das ist das mich in
diesen strick geworffen hat. Darnach fing die mauß an das netz
zenagen an dem end da ir gespiele lag/ da sprach die taub. Sa/
he an bei den andern tauben wann du die alle gelediget hast so
kum dann zu mir. vnd da sie das zum dickern mal gesprach no
ch folgte die mauß von ir nit. vñ da dy taub dy mauß aber dar
umb ansprach da antwort die mauß. Diß hast du zum dickern
mal gesagt als ob du dichselbs nit geruchst zu ledigen. Antwor
tet die taub. Nit laß dir mein bet nuffallen/ dann dise sint mein
gespielen vnd hand sich vnder mich gethan als vnder ir frauen
vñ fürerin darumb ist billich das ich sie bewar als mein aigne
person. vñ mer sie sint mir gehorsam gewesen vñ gefōlgig meis
rats vñ durch ir hilff vñ geselschaft bin ich mit yn erlōst vñ deß

Das. iiii. Capitel

fogelers hant / dann ich erschrick mir ganz nit das du an yn an
fahest vnd ich die letst sei dann so magst du mich nit verlassen
durch die lieb vnd erbermd so du zu mir hast Darnu sprach dy
mauß. Dise wort bringend dir billich guten willen vnd sterck/
en die lieb zwischen dir vnd deinem gefellen / vnd zu letst zerna/
get die mauß das netz allenthalben vnd flügen die tauben iren
weg vnd die mauß schloß in ir löchlein.




Das.iiiij.Capitel

Js sach der Rapp alles dann er was von ferrem yn nach geflogen biß sie sich auff die erde gelassen hetten vnd hört alle wort der meuß vnd der tauben vnd wie durch die meuß die tauben erledigt wurden gesehen vnd gehört vnd begert sich ynen gesellen vnd sprach zü ymselbs. Wer wiß mir möcht erwen geschehen als den tauben. vnd ich mag kaum rü haben mir werde dann diese ainigung der gesellschaft/ vnd ging zü der hôle vnd rieff der meuß mit irem namen. Die mauß sprach. Wer bist du. Er sprach. Ich bin der Rapp/ vnd hab gesehen was deiner Schwester der tauben beegend ist vnd wie die got durch dein trüw erlediget hat/ darumb bin ich kommen dein gesellschaft zü haben. Antwort die mauß. Es ist kein geselschaft zwischen mir vnd dir/ vnd ein weiser soll suchen das möglich ist züfinden vnd das vnmöglich züuerlassen das er mit vnweiß gescherzt werde. Als der der vnderstat schiff überlant vnd karren über mer züfuren/ dan wie möcht vnder vnß gesellschaft sein. ich bin dein speiß vnd du der freßer. Antwort der rapp. Verstand mich vnd bedenck dich darnach in deinem herten dan ob du mein speiß bist das gibt meiner mainung nit zä dann dein tod ist nur nit nütz sunder an deinem loben mag ich wol hilff haben/ vnd es wer dir nit gebürlich so ich dein gesellschaft suche/ das du mich also geschmecht von dir iagen soltest/ sunder so in dir die erbermde vnd gerechtikait erscheinend ist/ vnd du hast auch das nit gethan zü einem schein das man es von dir sehen oder loben soll/ ich bin von vngeschicht dartzü kumen/ dann es sprechen die weisen. Die gerechtikait deß rechten mag nit verdruckt werden nach deß barmhertigen barmhertigkait verschwigen wie haimlich die geschehen. Zü gleicher weiß ob man Ambra verstrickt in ein tüchlein noch verlat es mit seinen güten geschmack auß zü geben/ vnd du solt dein gewonhait an mir nit verwandeln das du mir dein freuntshaft versagest. Deß antwort die mauß. Wisse der größest haß ist der haß deß leibes dan d haß deß züfallenden vnd vnbestendigen ding nimbt end wann es darumb der haß ist der endet oder hien geleit würd/ aber der


haß des leibes will sich nit enden die weil der lab das leben hat/
 vnd diser haß ist zwaiertlai. Der ain als der lew vnd helffant zu
 samen hand/vnd ist der haß des streits darinn yeglicher den an
 dern begert zu überwinden als auch von baiden tailen geschichte
 Der ander haß ist da einer weiß den andern on were zu überwin
 den vnd hasset yn darumb das er seinen willen an ym volbring
 en will/als vnder dir vnd mir/vnd dem habich vnd dem rep/
 hün/der katzen vnd raten/dem hüne vnd dem hasen/vnd diser
 haß ist nit umb böses das in mir sei wider dich allein das ist ein
 haß durch bösen willen den du zu mir hast dich an mir zu erget
 zen zu deiner setzung vnd zwischen den selben mag niemer ste
 ter freid bestan vñ ob sy ein zeit sich freidsamlich erzaigen so wirt
 doch der freid zu lest verkört/dann nym warm wasser das bei
 dem feur so heiß gemacht würd das sein hitz dem feur geleichet
 noch verlescht es das feur wirt es dar ein geschüt/darumb ist
 zwaien widerwertigen nicht guts oder freids gegen einander
 zuvertrauen. Die weisen hand den der seinem feind anhangt ge
 leichet d m d ein schlang in sein hant leit der weiß nit wan sie
 sich verkört vnd yn vergiftiget/dann ein weiser man soll sein
 nem feind niemmer vertrauen besunder sich ferr von im tün
 das ym nit geschech als ein geschach. Der rapp sprach wie ge
 schach dem. Antwort die mauß. Es was ein man der het einen
 schlangen in seinem hauß wonend dy von seinem weib gar wol
 gehalten vnd ir teglich zu irer zeit ir speiß gericht ward/die sch
 lang het ir wonung in einem loch der mauren/ zu nechst bey
 der hertstat/der man vñ das weib wonten von gewonhait des
 lands vil gelücks von der schlangen haben. Es begab sich auff
 einen sonntag das der haushwirt in seinem haubt nit starck was
 darumb so belib er an seinem bet morgens llegend vnd hieß sein
 weib kind vnd gesund zu dem gottes dienst gan. Da sy alle auß/
 gangen waren vnd in dem hauß still was da gieng der schlang
 außser seinem loch vnd besach sich fast umb/der man des kamers
 offen stünd gegen de feur gewart d schlangen vnd ired vmbsech
 ens anders dann an ir gewon gewesen was vnd nam des acht.

Das. iij. Capitel.

vnd da die schlang all winckel erfaren auch zů deß wirts kamer
ein gesehen vnd niemants gefunden het/ dann der wirt hett sich
mit fleiß verborgen/ da ging der schlang zů dem feur vnd hing
den schwantz über den hasen vnd ließ ir gift dar ein fallen/ vnd
bald barg sy sich in ir hōle/ da das der wirt ersach er stond bald
auff vnd grüb den hasen mit der speiß vnd giff in die erden das
dauon niemant vergifft würd. Vnd vmb dy zeit als man der
schlangen nach gewonhait ir speiß pflag zů geben/ da stond
der wirt mit einer art für das loch vnd wartet wann sy nach ir/
er speiß komen wolt/ vnd als die schlang zů irer zeit her auß sch
lieffen wolt da thet sy gleich den schuldigen vnd lüget vor mit
iren augen ob yemant sunder auffsehen auf sie het / Der wirt
wonte sy würd iren gang wie vor fürsich herauß schlieffen/ vñ
so bald er ir das haubt ersach da fieng er an mit der art zůschla
hen/ vnd ee er den strich volbracht da hett sy ir haubt wider in
ir loch gezogen vnd bekant sich irer übeltat.



Der edlich tag ward der wiert von seiner freunwen be/
 redt das er sich mit der schlangen richten solt sie würd
 es nit mer tun. Der wiert was gütwillig vnd ging für
 das loch vnd rieff seinem nachbawen er wolt ein richung mit
 ym treffen also das er deß sicher vor ym wer. Der schlang sprach
 nain. V. iser gefelischafft mag fürter nit wol mit trüwen gestan
 dann wann du gedenckst das ich dir die giffte in den hafen geton
 han vnd ich gedenck das du so vnbermlich mit der art nach mei
 nē haubt geschlagen hast so mag einer dem andern nit wol mer
 getrawend. drumb fügen wir nit zusamen. vnd nit wegers dann
 gib mir stat mein straf zu gan vnd ye ferrer ye besser vnd blib
 du mit trüwen in deinem hauß. Das geschach. Der rapp sprach.
 Ich han deine wort verstanden / doch soltu dein natur erkennen
 vnd die gerechtikeit meiner wort / vnd nit biß mir so scharpfer
 rede / vñ schib dich vñ mir sprechend / es hab nit stat das du mir
 gefelischafft gebest / dann vernünfftig creaturen suchen bestendi
 ge sachen die so adelichs hertzen sint vnd dy liebe die da ist vnder
 trüwen gesellen dy würt nimermer zertrenet / ob sy aber erwen
 auff hört so ist sy doch bald wider zübringen / dann was güt ist
 das ist langwerig / gleich ein gulden geschirt das weret lenger
 dann ein leichtfertigs glas / vnd wann das glas zerbricht so ist
 es nit wider zübrinzen. aber das gulden geschirt so das bresthaf
 tig so würt es doch leichtfertig wider gemacht als es vor was /
 Also zwaiung vnd vngetrüwer gefelischafft ist neher der zertren
 ung vñ fere von widerbringung / aber getrüwe gefelischafft ist
 fere von d zertrenung vñ nahen zu der widerbringung / darüb
 ei man edels gemüts hat auch lieb ein andern edels gemüts wann
 er das nit mer dann ein mal erkenet. Aber dy freuntschaft des
 der des vnadelichen gemüts ist allain durch gewin vnd getatikeit
 vñ ich erkenn dich ains edeln gemüts drumb liebet mir dan ge
 felischafft vnd bedarff ir / vnd ich werde nit weichen von dē ein
 gang deiner tür / auch weder essen noch trincken biß du mir dan
 gefelischafft zu sagst.




Er wurt ym die mauß. Ich will yetz dein gesellschaft
 annemen dann ich hab ny kainen seyn antlitz irrigen
 seiner bit gan lassen. doch so hab ich dise wort mit dir
 geredt das du merckest das ich wol versach in mir verstand das
 ich deiner gesellschaft mit gelimpffab sein möchte / much auch der
 wol erwert het dann ich wer in m. n. r. w. m. n. z. vor dir gestreit
 das ich allen begerenden beger nütz zusein nach meinem vermü
 gen / vnd darumb so gloriere nit wider mich sprechend. Eya ich
 hab ein mauß funden on alle fürsichtigkeit vnd vernunft / vnd
 sie mocht sich vor meiner bettrignuß nit verwaren vnd das mir
 mit dir geschehe als dem hannen mit dē fuchs. Der rapp sprach
 Wie was das. Sprach die mauß. Es was zū winter zeit bei ei
 ner kalten nacht ein hungeriger fuchs auß gangen nach speiß vñ
 hōrt ein hanen bei seines m. i. e. r. s. hauß auff ein kriebbaum den
 tag an kreen. der fuchs eilte dahin zū dē baum vnd sprach. Han
 was singstu in diser kalten vñ finstern nacht. Der han sprach.
 Da verkünd ich den tag den ich nach meiner natur schier künff
 tig erken vñ den niemans verschweigen. Der fuchs sprach. Han
 so hastu etwas götlichs in dir das du künfftige ding waist. Der
 han sieng aber an zū kreen / da sieng der fuchs an zū tanzen vñ
 da er von dē hannen versach seins tanzens gefragt ward da ant
 wurt der fuchs. So du weiser philosophus singest so soll ich bil
 lich tanzen / dan man soll sich nit den frölichen frewen vñ spra
 ch. O han ein fürst der fōgel du bist nit allain begabt das du in
 den lufften fligen solt sund künfftig ding gleich den propheten zū
 uerkünden. wie hat dich dy natur vor allē andern tieren begabt
 m. i. c. h. t. ich w. r. d. i. g. werde. i. d. e. i. n. e. r. g. e. s. e. l. s. c. h. a. f. t. / vñ ob du mir das
 nit ganz glauben wilt so günne mir doch allain diß mal dein
 weises haubt zū küssen das ich meinen gesellen sagen müg das
 ich eins weissagen haubt geküßet hab. Der han ließ sich an dē
 fuchs gute wort vnd staig von dē baum vnd bot dem fuchs sein
 haubt das begraiff er in seinen munt vñ nam das zū speiß vnd
 sprach. Ich hab den weisen on alle vernunft funden.



Iß hab ich dir gesagt das der hant billich betrachte het
 die freundschaft: zwischen dem fuchs vnd sein das es der
 haß was seinen willen zuuolungen an ym /dann er
 was die speiß vnd der fuchs der freßer /vnd gab ym darzu sein
 spotwort das er sich vor ym nit bewert het. Aber ich will dir ge
 trawen das deine wort nit mit zwifaltiger zungen geredet sein/
 vnd darauß ging die mauß zu forderst vnder irß lochs tür. Der
 rapp sprach. Warumb stastu vnder der tür was machte dich zag
 hafft herauß zu mir zegan /ist in dir noch icht forcht gen mir.
 Antwort die mauß. Swai ding der freundschaft sind bei den
 menschen diser welt. Das ain die gebung der personen. Das and
 die gebung d hant so die parson geben sint die getrüwen freund
 die sich vnder einander mit hertzen vñ lieb zusamen in getrüer
 gesellschaft tünd. aber die sich zusamen tünd mit gebung d hant
 das sint dy sich in gesellschaft halten nach nutz ieglicher seinselbs
 Vnd die sint gleich ein fogler d warff seinen fogeln den wain
 fur nit yn zu nutz noch in erbernd irß hungers dann sund vmb
 seinen aigen nutz sie im damit zu speiß seins leibs zebringen /dar
 umb ist die gesellschaft vnd gab der person besser dann die gab
 vnd verainigung der hant /vñ also hab ich yetz meinen glaub
 en gesetzt in dein person dann du bist mir gefallen vñ mich irret
 an meinem ausgan mit dein vntreue so du deinem geschlecht nach
 in dir haben möchtest allein das du hast vil gesellen deiner na
 tur vñ aber villeicht nit deins gemüts der vnderrede nit mit mir
 ist als die dein ist mein forcht ob mich d ain bei dir sech sy würd
 mich vnderstan zu irer speiß. Antwort d rapp. Zu getrüwer ge
 selschaft gehört das einer sei ein getrüwer gesell seins gesellen/
 vnd ein feund seines gesellen seind. Deß biß gewiß das ich kain/
 en gesellen oder freund hab er soll dein als trüwer gesell sein als
 ich vnd gering wirt es mir sein nit allain alle die zu schedigen/
 sonder auch zuuertreiben alle dy sich nit als gegen dir erzainen
 Auf das ging die mauß fur ir tür vñ gelobt d rappen freundschaft
 vnd trüw /deß gleichen ir d rapp herwider vñ wonten bey
 einander freidsamlich vñ gesellich vnd sagten alle tag historien

vnd fabel der leuff diser welt.

Es begab sich als nun der rapp vnd die mauß bei ein
ander wonten sprach der rapp zu der meuß. Gesell dise
dein wonung ist gar lautbar vnd nahen bei dem weg
ich hab sorg von der teglich wonung es möchte einer sein augen
auff mich kören vnd mich schedigen/ auch ist mir mein speiß hie
hart zu überkomen. nun waiß ich ein lüstige vnd nütze wonung
da bei sint vil fisch wasser vñ frucht vnd da selbst han ich auch
gar einen getrüwen gesellen in dē wasser wonend ich will daß
du mit mir dahin komest. Die mauß verlanzt das vñ sprach mir
ist selber hie schuwe darumb so hab ich mir müssen so manigen
eingang machen in die erde. Der rapp sprach. warumb forchtest
du dich. Antwort die mauß. Ich will dir sagen mir sint vil wi/
derwertiger ding hie beegend die ich dir wol erzelen will war
wir an das end kumen. Damit nam der rapp die mauß bei irem
schwanz vnd flog hin biß zu der stat die er der meuß genant het
vnd da er mit d meuß zum wasser kam da sach yn das thier da
von der rapp ym gesagt het seine gesellen vnd er kante die mauß
nit vnd floch wider in das wasser vnd da d rapp die mauß auß
dē schnabel auff die erden verließ da stund er auff ein baum vñ
ruffet dē gesellen vnd diß was ein schiltkrot vnd er nante sy mit
irem namen vñ so bald die ireß gesellen stimm erkant da gieng
sy auß dem wasser vnd gab dē rappen antwurt vñ was fro sei/
nes widerkumens vñ fragt was yn zu seinem langen auß sein ge/
vrsacht het. der sagt ym von anfang was er von d tauben vnd
mauß gesehen vñ wie er sy zu gesellen erworben vñ an das end
zu kumen überredt het.



Als die schiltkrot hörte da nam sie sich wunder von
der hohen vernunft d̄ meuß vñ gieng zū ir vnd grü-
ste sie fragende was sie die stat zū suchen bewegt het.
Dartzū redet der rapp vñ sprach zū der meuß. Laß dich das fra-
gen der schiltkrotten nit irren sag die red die du mir zū sagen ver-
haissen hast vnd laß diese frag vnser schwester der schiltkrotten
anstan. Auff das fieng an die mauß yenen zū erzelen ir hertum
en vnd sprach. Der anfang meines wandels in dem land was in
einem hauß eines seligen ainsidels der nie kein weib beschlaffen
het dem brachten erber frum gotsförchtig leut alle tag brot dauō
aß er nach seiner notturfft das ander leit er in seinen korb vnd
hieng den auff in seinem hauß. Des her ich acht biß das d̄ man
auß seinem hauß kam so sprang ich in den korb vnd ließ darinn
nicht dann ich aß dauon so vil als mich benüget das übrig gab
ich den andern meusen meines geschlechts die auch ir wonung
in dem hauß hatten. Vnd der ainsidel gedacht ym den korb zū
hencken an ein ander ort da ich den nit erspringen möcht / aber
es halff yn nit. Auf ein tag da kam zū ym ein waller dem mach-
te er ein wirtschafft nach seinem vermögen vnd da sie getrunck-
en vñ gessen hetten da tet der ainsidel das übrig in den korb vñ
hieng den auff an sein stat in dem fieng der waller an zū reden
mit dem ainsidel vnd saget ym von vil abentüwer der fremden
land vnd der leuff der welt d̄ er vil vmbfaren vnd gangen het.
vnd da yn gedaucht das der ainsidel ym nit genauwe zū hören
wolt besunder das er sich mit seinem gesicht vnd geberde d̄ hent
gegen dem korb zū sehen erkennen gab da ward der waller vn-
willig über den ainsidel vnd sprach. Ich sag dir meine wort vñ
nimbst du der nit acht so hast du nit lust zū hören. Nit sprach d̄
ainsidel ich hab sunder gefallen in deiner sag sunder diese geber-
de vnd gesicht hab ich allein flüchtig zū machen die meuß die in
meinem hauß sint vnd mit vil betrübnüß zū fügen vnd wider-
wertkait dann sy essen mir alles das ich geleben solt vnd lassen
mir ganz nicht v̄ḡlezt. Antwortt der waller. Du hast mich
mit deiner red angedenck gemacht einer fabel von einer frawen

Das.iiiij.Capitel.

die zū irer gespielen sprach diese frau gibe mit on vrsach den auß
geschwungnen dinkel vmb den vrsausgeschwungnen. Sprach
der ainsidel zū dem waller wie was das. Also was sprach der
waller. Auff ein mal was ich geherbergt bei einem erben man
vnd nachts höret ich den man mit seinem weib sprachen. frau
morgen wil ich etlich vnser güt freund zū gast haben. Antwort
das weib. Du vermagst nit alle tag gest zū haben vnd wirtsch/
afft zū machen vnd verzereest da mit was wir hand das vnß zu
lest in hauß oder hoff nichts beleibet. Der man sprach. Hauß
frau laß dir nit mißfallen das mein will ist vnd besunder in di/
sen sachen. dann ich sag dir wer allweg gütig ist vnd nicht wiß
zū tün sunder zū samen zū legen vnd dasselben nit thüren nach
lust oder notturst zū nießen dann allweg zū samen vnd zū spa
ren deß end wirt als deß wolffs.



Das .iiij. Capitel.

Je frau sprach. Wie was das. Er sprach. Man sagt es sey gewesen ein ieger der ging nach sein waidwerck mit seinem geschütz vñ ym beegend ein rechbock den schoß er vnd nam den auff sein halß haim zü tragen. da begegnet ym ein ber d eilet auff yn das d ieger sich sein er weren muß vnd spienn sein armbrust vnd leit darauff seinen stral vñ wart ym zü kurz das er zü schutz nit kumen mocht vnd zuckt sein schwert vnd schlug sich gen dem beren vnd belib sein armbrust also gespannen mit dem stral auff der erden ligen. Der ber schlug den ieger tod vnd da aber der ber befand der wunden so ym der ieger geschlagen het da wurden sy von ym noch weiter auff gezerrt das er daselbst bei dem ieger tod belib. Abends da gieng da für ein wolff vnd fand da die dotten körper den beren vñ den ieger vnd den rechbock vnd ward fro sprechend in seinem hertze Diß alles das ich fundē hab soll ich behalten zü meiner notturst meiner speiß wann ich sust nit anders überkumen mag das zü haben vnd ganz deß nichts zü niessen ich würde mich diß malß wol mögen ergetzen zü nagen an den adern diß bogens an dem armbrust/ vnd sieng an zü nagen biß das armbrust ließ vñ ym der stral in sein leib gieng vnd belib tod.



Das.iiij.Capitel.

Is beispil hab ich dir gesaget das du verstandest das
mit allweg gut sei zū sparen vñ zū sameln vnd das ge
sammelt nit zū brauchen vñ mit zū tailen trūwen freun
den durch got vnd ere. Antwort dy frau. Du magst war sagen
Morgens frū stond die frau auff vñ nam waitz den sie zū essen
beraiten wolt vnd hülft den vnd sagt ir kind darzū zū behüten
den das yn die schwein deß hauß nit essen/vnd sy ging furter zū
überkumen den gesten zū irer wirtschafft.in irem abwesen kom
ein schwein deß kunds vngewarnt vñ aß dauon ir notturfft vñ
das übrig begoß sy mit irem brunz. Da das dy frau befand da
vnlustet ir von dē übrigem waitz vñ nam den vñ gieng auff den
marcct den zūuerwechselen vmb vngehülsten waitz zū gleicher
maß.vnd da ich das sach da hört ich von eim andern d sprach .
zū einem seim gesellen . Schaw wie geit dy frau den gehülsten
waitz vmb den vngehülsten in gleichem meß vnd freilich nit on
verschach. Geleicher weiß sag ich dir von diser meuß dy du sprichst
sy spring in den korb fur all ander meuß das ist freilich nit dann
durch mercklich verschach.nun das zū erfahren so bing herfur pick/
el vnd hawen so will ich graben zū der meuß hôle vnd ir wesen
besehen. Diß hört ich alles dann ich stünd in einer meiner gespi
len loch/nun lagen in meiner hôle tausent guldener pfennig ver
borgen mir vnwissend wer sy dahin geleyet het/die ich alle tag
zerspreite vnd da mit sunder freud vnd kurtzweil het vnd entpf/
eng dauon sterck vnd gemüt. Also grub zū meiner hôle der wal
ler biß das er zū dem gold kom.vnd da er das genam da sprach
er zū dem ainsidel. Dise mauß het nit vermögen in den korb so fre
felich springen dann durch verschach diß goldeß von dem sy sollich
krafft vnd gemüt empfangen het in allem irem wesen deßer ver
müglicher zū sein/vnd du wirst befinden das sy das furter nit
mer volbringen oder mer dann ander ire gespielen gethün mag .
Vnd ich höret dise wort deß wallerß vnd west das er war sagte
vnd mir fiel darauß schmerzen in mein sinne vnd gemüt vnd
befand darauff drackhait meiner übung vnd tranckhait mein/
ner stercke . Deß morgens samelten sich zū mir aber alle meuß

mein gesellen als sy gewont hetten der speiß zů warten von mir die ich vor all tag mit yn getailt hat vñ sprachen. Jetzt hat vnß der hunger bestanden vñ haben kein speiß nun bistu biß her vnser zůflucht vñ zůuersicht gewesen vñ von dir haben wir gelebt Thū fleiß das wir etwas für den hunger haben mögen. Ich füget mich an das end zů dē korb vñ wolt nach meiner gewonhait darein springen vñ vermocht das nit zetun. vñ da die meuß sahen das ich darein nit springen mocht vñ sy mit speiß versehen da ward ich ganz von yn veriagt vñ schnöd gehalten von yn allen. vñ ich hört vñ yn eine sprechen. Jetzt ist vnser gesel ganz vnnütz vñ vermag sich ganz nit. es erhaucht sich vñ vnß das yederman sein weg wandel/ vñ gebürt sich vnß nit mer auff sy zů warten so wir doch sehen das sy sich nit mer vermag das zů tū das sy vor mer geton hat/ dan fürwar ir werdend befinden das es bald darzů kumen dz sy vnser hilff notturtig wirt/ darumb ist gut bei zeit von ir zekumen vñ fürtracht yeder man sein wegsts. Vñ also wichen sy all von mir vñ lissen mich ainig vñ hetten mich nit mer angesehen. Da sprach ich zů mirselbs in meinē gemūt das weder geborn freund eins geschlechtes brüder noch gesellen trewe gesellschaft halten sunð sy weichen all in der not. vñ sint gericht auff gewin vñ dē nutz diser welt nach zůfolgen. Es ist auch nit genaigter will williger rat rechte trūw noch liebe dann d man genießen mag. Dan merck den hab ich gesehen dē kein reichumb gebrast vñ darüb mocht er nit volbringen das ym zů willen was dan ym gebrast d gewalt sein sach zů enden. gleich dē wasserfluß in dē sumer so d dorret so das er nit gewalt haben mag fürter zů fließen. Vñ hab gesehen wer nit reichumb hat d hat auch nit brüder wer nit brüder hat d hat auch nit geschlechtes/ vñ wer nit geschlechtes hat d hat auch nit freunt vñ wer nit freunt hat dem folget kein gedechtniß vñ wirt beraubt gut dat diser welt vñ von der künfftigen welt wirt sein vergessen/ dann ein mensch das reichumb mangelt vñ hilff begert der wirt gar bald von seinen gesellen verhasset vñ von seinen gesippen verlassen vñ von seinen freunden vergessen/

Das.iiiij.Capitel

dann ein mensch d̄ reichthumbs mangelt vñ zū armut kumen ist
d̄ geit sich zū weilen in den tod/verkaufft sein aigen sel·er vera/
chtet vñ vergift gottes vmb reichthumb/od̄ biß er sich vmb sein
aigen leib vñ sel bringt·darüb ist auff erden nit ergers dan̄ so ei
reich man zū armut kumbt dann ein gepflantzter baum dē dar
nach sein rinde zū allen orten ab gezogen würt ist böser zū ach/
ten dann ein man d̄ ander leut hilff bedarff vñ arm ist/dan ar
mut ist ei anfang aller traurikait vñ schmerzen irß gemüts vñ
widerwertikait dan̄ sy nimbt den grossen herren d̄ land techhait
seines hertzen nit zūuolbringen das ym im gemüt ist·sy versürt
den ratgeben zū tothait/sy teubt die mechtigen/sy nimbt d̄ wei
sen red/von den vernünftigen dē guten rat/von dē alten dy weiß
hait·sy krenckt das leben/sy dertret das geblüt/sy macht schwer
all widerwertig zūfell·vñ wer mit d̄ wunden d̄ armut troffen ist
dē wirt genumen alle senssmütikait vñ geraint zū hertikait·vñ
welicher nit senssmütig ist dē gebriß adels/vñ wer adels mangelt
d̄ ist leichfertig zū vnrecht·wer sich vnrechts versacht d̄ wirt sel
lig/welicher fellig wirt das bringt trauern/vñ wer traurt der
verliert sein verstentniß vñ vergift d̄ weißhait·Vñ hab ein ge
funden d̄ arm ward zū dē man sich darnach alles übels versach
vñ deß das er nit geton het vñ das and̄ geton het ward auff yn
gezigen/vñ es sint in d̄ welt nit so vil vrsachen da mit der reich
gelobt werd̄ ir sint mer da mit d̄ zū armut kumen ist gescholten
werdē/dan̄ ist er milt gewesen so saget man er sei ein verzerrer/
übersicht er man spricht er vermög nit/ist er eins edeln gemüts
vnd reichlich man spricht er sei zū behend vñ vnuerstetlich/ist
er aber züchtiger geberd man spricht er sei vnuerstetlich/ist er
eins gedorstigen hertzen so saget man er sei ein dor:/ist er redgeb
man spricht er sei ein schwerer/schweigt er man spricht er sei ein
bestien·vnd darumb ist der tod vil wegerer dann armut dy den
man in beweglich versuchung bringet vnd verachtung so das
er bitten muß/vnd besunder wann er einen thoren oder einen
geittigen bitten muß/dann sie geschen den yn in seiner armut·

Es zimbt sich einē armen verdorbenen edeln menschē sein hant
in einer schlangen munt zetun vñ ir giffet darauß zünemen vnd
dy zetrincken ee dann von ein toren oder geitigen hilff begeren.
Vnd man spricht wer steten sichten on mittels leidet vnd ein
waller in ain fremdē land d̄ von niemans wol entpfangen vnd
ym nit geben wirt vñ sund hilff leben muß/vñ ainer d̄ von rei
chthumb zū armut kumen ist/den dreien sei d̄ tod besser dan̄ das
lebē/dan̄ also gelebt haist gestorben/dan̄ armut bringt bei wei
len diepstalmort verretterey raup vñ anders. Es sprechen dy wei
sen das weger sei ein stum vñ warhafft dan̄ ein redner lügner/
vnd besser ist ein schweiger dann ein schweizender ob er ioch al
weg war sagt.

Id als ich in meiner hōle was da d̄ waller die gulde
fant vñ dy nam da sach ich das er dy tailte mit dē ain
sidel vñ nam yeglicher das halb vñ schiden sich von ei
and̄/vnd d̄ ainsidel leit sein tail nachts vnd sein kuß da er auff
schlieff/vñ ich gedacht mir etwas dauon zū nemen villeicht ob
mir mein gemüt vñ krafft dadurch gemert wüde/vñ das sich
mein foeind vñ gefellen wid̄ zū mir geton hetten vñ also nit ver
achtet. Vnd da d̄ ainsidel schlieff da schlaich ich dar vñ er erwa
chet an meinē gan vnd schlug mit seinē stab nach mir vñ traff
mich/dē schmerzen ich auff meinē haubt befand da ich in mei
hōle lieff/vñ da mich mein schmerz verließ da bezwang mich
mein begird/vnd verfürte mich dy sünd d̄ geitait das ich zū
andern mal dar ging ob ich das wid̄ erkrigen möcht/vñ da ich
dē bett nahet da wacht d̄ ainsidel vñ wartet darauff vñ schlug
mich mit seinē stab auff mein haubt das mein blüt dauon ran.
Also schid ich da dannen mit bitterkait meins hertzen/vnd hat
darzū den schmerzen meiner wunden/vnd kroch auff meinem
bauch biß zū meiner hōle vñ strackte mich dar inn als halb tod
auff d̄ erden on allē verstentniß vñ vernunft vor schmerzen de
mich beraubt vñ ward mir widerwartig setzen allen scharz dē rei
chthumbs. Also wan̄ ich an golt oder gelt gedacht das es mir schre
cken i mei hertz trüg vñ merkt dz kait beschwerd noch betrübniß

Das.iiiij.Capitel.

In diser welt ist dyc nit von begird vnd der sünd der geitait
versprung hat. Vnd dy Inwoner diser welt werden stets geführt
auß ainer widerwert.keit in dy and. Vñ ich sach dy vnderfchait
vnder ain geider vnd geitigen das der gros was vnd fant wer
sch last benügen mit seiner hab vñ nit fürter begerte/dann ym
von got geben das der reich ist/vnd Im das nützer ist dann vil
schar mit geitait besessen. Vñ hört dy wäsen vier ding sprech
en. Es sei kein vernunft besser dan daß der sein aigen sach wol
betracht/vnd niemant edel on güte sitten/vnd kein besser reich
tumb dann da man sich benügen laßt/vñ der sey weise der sich
dauon thū das ym nit werden mag. Vnd also ward das ende
meiner geschafft das mich benügen wolt daß das ich hett.vñnd
waich also auß daß ains. dells haus vñ verließ daselbst mein wo
nung vnd kam her in dise wüstenei vnd gewan daselbst dy ge
selschafft der tuben vnd ir geselschafft ist vrsach gewesen das sich
der rap ouch zū mir gesellet hat/vnd so mir der erzelt hat dy ge
selschafft zwischen ym vñ dir vnd mir/sagt das er zū dir wolt
da glust mich ouch zū dir/dann mir mußiel allain zū wonen/
dann in d welt nicht ergerlicher dann geselschafft trüwer per
sonen. Aber grosser betrübnis ist beroubt sein aller geselschafft
vnd fründschafft./vnd hab versucht manigerlay in diser welt/
vnd hab erkant das nit nüt ist das yemant in diser welt fürter
dann seinen stat der Im gezunbt vnd dem er gnüg sein mag zū
suchen. Sunder sich da neben daß benügen ainer narung vnd
behausung. Dann ob man aym menschen dise ganze welt gebe
mit aller besizung so gebürt ym doch nit mer dauon dann das
wenig das zū seinem leib notdurfftig ist/das übrig ist d andern
vnd darum bin ich komen mit dem rappen das ich dir ain brü
der vnd gesell sey vnd du mir herwider/vnd das vnser gesell/
schafft bei ainander bleib. Also nu dy muß ir red volbracht/da
antwortt ir dy schiltrot mit süßer rede vnd demütiger zungen/
vnd sprach. Ich hab verstanden deine woā vnd werck das du
gar wol behalten hast was dir bißher widerfahren ist/vnd dein
geschafft weislich verhandelt. Nun solten dem vergangen wider


wert.kait vom gemüt schlahen/dann was güt sol sein das muß
durch gute übung ergetz vnd erzeuget werden. Als der sieche
der seinen siechtagen weiß vñ was in helfen mag den vrsache
nit sein wesen er leb dann d'arznei dy Im helfen soll. Vnd dar/
umb nit bekömer dich vmb dē verlust deins reichthums/dañ ain
edel gemüt wirt geert/vñ ob es ioch reichthums mangelt. Als der
leo den forchtet alles das yn sicht vñ ob er auch schlafft. Dañ ob
ain reicher nit güt siten noch werck an im hat d' wirt von den fru
wen menschen veracht als ain hünt d' von allen menschen leicht
geacht wirt/vñ ob man dē mit vil silber od gold beclaidt noch
ist er ain hünt. darüb laß dir nit schwer sein in disem vntündi/
gen land/dann d' weisen großmütigen eigenschafft ist von ain
land gar gern in das and zū wandeln/vñ von ain ende d' welt
an das and züercken/vñ mit im wandelt sein vernunft als mit
dē leo war d' wandelt so bringt er mit ym sein sterck. Do d' rapp
dise woert hört da was er fro diser ainigūg vñ sprach zū d' maüß
Iac soltu dich freuen in deinē gemüt diser guten gesellschaft vñ
dy treulich mit vnß haltn/dañ niemans mag stets freud vñ gü
ten leimut behabñ dañ dēß fuß sich nit mit vntreü bekert von sei
nen treuen geselln vñ freunden dan wañ ain hohes vñ adelichs
gemüt sellet dē mag niemant dañ ain edler seins gemüts gleich
aufhelfen darüb ist im d' treü gesel nit züuerckisen Als dz helfant
w.ñ das felt so mag im nimant aufhelfen dañ ain and helfant
Vñ da d' rap also mit in redet da kam ain hirtz gelauffen vñ da
sy den hörten da fluchen sy/die schiltkrot in dz wasser dy maüß in
ir löchlen vnd d' rapp auf ain baum vñ da d' hirtz in das wasser
kam da flog d' rap in dy lüft vñ lügt ob dē hirtz d' ieger villeicht
nachfolgte/vñ da er niemans sach da rüfft er d' schiltkroten vñ
d' maüß dz sy herfür gingen es wer da nicht forchtsams. Sy ko
men von iren wonungen vñ gingen aber zū samen/vñ da der
schiltkrot den hirtz sach bei dē wasser stan mit aufgehobem halß
gegen in züschauē vñ das trinken vermeiden als ob er in forgn
stünd/da sprach dy schiltkrot. Herr türst dic' also trinck/hie be/
darfst du niemans forchten der dir schad sey



Er hiern gieng zu ir vñ grüßt sie/ der schiltkrot fragt
 yn von wann er keme /des antwurt der hirsch ich bin
 in diser wüste langzeit gewesen vnd inzt han ich gesehe
 die schlangen von ein ende an das ander wandern / vnd hab
 forcht ob ieger oder etwas übung ym walde sey vnd bin her ge
 wichen sprach der schiltkrot/ fürcht dir nit dann an diß ende ist
 noch nye ieger kummen/ vnd wiltu bey vns hie wonen so wol
 len wir dir vnser gesellschaft mit teilen vnd vns zu dir verspre
 chen/ dann es ist gut weide vmb dis wasser / der hirsch begert
 ir gesellschaft vnd blaiß bey ynen vñ machten yn selbs ein wo
 nung von esten der baume / dahin sie alle tag zu samen kamen
 zu ir gesellschaft/ vñ fabulierten da von wer:en diser welt/ auff
 einen tag warent daselbst bei einander/ der rapp die mauß vñ
 die schiltkrot vnd mangelten des hirsch/ vnd do er so lang auß
 blaiß/ hetten sie forcht ob ym vor den ieger icht begegnet were
 vnd schickten auß den rappen die welde zu er fliegen ob er icht
 gewar wurd/ der rapp was behent vnd flog hin zu wald / vñ
 fandt den hirsch in einem netz vnd kam bald wider vnd saget
 das seinen gesellen/so bald die mauß das hort sie eilt vnd bat sy
 den rappen dahin zetragen / vnd da sie zu dem hirsch kam spra
 ch sie/ brüder wer hat dich in das netz gefellet / nun solstu doch
 der vernünfftigen verstendigen thier eins sein / antwurt d hir/
 sch/ Schwester es mag nyemans sich bewaren vor dem vrtail
 die von oben herab über yn geordnet ist/oder waist du nit das
 den behenden ir lauff vñ den starcken ir streyt / daruon nit sein
 mag/ vnd do sie also mit einander redten/ da kam die schiltkrot
 auch gegangen zu der sprach der hirsch / schwester durch was
 bist du her kumen oder was mage vns dein bey wesen fördern
 dann allain die mauß mag mit disen strick zernagen zu meiner
 ledigüge / vñ ob d ieger kem /so bin ich leichtfertig zu flichen d
 rap zu fliegē die mauß mag sich wol in ein hüli der vil hie seind
 verbergē. Allein so bistu eins gemachsamē gangs vñ nit geschi
 ckt zu flichen oð dich zuuerbergen vñ wurdest villeicht gefan
 gen Antwurt der schiltkrot/ ein vernünfftiger bey getrüwer ge

Das.iiiij.Capitel.

felschafft sol ym nit schenē gelebt sein nach verliesung seiner gefellen / vñnd wo er nit hilff mag thun/da sol er doch trost thun nach seinem vermügen dann sein eygen hertz sol ein getreuer gefell sein /für den andern auß seine leib ziehē vñ ym dar legen dann wann güt getrüwe gefelschafft zertrent wurde so ist ir leben gemindert/vñd ir augen verfinstert / vñnd do sie dise rede noch triben so kumpt der ieger /nun het die mauß ient das netz zernagen vñd floch der hirsch vñd der rapp floch zū dem wald die mauß schloß inn ein hüly bey einer wurzel eins baums



Das. iiij. Capitel.

Als do der ieger kam do fand er das netz zernagē des
erschrack er vnd sach vmb sich vnd fandt noch sach
nyemant dann die schiltkrot / den nam er vnd bandt
den hart zesamen das es der rapp vnd dye mauß sahen vñ wur
den des fere laidig vnd sprach die mauß zūm rappen / ich sich nit
anders dann wann wir dem netz entgangen / so fallen wir in
dye grūb vnd stets von eyim vngesell in das ander / es ist wor
des wort ders prach / die weyl dem menschen ein glück kumpt so
ist er des andern warten / aber wann ein vngesell kumpt so k̄
er sich des andern nit entweren / dann mir wer gn̄g gewest d̄z
vngesell verliesung meins scharz vñd damit meiner gesellen
itz hab ich mit schrecken meinen gesellen den hirsch erlōst / vñ
damit k̄men vmb meinen br̄der den schiltkrōten / der mir lie
ber ist gewesen dan̄ all mein gesellen vñ fr̄nde / d̄ allein durch
liebe vñ tr̄we her k̄men ist vnd durch sein adelich gem̄t das
besser ist / dann die liebe vom vatter zūm sunē / dann dise liebe
endet sich nit dann mit dem tode / wee diser liebe der von einer
tr̄bseligkait in die ander lauffet / vnd dem souil widerwertig /
kait beschert ist / ich merck das nyemant stets in eyim wesen be
leiben mag / gleich als die stern yetz scheinen sie dann seind sye
verblichen yetz seind sie mit dem licht vmb geben / dann mit
der vinsternuß / dise widerwertigkait so ich durch mein gesellē
leid seind gleich eyim geschwere eines menschen / darein ym der
arzt schlecht / dann so gewindt es zwifeltigen schmerzen dē sch
merzen des geschwers / vnd den schmerzen des auff schlahens
Der hirsch vnd der rapp sprachen zū der mauß / dein vnd vn
ser trauren hilfft die schiltkrot nicht / nun gedenc̄ vnd find an
schleg iter ledigunge / Es sprechen die weisen in widerwertigen
sachen vers̄uchest du den fr̄ndt in kauffmanscharz den getr̄u
wen / yn allenden sachen den gesellen. Die mauß sprach mir ge
uiel das das der hirsch gieng auff die straß des iegers vnd legte
sich ein ḡt verze vor yn neben den weg do er für gan muß als
ob er tod sey vnd stand der rapp auff yn als ob er auß im essen
wölle / so waiß ich wann der ieger das sehen w̄rd so w̄rfft er
n.iiij.


sein burde das netz darinn vnser gefelle gebunden ist / von im
vnd wurdet dahin zů eilen / vñ wan du dz sichst so schweig ein
kleine fertz als ob du vast schwach vñ tod leibig seist / vñ raitze
yn für vñ füre damit er müd werde / so will ich da zwischē die
schnür zernagen / vnnd vnsern brüder ledigen das wir all mit
freuden vnd hayl zů vnser wonung kůmen werden / der hirsch
vnd rap theten wie sie die mauß geletzt hetten / vñ do der ieger
dem hirsch nach eylet von einer stat in die ander / vnd der rap
sach das die mauß iren gesellen geledigt hett / da cyltē sye baid
iren weg zů der mauß vnd irem gesellen / vnd funden den gele/
diget vnd kůmen alle mit einander hin zů ir wonung mit freu/
den vnd seligkait / vnd do der ieger zů seinem netz kam vñ fand
das die genagen warent vnd die schiltkrot gelediget / da geda/
cht er an den hirsch vnd rapen vnd wie yn die mit grosser ge/
schiditait vmbgefůrt vnnd sich zů erkennen geben hetten das
mit was / vnd das ym da zwischen seine netze zernagen waren
vnd die schiltkrot gelediget / do sprach er gen ym selbs dise ge/
gne ist ein gegne der zeuberer / oder bóser gayst vnnd gieng mit
forchten seinen weg zů seiner herberg.

Prach der kůnig disles zů sendebar seinem weisen / hye
ist recht zůuerstan das getreuwer rat vnder getreuwem
menschen / besunder die sich gůter ůbung fleissen mit barmher/
zigkait vnd rechtfertigung irs lebens zů hohem nutz vnd eren
ires leibes vnnd wesens erschiessen mag


Das. liij. Capitel



Hie endet sich das fierd Capitel von der tauben der mauß dem hirsch vnd der schiltkroten / vnd fahet an das fünfft Capitel von der schar der aren vnd der schar der rappē vnd ist von dem 8 sein getrauwen setz in seinen feind vñ was im zu letschte dauon kummet.



S fraget der künig disles sendebar seinen weysen vnd sprach ietz hab ich gehört was du gesagt hast von getrüwen fründē / vnd gesellen die sich vnder einander lieb haben mit getrüwen vnd gerechten hertzen vnd genuet vnd was darin verdienens sey / nū beschaide mich von einē feind ob der auch icht wider zu fründe gemacht werden müg / daz im die sein sein de war i getrauwen mügen / vñ was seintschafft sey / vnd ire werck vnd natur / vnd was der künig thun muß / wann ym et / was begegnet von seinen feinden / ob er yren friden suchen vñ sich daran lassen sol / vnd ob er seinē versonten feinde sich selbs vertrauwen vnd gesellschaft mit ym haben müg / darüber begere ich von dir ein fabel sprach sendebar / der künig sol wann ym von seinem widersach et was begegnet alwegen zwysel zu dem selben haben / vnd sich vor sehen dz er ym vernag sollichs aber thū / vnd sol sich vor ym oder seiner gesellschaft oder seinē solck beware ob wol sein widersach fridē oder glaubē an in sūch et / vnd ym fründlich geberde oder liebe erzaigt oder gesellschaft seinen dienern oder fründen / so sol er doch Worten oder geberdē nit glauben / das im icht geschee als dem aren mit dem rappen Sprach der künig wie was das / antwurt sendebar / man sagt es sey in einem land gewesen bey einer stat ein grosser berg dar auff was ein grosser baum mit vil esten / auff dem selben baum warent wol tausent rappen nester / ir iungen für zu bringē vnd die hetten einen künig auff dem selbē berg was auch ein baum darauff hetten die aren ir gemischt wol tausent oder inec / vñ vnder ynen auch einen künig der sie regieret.




In einer nacht hüb sich auff der künig vnder den are
 mit seinem folck / vñ über fielen den rappen vnd wñ/
 deten ir vil / vnd todten ir etlich durch den neyd der
 zwischen yn was / vñ der künig der rappen vernam disen über
 sal nit biß frie als er auff gestanden was / vñ do er sollich scha
 den vñ verlust d seinen sach da trauret er vñ gedachte darüber
 rach zü t:in / vñ berüfft zü ym alle weysen vnd vernünfftigē sei
 ner rethe / vñ öffent yn dise geschichte fürchtent das sollichs mee
 beschehe wa das nit für kumen wurd vñ sprach zü seinē rete / ne
 ment eben acht iwer wort vñ eilent nit in irwerm gemüt disen
 rat zebedencken biß dz it ench eben vnd gnügsam auff disen hā
 del vnd sach betrachte habent . Nun warent vnder ynen funff
 seiner rete für die andern weyß vnd geleert die berüfft der künig
 zü ym vnd het besundern rat diser sach mit ynen / vnnd sprach
 zü dem ersten rappen / was ist dein rat in diser sach die vns be
 gegent ist von vnser wider partey / vñ besunder so wir des in
 sorgen seind es möcht vns mer begegnen . Antwort diser rapp
 herz künig diß ist meyn rat das die weysen gesprochen haben /
 wann dir etwas begegnet von deinen feinden der dir über ma
 cht ist vñ dem du nit widersten macht / so ist weger dz du dich
 von im tust vñ im weichest vñ dein hertz sol sich nit vermessen
 mit ym zü fechten / der künig fragt darauff den andern rappen
 was bedunckt dich auff disen rat den du izt gehort hast / d ant
 wurt vnd sprach / diß ist nit ein güter rat / das diser rapp meyn
 frunt geraten hat / dann es ist nit loblich / noch güte das wir vn
 ser wonung verlassen sollen oder das wir vns erstmals vnder
 yre fusse biegen / sunder wir sollen fürtrechtig vnnd betait sein
 vnd vns für vnsern feinden vnderstan zü bewaren / wann sye
 kumen das sie vns gewarnt vnd zü were geschickt finden vnd
 weren vns gegen yn so lang wir mügen / vnd wir sollen hüete
 vnnd speher haben zü allen orten was sye von den aren sehen
 das sie vns das verkünden / vnd kummen sie aber mit vns tñ
 streyt so wölle wir wider sie außziehē vñ vnsern vorteil ein ne
 men vñ warlich wider sie fechtē villeicht geit vns got d sig vñ


Das. v. Capitel.

über macht/so thün wir yn als sie vns geton haben wöllen vñ
will nimmer mer geratten das wir anfangs fliehen vnd hinder
vns lassen weyber kind vnd gesunde/vnd alles vnser güt/vnd
dise lustlich wonung die vnser altfordern so lang besessen habē
vnd werden sie vns über winden dann so fliehen wir so wir se/
hen das wir wider sie nit thün mügen. Fürter sprach der künig
zum dritten rappen/was bedunct dich auff dē rat deiner zwei
er gesellen/der antwurt ich hab sie beyde verstanden vnd redē
bayd wol/yeglicher in seiner mainung/ aber wye mügen wir
vor ynen bestan zu sechten auff die geschicht so vns begegēt ist
vnd ist in mir nit besser rat wir schicken einen von vns der ver
standen sey vnd vernünfftig/vnd der sich ynen nahe/vnd ire
wort erfare was ir mainung sey/vnd vns das widersag/vnd
wöllen sie sich mit vns vertragen vñnd ain tribut ierlichs von
vns nemen/so mag ich den vergangen schaden verclagen vnd
vns inn den weg zu geben/damit wir hye rüwlich in vnserm
gemach vnd wonung bleiben mügen/dañ es sprechen die wey
sen wann dem künig schaden von seinen feinden begegēt dē er
nit widerstan mag vnd sorg hat seins folcks vñnd seins landes
So ist weger frid auffgenūmen vnd tribut geben dan dē krieg
vnd disen rat soltu zūgeschēhen cülen vnd nit saumen. Der kü/
nig fragt fürter den fierden rappen was yme gemiel vnder disen
reten dē antwurt/sie hon d nicht gesagt darauff der künig grūd
setzen mag/mir gefelt nit das wir vnser personen vñnd adelich
wesen also verachtē vñ vns an diß nerusch grob folck wagē oð
mit ynen streyten/auch das wir ynen tribut geben sollen vñnd
wiß das besser ist wir weichen ein zeyt von vnser wonung inn
ein and land da wir sicher seient biß got dise ding anders schi/
cken will/dañ es sprechē die weisen wer sich inn gezwant vnd
vñdwürffig macht seinen feindē dē hilfft ym wid sich selbs/dañ
ich waif so bald sie befinden vnser gemüt das wir tribut geben
wolten/sie würdē dē also treigültē dē es vns vnleidelich wer vñ
diß anbringē wer vnser selbs veriatē/vñ geburt sich dē wir für
sichtig vñ gewarnt her in syen/ob sy aber kēmē dē wir gegē in

eilten vnd mit yn stritten in güter hoffnung / villeicht ist vns
got barmhertig das wir nit alle verderben. Darnach fragt d
künig den funfften rappen was er darzü reden wolt / der sprach
mich bedunckt diser aller rede auff keinen grundt außgan / der
dem künig vnd seinem solck nütz sey / dann das wir mit den dye
vns zu mechtig vnd zu starck seind zu streit gangen / mag ich
dem künig nit raten dann wer sein selbs macht vnd vernunft
nit betracht / vnd seines feinds der mechtiger ist dann er nit er
kenner / vnd mit dē den krieg treiben vñ streiten will / der würt
betrogen mit verlust / dann ich fürcht die aren / vnd es sol nye
mand verachten seine seind / vnd ob der nit starck ist oder wey
se vnd will mir doch auch nit gefallen in einē sollichem fride zu
nemen / das wir vns ynen in keinen weg vnderwürffig od zins
bar machen / dann sollen wir an sie schicken frid an sie zesuche
über den mürtwillen den sie dir herz künig vnd deinem solck zu
gefügt haben. So werden wir leichtfertig in iren augen vñ ge
schenden vns selbs. dan die weisen sprechen man sol sich wenig
zu den feinden thun vnd yn nit zuvil nahen dann mit vorteyl
Er wiß dann sein feind zu über machten das an vns mitt ist
das wir als mechtig seind als sie / darumb gebürt sich mit vor
teiligem auffsatz güter wort mit ynen zu handeln biß wir vn
ser begeren hefüllen mügen. Als ein mā der ein böß übel weib
hat die mag er mit güten Worten vnd schmeichendigen geber
den ee zu seinem willen bringen dann mit strachen / vnnd dar
umb herz der künig me g ich nit geraten das wir streiten sollen
wider den feind der stercker ist dann wir / wir sollen vns auch
nit mercken lassen das wir sie fürchten / Aber das ist mein rat
das wir berait vnd gewarnt seient zum streyt vnd sie zu betrie
gen mit auffsatz / dann der weyß man sol seinen schaden sehen
vnd bewaren ee er kumpt / dann wañ er kumpt so ist er nit zu
widerriuffen / vnnd wer vil streitet der mag hart entrinnen
man mag aber den krieg etwan mitt senfften Worten für kum
men vnnd das selbe ist das nützlichst / biß aim man sein vorteyl
werden mag / vnd diß herz künig ist mein rat



Er künig sprach·dich bedunkte güt nit zū streiten auff
 was mainung vnd anschleg od auffsz mainstu sie zū
 suchen·Da antwurt d rap vñ sprach·Herr künig hör
 mein rat·wan ain künig sein sachen vñ geschet tüt nach rat sei
 ner weisen ret bei dē er weißhait waif dy sich aller sach entstādt
 sy sint groß od clai so mag er sein veindē gesigñ vñ sein reich vñ
 macht wol beston·vñ er wirt gestert vñ gemert·Will aber d
 künig sein ret verschmehen vñ aigē willen vñ fürnemen volgñ
 vñ ob d weiß ist d mag zū sigliche end seiner sach selten komen/
 vñ sein reich wirt dardurch getrenkt der künig sol ouch vñ sein
 chaf·e sach d weisen vñ ouch nit d weisen ret aller rat habñ biß
 ain einheliger od merer rat beslossen wirt aber er sol nit des rat
 han den er waif d in nit libhat dan ob d ain mal ain gūten rat
 gibe er tüt es doch nit allweg·Nun ist es mein rat deß erstñ das
 wir all erschreckhait verlassen vñ vnser gemüt sterken das wir
 in nit vñd würffig werden dan das wer vnß vñ vnsern kinden
 ewig schand·Nun sprechen dy weisen·Besser ist erlich gestorbe
 dan schentlich vñ in widwertkait glebt·Ich hab dir aber herr
 künig in disen dingen etwas haimlichs zusagñ das sust neman
 höre dan ain haimlikait wan dy furter dan in zwa ier menschn
 münt kōt so wirt es offenbar darū soll d künig verschwigñ sein
 in seinen haimlichen reten dardurch werden sein sach vñ fürne
 men gestert/vñ bekome dar durch sein anschleg vñ bewarung
 seines schadens auffgericht·Vnd ob der künig weiß ist noch soll
 er seiner ret rat haben/dann der flamm in dem tigel so der hart
 print wirt d tacht mit öl gesalbt er scheint noch mer dann vor·
 Es sol ouch ain ratgeb betrachten warumb d künig frag vnß
 sach ergründ/vñ findet er dar inn schedlichs das sol er offener
 wy das zūwertoemen sey Vñ dy heimlikait herr künig dy ich dir
 sagen will dy sollen allain zwo zungen reden vñ vier oren hörñ
 Da das d künig hört da nam er den rappen mit Im in ain ga/
 den vnd sprach/sag mir deß ersten was waistu von dē anfang
 des haß zwischen dē oren vñ dem rapen·Antwort d rap·Ursach
 deß nyds ist vmb ain red dy ain rapp ains mals gethon hat




Prach der künig was ist das antwurt der rapp / es
 seind auff ein mal zesamen kummen das geschlecht
 alles gefügels vnd sich wöllen vnder reden vmb ey/
 nen gemeinen künig über sie alle zü erwelen dan ir künig was
 tod / vñ mit gemeinē rat erwelten sie ynē einē aren zü künig / vñ
 do sie dise wal besteten wolten / sahen sie den rappen in dē lufft
 fliegen / der noch nit inn sollicher wal gewesen was vnd spra/
 chen zesamen / es ist güt dz der rap auch berüfft vnd vmb dise
 sach gefragt werd vnd auff sollich berüffung kam er / vnd sie
 sprachen zü ym / rapp du hast den gewalt den wir all vnd vn
 ser yeglicher hat / wir wöllen das du vns sagst deinē willē vñ
 deinen rat / dan wir hond den aren zü vnserm künig gewelct
 darzū antwurt yn der rap / seitmals ir mich zü euerm rat be
 rüfft hond / so hörent meine wort / ich sag also werent alle ge/
 schleht der edeln vñ gütten vogel verloren vñ damit die storcken
 auch / vñ werent nit me dann die tauben vnd ander schlechte
 gefogel vor handen noch solten wir nit einen künig von dē are
 nemen / dan er tregt bösen sitten / ist auch einer bösen farb einer
 verkerten zungen vnd ein halber toze / inn dem ganz kein adel
 ist / seiner geberd noch wesens vñ vnuerkunst / vñ ist vngewō
 lich zornig vnd grym vnd vnarmhertzig / dan er ist ein gesch
 lechts böser synne vnd arger werck vnd dückisch hertzen vnnd
 vil ander boßhait der ich yetz vmb der kurze geschweigē will
 Aber ich sag euch welent euch auß dem geschlecht keinen künig
 sunder suchent euch vnder andern gefugel / vnd ob die ainfelti
 ger seind in synnen vñ in wercken / noch ist euch besser der selbē
 einfalt dan diß behendikeit / dan ob ein künig ganz ein toz vñ
 doch gefellig wer hat er weise rete vnd frūme bey woner / so für
 gandt sein sach vnd wurdt sein reich erhöhet / gleich als d kün
 nig d hasen / wie wol der nit wyse ist / so was er doch seinē wey
 sen retten gefellig / vnnd kam ym zü güt / die vogel sprachen alle
 wie was das antwurt der rapp / man sagt es sey kummen auff
 ein mal groß teurüg / vñ so ein teure iar dz alle wasser vñ brū
 nen des lands versigen vñ diß wart gar vnleidelich allē diere

vnd sonderlich den helffanden die giengent zefamen vnd sprachen zū irem künig / yetz gebrist vns waide vñ wasser / vñ will es dir gefallen so wöllen wir auß schutzen einander stat zefuchē das wir vnser leben behalten mügē / die außgeschickt kamē vñ sagten das sie ain stat fundē hetten die hieß der brün des mones vnd do wer waide vnd wasser nach luyt / vnd do sie zū dē brünen kamen / do warent die hasen da behauser mit irem künig / vnd hetten darumb vil hüly zū irem gemach / vnd do die helffand da vmb giengen / do tratten sie vil der hülen zū hauffen vñnd das auch der hasen darinn vil ertretten waren von iren füßen / do die hasen sollichen schaden befunden / da sameltē sye sich für iren künig vnd klagten ym das vnd waren traurig ire wonung zūuerlassen / vnd fragten iren künig rats / der beruffte zū ym alle weisen rete vnd sprach / ich bekenn das ich der weißhait nit hab die euch vñnd meinem reich notturstig were / darumb han ich euch als die weisen üwern rat zū folgen / darumb so wöllent getreulich inn die sach raten euch vñnd mir zū gūte dar zū sprach ein alter haß der weiß geacht vnd gelert was / gefelt es dem künig mich zū schicken zū dem künig der helffande vnd mit mir einen dein ir auch getrauwent / der auff hōre was ich red vnd handel / vnd das dem künig wider an bringē mag dem antwurt der künig du bist getreuw erkennt / vnd weiße in meinen augen / vñnd hab zū dir keinen argt won / darumb ist nit not nyemans mit dir zū schicken / gang hin vñnd betrachte was zū thūn sey / vñ sag dem künig der helffand was dich gūt bedunckt in meinem namen / dann an einem gūten botten leyt das er sein botschaft minder oder merree künd gütlich vñ großlich reden / nach dem die sag oder der an den die werbung geschicht gestalt hatt.

Id also beraitet sich d bott in einer nacht da der solschein des mones was / vñ gieng zū der stat des brünen / do er die helffand fand / vnd do er der stat nahet da gedacht er du bist klein des leibs vñ zarter gelid dich mocht leicht einer tretten oder stossen das du stürbest / dan mā spricht

wer vnder vergiffen thieren gang ist billich das er vergiffet
werde/oder vnder wilde thieren das er zerzeret werd / darüb
geburt sich das ich auff disen berg gang vnd mit ynen red vñ
er gieng auff den berg vnd rufft dem künig der helffande mit
seinem aygen namen/ vnd sprach der mon schickt mich zu dir
vnd dise sach meiner botschafft ist mit des botten sie sey gut od
böse arg oder ob ich gedorstedliche rede/oder dir dise werbung
mit gefallen wurde



So bin ich allein ein verkünder der wort die mir beuolhen
 seind/der künig der helffand sprach was ist das der mon gebü
 tet/ des antwort der haß/der starck der in sein sterck vertrauet
 den bewegt etwan sein sterck zu streyten/ wider den starcker vñ
 mechtiger ist weder er / also das sein stercke ym zu argem die
 net/ vnd sein gedorstigkait in ein strick seiner füsse würdet vnd
 so du dich waist einen herren über alle thiere des benützet dich
 mit/sonder du nymest dir für in deinem hertze zu kumen zu der
 schar der hasen die da wonen bey dem brunnen meus namens
 vnd die da seind mein solck vnd mein samlunge/ vnd von den
 hasen vñ ertreten vnd ire hüly zerbrochen vnd trinckest yn ire
 wasser vnd issest yn ire waide vñ hast yn mit deinen gesellen
 vil gewalts erzaget/nun gebeut ich dir das du sollich mit mer
 tust/oder ich mach euch vñ irer augen trüb vñ aller deiner ge
 sellen/ vnd treib euch von allen wonungen/darumb hat mich
 der mon geschickt dir das zuuertunden vnd gelaubstu mir nie
 so kum mit mir zu dem brunnen/so will ich dir yn zaigen/vñ
 der künig der helffand das erhorte do erschrack er vnd gieng
 mit ym zu dem brunnen/ vnd do er yn den brunnen sach do er
 blickte er das anlit des monen auß dem wasser scheinen do sp
 rach der haß schmeck mit deiner nasen / so schmeckstu den mon
 vnd do er die nasen in das wasser stieß da bewegte sich dz was
 ser vnd wart zittern mit dem schein / also das der helffand maint
 das wasser bewegt sich von zorn des monen vnd sprach zu den
 hasen/warumb zürnt der mon/vielleicht das ich mein naß in
 das wasser gestossen hab/der bot antwort du sagst war merck
 die manigfaltigkait seins zorns über dich vmb das arg das du
 ym vnd den seinen zugefügt hast/des nam der helffand schre
 cken vnd sprach zu dem mon/herz der mon ich will fürter nim
 mer mer gerüchen wider dich zu thun/oder keiner der meinen
 vnd ich will auff stan vñ hinne weichen vñ raumpen also die
 wonung der hasen.



Isse fabel hab ich euch gesagt / von wegen der aren
das euch weger ist zů welen einē künig von eym an/
dern geschlecht ob der nit fast weiß were als der ha/
sen künig / dan seine weisen rete mügen yn leren / als diser haß
seinen künig leret / vnd der nit auff seinem irren kopff verhar/
ret / oder durch Kleinmütigkeit sich begeben on not vnd rat / als
diser künig der helffant darzů ist er düctisch er gehört auch nit
in die zal des reichs noch in nacion darauß dz reich besetzt wer
den sol / vñ darüb ist er d̄ wal nit würdig / dan man spricht d̄
böst künig ist d̄ seine folck vnarmhertzig ist vñ grym / darüb
seind die nacion geteylt yegliche yrē künig zů welen auß ir selbs
nacion / dan für war wer einen künig einer andern nacion ym
selbs erwelet vñ ym getrauret / dem geschicht billich als dem
hasen / vnd d̄ fogeln die yn selbs einen richter welen d̄ meuß
hundert / do sie yn sahen fasten vnd beten vnd sich dabey eber/
keit zů ym versahen wie wol er da bey düctisch was / die fogel
fragten wie das wer / antwurt der rapp / ich hab gehabt einen
gesellen vnder den fogeln des nest was bey einem baum da ich
wonet / diser mein geselle wann der auß flog so saumet er sich
lang wider zekūmen / auff ein mal saumet er sich so lang dz ich
wonte er wer tod / oder gefangen oder hett ym selbs ein ander
stat gefunden / vnd es gieng ein haß in sein stat do ich das sach
ich gedacht dir zimpt nit den hasen zů rechtfertigen so du doch
dein gesellen verloren hast / darnach kam der fogel wider zů sei
ner stat / vnd do er den hasen darinnen fandt er sprach / diß ist
mein stat heb dich auß / der haß gab antwurt dise wonung ist
in meinem gewalt / darumb behalt ich sie billicher dan du vnd
red was du wilt ich will von hinnen nit / mainest du aber gere
chtigkeit zů haben so für mich für den richter / sprach der fogel
yetz will ich dich für den richter führen / vnd daselbst mich zeug
nuß vnd klag wider dich stellen / der haß sprach wer ist d̄ rich
ter / er sprach es ist ein maußhundert die wonet hye aller nechst
bey dem wasser vnd dienet got als ein ainsidel mit fasten vnd
betten tag vnd nacht vnd hat sich ganz geschaiden von üppi /

Das. v. Capitel

kait diser welt vnd ist vnshedlich allen thieren vnd vergeus-
set kein plüt vnd isset allein graß vnd kreuter vñ trinckt daby
wasser / stand auff vnd gang mit mir zū ym vnd ich folgt ymē
von verre nach das ich diß richters vrteyl horte / vnd do der
maußhunde sie kummen sach do eilet er in sein gemach vnd er-
zaigte sich bettende auff seinen knyen / vnd do das der haß er-
sach do nam er sich ir hayligkait wunder / vnd giengen zū ym
vnd grüßten yn vnd baten sich zūuerhören / er bat sie ire sach
züchtlich zūerzelen vñ do sie an hūbē zū reden / do sprach der
maußhunde ich bin alt lieben fründ mein augen seind dunckel
worden vnd mein oren übel gehörig gant nach herzū vnd er-
höhent üwer stym das ich üwer wort verston müg / sie giengē
neher zū ym vnd erzalten ire sach / vnd do er die erheit dan sie
getrauten ym / do sprach er zū ynen / ich habe euch verstanden
vnd will euch einen rat geben vnd vnderweisen einen weg d
gerechtheit / das ich recht v. teil geben müg / vnd geburt sich
zū ersuchē die warheit üwer sach / dan es ist weger die sach mit
der warhait verloren dann mit der vnwarhait felschlich gewū-
nen / dann es ist nit in diser welt das der mensch mit im in die
kunfftige welt füre / dann sein werck zū seiner selen hayl / oder
verdampnuß / vnd seinem neben mensche güts günde vñ argis
vergünde / vnd do sie dise gute wort von dem richter horte / da
hetten sie glauben an yn / vñ giengen zū ym in sein gemach
iren entschaid von ym zū nemen die saß er baide vñ straß sie.




Das v. Capitel.

Ise fabel hon ich dir gesagt das ir wissen das einem vngetreu wē / vñ der sich boßhait ernert hat nit zū getrauwen ist / vnd wo mit er vnd all sein forfaren sich begangen haben / als ein wolff vn / der den thieren / darumb ist ym nit zū getrauwen / vnd ir sollen yn vmb keine sache zū einem künig erwelen / vnd do das die vogel all mit einander horten / do wart nicht auß der wal vñ wolten des aren nit zū einem künig haben / do sprach der are den sie zū künig gesagt haben wolten zū dem rappen der das gehinndert hette / wiß rapp du hast mich betrübt meinenthalb gegen die vnuerschulte / vnnd wiß nit das ich dir arges nye erzaiht habe / das du mir die schmachait erzaiht soltest haben / sag was vrsach hast du wider mich / oder was hab ich dir gethon / das du dich also wider mich bewegt hast / aber ich schwer dir bei der warhait / vnd ist war / ein baum in den mit einem eyßen gehauwen würdt der mag nit wider zū samen wachsen / vnd ein wunde die mit einem schwert durch flaisch vnd bain gehauwen würdt das haylet / aber die wunden der jungen hailet nit / vnd ir schade endet sich nit / vnd dise deine wort seind gleich ein schwert dz nit auff hört sunder durch vñ wid durch gat on endung / dz feur mag mit wasser geloschen werde hader mit schweigen / vnd der biß der schlangen mit dem triakers / vnd traurigkait mit hoffnung. Aber das feur der feindtschafft / die durch die zunge eingegossen würdt mag nymmer mer verloschen werden / darumb ir schare der rappen honde heit gepflantz einen baume vnder euch vnd vns / der weren sol von welt zū welt bey vnsern vnd vnsern kinds kinde leben Also schieden sich alle gefogel das sie keinen künig setzten auff die zeyt / darnach gedacht der rapp der schmach vnd wort die er wider den are gethon hette / vnnd sprach inn seinem hertzen für ware ich han mit diser warnunge mir vnnd auch meiner gesellschaft einen ewigen haß auff getreuwet / vnd es ist vnder allem solct keiner nye gewesen der hab wöllen reden / vnnd ist

ir doch vil vnder ynen gewesen / die so vil dauō gesehen haben
als ich vnd haben doch ir zungen gemaistert vñ gedacht was
yn darumb args nach folgen möchte / vnd sie haben kunfftige
ding betracht vnd ich nit / vnd ich hab daran geiriet / dann ein
weyser man sol sich nit an sein weißhait / vnd ein starcker an
seyn sterck lassen / das er vmb nyemands willen feindschafft
auff sich lade / dann er gleicht dem der giffte trinckt vñ die dar
nach mit triacters vertreiben will. Nun merck ich an mir sel
ber das nit genug ist güter vnd vernunftiger werck zu seyn
sunder wer sich weyser wort damit fleisset der mag inn seynen
sachen gar seldeclichen solfaren / vñnd achte mich darumb
heut vor den vnweyßten der ganzen schar der vogel / das ich
mit dem munde die ewigen feindschafft vnd widerwertigkayt
von den aren allein mit Worten gestift hab / dann es sprechen
die weysen / es sey der schedelichst vnd üppigst verlust der al
leyn mit Worten gewinnen werd / vnd der rapp gedacht yme
allein diß / so zu grosser widerwertiger ansechtung dz er kräckt
ward vnd starb / hertz künig das ist das du mich gefragt hast
von der vrsach der feindschafft zwischen den aren vnd dē rap
pen / der künig sprach ich hon diß verstanden vñ wolt got das
der rapp auff erden nye kummen wer der vns in dise not bra
cht hat / vnser vetter hond ein saure treublein geessen / vnd vn
ser zene müssen darab erggen / nun verlassen wir dise red spra
ch der künig vnd sag mir wie wir vnser sach vollenden sollen
dann ich waiß das ir gemüte noch nit gesettiget ist / des so sye
vns gethon haben / antwurt der rapp vor hab ich dir gesaget
warumb nit gut sey wider sye zu sechten. Aber möchten wir
fünd finden damit wir sye ganz von der welt vertilgten das
wer dem künig zu thun / dann mit geschidigkeit vñnd ordnung
ge / thut ein man das ein ander mitt stercke nicht gethon mö
chte / dan mir ist gesagt das etlich mit ir weißhait vñ auff setze
einen ainsidel betrogē das er lencket das sein augē gesehe heten
d künig sprach wie was dz / antwurt d rapp / es was ein einsidel

Das. v. Capitel.

der hett ain gayßkopff vnd wolt sie got opffern nach der alten ee/vnd do er die trüg/da begegerten ym drey betrieger die wurden zü rat wie sie ym die gayß nemen /vnd sprach der ein trügner/sehent disen ainsidel den hundert trage was will er mit dem hundert thun/der ander sprach ich sihe disen ainsidel ob er anders ein ainsidel ist/dan ich sich sein haubt nit/ mein auch nit das er einer sey/dann wer er ein ainsidel trüg er ein plütigē hundert nit vnd wüsch sein klaiden vnd seinen leib/der dritt sprach ainsidel wiltu den hundert verkauffen /vnd do sie all drey also redten/do gedacht der ainsidel der das thier trüg es were ein hundert / vnd sprach zü ym selbs der mir das verkaufft hat der hat mich velleicht betrogen/vnd warff die gayß von ym/vnd eylet zü seinem hauß vnd wüsch sich vnd sein klaiden /diese drey namen die gayß vnd teilten sie vnder sich/ich habe dir das gesagt /das du betrachtest ob die are beschyde vnd mechtig sein/doch mügen wir mit vnser bescheidenheit sie über künē das wir sie alle ertöten/Tun hab acht meins rats /vnd dz du dem gnüg siehest/zum ersten so hab geberde als ob du mir fast feindt seyest vnd mich sehr hassdest vor allem deinem volck /vnd zerze vnd wund mich biß das du mich fast mit plüt beklaidest vnd mich auff das ertrich nyder werffest /vnd ligen lasset by dem baum da vnser aller wonung ist / vnd dann so soltu vnd all dein volck da dannen weichen an ein ander stat/ vnd so fere von dannē das man euch nit sehen müg /biß ich wider zü ick kün mit warer antwurt / der künig thet nach seinen geheissen Darnach hetten die aren kuntschafft vnd kamen mit macht zü disem baum der rappen wonung/vnd do sie nyemant da funden da kerten sie wider/vnd einer vnder ynen sach disen blütigen rappen vnd floch zü ym auß zehen seiner gefellen vñ fragt yn wannen er were vnd wo her er keme vnd wo die schar der rappen weren.



Das. v. Capitel.

Er rapp gab antwurt vnd sprach ich bin d vnd des
sun / aber das du fragest nach dē rappen sichst du nie
meine schmerzē vñ wundē der vō dē rappen billich ir
heimlichkeit wissen solt / vñ do yn d künig der aren sach. do sp
rach er wissent dz diser rapp ist ein fürst des künigs d rapē vñ
sein secretarius vnd innerst rat / vñnd darumb wundert mich
wie oder durch was ym die widerwertigkeit begegnet ist / vnd
d rapp ward darauff gefragt / der gab antwurt böser rat vnd
nerlich verstentnuß hond mich her zū bracht / er ward gefra
get warumb / er antwurt vñ sprach do ir dē rappē getöten al
les dz ir yn geton haben darin ir vil tod gelege seind / also na
ch i werm abschaide beruffte vnser künig vns für yn vnd sucht
von vns rat wiß dise sach ob er wiß euch streiten solt / darauf
sagte ich mich bedunckt mit nicht wiß sie zestreitē / dan sie seind
mechtiger wā wir vñ herter vñ reckers hertzen / vñ mein rat
ist dz ir iuch mit yn vertragen / vñ frid suchen iuch zū rñw vñ
ynē vnderthenig werdēt / vnd seind yn mit widerspenig sund ge
bent in tribut was sie auff iuch legen zū iwer bewarung / vnd
werdēt des zū rat mit i wern stetten vnd landen / sie waren alle
gantz da wider vñ wurde all einhellich zū rat wider euch zū
sechten es wurd güt od böse / ich rath aber dar wiß vñ riet ynē
iuch vnderwürffig zemachen vnd sprach / wissent ir nit dz nye
mans vō seins feinds hand baß kumen mag dan so er sich dem
vnderthenig machet / dann ir sehent das heurwe auff der mattē
bleibt vor dē wind / dan es weicht auff alle ort / vnd demütigt
sich vor dem wind / vnd der baum der hoch vnd hart ist wirt
von dem wind zerbrochen / dann er demütiget sich nitt das er
weiche oder naige / sunder widerstat er das er zerbrothē wurd
von dem wind / vnd do sie das von mir horten do sprachen sie
zū mir / bist du icht von der schar vnser feinde / wir sehen yetz
das du vnsern feinden bey staft vñnd fürderst vns vnsern ver
lust das dirgnad bey ynē erwerbest / vñ das sie dich ingewalt
bei ynē erhöhe vñ sielen damit über mich vñ begiengē mit mir
alles das du sichst / vnd do diß d künig der aren hort / sprach er

zū eym seinē rat / was bedunckt dich mit disem rappē / der ant-
 wurt / nicht dunckt mich besser dan in zū tōdtē / dan er ist ei vil
 wissender me dan wir / vñ er ist einer vō dē edelsten vñ weyse-
 stein dē redē des künigs d rappen vñ sein vertilckung würt vñ
 grosser rüw kumen / vñ den rappē zū grossen verlust vñ scha-
 den / dan sie haben keinē me bey yn d ynen so vernünfftigē rat
 geben mag / dan es sprechen die weisen wen got grosses beradt
 vñ das verleust der findt dz selten wider / vñ welcher seinen
 feindt begert zū überwindē vñ das glück schafft ym den in sein
 hand / vñ er acht des nit das er yn vmb bringe dem ist nit nutz
 sein weyßhait / sunder ym zükünfftigen schaden / dan wann er
 den gern wider hett / so mag er ym nit werdē / darnach fragt d
 künig den andern rat was yn güt bedeucht vō des rappen we-
 gen / der sprach mein rat ist dz du yn nit tōdtest / dan den demü-
 tigen vñ armē ist barmhertzigkait zū erzaigen / vñ ob der ein
 feindt wer noch ist er vō dē tod zū erledigen vñ er ist ient gefan-
 gen / darumb ist ym glaubē zū haltē. Es hat maniger hilff fun-
 den vō seinē feinden vñ wart damit sein fründt. Als des alten
 mans weyb die yn lieb gewan do sie ym feindt was / sprach der
 künig wie was dz / antwurt der rapp / man sagt es sey fast eyn
 reicher kauffman gewesen / vñ fast alt / vñ d het ein schōns iun-
 ges weyb vñ ward doch vō ir nit lieb gehaltē / vñ sie wolt ym
 auch am bedt nit gehorsam sein / vñ wie fast er sie zū im zoch so
 zoch sie wider vō ym / auff ein nacht als sie aber bey einand la-
 gen do kam zū yn ein dieb vñ die frau w erwacht vō dem gang
 des diebs / vñ wart sich fürchtē vñ vō forcht schmuckte sye sich
 hart an dē mā biß er auch erwachte / do sprach er wannē kumpt
 mit diser nürwer grüß dz du dich mit neher tust dan vor ye vñ
 hort damit dē dieb vñ mercket dz sie vō forcht des diebs zū yme
 geruckt was / vñ sprach zū dē dieb ich acht mirs für ein groß ge-
 nad die du mir auff dise nacht geton hast / darumb ich dir mei-
 lebē lang gūts schuldig bin / das du vrsach bist das mich meyn
 gemahel vmbfangen hat / nym yetz was dir gefellet vñ sey dir
 auß meinē hauß erlaubt zū tragen was du bedarffen bist.

Das. v Capitel.



Der künig sprach zu ð dritten ratg ebē / was bedücht
 dich mit disem rappē / der antwurt mich will nit be/
 duncken dz wir yn tödten sollen / dan wān einer sin/
 det ð der vō seinē gefellē gewundt vñ v erschmecht wordē ist ð
 ist ym an zu nemē vñ ym zu halten i m selbs zu güt / dan ð hat
 macht yn zu berichten die handel seins feinds vñ all anschlege
 auffnehmen / vñ ð künig mag vil gūts dauō kūmen / wān sich
 sein feinde teylen gleich als der ainsidel gelediget wardt durch
 mißhell des teufels vñ des diebs / sprach ð künig wie was das /
 antwurt diser ratgebe / man sagt es sey gewesen ein ainsidel ð
 wart ein kū durch got gebē die sach yn ein dieb heim fūren vñ
 gedacht wie er die gestelen möchte vñ gieng dem ainsidel nach
 vñ auff ð weg kam ym ð teufel in gestalt eins menschen / spra
 ch zu ym ð dieb wer bist du oder was hastu mūt / antwurt er
 ich bin ð teufel vnd will in diser nacht den ainsidel vnderstan
 zu erstrecken vñ gann darumb hie zu beittē biß die leut vmb yn
 schlaffen kūmen / sprach der dieb / so hab ich im willē die kū zu
 stelen / also giengen sie mit einander zu des ainsidel hauß / nun
 het ð ainsidel sein kū angebundē vñ sich an sein bedt gelegt zu
 schlaffen / vñ do sie in dz hauß kamē da gedacht ð dieb dir ge/
 burt zu eylen dz du vor stelest / dan villeicht so ð teufel ð ain/
 sidel würgen will so würt er villeicht schreyen dauō die andn
 in ð hauß erwachen vñ werden ym wöllē zu hilff kūmen vnd
 möchten dich villeicht damit findē vñ fahen / darūb ist güt das
 du die kū vor stelest / also sprach ð dieb zu ð teufel / halt vñ ver
 zeuch ein weyl laß mich die kū vor stelen / darnach erfülle du
 deinē willen / disem antwurt ð teufel dz thūn ich durch nichtē
 ich will yn vor würgen darnach nym was du wöllest / ð dieb
 sprach / nain ich will erstman sein / vñ also in ir zwayung vnd
 krieg wurden sie so vneynig das der dieb dem einsidel rufft vñ
 yn warnet sprechende / ainsidel stand auff diser teufel will dich
 im schlaff erwürgen / vñ also stündt der ainsidel vñ sein hauß
 gesinde auff / damit floch der teufel vnd der dieb / vnd also en/
 tran der ainsidel von dem tod vnd behielt sein kū



Es darumb hab ich dise fabel gesagt dz ein weyser
mā sich etwā nehē sol zū seins feinds gesellē ob er vō
dē erfaren müg / was sein feindt in seinē hertze wider
yn hab / vnd do diser rat seiner red ende gab / da hūb d̄ erst an
d̄ rat gebē het dz mā yn tödtē solt vnd sprach zū dem künig / o
wie verfür̄t dich diser rap vñ zeucht dich mit seinē glanzē wor
ten dz du ym glaubst vñ getrauest / nun sagē die weisen sich
zū beware vor demütigē vñ glanzē Worten / wöllent ir aber al
le euch selbs vñ das iwer verlieren / so gelaubent ym / aber ich
sag euch laßt vō disem rat vñ sehent weißlich in dise sache / als
die die erkennē solle die auffseze / vñ versuchung ir feinde vnd
das sich iwer hertze nit vō nutzem rat stelle / vnd argo fürneme
die vñ deinē folck / dan herre sol meinem rat gefolgt werdē / so
will ich dz man disen rappē tödtē / dan ich besorg sol er by vns
bleiben das vnser ende böß werde / dann ein vernünfftig man
laßt sich nit wortē mit betriegen / wann ym got seinen feind in
sein hand gezt / aber d̄ vnweiß würt mit seinen schmaichendē
worten betrogen / hert künig biß nit als die hinleßigen d̄ hertze
betrogen würt durch wort vñ darzū bracht werdē dz sie wor
ten baß glauben dan das sie mit iren augen gesehen hond / Als
eins mals eym zimmerman d̄ verlaugnet des das er mit seinē
augen gesehen het / vñ glaubt dz er mit dē oren gehort het / spra
ch d̄ künig wie was dz antwurt diser ratgeb. Es was ein zim
merman d̄ het ein schönes weib die er vast lieb hett / die het ei
nen bülen / vñ do das durch güt günder vñ sein gesypten dem
man gesagt wart da wolt er des eygenlich innen werdē dz ym
die warheit diser sache offenbar wurd vñ sunst wolt er das nit
glauben er sehe es dan mit seinē augē / auff ein mal hieß er ym
sein weib essen bringen dan er wolt geen in ein stat vō dannē
in sein arbeit / vñ da ein zeyt bleiben / des wart die frauw fro
vnd also nach dē essen gieng er auß vnd beualhe seinem weyb
wol zehüten vñ frölich zesein / vñ do er auß gieng / da lügt ym
sein weib nach biß sie yn nit mer gesehen mocht vnd gieng da
wider in ir hauß / abents schlaich der zimmermā vñ verbarg

sich nit verre von der thür des hauses vnd nachts gieng er in
das hauß/vñ legt sich vnder dz bedt do er gewölich mit seinē
weyb schlieff/dz weib wont ir man wer hinweg vñ schickt na
ch irē bülen vñ ließ ym sagē dz ir man außgangē wer / 8 kam
vñ nach dē als sie gassen vñ getrunckē/da legte sie sich zesamē
an dz bedt/vñ do sie also lagē da empfand vñ hort der zym/
mermā alles dz sie there/die frauw befand des mans vnd dē
bedt/vñ weckt yren büle vñ sprach ich weiß dz mein mā vn/
der dē bedt leit/nun will ich das du mich mit lauter stym fra
gest/welliche ich aller liebst han dich oder meinē mā / vñ laß
nit vō difem fragē biß ich dir dz gesag / vñ do er sie anfiengē
zū fragen da redet er mit lauter stym dz 8 zymmermā das wol
hören mocht/sie antwurt vñ sprach/warūb fragstu mich /od
mainstu dz erwar sey dē ich lieber hab dan̄ meinē elichen man
wir bülerin hond vnser bülen durch nicht anders lieb /dann
dz wir vnsern lust mit yn volbringen vñ ir person ganz nicht
ansehen vñ wan̄ vnser will follgat/so seind sie in vnsern au/
gen als ander man̄/ dan̄ ein elicher getrüwer man ist seinem
weyb besser dan̄ vatter vñ mütter brüder vñ kind/ darūb ver
flucht sey dz weyb die nit me dz lieben irs elichen mans dan̄ ir
eygen lebē lieb hat/vñ do 8 man vnder dē bedt dife wort hort
den gab er mer glaubens seins weibs liebe zū getrauwen/dan̄
was er vor gesehen vñ gegriffen het/vñ sprach in seinē hertze
nun weiß ich dz mich mein weib vō ganzem hertze vñ gemüt
lieb hat/vñ blaib also ligen biß dz 8 tag wol auffgangē was
des morgēs frū giēg 8 bül seinē weg/dz weyb lag als ob sy sch
lieff/do trach 8 mā herfür vō dēbedt vñ sand sie schlaffen vñ
sant sich an ir sitē auff dz bedt vñ bließ ir in̄ ir anqlit/für dye
hitz/vñ sieng sie an zū küssen vñ zū vmbfahē biß dz er sie vō
schlaff erwecket/ do sprach er mein will vnd gemüt sey dir nū
erlassung alles deines kumbers/ lig still vnd schlaff wann du
hast dife nacht nit wol geschlaffen vñ wan̄ ich dein nit gescho
net herr ich het dē bößwicht bey nacht lāgs erōdt vmb die vn
rū so er dir zūgefügt het dz ich dich müßig vō im gemacht het



Das. v Capitel.

Jß beyspil hab ich euch gesagt das ir nit d̄ kient als
 diser was/dz er mit seinē augē sach das er dz verni-
 chet vñ glaubt redē die sein oꝛē gehōrt hettē/vñ dar-
 umb herr d̄ künig so glaub nit dē wortē diß rapē /dāñ siir war
 in ym ist kein trūw dāñ er ist nit eins warhafftigē geschlechtes
 vñ er mag nyemāt seinē feind schedigē wāñ er wider auß sei-
 nen handē kñpt /nun haben vns die rappen biß auff disen tag
 kein schad sein mügē/aber was furter geschee/ vñ ob diß rapē
 bey wonung nūtzlich oder dogenlich /oder ob er darūb zū vns
 kñmen ist od̄ vns zū schadē ist z̄weuelich /darūb ist mein rat
 enlich in zū cōdē dāñ wissent das ich die rappen nye gesocht
 hab/dāñ so ich euch vō disem rappē hōr redē/dāñ die weil wir
 keinē rappē bey vns gehabt haben/haben sie vns ganz keinen
 schadē zū fügen mügē/der künig wolt sein oꝛē nit naigen zū di-
 ser sag vñ vō seinē toꝛechtē aigen willigē gemūt vñ gebrester
 halb seiner weißheit/gebort er dē rappē zū fñren in seinē sal vñ
 sein mit gñter wartung pflegē vñ zū hailen seine wundē /dar-
 nach sprach d̄ arc d̄ dē rat gebē het dē rappē zū cōdē zū dem kñ-
 nig herr so ir dē rappē nit cōdēn wöllē so acht yn doch bey dir
 als deinē feind/vñ bewar dich vñ dein solc̄t vor ym/dāñ sun-
 der z̄weuel d̄ rapp ist vernūnfftig vñ auff senig / vñ ich mag
 achten dz dise gesellschaft die der rapp zū dir sucht zū vnserm
 schadē sey/der künig achtet diser wort aller nit/sunder er ver-
 acht yn vñ sein wort/vñ ließ damit nit dē rappē gñts zū thūn
 vñ in allen dīngē zū eren/nun was diser rapp weiß vñd ver-
 nūnfftiger rat vñ het bald verfasset was dem künig d̄ arc ein
 mütig was/od̄ was ym mißfiele /vñd alle tag sagt er yme fa-
 beln vñ redē von fremdē vñ weisen dīngē vñ damit machte er
 dz im d̄ künig vō tag zū tag ye gñstiger vñ ye gñstiger was
 vñ ym getrauwen wart vñ redt da zwischē mit dē vmbstend
 vñ hoff gesunde des kñnigs schimpflich vñd argenlich wort da
 mit sie yn alle lieb gewunnē/vñ auff einē tag als sie vor dē kñ-
 nig stondē der rapp vñ viel d̄ arc vñ auch der arc des rat was
 yn zū ertōdē sprach der rapp/es ist war dz mich die rappen ge-

p.iiiij.

schediget habē vñ mich durch irē neyde habē wölle tödtē / dar
umb hab ich mich geforcht vñ mir für gesetzt von diser gesell-
schafft nit zū weichen vñ nymer rñ zū haben od freude / biß dz
ich meinē willē an yn volbring / vñ so ich dz genau w betrach-
te so find ich nymāt d sie baß bekriegē vñ überwindē müg dan
ir / aber wolt got dz ich sie einiger überwindē vñ zū nichte ma-
chē möcht / nun hab ich etwan gehört wer sich zū einē opfer ge-
ton hab / vñ dē werd was er beger / nun wolt ich mich gerē las-
sen brennen dz ich durch mein an rüffen zū einē are wurd das
ich mich an meinē feindē dē rapē gerechē vñ mein hertz an ynē
mit rash setzen mocht / darauff gab d are d geratē het yn zū tö-
ten antwurt vñ sprach / ich gleiche dich mit deinen wolschma-
cken dē wortē die du offenbar machest vñ dē bösen in dir daz du
verdeckest / dē wein d einen güte gerach vñ schön farb hat / vñ
doch so mā dē trinckt schmackē als ein essig / dan wiß ob wir di-
ch wol tausent mal verbrenten vñ ob als dick ein ander vogel
vō dir wurd ob dz möglich wer / so würd doch zū allen malen
auß dir nit dann die natur eins rappē ob wol dein gestalt an-
ders wurd / als vō dē meuslein vō dē gesagt ist da dz durch die
ganze welt geführt wart / zū dē mechtigsten wellichē es zū mān
habē wolt die verschmacht es all alwegē eins mechtigern be-
gerende biß dz es wider zū seinē anfang kam / fragt der künig
wie das were antwurt der are / man sagt es wer ein ainsidel d
got diente / vñ nach dē der ein volkümender mensch was / da
erhort yn got in seinem gebet / auff ein zept faß er bey eym was-
ser / darüber flog ein sperber der trüge ein meuslein in seinem
fuß vñ diß meuslein empfiel dem sperber für die füß des ain-
sidels / der ainsidel erbaunt sich ir rñ band die in ein lind rüch-
lein vñ het begird die in seinem hauß zū ziehen vñ forcht do-
ch das sein gesunde dar ob vnlust het vñnd bat got das er das
meuslein ließ werden zū einem töchterlein / dise bete wart von
got erhört vñ wart das meuslein verwandelt inn ein meid-
lein fast schöne



Er ainsidel fñrt die heym in sein hauß vnd zoch die
 vñ sagt seinē haußgesind nit dauon das es ein meuß
 lein gewesen wer / dann sie gedachten das diß kñde
 sein gesip wer oder gekauft were / vnd do das tñchterlein mā/
 bar wart gedacht der ainsidel diße tochter mag nit allwegē on
 mann sein / der sie regiere vnd von dem sie freud hab / vñ spra
 ch zñ der tochter er wele dir einen wellichen du wile zñ einem
 mann / sie sprach ia aber einen dem nyemant gleich sey inn ge
 walt vnd herrschafft / sprach der ainsidel ich waiff nyemande
 der sunnen gleich on gewalt vnd herrschafft / darauff reiniger
 sich der ainsidel vnd bat die sunnen ein erleuchterin aller wele
 vnd mechtig über alle ander geschöpffe / sein tochter zñ nemen
 die gab ym antwurt / es wer vnmüglich dz ich dir der vñ got
 so muldeclich verhert wñrt das versagen solte / aber ich bin nit
 der mechtigst / besunder so gange zñ dem gewaltigen fñrer der
 wolcken der ist mechtiger dann ich / dann wann er will so ver/
 hebt er mir den scheyn / das ich dem ertrich nit geben mag / vñ
 do der ainsidel zñ dē kam bey ende des meres / do sich all wol
 cken erheben / do bat er wie er die sunen gebeten hett / der ant
 wurt es ist war mir hatt got den gewalt geben den sein engel
 in seinem hymel nit haben mügen / aber noch ist eyner d noch
 inere gewalts hat dann ich / vnd das ist der maister der winde
 der mich vndancks würfft von eym ende der welt zñ dem an
 dern vnd das ich ym nit widerstan mag oder seinem gewalts
 vnd gebot widerriuffen mag vnd der herze mit gñtug zñ dem
 maister der winde / vnd sprach wie er vor gesprochen hett / der
 antwurt / es ist war mir hat got mer gewalts geben dann vil
 andern geschöpfften / aber ich hab dir einē zñ zaigen der mech
 tiger ist dann ich / dann dem hab ich dick wöllen widerstande
 thñn / vnnd mochte yn nit überwinden / der ainsidel fraget yn
 wer er were / der regierer der winde sprach / es ist diser grosser
 berg der vor dir ist / vnnd der herze mit karte sich gegen dem
 berge vnd sprach da / ich will das du mein tochter zñ einem
 weybe nimest so du doch der aller mechtigst vnd gewaltigst

Des. v. Capitel

bist/der berg sprach es ist war das du sagest/aber ich will die
einen zaigen der mechtiger ist vnd stercker/der inn mich grebt
vnd vertalcket/vnd ich mag yme nit widerstan / der ainsidel
sprach wer ist der antwort der berg/es ist die mauß vnnnd der
ainsidel sprach zu der mauß sein gebet wie er das vor gegen de
andern geton hett/antwort ym die mauß/es ist war was der
berg von mir gesagt hat/aber wie geburt es mir ein weyb zu
haben von menschlichem geschlecht so ich ein mauß bin /vnd
mein wonung ist inn den nydern hülen des bergs vnd löcher
der felsen/vnd auff das sprach der ainsidel /tochter wiltu der
mauß weyb sein/dann ich find keinen sterckern nach gewalt
gern wie wol ich sie alle ersucht habe / wiltu nun also so will
ich got bitten dich wider lassen zu einer mauß werden od was
du wilt vnd die tochter erwelte wider ein mauß zu werden vn
das geschach do gab sie der ainsidel der andern mauß die furt
sie mit ir in den berg in ir hülen.



Das. v. Capitel

Ise fabel han ich dir verzeiter vor gesagt/ daß ob mā
dich verbrennt vnd dich wider werden ließ/ so wur
de auß deiner aschen nit anders daß ein rap/ der du
vor bist/ do der künig der aren dise rede hort seins ratgebē da
gedachte er vnd sein solt ym zū folgen/ aber der rapp hūb wi
der an vnd machte ynen mit seinen fabeln/ vnd kurzweilliger
red ir gemūt zū ym so genaigt/ das er ynen liebte vnd me daß
vor gunst zū yme gewinnen/ vnnd sprach zū yme der künig/
es ist nit nott das wir dich verbrennen/ das du vnser eyner
werdest/ dann wir selbs wōllen dich wol an ynen rechen vnd
hie mit macht yn der rapp furter vnd furter einen genedigē her
ren mit seiner vernunft vnd kurzweile/ biß ym sein wunden
genasen/ vnd er ganz zū seinen fordern treffen kam/ vnd do
er so lang bey dem künig vñ den seinē was/ biß das er ir heim
lichkeit vnd anschlege/ was sie wider die rappen thūn wolten
befandt vnnd eingenam/ vnnd wye sie sich yn der ordenunge
hyelten vnnd wo sie sich des nachtes hielten vnnd wie sie wo
nung hetten/ vnd wie sie die bewachten/ do slog er eines tags
verstolēlich hinweg/ vnd kam zū seinem künig vnd der schar
der rappen zū dem sprach er ich verkünde euch freud dann vn
ser feinde hat got in vnser hauß geordnet/ sie waren seiner zū/
kunft also fro daß sie wonten yn alle verloren han/ on alleyn
der künig der dise geheymde verschwigē hett/ vnd sprach der
künig was gefelt dir zethūn/ antwurt der rap wiß das die arē
gemeindlich alle nacht bey einander wonen in einer hūly eins
bergs darinn sie sich alle nacht sammeln vnd ist die hūly vomen
enge vnd inwendig weyt für gewalts eines überfals/ darumb
so nym herre der künig von allem deinem solt was mag flie
gen/ vnd ein yeglicher ein dürr holz in seinen schnabel so groß
er das getragen mag/ so will ich ein feur nemen vnnd fliegend
alle mir nach in diser nacht/ vnd wann wir zū der hūly kum
men so lassen sie das holz alles auff das loch d hūly fallen vnd
ich dz feur darein/ vñ von vnser aller lufft vō dē fettichen dye
wir stetts bewegē sollen/ so erbrint das feur wellicher daß her

auff will/der verbrint oder besengt sich an dem feüre / das er
leicht zu überwindē ist / wellicher aber darin̄ bleibt der erstickt
von dem rauch vnd von der hitze / sie folgten ym vnd thetē na
ch seiner lere / vnd mit sollichem auffsatz vnd vnder richtung
des rappen durch sein kuntschafft starb der künig der aren vñ
all sein gesellschaft / vnd dar durch wurden die rappen sicher
vnd wonten furter bey ir wonung on sorg irer feinde


Das v. Capitel



Aenach sprach der künig der rappen zu diesem rappē
 seinem rat / mich wundert wie du so lang hast mā-
 gen bleiben bey den aren / dann die weisen sagen / es
 sey greußlicher dan der biß der schlangen vnd dem brand des
 feurs leidelicher / dann einem bey seinem feindt wonen vnd ge-
 sellschafft haben der die ym nit holdt seind / antwort der rapp
 es ist war das du sagst herz künig / aber wann ein vernüfftiger
 bey seinen feinden wonen muß / so geburt ym gedencken zu ha-
 bē wie er sich mit seinē wortē vñ geberdē vñ mit grosser geschei-
 diger gedult über far / vñ nit brauche zornige wort / mit schmai-
 chendem anßlit milt / vnd mit den grüßlichen miltedlich / vnd
 mit den schmaichenden behütlichen wandel / vñnd sein achsel
 breit sey zu allen burden der widerwertikeit die yme bey weile
 schmerzlicher seind / dann ein schuß von einem pfeyle / als der
 waiß siech der den bitteren triakers nympt vmb suntheit d artz-
 ney die er dāus empfachet . Sprach d künig wie was die weiß-
 hait der aren vnd ir vernunfft / antwort der rapp / bey yn al-
 len fandt ich kein waißheit noch vernunfft / dann bey eym der
 riet mich zu tödten / vñ durch ir aller tothait vnd vnuerstent-
 nuß achten sie seins rats nit zu folgen / dān sie m vnten dz nye
 mans weiser wer dan sie / vñd das nyem nit macht wider sye
 legen solt oder möchte / vnd verachten ganz des einen rat / vñ
 bedachten nit den außgang irer sache . Nun spricht man wer sei-
 nen feind in hohen erten findet oder gewalt der sol sich vor ym
 hüten als vor der schlangen der mag man nymmer getrauwē
 vnd so verr er mag sol sich der man davor behüten vnd vō sei-
 nen feinden weiche / hab nit handels mit yn inn keinem wasser
 lig nit an seinem bedt / trag nit sein klaid / reyt nit seine pferd
 nym nit ym kein artzney / isse nit mit ym ob seinem tisch / dan
 zweifflich ist einem man mit seinē feindt gemeinschafft zehan /
 dann sich sol an weiser man vor allen zweiffelhaftigen dinge
 hüten / ober die aren haben mir durch ir grosse nachait alle ir
 haimlichait geoffenbaret vnd nicht vor mir verholen / sprach
 der künig ich merck das die are ir groß hoffart vñ vnwaißheit

in verachtung verfür hatt /antwort der rapp du sagst war
 daß wer verschleußt seinen rat mit dem vngerechte vñ nympt
 ein güt end /wer würt übel gewent vnd leidet nit schmerzen
 oder wer setz sein glauben auff den vngetrauwen vnd würt
 nit betrogen wellicher isset zü vil vnd würt nit siech wellicher
 künig hat nerzisch rete/ vnd entgilt der nit / man spricht aber
 wer sich selbs mit seinem eygen rat verfürdet dem gebrist güter
 weißhait/ aber lieger vnd betrieger haben nit getrüwer gesell
 schafft vñ dem geytigen gebrist alles güten /der künig der sa/
 melt der sündet/ vnd der künig der hin lessig ist vnd sein rechte
 verachtet/ verleurt sein wesen/ sprach der künig der rappen es
 ist groß widerwertigkeit auff dich gangen da du den aren dei
 nen feinden soltest vnderthenig sein vñ von ynen gekestiget wer
 de/antwort der rapp diß han ich alles geduldtlich gelide /wañ
 ich gedacht an das künfftige güt das vns allen dauon künen
 solt/ daß ein yeglicher d widerwertigkeit leidet vmb dz güt dz
 ym darumb auff erston mag das sol ym nit schwere sein/ daß
 yetz gehort das ein schlang eines frochs knecht ward/ das sie
 ir pferd wart wann das not thet vnd thet das vmb ires nutz
 willen/ fragt der künig wie was das/ sprach der rapp/ es was
 ein schlang die da fast alt vnd tranck wardt das ir die krafft
 ganz entgangen was das sie ir speyß nit mer erlagen möcht/
 auff einen tag notiget sie sich zü gan krieche biß zü einem brü/
 nen darinn vil frösch waren vnd do yn die frösch sahen sie sp
 rachen was ist dir das wir dich so traurig vnd demütig sehen
 die schlang sprach was güts kumpt nach de alter /wissend da
 ich iung was das ich euch zü allen malen erschrait vnd all tag
 von euch aß/ nun ist mir mein krafft ganz entgangen dz mein
 flaisch verzert mein gebain krafftloß vñ mir mein haut gedor
 ret ist das ich euch nit mer erschreiten mag /vñ stigent ir auff
 mich ich möcht mich üwer nit erwerben /nun gand vnd sagent
 das üwerm künig/ vnd do sie das yrem künig dem grossen fro
 sch sagten der kam selbs vnd wolt das sehen/ vnd sprach zü de
 schlangen was gebrist dir so traurig/ antwort die schlang ich

hab dise gantze uacht eym frosch nach geeylet vnz in eins ain
sidels hauß der hat einen lieben sun / vnd do der wandelt in dē
hauß do drat er mich auff meinen schwantz den hab ich gebis/
sen / vnd do das der ainsidel sach da sucht er mich vnnd da er
mich nit erlauffen möcht / da het er ein gebet über mich gespro
chen das mir got mein krafft genūmen hat vnd bin nun der ar
beitseligst vnder allem geschlecht der schlangē / herz künig nun
bin ich in deinem gewalt schaff mit mir deinen willē vnd wilt
du so will ich gern dein fürung sein / dich zū tragen wo deyne
will ist / vnd do diß der künig der frosch hort / do gedacht er dz
diß sein groß ere wurd dz er auff einer schlangē reiten solt / vñ
rait also manigen tag auff einer schlangen / auff ein tag sprach
ch die schlang zū dem künig der frösch / du waist das ich ein ar/
me person bin / vnd krank vnd nit mechtig mein speiß zū erho
len zū meiner notturfft / das güt das du mir nun thetest dz the
test du got zū eren / vnd bit dich du versehest mir ein speyße zū
auffenthaltung meiner notturfft des lebens / antwort der groß
frosch / ich bekenn das du on redlich vernehmung deiner speiß nit
lebē magst / sunder so du mein fürung bist / ich will dir ein ver
nehmung thun deiner narung vnd gebot ym alle tag zū narung
seins lebens geben zwen frösch des benügt die schlangen vnnd
was des froschs fürung sein leben lang



Isse fabel hab ich dir gesagt das du verstandest alles
das ich bey den aren erlitten habe/das mir das nit
we geton hat/so ich gedacht das es dir vnd vns al/
len zu güt künen solt als auch geschehen ist das wir dar dur/
ch vnser feind überwunden habe/sprach der künig eins ist das
mich vnder allan wundert/wie du vnder ynen gedultig seyn
mochtest so dir souil widerwertikait vnd schmach begegert das
du dz alles so gedultidlich leide mochtest / sag k̃a dir nit etwan
zorn in dein gemüt das sye an dir verstan möchtē/antwort d̃
rapp herz künig ich hab ir hertz mit senfften Worten vnd d̃mū
tiger zungen die ich yn erzaigt vnd lachendem mund/ also ge/
waicht das sie zornig gerūt an mir nit erkennen mochten dann
man spricht wer vnder seinen feinden sey die er forchte/ d̃ye sol
er mit senffmütigen Worten vnd weißhait vnd mit erbitung
an keren vnd sich hüten das er nit trüglichs wider sye spreche/
oder mit hoffart erscheinen/r̃n herz künig wiß wann ein künig
einen frūmen verstendlichen rat hat vnñd was er mit des rath
handelt ob es sich wol verzeuht so kumpt es doch zu gütē end
vnd wann er einen bösen vngerechten rat hat/ob er wol wei
se vnd klüger redt ist on die werck/ vnd ob dem künig bey dem
zu weilen ein sach gerat/so würt sie doch leichet vmbfel lig r̃n
ich bin me fro das du zu r̃nen künen bist dann vmb vnser al/
ler erlösung/dann die zeyt deiner forcht vnd vnmüts halff an
vns weder essen noch trinckē noch schlaffen von deiner betrüb
nuß/dann man spricht das dem siechen der schlaff nit gerūwig
sey biß er am genesen ist/oder der dem sein begird dem vom k̃ū
nig ein summe gelts verheissen ist biß er sie empfacht /oder dem
sein sorg der seinen feind fürcht biß er yn über windet vnd man
spricht wein sein siechtag endet der gewinde r̃nwe seines leibes
vnd were ein schwere burden von seinen achseln leyet dem r̃nen
seine lenden vnd wer seinen feind über windet der gewinde r̃n
seins hertzen/sprach der künig sag mir wie hielt sich der künig
der aren in seinem regiment vnd in seinem rat / vnd vnder sei/
nem soldt/antwort der rapp der künig der aren was ein thore


Das. v. Capitel

treg vnd hoffertig / es waren sein rete alle narren on der eine d
mich hieß tödten / sprach der künig was hieltest du von dē der
dich hieß tödten das du yn also lobest / antwurt der rapp / herz
er was weiß vñ vernüfftig vñ betracht die sachē vō anfangs
was ir ende bringen möcht / vnd het seinen künig lieb vnd ver/
hielt ym nicht das zū fürchten was vñ verschweig im auch nit
was güt was / vnd wann er sach das der künig etwas vnbilli
chs thün wolt / so redt er was ym zū sinne was / vnnd erzaighte
dem künig den weg der gerechtikait / vnd offent im die warhait
vnd gab ym solliche rat / als er seiner sele oder leib gethon hette
darzū hett er sunst vil güter sitten / vnd weiß in ym die ich yetz
mit all erzele kan / sprach der künig fürwar ich find dich ein mā
der werck / vnd die andern der wort on werck / nach dem sprach
sendebar zū dem künig difles / sich was die rappen den arē ge/
than haben die krencker seind gewesen dann die aren / nun ist
nach diser lere eym yeglichem seinen feindt zū fürchten vnd sol
sich ein yeglicher halten als die rappen vnd nymer seine feinde
glauben oder getrauwen vnd ob er ym lieb erzaight so ist es do
ch inn seinem herten nicht / aber wer ym selbs fründe vñ gūn
der meret / das kumpt ym zū nutz biß zū ende seiner weyle vnd
zū der zeyt seiner widerwertikait / vnd wer barmhertikait mit
teylet in diser zeyt / die findet er hie vnd in der ewigen zeyt.

Hie endet sich das fünfft capitel von den rappen vnnd den
aren / volgt hernach das sechst Capitel von dem affen vnd der
schiltkroten vnd sagt von dem der eines zū fründe begert / vnd
wann er yn findet das er yn nit zū behalten waiss / biß er yne
verleuret



Der künig disles sprach zū sendebar seine
weisen / ich hab dein wort verstanden daz
du mir gesagt hast wie sich ein man haltē
vnd bewaren sol / wann ym etwas bege/
gent von seinen feinden / nun sag mir ob
besser vnd leichter sey gūts zū übertūmen
oder so es übertūmen ist zū behalten / ant
wurt Sendebar wiß herz das geringer vnd leichter seind dye
ding zū gewinnen dann zū behalten / dann man findet die gū
tes suchen vnd findent / vnd es darnach nit wissent zū behal/
ten biß sie das wider verlierent dan stand sie geschmecht in ire
gemüt vnd in irem wesen gleich als die schilckrot stünd vor dē
affen / sprach der künig wie was das / antwurt ym Sendebar
man sagt do der künig der affen alt ward vnd sein stercke vnd
macht gantz verlüre / do wart er von eym seinem diener vom
künigreich verstossen / vnd des lands veriagt vñ nam er das
künigreich / vnd der alt aff floch vnd kam an staden des mers
da sandt er gar vil gūter frucht baum von feygen vnnd ander
süsse dinge / do nam er sein wonunge vnnd staig auff den fey/
gen baum vñ aß der frucht vnd ym empfiel ein feyg in dz was
ser / die ersach ein schilckrot vnd nam dye zū irer speisen vnd dē
affen gefiel der ton von dem wasser von dem fall der feygē / vñ
warff der feygen vil darein ye eine nach der andern / die schil
ckrot nam sie vnd aß die vnd wüß nit das der aff ir die feygen
warff / vnd do dye schilckrot ir haubte für das wasser thert da
sach sie den affen auff dem baum / vnd der aff sie in dem wasser
vnd erschracken baid ab einander vnd nahneten sich zūsamē
vnd yeglichs gefiel dem andern vnd erboten sie selbs zū einan
der zū gesellen vnd verlobten sich vnd hetten furter iren wan/
del bey einander / die schilckrot belaub also lang bey irem gesel
len das sie vergaß heym zekūmen vnd gantz kein sorg nam für
yren gemahel / oder das yn zū ir verlangt / vnnd do sein weyb
sach das ir man nit wider kam / wart sie traurig vnd klagt ei/
ner yrer gespilen.



Ad do ir gespil die klage vernam do sprach sie / du
 solt umb kein sag an deinē man z weueln oder trau/
 rig seyn dann mir ist gesagt / er sey bey dem stadē des
 mers in gesellschaft eins affen / vnd essen vnd trinckē daselbs
 gütter speysen in freuden / das ist vrsach seins auß bleibens folg
 mir / hab als klein verlangen nach ym als er nach dir / vnd so
 er dein vergessen hat das tu hin wider / dan magst du den der
 dir yn also entzogen hat durch auff satz vnd heymlich vor dei/
 nem man umb bringen das thū / sie sprach wie thū ich dz al/
 so thū ym / isse vnd trinck lutzel vnd wandel fast an der sunnē
 vnd stelle dich an den windt vnd lufft vnd meid das wasser /
 vnd wann dein man kumpt so will ich dir gütē rat geben sye
 thet was ir gespil sie hieß vnd wart ir die haut so dürrē / vnnd
 hart als ein rind von eym baum vnd ganz mager hie zwischē
 bedacht die schiltrot heym zū seinē gesund des hauß / vñ kam
 heym vnd sandt sein weyb mager vnd dürr vñ ganz verkert
 yres leibs / vnd do er sie fragt was siechtagens sie hette sye sch/
 waig vnd erzaigte sich zorniger gesicht vnd geberd / vnd ir ge/
 spil antwurt vnd sprach / wiß das diser siechtag fast böß vnd
 sorglich ist / doch wer ir zū helfen es ist aber dir vnmüglich /
 antwurt die schiltrot vnd sprach hebe sag mir mit was artz/
 ney ist ir zū helfen vñ ich sie zfinden / das gott vnd
 mein weyb wissen möchte ich ir mit meiner sele helfen dz ichs
 ir nit versagte / die gespil sprach wiß das diser siechtag nit ge/
 arneyet werden mag dan mit einē herten eins affen dz s.e das
 esse / vnd het sie das yez so wurd sie bald gesundt / do das dye
 schiltrot hort do gedacht er / diß ist dir vnmüglich das du eins
 affen hern über kumen mügest / du wöllest dann deinen lieben
 getriwen gesellen betriegen vnd yn umb sein leben bringen dz
 got nit wölle dise sünde auff mich zeladen vnd ist mir doch sch
 were zū vermeiden das dauon mir mein weyb sterbe / dann eyn
 getriwe biderb weyb mag mit gold noch mit silber nit verglei
 chet werden / noch mit keiner schlacht sachen / dann sye ist eyn
 hilff des lebens des mannes in diser welt vnd yme seyn sele nū

behalten inn die ewigkait / vnd mir gezimpt sie von tode zū erlösen / vnd hūb sich auff zū gane zū dē affen vnd gedachte aber in seinem gemūt wie wurd ich das übel thūn an meinen getrüwen gūten gesellen durch meines weybs willen / vnd gieng also in den gedencen biß zū dem affen / vnd do yn der aff sach do freuwet er sich / vnd gieng ym entgegen / vnd sprach was hat dich bewegt so lang von mir zū sein vnd was ist des vrsach / antwurt die schiltrot / nicht dann die scham das ich dir noch nye deiner gūttat hab mügen lonen vnd deiner militaire vnd edels gemüts widergeltung thūn / darumb hab ich mich geschempt wider zū dir zetūmen / darzū antwurt der aff du solt dich darūb vor mir nit schemen auch dz gegē mir nit melde / dan ich begere des nit allein begere ich deiner gesellschaft zū ergetzunge meines hertzen zū dir zū haben / vnd bin benūgig das ich damit meiner betrübnuß vnd widerwertikeit vergessen müge die mir zū gefallē seind von dem tag das ich verstoffen worden bin von meinem reichumb meinen kunden vnd freunden / antwurt die schiltrot vñ sprach noch ist billich das ein fründ vnd geselle dem andern widet geltung gūtes willens erzayge vnd das mag aller bast gesein durch den freunde vnd gesellen nun bist noch nye in meinem hauß noch wonung gewesen das ich dir mein weib kind vnd freunde hab mügen zaigen damit ein gesell dem andern die aller maist freuntschafft erzaigē mag das dir von mir noch nie erzaigt vnd billich von mir einer schande zeschetzen ist / antwurt der aff es sol nyemane von seinem fründ me begere dan das er ym sein hertz vnd sein trūw offen vñ yn lieb hab als sich selbs dann das ander alles ist ein üppikeit / die pferd ochsen vñ camele seind zesamē gebundē wan sie ir speiß essen / sprach die schiltrot du sagst war dan es sol nyemane von seinē freunde me begere dann seiner frūntschafft vnd yme glauben halten / vnd das nit vmb gabe oder nütze den er von ym habe / dann wer zūvil von seinem fründ oder gesellen begeret zū haben / dem geschicht als dem kalbe das seyn mütter zū hart saugen will so schlecht es die kū zūm letstē mit ein süß

das es zu der erden fellet/darumb sol ich dich suchen vnnd die
widergelten nach meinem vermügen/vnd nach deinen werckē
die mir von dir erzaigt seind/vñ darumb will ich das du mit
mir zu meinem hauß kumest/dañ das ist an einer stat vol gü-
ter baum vnd frucht /vnd ich will das du mit auff meinē ru-
cken sitzest/so will ich dich biß zu meiner wonung tragen /vñ
do der aff hort von den guten fruchten vnd baumen/da über
kam yn sein lust vnd auch die gut gesellschaft das er der schilt
kroten auff seinē rucken saß der trüg yn durch ein wasser/vnd
do er mitten in dz wasser kam da gedacht er an das groß mort
das er an dem affen begeen wolt/vnd betrachte soltu an deinē
gesellen die vntrüw thun vmb deins weibs willen so doch lutz
el trüwen in weiben ist durch ir vnbestentliche liebe/dañ man
sagt das golt werd bewert in dem feur/die menschen bey iren
geschafftē/die thier bey schweren burden/aber ein weyb mag
bey nicht bewert oder erkennt werden das ir zu getrauwen sey
vnd in sollichem gedancken stünd er still vñ schwam nit furter

Das. vi. Capitel.



Ad do der aff sach das sein gesell also stille stont vnd
 nit fürhin schwam gedacht er die schiltkrot hett vil/
 leicht arg in seinem sinne oder gedanck wider dich
 wer wiß ob das hertz meines gesellen in argem sich gegen mir
 verkeret habe vnd mich villeicht im willen hat zu schedigē dan
 inn der welt ist nicht beweglichers zu andernung dan das hertz
 vñ es sprechē die weisen wan sich dz hertz eins getrüwē gefellē
 vatters mütter oder veibs verkeret/das mag nit verhalten/sun
 der das muß durch geberde weyse oder wort geoffenbart wer
 den/vnd sprach zu seinem gesellen/freundt warumb schwim/
 mest du nit/ist ichts das du inn deinen gedēcken fürchtest/die
 schiltkrot antwort vnd sprach/ich bin beschwert dz ich dir nit
 solliche ere erbieten kan in meinem hause als sich geburt als bil
 lich were krāckhait halb meines weibes/der aff sprach zu yme
 wisse deine widermüt vnd leit mag an deinem weibe an ir ge/
 sunthait nicht zu legen dir auch nit nütz sein/darumb verlaß
 das vnd such artzney deiner frauwen zu gesunthait/antwort
 die schiltkrot ich hab vil artzney vnd find nit das ich ir gehelf/
 fen mag ich hett dann ein hertz eins affen ir zu speyß/do das d
 aff vernam da gedacht er in seinem hertzen/verflucht sey der
 glust wie grossen kümer bringt der den leutē/nach verfluchter
 sey der aptecker der sie das tranck gelet hat yetz hat mich auch
 mein grosser lust in disen strick bracht do ich kein flucht haben
 mag/wee dem der durch gescheiditait vnd emsigkait verführet
 wirt/werlich ein gerechte red ist der da sprach wer sich laßt ge/
 mügen des dz ym gebē ist vñ nit furter sucht d lebt sicher vnd
 vnbeschedit/aber die menschen d geititait vnd dye irem lust
 nochuolgen/die bringen ir tag in widerwertitait vnd betrüb
 ten außgang/nun merck dise artzney hat mich auff disen weg
 bracht vñ mir ist zūbedenckē kurnē rat zenemē wie ich entgan
 müg d strick d mir geleit ist dz nit mein tod d schiltkrotē leben
 werd vnd sprach zu seinē gefellē/ey warūb hastu mir diß nit
 gesagt da wir auff d land waren so wer ich vor war heim gā/
 gē vñ het myn hertz genūmē vñ dz deiner frauwe bracht dan die

Das.vj.Capitel.

weisen sagen das man dreyen nicht versagen sol dem ainsidel durch sein heyliges leben/dem künig durch sein gewalt vnd dē frauen/dan sie seind allein dz leben der man/sprach die schiltkrot wo ist dein hertz sprach d̄ aff in meinē hauß han ich es gelassen/sprach die schiltkrot warumb hastu dz geton/antwort der aff es ist vnser gewonheit/wann wir offen zugast auß gan wölle so lassen wir vnser hertz da heym/dan es ist von naturē heßig vñ vnuertreglich vmb das wir vnser fründe dahin wit geladen werde niemans erzürnen vñ allen zum vō vns auß schlahen vnd verlassen mügen nemen wir das nit mit vns /aber wilt du so laß vns wider keren so will ich das nemen vñ dir es geben deinē weib zebringen vñ zegeben/vnd do die schiltkrot das hort wart er fast seo vnd sprach zū dem affen./yetz thūst mir ein grosse fründschafft vñ kerte wider eylend biß sie an des merces staten künen/bald sprāg d̄ aff von dē rücken der schiltkrotē auff das land vnd cylet zū seinē baum der fruchten vñ stayg darauff vñ ließ den schiltkrotē auff der erden/vnd do er darauff lang verharret da rüffte im die schiltkrot vñ sprach/ge sell kün herab vnd bring dein hertz das wir gangen/da antwort d̄ aff ich merck das du mich geacht hast vor den esel/von dem der fuchs sagt der weder hertz noch ore hat/die schiltkrot sprach wie was das antwort der aff. Es ist gewesen an einem end ein leo dem wuchs ein postm der wart dauō ganz verzert das yn alle sein krafft verlassen hett vnd ganz nit merz macht het sein narung zū erlagen/nun hett er bey ym zū diener einen fuchs der gelebt des überigen das dem lewen von eragter speise über wart/darumb was diser siechtage des leo wen dem fuchs widerwertig/vnd auff ein zeyt do sprach er zū seinem herren/o herre aller thiere hertz warumb sich ich dich also siech vñ so ganz verzert deines leibes/antwort der lewe diß alles ist allein vrsach meines geschweres das ich zū grossem siechtagen in meinē leib trag/vñ damit der widermüt daz ich mit selbs wol zū helfen wüß vnd das durch tranckhait halb nit geton mag dan wann ich die ore vñ das hertz des esc's het vñ meinē leib in

fließende wasser wol erwüsch vñ darnach das esse / so wurde
 mein siechtag mich verlassen / antwurt der fuchs dz ist mir lei-
 cht zūvolbringen dan einē brunnen waiss ich nahe bey vns da
 hin kumpt zū zeite ein wollen weber zū wesche sein tūch dz er auff
 seinem esel dahin fūret den mag ich zū dir bringē nym vō yme
 was du wilt / der leo sprach magstu dz geton so magst du bey
 mir grofß gnad erwerben / der fuchs was fleissig vñ eylet zū dē
 brunne vñ sandt da dē weber sein tūch waschen / vñ dē esel ne-
 bē ym auff d waid in dē holz vmb gan zū dē sprach er wie find
 ich dich hie so mager vñ bresthafft vñ gebrochen auff deine ru-
 cken antwurt d esel / diß alles ist von boßhait meines maisters
 der kestiget mich vñ erhungert mich rechts hungers / vñ darzū
 legt er auff meine ruckē so schwer burde die mir mein haut auff
 reissen / sprach d fuchs warumb bleibst du in solliche hūger vñ
 arbeit bey ym / antwurt der esel wa sol ich hin gane / dann wo
 mich die leut ergreifen so nemē sie mich vñ über ladē mich mit
 schweren burde / sprach d fuchs wilt mit mir gan da du findest
 faisse waid vñ wasser mit gūte kreutern / vñ do dich weß rinc
 noch thier irren dan allein ander esel vñ do kein fraisslich thier
 ist / vñ do d esel das hort da het er darab grofß gefallen vñ spra-
 ch zū den fuchs ob ich nit der gūten waid vnd wunne zū liebe
 dahin gieng so benūgt mich doch von hertzen deiner gūter ge-
 sellschaft bey der mir fur alle kurtzweile leicht were zū sein die
 tag mens lebens / vnd gieng also mit ym / vnd do er yn zū dē
 lewen bracht / da wolt yn der leo angefallen haben da vermo-
 cht er des nit / dann in ym was kein macht noch krafft vñ also
 kam der esel vngeschediget von dem lewen / vnd do der leo den
 esel also vngelenet hin gan ließ / do sprach der fuchs / herz d kün-
 nig warumb hast du den esel von dir gelassen vnd bey dem hō-
 chsten schwur hastu den esel mit willen vō dir gelassen / so hast
 du mir grofß kestigung vnd hunger meines leibs zūg fūgt / ist
 aber das geschehen von onmacht deines leibs / so wec vns das
 nit mer krafft vnfers vermögens in vns ist / so wer vns sterbe
 nūzer dann leben.

Das v. Capitel



Er leo gedacht soltu sprechen du habest yn von on/
macht vnd blöde deines leibes gelassen/ so würt der
fuchß mercken das du ganz kein nütz bist/ vnd dar/
auff von dir weichen/ sagst du das sollichs mit mütwillen ge/
ton hab so hat er dich für einen toren vñ das du ym seinen teyl
seiner speyß vergünneest vnd wurt dir aber zü bösem end vnd
sprach magst du den esel wider bringen so will ich dir offenba
ren warumb ich das geton hab/ da antwurt der fuchs yetz ist
er meiner getrügknuß ynne worden/ vnd hat er oren zü hören
oder ein hertz/ so ist er billich gewiziget das ich yn nit mer be/
triegen mag/ dester minder nit will ich gan vnd ym vrsach er
zelen die yn hye zü bewegen mügen vnd gieng zü dem brunnē
vnd wartet da aber des esels biß sein maister dahin kam vnd
sein tüch abelud/ vnd do der esel zü waide gieng da ließ sich 8
fuchs sehen vnd do yn der esel vō ferrens sach do sprach er pfü
dich was woltest du aber mit mir beginnen / antwurt der fu/
chs nicht will ich mit dir beginnen dann alles güte / es ist war
ich het dich zü andern eseln geführt/ von den ich dir gesagt hett
vnd du hast gesehen was sie dir gethon haben / sunder durch
groß liebe vnd gefallen die sie von dir gewonnen hettē sie groß
freude vnd gefallen von deiner bey wonung/ aber du erschre/
ckt vñ zweiueltet ich het dir das zü argem geton/ aber fürwar
hettest du ein klein zeyt beharret du hettest ere gesehen dir zü ge
sehen/ vnd ein sollich wesen von deinem geschlecht den eseln
das du vor nye gesehen hast/ vñ nach dem der esel vor all sein
tag nye keinen lewen gesehen het/ auch nit gewist was es was
gieng er züm andern mal mit dem fuchs/ dann er begert zesein
bey seins gleichen den eseln von den er ym gesagt hett/ vnd do
er aber zü dem lewen kam/ da ergreiff yn der lewe vñ zart ym
sein seiten auff/ vnd sprach zü dem fuchs bewar vnd behüt yn
biß ich gen wasser gang vnd mich gewasch vnd das ich darna
ch sein hertz vnd oren fresse zü meiner gesuntheit



Ad so der lewe gat vnd sich in dem wasser weschet
 nach rat seines artzet die weyl isset der fuchs die oren
 vnd das hertz des esels / vnd do der leo wider kame
 sprach er zū dem fuchs wo seind die oren vnd das hertz des esels
 antwurt der fuchs leo du soltest billich wissen het diser esel oren
 gehabt er het mügen hören vnd ein hertz so hett er mügen ver/
 stan / vnd wan das also wer geweest so wer er nit wider zū die
 kumen do er erstmals von dir entrunnen was. Dise fabel hab
 ich dir fürgesagt das du wissest das ich nit thun will als d esel
 sprach der aff zū der schiltkrotē du woltest mich veruntruēt han
 mit deinen auffsetzen / so bin ich durch mein anschleg vnd ver/
 nunfft entrunnen / dann man spricht was der narre durch sein
 torhait verhonet das würdt durch dye weißhait wider bracht
 antwurt die schiltkrot du bist gerecht in deiner red vnd ich lob
 das ein weiser sein wort mynret vñ sein werck meret / vñ wan
 er sich übersicht in torhait / so weiß er das inn seiner weißhayt
 zū büßen als ein künstreicher ringer / wann der zū der erden ge
 worffen würt der weiß sich darnach vor des gleichen zū bewa
 ren / hör auff sprach disles der künig zū seinem weisen / ich hab
 verstanden bey der fabeln wellicher ym selbs ein güts oder nü/
 tzs ding übertumpt das der fleiß haben sol / sollichs durch sch/
 nöde vrsach nit zūuerlieren / dan einem mann würt nit alweg
 stat geben nach verlust bessers oder güts zū übertūmen

Hie endet sich das sechst Capitel vñ dem affen vnd d schilt
 krotē / vnd fahet an das Sibent capitel von dem ainsidel vñ
 der behende ist inn seinen sachen vnd das ende nit betracht was
 schadens er dauon empfahen ist.



Er künig disles sprach zū Sendebare sey
nem weisen / ich hab acht genūmen deiner
wort das ein mensch bey weylen ein ding
daran im gelegen ist verleuret / nit das er
verlore sein muß oder verloren sein wölle
allein dz d besitzer sollichs seiner vnweiß/
hait halb nit behalten kan / nun sage mir
auff das do einer in seinen sachen eylend ist vnd darinn künff-
tigs nit betrachten kan / antwurt Sendebare wellicher sein sa-
chen eylends follenbringt vnd künfftigs nit betracht in seynen
sachen / dem folgt rüw nach / vñ das ende seiner sache würt als
des kauffmans mit dem hunde den er tod schlugē on sein schult
sprach der künig wie was das / antwurt sendebare / man saget
es sey gewesen in einer stat fast ein erber man der got sere dienet
vnd der het ein weib die was vnfruchtbar vnd baten got vmb
ein frucht irs leibs / in nach folgenden tagen empfieng die fra-
we des was der man fro / vnd sprach zū seiner frawen / freuwe
dich wann du wirst einen sun geben der würt ein widerbrin-
gung vnser gemüts vnd ergerunge vnser hertzen / dē will ich
mit güter regierung vnd maisterschafft ziehen zū güten geber-
den vnd wercken vnd das er eins güten lūmunds werd / vñnd
das vnser nam vnd geschlecht an ym gegrosset werden sol / vñ
damit einen erlichen samen vnd gedechtnuß nach mir laß / ant-
wurt das weib du solt nit redē dz du nit waist / du waist nit ob
ich gebere oder nit / vñ geber ich ob dz ein knab oder tochter ist
vñ ist es ein knab ob er lebētig bleibt / vñ bleibt er lebē was ver-
nūfft im got verleihe od was wesens darūb verlaß dyn vnnūtz
gedenckē vñ hoff zū got vñ wardt was er vns beschere dan ein
weyser man sol nit reden von dē dz er nit waist / oder die werck
gotes vrteyle / dan allein dē will gots würt erfüllet / vñ wer sol
lich ding mit seinē gedenckē ordē will / dem geschicht als dē man
auff den das faß mit hōnig geschüt wart / sprach der man wie
was das antwurt die frau w / mā sagt es wonet eins mals ein
brüder der drittē regel / der got fast dienet bey eins künigs hoff
r.ij.

den versach der künig alle tag zu auffenthalt seins lebens / ein
kuchen speys vnd ein fleischlein mit honig / diser ass alle tag die
speis vor der kuchen vnd den honig behielt er in ein irdin fess/
lein das hieng ob seiner bedtstat so lang biß es voll wart / nun
kam bald ein grosse teure in den hönig / vnd eins morgens früe
lag er in seinem bedt vnd sach das honig in dem fesslein ob sei/
nem haubt hangē / da fiel ym in sein gedancē die teury des hō
nigs vnd sieng an mit ym selbs zu reden / wann diß fesslin gātz
voll hönigs würt so verkauff ich das vmb fünff guldin darüb
kauff ich mir zehen güter schaffe vnnd die machen alle des iars
lember / vnd dann werden eins iars zweintzig vnd die vñ das
von yn kumen mag in zehen iaren werdent tausent / dan kauff
ich vmb fier schaff ein kü / vnd kauff da bey ochsen vñ ertrich
vnd die meren sich mit iren fruchten vnnd da nyme ich dann
die frucht zu arbeit der ecker / von den andern kuen vnd schaf
fen nym ich milch vnd woll ee das andere fünff iare für kumen
so würt es sich also meren das ich ein groß hab vnd reichumb
über kumen würd / dann will ich mir selbs knecht vnd kellerin
kauffen vnd hohe vnnd hübsche bauwe thon / vnd darnach so
nym ich mir ein hübsch weyb von einem edeln geschlecht / vnd
die beschlaß ich mit kurtzweilliger lieb / vnd so empfecht sie vñ
gebiert mir einen schönen gluckseligen sone vnd gotforchtigen
vnd der würdt wachsen inn lere vnd kunsten vnd in weißheit
durch den laß ich mir einen guten lümundt nach meinem tode
aber würt er nit gefolgig sein vnd meiner straffe nit achten / so
wolt ich yn mit meinem stecken über seinen rucken on erbermd
gar hart schlagen / vnnd nam seinen stecken damit man pflag
das bedt zu machen ym selbs zu zaigen wye freuelich er seinen
sune schlagen wolt / vñ schlug das irdin faß das ob seine haub
te hieng zu stücken das im das honig vnder sein anzlit vnd in
das bedt troff / vnd wart yme von allen seinen gedencken nit /
dann das er sein anzlit vnd bedt waschen müst




Vn hab ich dir dise fabel gesagt dz du von dē dz du
nit waist nit reden noch weissagē solt / dan man sprī
cht du solt dich des mornigen tags nit geuden / dann
du waist nit was dir heut zū fallen mag / vnd do diß der man
hort da schwaig er / vnd nach ordnung der zeyt gebar die frau
we einen lustlichen sun des wurden sye baide gestrewet / vnd
do sie vom kintbedt gieng sprach die frauwe zū yrem man / hie
bleib vnd wart des kinds biß ich mich in die kirch antwurt vñ
reynigung nach frawen ordnung empfahe / vnd do der vatter
also bey dem kind enig saß vnd das weib yetz hinweg was da
kam des künigs bott nach dem mann / nun het er in seinē hauß
einen hundert der ym fast lieb was der sach ein schlangen auß ei
nem loch zū dem kind kriechen das er es beschedigen wolte den
begraiß er mit seinen zenen vnd zerraiß den zū stücken dz yme
sein munde dauon schwaissig wart / vnd do der man wider in
sein hauß kam do gieng ym der hundert entgegen / vnd do er ym
seinen mund schwaissig sach / do gedacht er das ym sein kint
von ym gefressen wer vñ schlug den hundert das er starb vnbe
trachter sach

Das. vij. Capitel.



Arnach gieng er in das hauß / vnd do er das kind lebendig fant vnd die schlangen bey im tod / da merckt er das der hundert die schlangen getödt het / vñ wart des laidig vnd sprach / ey das das kindt ye geboren wart dz ich meinen getrüwen hundert zu tod geschlagē hab / vnd do dz weib heym kam sach sie die schlangen vnd den hundert tod / vnd sprach das ist ein frucht die einem yeglichem dauon kumpt der sein fürnemen eylande vnd vnbetracht thut / vñnd ym folgt billich rüwe vnd trauren nach / darnach sprach sendebar zu seinē künig die menschen die mit vernunft vnd vor betrachtung ir sach solbringen vnd volführen die in gluckselig ende da hin dz der wütend vnd eylande nit mit streyten bringen mage / darumb sol ein vernünfftiger sein sach betrachte vñ frümlich handeln damit er die zu gutem gelobten ende bringen müge


Hie endet das sibend capitel von dem ainsidel / vnd hebet hienach an das acht Capitel von der mauß vñnd dem mauß / hundert vnd ist von dem den einer sucht zu seinen feinden in nöten



Der künig sprach zu seine maister ich han
 verstanden deine wort von dem der sein
 werck mit fürsichtlichen handelt vñ was
 ym zu lezt dauon künnet/nun sag mir vñ
 einem krancken wann der zwischen die hende
 de seiner feinde kumpt/durch was geschei
 dikait ym gebüre von ym zu künen/ant/
 wurt sendebar wann ein man zwischen die hende seiner feinde
 kumpt/so gebürt ym auff sag zu suchen/vnd sich bey weylen
 mit dem einen zu sinen/vnd sich mit dem in gesellschaft zuuer
 heissen/damit er sich von dem andern erlösen müg/dan glych
 als zu allen zeyten ein fründt vmb vrsache des andern feinde
 würdt/also mag zu allen zeyten ein fründ vmb vrsach des an
 dern fründt werden/dann wann ein man siecht das ym seyne
 feind zu staten seins lebēs oder wesens sein mag/so gebürt ym
 wol den zu fründe zu suchen/defgleichen wann er sich seynen
 fründ mit vntreuen mainen/so gebürt ym wol den zu lassen
 dan wer sich mit seinem feind geburlicher zeyt versünen kan/
 vñ seine fründ wann er den eynest in vntreuw finden lasset/der
 mag sich vil schades erwerē/als eins mals theten die mauß vñ
 der maußhündt die sich selbs durch ir baider versünunge vom
 tod erlösten/sprach d künig wie was das antwort d maister/
 es was ein grosser baum bey dem stattē des mers in einer gros
 sen weyten bey dē wonten vil thier vnd auff des baumes esten
 waren vil won ügen d fogel/vnden in dē baum was ein loch
 darinn wonet ein maußhündt der hieß peridon da bey was ein
 schram darinn wonet ein mauß die hieß ronn vñ nach dē dabey
 zu manigē malē wa ideleut kamē zu iagē/begab sich auff einen
 tag das die ieger die netz auff spienen vñ der maußhündt dar/
 ein fiel/vñ so die mauß auß ir schram gat ir speyß zu suchē/so
 sieht sie den maußhündt in dem netz gefangen vñd freuet sich
 irs ungeüels vñd wißt mit was ir nahet/vnd so sie hinder sich
 sieht/da erblickte sie ein hündt der ir begert/vnd so sie ubersich
 sach/so ersicht sye eynen aren auff dem ast des baumes der ir

die gesicht gabe/do gedacht die mauß lauffest du hinder sich so
sahet dich der hundert gast du für dich so nympt dich der are flü
hest du die baid so müst du zu dem maußhundt/ so bist du erst
in deines rechten feinds hand/vnd do sie sach das sie mit yren
feinden ombgeben was/do sprach sie in irem hertzen vō disen
engsten mag mich nyemant erledigen dan vernunfft vñ gesch
eidikeit/nun sol mein hertz nit erschrecken von dem das mir be
trübnuß bringen mocht/dann einē weisen lecken man sol sein
vernunfft vnd fürsichtigkeit nit entgan in widerwertikeit/dan
fürsichtigkeit der weisen ist das sie in der zeit der zu felle ledigen
mag mere dan in stercke oder reichthumb/dann ein weyser mā
sol nit erschrecken in dingen die er thā will


Das. viij. Capitel



Je mauß sprach mir ist notturfft mich zu behüte zu
 der hand hindersich lügen vnd für sich zu gedencken
 vnd über sich zu schauwen wie ich mich bewaren mü-
 ge/ vnd merck mir nit bessers zu sein/ dann ich thu mich bey di-
 sen maußhundt vnd such fride zu yme/ dann ich sich das yme
 hilff so wol als mir notturfft ist/ seins vngesels vnd sorg des to-
 des zu erledigen darinn nyemant so bald togentliche sein mag
 als ich/ villeicht so er hören würt mein getreuw war vnd auff
 rechte wort die ich ym zu spreche will/ er würt villeicht mir ge-
 lauben vñ frid zu mir suchen/ angesehen das er dar durch ge-
 lediget werden mag/ vnd damit mag ich durch yn auch gefri-
 stet werden vnd gieng zu dem maußhundt vnd sprach/ wie er-
 scheinst du hie/ er antwurt du schst mich in der not/ die mauß
 sprach zu yme ich liegen dir nit will auch nit trieglichs mit dir
 reden besunder in ganzer warhait/ dann ich han lang begeret
 den tag zu leben dich in sollicher not zu sehen/ vnd ist mir doch
 sorgfelt. Eit zu gefallen die mir solliche freud deiner widerwer-
 titait hin genümen hat/ nun mag dich nyemant als wol dauo
 geledigen als ich/ darumb höre als ich dir sage/ es ist nit ver-
 borgē der hundt vnd der are hassent mich vnd auch dich/ nun
 bin ich klein vnd schnöde gang ich hinder mich zu meinē loch
 so wurd ich dem hundt/ gang ich für sich so nimpt mich der so-
 gel/ fleuhe ich dann zu dir so issest du mich woltest du aber mi-
 ch des lebens trösten so möcht ich dich ledigen das ich auch tün
 wolt/ vñ dir dein netz zernagē/ nun glaub mir meinen worten
 dann wer nyemans getrauwet dem getrauwet auch nyemans
 der ist auch nit weise/ darumb nym von mir gesellschaft vnd
 gib mir deine trüwe das ich inn dich auch glauben setzen mü-
 ge/ vnd als ich dich lebentig begere das ich lebende beleb/ also
 solt du mein leben begeren das du lebendig beleibest/ vnd gley-
 cher weise als vom mere nyemands geledigt werden mag dan
 durch schiffe vnd durch schiff nit dann durch dye menschen die
 das also regieren vnd furkummen/ also müzen wir auch dur-
 ch vnser gesellschaft erlöset werde vñ diser not/ vñ do d mauß


Das.viij.Capitel

hunde hort die wort der meuß do erkannt er ir trüwe vnd was
des fro / vnd sprach zü ir du hast wol geredt vnd gerecht seind
deine wort / nun volbring das da durch frid zwischen vns ge-
treffigt werd / dann ich will dir den glauben halten & du mir
erzaigest / sprach die mauß gib mir dein trüw das ich mich zü
dir müg stellen / dann wann das der hunde vnd der fogel sehē
das ich sicher bey dir müg wandeln / so werden sie ire hoffnung
gegen mir mich zü fahen abstellen vnd mir mein leben sichern
vnd wann ich sich das sie hinweg seind das ich auch on forcht
bey dir sein mag / so will ich dein band zernagen / also gab er d
mauß sein trüw darauff gieng sie zü im / vnd do sie der hunde
vnd die fögel sahen das die mauß mit dem maußhunde gefell-
schafft vnd wonung hett / da machten sie sich von dannen / da
mit zernüge die mauß das netze vnd den maußhunde als einen
gefangen bedeuht / das die mauß langsam wer mit yrē nagen
vñ sprach gefell wie arbaitest du so gemacht zü meiner ledigūg
dann so eylend du begert hast zü deiner ledigunge deiner sorg-
seltakait / so eylende soltu auch mich erledigen / dann gedrehest
du nach dem haß vnfers geschlechtes vñ der zwischē dir vñ mir
gewesen ist des gezemet sich nit nach deinen Worten / dan fütter
sol diser haß kein stat in deinem hertzen wider mich haben dan
die gerechten vnd frūmen behalten nit affter haß zü gedencken
verdriess od schaden / sunder durch ein eynige richtūg lassent
sie haß vnd schaden / dann wer vndanckbar ist der gūttat der
verdienet billich schaden.



Das. viij. Capitel.

Arzu antwort im die mauß /nym war es seind zwei
erley gesellen der ein ist getruw in seiner lieb / der an
der des lieb ist mit auff satz vñ geuere des red ist süß
vnd ein falsch hertz / vnd ist doch bey weylen der yeglicher zu
haben vnd den zu brauchen zu seinem werde / aber der getruw
gesell sol sein leben wagen durch hilff seins getruwen gesellen /
doch sol nyemant seinen gesellen ob der vngetreu ist verlassen /
aber sich vor seinen tücken bewaren / dann wer da sucht fride
mit seinem feind vnd ym getrauet vnd sich nit bewaret / ð ist
gleich als dem der seinem glust volget vnd isser bain für flaisch
vnd mag doch die sein mage nit verdeuwen vnd würt ym zu
vngut das ich sol yetz bedencken das gut das ich von dir habe
vnd dir deins willen widerfaren nach deinem gefallen vnd mi
ch dabey vor dir bewaren das mir nit vngut wider fare / vnd
mich mein gezwungenlich gesellschaft mich arges zu erweren
nit vrsach sey grossers schadens / dann alle ding seind zu ir zeyt
zu geschehen / dann was zu seiner zeyt nit geschicht das hat nit
wurtzel bringt auch nit frucht / darumb will ich dein netz fürsi
chtlichen nagen / doch das einteyl ganz bleib / darinn du ver
hefft vñ doch nit ganz ledig dz du mir nit ganz schedlich seyest
vñ will dir doch das zu ð zeyt ab-beissen so ich waiß dz du mir
nit schaden magst so du ledig bist / zwischen diser rede kam der
ieger / vnd do den von ferren der mauffhunde sach do erschrack
er sere von forcht sein lebē zuuerliere / do sprach die mauß nun
ist zeyt das ich dir das netz ganz ab beiß / vñnd ee der ieger zu
dem hage kam do was der strick zerbissen / also das der mauß/
hundt ledig was vnd auff einen baum geflohen vnd die mauß
in ir löchlein kumen was / do das der ieger sach do nam er das
zerrißten netz vnd gieng betrübt in sein hauß.




Das. viij. Capitel.

Arnach gieng die mauß auß ir hülen vnnnd sach den maußhundert & sprach zū ir / fründt wie so wilt du nit zū mir kumen so du mir doch so grosse tugent erzaiget hast / es gezimpt sich das du essest der frucht deyner verdienung / darumb kum zū mir vnd fürcht dir ganz nit / dann du hast mich vor dem tod bewaret / darumb solt du von mir vñ meinem geschlecht des widergelt nemen vnd alles das mein sol dein sein / vñ der maußhundert schwür ym bey &c der ewiglich lebt das er im glauben solt bei seinen worten / dar auff gab im die mauß antwurt vnd sprach / wellicher nit weiß mit seinem feind zū wandeln / als mit seinē fründe vnd besunder mit seinē feind des er durch notturfftlichē vrsach zū fründe bedarff / also das er seinē lieben die hende vnder sein fuß legen vñ darnach sein natur erkennen sol / der lebt gleich als ein schlaffender der vor einē helffant stat / dan die weisen hant geneit &c fründlichen einē fründt / durch die fründtschafft die ym begegnē mag vnd den widerwertigē der feind / durch vrsach der feindselige sachen die er von ym warten ist / vnd der feind lebt in der welt nit des feintschafft ich nit besorg / nun braucht ein yeglich mensch sein selbs rat zū eygenē gūten / nun geyt der rat eygner versehung sich vor seinem feind zū fürchten vnd sol doch ein weiser zū zeyten der feintschafft weichen vñ ym gūts erzaigē durch gūts das ym darauß kumen mag / desgleichen den freunde verlassen vnd sein gesellschaft meyden / durch künfftig arge dz im dauon zū fallen möcht gleich &c kindt das hangt an der mütter wann es begert zū saugen vnd wann sie auff hört saugē so keret sich das kindt wider von der mütter / desgleichen alle dye sich vmb gab lieb haben / also sol auch ein vernünfftiger man seinen nutz von seinen fründen vnd feinden kiesen / dan by weilen mag ym gūts begegnen in fründtschafft die zwischen im vñ seynem widerteyl gemacht wurt / es sol aber ein vernünfftiger man sein alte gesellschaft mit seinem fründ ob ym der auff dye zeyt nit nüt sein mag vmb nicht verlassen / sunder den stets in fründtschafft zū halten vnd ym getrauwen vnd seinen feind al-

f. j.

wegen furchten/dann wellicher durch liebe vnd durch etwas nutz vnd gewinns den er darumb haben oder entpfahen möchte ein freund worden ist wann der selb nutz oder vrsach d lieb ende genommen hett/so endet sich auch sunder die freuntschafft/vnd setz sich in das erst seiner naturen als das wasser die weil das ob dem feur hangt so ist es warm durch vrsach der hitz des feures vnd wann es da dannen gethon so würt es kalt/als es vor in seiner natur was/nun bistu mir d größt feindt vnd allē creaturen/aber durch das güt das vnser yeglichs vom andern nemen möchte/begab sich das wir gesellen wurden/aber nun so hat ein ende die forcht die vns vnser gemüt zu samen zwang vnd ist vnser gemüt furter frey/darumb ist der alt haß dē wir gegen einander von rechter naturen hond bald wider eingefallen/dann so ich die speyß bin vnd du der begerende zu essen vñ ich kranck vnd du starck/wie mocht dann vnder vns geselschafft on sorg sein vnd besunder meinenthalben ich mag dich nit fressen als du mich dann wellicher seinen feind glaubt der felle ym zu letst in sein hand/dan die weisen haben gesprochē wann ein krancker seinē feind weder getrauet noch glaubt so ist er aller sicherst/desgleichen wann der starck seinen kleinen feind so er des zum minsten achtet/dann die weisen sprechē das ein vernünfftiger sol anhangen seinem feind wann sie baide einander bedürffen vnd sich ym getrauwen durch vrsach sein selbs nott vnd darnach yn wider fliehen vnd yn halten als den ersten/dann alle widerwertikeit kumen von getruwen die man zu samen hat/dann einē vernünfftigen vertrauet yeder man aber er nit yederman/dann allein do er seinen nutz bey spüren mag nun ist die freuntschafft zwischen dir vnd mir als ver: sie was zwischen dem ieger vnd dir/doch wie ich von dir gescheidē sein sol/so günne ich dir doch bessers von erzaigter fruntschafft vñ das dich dein natur auch lere/vnd hye mit gieng die mauß in it löchlein vnd der maußhunde gieng sein strasse.

Hie endet sich das acht capitel vō der mauß vñ dem mauß hundert vñ hebt an das neunde capitel von dem künig vnd dem fogel vnd ist das capitel vō den gesellen die einander hassen vñ wie einer dem andern nit getrauwen sol



Et künig sprach zū seinem weisen ich han verstanden dein fabel wie sich zwen durch not gesellen vntz sie yren schade fürkūmen nun sag mir von zweien die einander lieb gehabt vñ durch handel dē sye mit einander habē einander hassen werdē was dye einander darnach getrauwen sollen / antwurt sendebart d maister vernünfftig vñ fürsichtig man sullen nit getrauwē yren feindē ob ynen die gütē willen vnd wandel erzaigen / als d fogel thet dē künig des sun er die augen auß getrazt het sprach der künig wie was das / antwurt der maister man findt geschriben dz zū india fogel seind geheysen pynza der der künig zū india einē alten vñ einē iungen hette / der alt was geleret redē was auch die menschen verstan / dise fogel befalhe d künig einer magt des hauß ir wol zewarten / darnach gebart des künigs weib einē sun dem d iung pynzan vil by woner vñ sunder fründtschafft zū ym gewan / vñ do dz kindt zū iaren kam traib es vil kurzweyl mit dem fogel / der fogel aß vnd trāckt mit dē kint / vñ der alt pinzan flog auff ein hohes gebirge vñ bracht da dannē zwen dattel gar edels geschmacks vñ gab dē fogel seinē iungen dē einē vñ des künigs sun den andern / dise frucht gab dē fogel vñ dē kindt so gütē krafft dz sie mercklich dauō zū namē an sterck vñ wesen / vñ als d künig das sach do het er groß gefallē darab vñ beualhe auch große fleiß zū habē zū dē fogeln vñ wart ynē sund gūnstig / auff einē tag d alt pinzan aber außgeflogen wart nach seiner speyß / do saß der iung pinzan dē iungē künig in seiner schoß vnd het kurzweil mit ym vnd der knab wart des schimpfs müd vñ verdroß / vñ do d fogel das nach seiner gewonhait nit lassen wolt da zürnt dz kint vnd warff den fogel wider die erde das er starb.



Das ix. Capitel

Als do pinza der alt vō dem berg mit 8 speiß kam nach seiner gewonhait vñ sach seinen iunge pinzan auf der erden tod ligen / da trauret er vnd sprach verflucht seyen alle künig iung vnd alt / dann in yn ist weder trüwe noch glauben oder barmhertigkeit / vnd gleich wol dem 8 außwendig der künig hoff sein narung hat / dann sie schenken noch achten nyemans dienst noch fründtschafft weye getrüw yne ioch der sey / vnd hond nyemands lieb dan von dem sie wartē sind oder vermeynen nun zū empfangen / vñ do sie bey weilen ir verterter üppiger will hin naigt / vnd wann das auch geschicht so haben sie darnach kein sehen oder liebe zū ynē / vnd all ir werck seind trugentlich vnd begriflich vnd gedacht pinzan der alt inn ym selber / ich sol nit trüwen biß ich mich gerochen hab vō diesem meinem grymmen feinde in dem weder glaub noch trüw ist der sein aigen diener hin geyt vnd verachtet die ob seinem ti sche essen vnd in grymmē eylet er zū dem iungen künig vñ tratzte ym sein augen auß vnd flog damit vnd saß in die höhe / vñ do das dem künig gesagt wart da trauret er diser geschicht vñ sucht list yn zū tödten.



Das .ix. Capitel

Arnach hieß yme der künig beraiten sein pferd / vnd rait zü suchen den fogel vnd erfand yn auff einem hohen felsen vnd riefft yme vnd sprach / ich hab dir abgelassen vnd vergeben dein verschuldigung vnd bist furter by mir ein fründt geachtet kere wider zü mir vnd fürcht dich nit / aber d fogel wolt zü ym nit vn sprach / herr künig ich weiß das ein schediger gepeinigt werden sol nach seiner ubeltat / dan mit wellicher maß einer misset / mit der sol ym auch gemessen werden vnd das geset spricht hand vmb hand / fuß vmb fuß / aug vmb aug / vnd wie wol das in diser zeytt verzogen würdt / so muß es doch künfflich gebessert werde / dann got richt die sünden der vetter auff die kinde / aber das mir dein sun geton hat darumb han ich eylende rach an ym geton / vnd bey seinem leben han ich ym sein werdt vergolten / darauff antwurt der künig vnd sprach / wir haben übel geton an deinem sun vnd dich damit beschweret / darumb schenken wir dich nit wider vns geton haben / darumb so kere wider vnd biß sicher / des antwurt pynsan ich kün nit wider zü dir / dann die weisen haben verboten das sich nyman in sorgfelmait geben sol / dann sie verbieten das sich das hertz der menschen nit neygen sol zü den süßen wortē seins widersachē vnd zü dem der sich mer erbeutet dan er sich selbs wirdig weiß vmb das er nit betrogen werd dann inn neyd vn haß würt nit güter glaub fundē / man hört auch von den weisen das ein vernüfftigerman achten sol seinen brüder vnd gesellen ala seinen nechsten vnd die ym trüw erzaigen ala seinem freunde / seinem sunē ala seinem gehilffen / sein tochter als seyn mißhellung / sein weib als sein hader / sein gesipten ala die hungerig fogel vnd vnder den allen sol er sein selbs persone eynig achten vnd abgescheyden / vnd von dir han ich dise widerwertikait empfangen vnd hast mich doch geeret für alle ander / vnd darzū das du mich selbs wider suchest / aber weich von mir vnd gang deinen weg mit friden dann ich wird mein straß auch faren / darauff antwurt yme der künig vnd sprach

hertest du nit schaden vnd schmach vnd schemde von vns empfangen so hertest du vrsach nach deiner anzaigunge / aber so wir nit begeren dich zu laidigen / vnd deine schuld ab gelassen han / warumb widerst du dich zu vns zekumen / antwurt pin sa du solt wissen das feindschafft des hertzen die gröst ist vnd ist vrsach vnleidelichs schmerzens / vnd dye zung mag dz mit ir süßen reden nit dilgen oder auß dem hertzen mit worten ziehen vnd das hertz bezaigt das es vn beweglicher ist dann dye zung dan es ist grösser dan die zung vñ geht ir dick bewegnuß zu reden des es vn bewegt bleibt / nun wisse das mir mein hertz sagt das dein hertz wider mich gedenckt vñ sucht an mir rache zu tün das ich befnd das mein hertz dich hasset vmb die geschicht die mit geschehe ist / wie mocht es dan sein das dein hertz mich dann lieb het / so ich dich haß / dann wiß das mein hertz gantz wider dein zunge ist / sprach der künig waist du nit dz dich zweitung vnder den mēschē erstat / vñ das darnach einer dē andern getrauwet wann sye gesünct vnd gefründt werden / antwurt pynsan es ist war das du gesagt hast / aber die weysen vñ vernünfftigen behelffen sich mit gescheidikeit vnd vernunfft weye sie sich bewaren / dann sie wissen das feinde vnd die neyde vñ haß zu samen tragen sich nit allwegen mit gewalt rechē besunder mit listen vnd vorbetrachtung gleich als ein klein man facht einen helffant der ist der größte aller tiere / vnd man sieht so ein merziger ein schaff oder wie vil er will von dē hirten nünpt vñ die merzget nit dester mynder tringē die andern schaf zu ym vñ vergessen dz sie gesche habe was an irs gleichen begangē ist vñ deßgleichen die hund / würt einer vnder den von seinē meister tod geschlagē dester minder nit bleiben die andern an irem dienst / aber ich will nit dē einer sein die sich durch ir thumhait also verlassen / sunder ich will mich vor dir bewaren nach allē meinem vermügē / sprach der künig ein edel gemüt verlat nit seinē gesellen vō ym also weichen / dan es seind nit all mēschē einer natur vñ gemüts / dan etlich seind vor den sich ein ieglich

Das. ix. Capitel

man hüten sol/ vnd ob sie darumb glauben gebē vñ seind an/
ders der worten zū glauben ist/ dann ir werck gebē den schein
antwort des pinsa fründschafft ist forchtsam vnd erschrockliche
vñ darumb gezympt sich einē yeglichen seinem feindt zū forch/
ten vnd sunder die in der hertzen der künig ist/ dan sie wolle ge
wislich gerochen werde/ dan sie gūten sich das yn dye rache
vnd leumūnt bringe/ darumb gebürt sich einē vernūnfftigē dz
er sich nit mit schmeichendē worten seins feinds sahen laß/ dan
der neydt ist beschlossen in der hertzen gleich als das feur vnder
der aschen die nit holz hat vñ gleich als das feure holz begeret
zū narung seins flāmens/ also sucht der feindt wort zū suchē sei
ner feindschafft die auch dan nyemāt leschen mag weder reich
tumb noch demütikait zungen noch keinerley vnder wurslich/
hait/ es seind auch etlich feind dē ir widerpartheyen widerstan
mügen durch ir listikait vñ für betrachtig vñ wie wol ich vn
weises rats bin vnd der kunst verachtlich vnd ist auch meiner
vernunft zūwil das in deinē hertzen wider mich gewurzelc ist
auß zū reuten/ darumb gezympt mir billich dir nymer zū glau
ben vñ mich bedunckt nit bessers dan ich ferre mich vō dir dye
zeyt meins lebēs/ antwort d künig waist du nit dz niemant ge
nūgsam ist seinē feinde gūts oder böß zū tūn dann so vil in got
tes willen ist/ vñ dem nach so hat dich got geachtet vō mir zū
sterbē so hast du kein flucht vō mir zū entrinne/ ist es aber vō
got dir nit also erachtet/ ob dich dann yetz inn gewalt meiner
hende hette/ so möchte es doch nit geschehen dann wider dē ge
ordneten willen mag nyemands nit volbringen vnd gleicher
weise als ein mensch nichts durch sich selbs schöpffen also mag
es auch entschöpffen dann das un von got zū geordnet ist vñ
dem nach wūrdt dir vnbillich zū sūnde gescheret/ das du mey/
nen sūne geblendet hast/ oder meyn sūne das er deinen iungen
getōdtet hat/ sunder es ist alles von gott vnd so wir alle gotes
seynd/ so sollen wir gedult haben seiner werck/ do antwort pin
san vnd sprach die götlich fürachtig ist wie du sagst doch ver/

beutet die götliche verſehung nit das ſich ein frümer vor ſeine
 feindt bewaren ſol vnd da bey got ſein werck laſſen zu geſche-
 hen nach ſeinem willen / dann du weiſt wer einer verſehen vñ
 gott das er im waſſer verdebent ſolt / ſo wer nyemands der im
 darfur ſein möchte / doch keme er zu den meiſtern der weiſheit
 vnd herr yren rat / ſye rieten yme alle das er ſich nach ſeinem
 höchſten vermügen / vor waſſer hüten / vnd yn hieß kein ver-
 nünfftiger das er müßwilliglich darein ſpringen ſolt das er da
 mit die ſchickung gottes erfüllet / dann man ſcherzt den für eine
 toren der das thet / dann die weiſen ſagen wer ſich ſelber todtet
 der hab keinen teyl hyenach inn künſtlicher welt / darumb hat
 got dye ſele in des menschen korper geſchaffen das er dye weiſ
 zu bewaren vnd nit von yme zu ſcheiden biß der kumpt der ſie
 wider von dem leibe ſcheiden ſol / darumb ſag ich wye wol ich
 für geſehen bin / noch will ich nymmer ſo nahe zu dir kummen
 mit meinem willen oder gedencken das ich des verſach ſein wol-
 le / dann ich weiſ das du yetz mit deinem munde wort redest
 dye nit in deinem gemüt ſeind / dann ich weiſ das du meins le-
 bens begereſt / vnd mein ſele zu ſcheiden von meinem leib / aber
 die ſele fürchtet den tod vnde fleucht yn / nun ſucht man die ſo-
 gel zu fahen vmb drii ding ſie zu ſpeyſe oder zu kurzweile oder
 zu verderben / darumb ſuchſt du mich nit zu eſſen / dann meyn
 fleiſch iſt nit geſundt oder zu kurzweyle dann ich kan nit ſingē
 ſunder ſuchſt du mich zu tödten vmb deinen ſune / darumb iſt
 mir dein geſellſchaft ganz kein nütz / dann wann wir yetz ge-
 ſellen weren vnd du gedechteſt an mein werck mit deinem ſune
 darumb iſt mir dein geſellſchaft ganz nit nütz / vnd an dei-
 nes ſunns wercke mit meinem iungen / ſo wurden vnſer aller
 baidet hertzen verkeret / da anewart der künig / es iſt nit lob-
 lichen eynem der doch nit gewalt hat den neydt oder den haße
 auß ſeinem hertzen zu erlaſſen / vnd auch geſelledliche liebe dar-
 ein zu ſetzen / dan es iſt dē menschen darumb vernünfft vñ ver-
 ſtentnuß gebē das ſie mechtig ſein ſollē auß ſeine hertze dz böß

Das ix. Capitel

zū thūn vnd das gūt zū empfahen / sprach pynsa feindschafft
ist gleich einē geschwer an einem fuß ye mer eyner sich darauff
steuret zū gan ye mer sich sein siechtag meret / oder einen blōde
augen ye mer man das an rüret ye böser das würt / also ist ei-
nem der seinē feindt hasset ye mer sich ym der nahet ye mer sein
hertz beschwert würt / vnd wer in ein sach oder inn einem bö-
sen weg gat d̄ baider end er nit waiß der betrügt sich selber / d̄
nit deuten mag vnd vil isset oder einē grossern mundt fol sch-
licht dan sein kelen weyt ist der ist an ym selber schuldig / gleich
dem der sich lat bezalen mit gūten worten seins feinds vnd ym
glaubt der ist sein selbs feindt / dann es gezympt sich nit eynem
synnigen an einer sorgelichen stat zū gan so er dauon kummē
mag da mir keins gūten gebrist / dann es seind fünfferley sittē
wer die behelt der mag dar durch zū gūte vnd begirlichem end
vnd da bey fründe vnd gesellen über kumen / Das erste das er
sey vnschuldiger hende / also das er nyemans beger schaden zū
zū fügen / das ander das er wiß das gūte von dem bösen zū er-
kennen / das dritt das er sich bewar vor allen vnerlichen sache
Das vierd das er adelicher werck sey / das fünfft das er got für
sichtig sey dann das ist böß reichthum das nit mit dem armē ge-
teylet würt / vnd ein böses weib die yrem mann wider spennig
ist vnd das böste vnder den kinden das seinem vatter vngesol-
gig ist / vnd das böste vnder den gesellen der verretet ist / vnd
der böst vnder den künigen der den vnschuldigen tödtet / vñ das
böste der erde da kein frid noch ordnung ist vnd ich han zū dir
kein glaubē vñ mag an mir selbs nit finden mich zū thūn / vnd
damit grüßte pynsa den künig vnd schied sich von dannen

Hie endet sich das neünd capitel von dem künig vnd dē fo-
gel vnd folget hie nach das zehent Capitel von künig Sedret
vnd pillero seinem fürsten vnd ist von dem der seinen zorn ver-
zücht vnd damit sein vndat über windet



S sprach der künig disles zū sendebar sei-
nem weisen/ich hab achtung genomē dei-
ner sag die du mir gesaget hast/wellicher
seine herren erzürnt oder d hertz yn. Nun sa-
ge mir wie sich der künig haltē sol zū vnge-
felligen zeiten zū bewarung seins leibs vñ
nütz seins reichs/vnd wye er sich erzaigen
sol mit milter hand oder mit stercke seiner werck vnd gedorsti-
kait seins hertzen/oder mit adelicher erzaigung/oder mit ver-
ziehung seins zorns/antwort d maister nicht ist damit der kün-
ig sein reich so wol bewaren vñ sein ere grossen mag dan das
er in allen seine wercken vñ furnemung das vnrecht vñ gehen
zorn vermayd/vñ dise tugent ist allein in d hohen vñ edeln ge-
müten/vñ auch das der künig seinen rat setzt auff verstendig
früm menner die der sach geübet seind/aber das best vnder dē
allen ist das er seinen zorn verziche wann er über yemands zo-
ren hat das er den nit vnbedacht eylend straff/vñ wie wol dz
allē mēschē zū tūn nütz so ist es doch dē künig d aller best stand
vñ wan er sein geschafft handelt mit mannē d vernunfft vñ d
gerechtheit vñ sich erberket fleißt vñ sich behilfft d gerechtikeit
vñ erlicher wercke/so meret sich sein reich/wan aber ein man
seine zorn nit verzühet vñ nit betracht was er tūn wöll vñ sich
berater mit dē üppigē vñ die nit adelichs gemüts/so seind sein
sachen nit auffgand/dann ein weiser sol seinen rat haben mit
den weisen/vnd ob der künig vernunfftig vnd seinen reten ge-
trüw ist vnd one sie heymlichs nit handelt/damit mag er sein
sach hohen vnd inn freuden leben vnd seinen sachē widerstan-
oder seinen feinden/vnd wann yn sein rete straffen das er das
mit lachendē gemüt auff neme vnd seinen zorn vermeid als au-
ch das thet Sedras der künig vō india mit pillero seine fürstē
sprach der künig disles wie was dz/antwort sendebar es ist in
india gewesen ein mechtiger künig vō d stat trilingū vñ mech-
tig über alle künig genant sedras/d hett vnder andern seynen
fürsten einē fürsten gehabt genant pilrleo diser was weiß ver-

Das .x. Capitel

nunfftig vnd gotforchtig vnd ein willfürer des künigs in seinen diensten vnd demütiger süßer wort / vnderthenig gehorsam vnd getrüwsam herze / vnd ein fürsichtiger versorger des hofs
seins künigs auff ein nacht lag der künig an seinē bedt / da sach er in seinem schlaff einen traum vnd erwacht dauon / vñ do er wider entschlieff da kämen ym die selbē traum wider in seyn gedechtnuß vnd waren diß die traum / ym was es stündē zwen rot fisch vor ym auff yren schwentzen / vnd zwen wasser vogel flugen nach einander vñ fielen im in sein hend ein schlang gieng ym durch seinen lincken fuß / vnd sein ganzer leib was naß vñ plüt vnd er wusch seinen leib mit wasser / vnd er stünd auff einem hohen weissen berg vñ sach bey seinem haubt ain feurinne seul / vnd sach da bey einen weissen vogel der grub ym in seyn haubt.



Das .x. Capitel

Orgens do der künig von seinem bedt gieng do was er betrübt vnnnd schüff zū berüffen die erscheiner der treume vñ die schrift weisen die warē alle auß einer stat die d selb künig vor betriegt vñ belegen vñ darauß zwelff tausent man erschlagē vñ darnach gewunnē het / vñ do die für yn kamen da sagt vñ offent er yn seinen traum vñ bat sye den ym erscheinen / sie gaben ym antwurt vñ sprachē zū ym diß ist ein groß wunder zeichen vñ nie mensch hat deßgleich in treumē gesehē vñ gefellt dir so wöllē wir vns all versameln vñ vns es suchē vñ ein erscheinung deins traums tūn vñ dir dē verkündē vnd do diß dem künig gefiel / do sagt er yn ein zil auff den sibenden tag / vnd do dise alle zū samen kamen da retten sye vnder yn selbs in grosser geheymde / vnd versprechnuß glübede der sye zū samen schwüren / vñ damit hüb der eltest vnder yn an vñ sprach wir wissen das diser tyrand an vns vñ vnsern fründen mit grymmer handlung gethon vnd vnder vns zwelff tausent man erschlagē hat / nun ist vns die zeyt geben das wir vns an yme gerechen mügen / vnd wir hond des vrsach vnsern willen an ym zūuolbringen / darumbē sollen wir zū dem künig gane vnd ym die sach des traums schwere machen böße grauß vnd forchtam in seinen augen biß wir yn also zū forcht bringē das er gerüch zū thon was wir yn heissen / vnd wann wir mercken das er vor forcht darzū geneigt wüdt / so sagē wir im sein plüt vergiessen das er gethon habe das sollichs nit vermeyde rache über yn zū schreyen biß das sollichs mit seinem leib vnd mit seinem reich gebessert werde / er geb vns dann etlich seine rete zū tödten mit dem plüt müge der rach gestillet werden vnd sunst nit / dann alleyn durch seinen leib vnd durch sein reich / vnnnd wann er vns aber fragen wüdt wellich wir wollen / so wollen wir des ersten fordern helebat dye küniginne dye ym vnder allen andern weiben die aller liebste ist / wir wöllē auch seins brüder sunne seinen heymlichen schreyber / dem er vnder allen canzlern getr auet / wir wöllē auch pillero seynē fürsten vnd der ritterschafft d sein heimlichster rat ist wir wöllē auch seyn

schwert des gleichen auff erden keins ist / wir wollen auch sein
weiß helffant das er zu streyt reitet vnd wollen wir dz er vns
dar zu gebe kymeron seine heyligen fründt mit den mügen wir
rach an ym thun / vnd wann er vns das alles zu sagt / dan so
sprechē wir künig dise werden dein losung sein / damit wir dein
leben vnd dein reich erlösen mügen / dann wann das geschicht
so müge wir darnach die götte an beten vnd für dich bittē / vñ
dann dein lincke seytle mit der gedaten blüt salben vnd darna
ch mit gesegnetē wasser waschen damit du deiner sunden gerey
niget wirst / mit den du disen zorn erworben hast / vñnd dar
nach wirdt dann dein anzlit vor dir auch gesalbet mitt edelm
oley / dann so gast du wider in deinen sale vnd bist dann gerei
niget vor der schweren vrteyl / so die weißhait der götte über di
ch geben hat vnd sprechen dann / wiltu nun vnserm rat folgen
vnd gefallen dir vns die personen zugeben das du dadurch die
dein leben ertauffest vnd furter on widerwertigkeit leben mü
gest / wo du aber dz vermeinst so wirt auff dich solgē die sch
were vrteyl die dir erscheinen ist oder kurtzlich sterben / od von
deinem reich vertriben werden / wir müssen vns auch ein weyl
festigen mit fasten vnd abbruch vnser wesen das wir miß
formiger angesicht erscheinen als ob wir sicher mit fasten vnd
grossen gebetten vnd studierung vnser bücher vns zu sollicher
festigung bracht haben / dann mügen wir den künig des bere
den das er vns diß alles geben wirt / so mag vns darnach sein
leib vnd land nit entgan vnd das wir vns nach vnserm willē
wol an ym rechen müge / Disen rat des alten gefiel yn allē fast
wol / vnd beschlossen also yren rat / auff den gesagten tag dem
künig das in der besten forme für zuhalten / vnd do sie für dē kün
ig kamen / da hüb der alt auff für yn allen vnd sprach der kün
ig leben vnd seine küniglichem leibe bleyb ein vernünfftig ge
müt / yez haben wir vnser bücher gelesen vñ hab die mit gros
sem fleiß auff den traum des künigs ersucht mit vil fasten vnd
gebets / das wir dem künig verkünden mügen was ym vñ sei
nem reich nutz sein müge / vnd sagten dem künig yren rat wie

Das .x. Capitel.

obstet vnd do der künig das hort do wart er betrübt vnd sprach weger ist mir sterben dann leben das ich alle die solte geben zu tödten die ein freude meins lebens seind/thun ich das so bin ich tod vnd han furter kein lust zu leben oder zu regieren vnd darumb so thun ich das nit/das verliefung der getruwesten vñ liebsten ist der tod/die maister gaben dem künig antwort vñ sprachen hertz will dir nit myßfallen so wollen wir dir offenbaren das dein antwort nit taugentlich ist das du dir andere lieber schenkest dann deinen eygen leib dann du beheltest billicher deinen eyge leib vñ dein reich vñ tün das wir geredt haben so erlebest du ein gut ende vnd laß dich benügen an dein selbs person/vnd verwechsel die vmb ein ander/dann nym acht ob alle dein gesipten vñ gesellen hin gant so magst du andere finden vnd fürcht nit ein kleins züuerlassen das du darumb eins grofsen mangeln werdest/vnd dich züuerlieren vmb eins andern ere oder nutz/dann wiß das eyn yedes mensche von natur begert ym selbs zu leben vnd als das leben durch vil arbeit vnd betrübnuß inn den körper kumpt/also würt es auch durch vil bewarung vnd schickung darin behalten vñ gedencet das deyn leben ist geweest ein überkūmen deins reichs darinn du mit grofsen krieg arbeit widerwertigkeit vnd schwaifß deins leibs sorglich kūmen bist in vil langer zeyt vnd iaren vnd das wiltu in einem puncten verliesen/vnd es ist doch alles zu nicht gegē deiner personen/darumb ist dir vngeteylt on alles mittel zu ratē dir zu geben/das wir gefordert haben vmb erlösung vñnd behalt deins lebens vnd dein reich/vnd do der künig diß vernam do erschrack er vnd wart in sein hertz traurig vnd ym sein schmerz gemeret/vnd gieng in seinen sal vnd legt sich vor schmerzen auff sein anglit vnd wandt sich als ein fisch der auß dem wasser auff trucken land geworffen würt/vnd gedacht in seinē gemüt/mit was füge sol ich das groß übel tün/oder was ist mir zu welen ob ich auff mein eygen person des wartē sey oder obe ich mein aller liebsten vnd getrauesten hin gebe/vnd so ichs thete wie lang möchte ich dann in rüwe vnd Friden bleiben inn

meinem reich dann es ist mir nit ewig/dann moen oder morgē
stirb ich sunst/vnd darumb ist mir in diser sache aygentlicher
für betrachtung notturfftig/dann was würt mer mein kurtz/
weyle sein so ich helebat mein gemahel ertödt was gewinn ich
freud meinen augen zū sehen so ich meins brüder sunē vñ mei/
nen sun verliere /vnd wie mag mein reich geweren so ich bille
ro den fürsten meiner ritterschafft hin gib wie mag ich werlich
in mein reich gesetzt werden wann ich mein weiß helffant vnd
mein güt schwert hin geb/vnd wie ein schentlich künig wurd
ich geheysen wann ich diß alles verliere/vnd wie lebe ich nach
dem verlust oder was freud mag ich habē/vñ hie mit kāmē die
mer seiner traurigkeit inn sein solct das einpfeng ab seinē trau
ren grossen kümer/doch trüg der künig vsfach seins kümers al
lein inn seinem hertzen

Das x. Capitel



1. 2. 3.

O nun billero der fürst die traurigkeit seins herten be
 sandt gedacht er ym nit zů gezymen den künig selbe
 zů fragen vmb sein beschwerde/ vñ gieng zů helebat
 der künigin vnd sprach wiß frauw künigin das von dem tage
 als ich zů des künigs dienst kůmen bin vor mir von yme kein
 sach nye verborgē gewesen ist/ als seinem innigen vnd heymli
 chen rat vnd secretario ym dar über zů raten /nun mercke ich
 das er mir disen zůmal verhelet damit ich taylung seines willē
 vnd getrauwen gegen mir achten muß das etwas zweiuels ge
 gen mir sey/ vnd ich merck das die maister der schalckait die er
 rats gepflegē hat ym auf seinen traum der frůnde er vor zwelff
 tausent erschlagen hat ym dis eingegossen haben mit yrem fal
 schen rat/ damit sie vnderstand vns vom leben zum tode vnd
 yn von seinem reich zů bringen/ darumb künigin so stand auf
 vnd gang zům künig vnd frage yn was vrsach seins traurens
 sey/ dann ich zweuel selbs zů ym zů gan/ darůb gang du vor
 vnd erkůn dye vrsach dan du waist das des künigs gemůte ist
 was man im sagt das er bald darauff en: zündt wůrt vnd das
 er klein vnd groẞ sachen gleich achtet/ dann ich wiß můgē yn
 die verzerer betriegē vnd yn vmb sein frůnd vnd reich vñ dar
 nach vmb sein leben bringen das sie ir todten freund gerechen
 můg / vñ sich selbs vñ ir stat auß sorgen vñ dem schwerē ioch
 der eygenschafft erledigen můgen das sie darzů yren hůchsten
 fleiß brauchen/ antwurt die künigin ich getar zů dem künig nit
 kůmen so er so betrůbt ist/ du waist das ym nit gefellig ist das
 in sollichē seinem wesen yemands zů yme nahe /sprach billero
 heut müst du mer dann gewonlich ist anfangen /dan ich han
 dick den künig gehort auff hohen glauben reden/ wann er auff
 das hůchst traurig was/ wañ helebat die künigin kam für sein
 angesicht so endet sich all sein widerwertigkeit /darůb gang vñ
 sprich zů ym mit lustlichen worten villeicht erfreuest du ym
 sein gemůte/ also gieng die künigin zů dem künig vnd sandt yn
 ligen in seinem bedt/ vnd sye satzte sich zů seinem haubt für yn
 auff das bedt



Je künigin sprach zu ðe künig / herie was haben dir
 dise vngetreuw man̄ gesagt das sie dich mit yren vn
 warhafftigen wortē so betrübt haben / sag mir doch
 die warhait die vrsach deins traures vñ laß mich dein getrūw
 dienerin mit dir trauren oder standt auff vñ laß dein künigin
 mit dir freud habē / da antwurt der künig nit mer mit meinen
 schmerzē durch dein fragē / sprach die künigin wird ich in deinē
 augē also gescherzt so sol doch kein mensch also verzagt heissen
 das nit durch gūten vnd getrūwen fründt vnderliebe seins kū
 mers empfangen sol / dan̄ gleich kein mensch so groß sünd geton
 hat er hab die macht durch seinen beichter ab zu legen / also sol
 kein mēsch so grossen vnmut habē / es müg yn durch bey wesen
 gūter fründ vñ ir ergetzung miltēre / dan̄ ist es vmb geschehen
 ding das nit wider bringlich so ist der weysen rat dz zu lassen
 ist es dan̄ vmb künfftige ding so seind alle künfftige ding wan
 delberlich / dan̄ wer die heizen seiner feindt erfreuet mit sein
 selbs trauren das ist vnweisslich / sprach ð künig yetz habe ich
 mitleidē mit dir vñ ist nit gūt das ich dir das offnen sol / dan̄ es
 ist ein sollich sach darūb du mein sun vnd mein besten vnd ge
 trūwesten freund sterben sollē wie kan ich dabey vngetrauret
 sein / dan̄ wiß ich han die weisen maister der stat die ich nechst
 erobert han beschickt das sie mir meinē traum erscheinen sollen
 die mich geheissen dich vnd meinen sun vñ billero meins brūd
 sun den fünftē meiner ritter vñ ander mein getrūwen todte wie
 mag ich nun frölich sein so ich dich nit mer sehē vñ dye andern
 alle mit dir todten sol / ist yemant in diser welt ðe es gelezē wer
 der nit traure solt / vñ als die künigin diß hort da wolt sye key
 nen trauren gleich tūn vñ sprach herz künig vmb kein ding solt
 du dich her vmb bekūmern so mein lebē meinen tod für kummē
 mag des will ich ðe künig willig sein / dan̄ dir seind noch mer
 weiber beschert vñ die du yetz hast die besser seind dann ich /
 aber eins will ich vō ðe künig begerē vmb die lieb so ich ym er
 zaigt hab dz er nach meinē tod ðe vngetrūwē mannē nit glau
 be / vñ nach mir nyemant todte biß das er dise sach eygentliche

Das .x. Capitel

vnd gründlicher erfare vñ betrachte das yn sollichs nit getrau/
wen werd dan der künig mag nyemands erquicken den er ge/
tödt hat/dan man sagt zū eym beyspil wer edel gestein hab &
sol es nit hin werffen er zaig sie dan dem & sie erkenn/do so sol
der künig bedenckē das dise man den künig nit lieb hond/ dan
er hat ynē ir fründt vñ gesipten erschlagē vñ sie vñ ir stat mit
gewalt bezwungē des alles mügen sie noch nit vergessen haben
darumb hat dir nit gezympet ynen dein heimlichkeit deins trau/
mes zū offenbarē vñ zū erzaigen/vñ noch munder dich irs rats
zū gebrochen dan du verstaft vnneßlich zū sein das du deiner
getreuwestē rete die dein reich durch ir weißheit zū auffgange
mit yrer regierung bracht hond tödten soltest deinen sun & dein
leben ist soltest sein plüt vergiessen dē fürstē deiner ritterschafft
verlierē dein helffant dein güt schwert daran dein were vñ auf
enthaltung deins leibs ligt in deins feinds hand gebē soltest ich
geschweig deins weibes/dan ich begere vor yn allen zū sterben
vñ das doch & künig sich darnach baß besynne vnd erkennūg
thue was ym zū recht füge/dan wan du alles ertödest so ver/
leirtest du alle kützweil deiner augen vnd lieb deins reichs vnd
glück deins sigs/dan so mügē sie dich über winden vñ rach an
dir rün vñ dich auß deinē reich treibē vnd sich wider in iren ge/
walt rüwlich setzen/aber eins mag ich dir in trüwen raten
der weiß vnnd der geleerte frūme tymeron der ein heyliger man
zū dem fuge dich vnd offenbar dem dein heymlichkeit vnd mit
ym beschleuß deinen rat/der weiß werlich von kunfftigen vnd
vergangen sachen zū sagē vñ der ist weiser dan die alle vñ dar
zū gerecht vñ heylig vnd den mag auch in seinem rat niemant
argwenig halten den frag vmb alles das du in deinē traum ge/
sehen hast vnd sagt er dir als dise gesagt haben /so vollstrecke
dein sach on wegern/sagt aber er dir anders vñ des du zū war/
heit befindst so volbrig din macht an disem als ein gewaltiger
künig/die gewiel dem künig vnd rait zū timeron mit traurigē
schmerzen/vnd do er zū ym kam da stünd er vō seinem pferd
vnd grüßte yn.

e.iiii



Ad do kymeron den künig empfieng do sprach er/
 was vrsach hat den künig heut zu mir gedrungē vñ
 warumb hat er ein traurig anzlit vnd nit ein kron
 auff seinem haubt/antwort der künig da ich eins mals gesch/
 lassen han an meinem bedt do hort ich acht stymmen /vnd do
 ich wider entschlieff do sach ich acht treum /vnd da ich die den
 maistern denen brüderu von der stat die ich eemals gewunnē
 geoffenbart hab die hond mir ein böse erscheinen gethan /vnd
 dem nach forcht ich das mir vngewel nahe das ich durch streyt
 erschlagen oder von vngesell von meinem reich vertriben wer
 de/antwort im kymeron d künig sol nit erschrockē sein noch di
 se erschünig forchtē dan dise erscheinūg würt d künig gar sch/
 ier zu gütē end zu eren vñ nutz erscheinē/ vnd bedeutūg deins
 traums ist dise vrsach dise zwen rote fisch die bey dir gestanden
 sind auff yren schwanzē bedeuēt die zwen lünig von arabien
 vñ vō emlach dir schicken werdē zwen groß nepff vol edels ge
 steins vñ die zwen wasser vogel die du hast gesehe fliege hinder
 dir vñ die dir in dein hende gefallen sind bedeuēt das dir d kei
 ser von kriecken schickē würt zwey pferd d gleich in diser welt
 nit seind/vnd die schlang die du gesehen hast durch deinen lin
 cken fuß gan bedeuēt das dir der künig von tharsis würt schickē
 ein schwert desgleichen auff erden so güt nit ist/vñ das du wō
 test dein leib mit plüt gesprengt sein/da würt dir der künig vō
 saba schicken ein kostlich rot purpur kleyt zu küniglicher würde
 vnd als dir was als ob man dich wüschē/ da würt dir der kü
 nig von thabar schicken das kostlich weiß leynen tūch das mā
 nemet bissum/vnd das du wontest stan auff einem berge der
 weyß was/bedeutet das dir würt der künig von edom schick/
 en ain weiß helffant/vnd das kein pferd errachen mag /vnd
 die fūrymne saul auff deinē haubt/bedeut das dir d künig vō
 Cedar schicken würt ein guldine kron auff dein haubt/aber d
 weiß vogel den du wōtest dir in dein haubt grabē mit seinē sch
 nabel dz will ich dir yetz nit bedeuten /aber hab aller zweuel

keins das es böß sey doch so würst du ein kleins wider dein lieb
sten fründt erzürnt / vnd dise gaben werde dir alle in disen nech
sten sibent tagen geschickt / vnd do der künig diß hort do danckt
er dem heyligen weisen man biß auff sein füsse vnd kam wider
heym in sein hauß vnd sprach / auff erden ist kein weiser dann
der heylig tymeron vnd ich will warten seiner wort seiner be
scheiden zeyt / vnd an dem sibenden tag hat sich der künig nach
geheß tymeron bekleydet in küniglich gewant / vnd saß in de
sal der freuden auff seinem küniglichen stule vnd yn umbstan
den die weisen seins reichs in kostlicher wart / vnd tymeron der
weise yn bescheiden het so kamen zu im die botten alle einer na
ch dem andern mit yren gaben vnd der künig sach das edel ge
stein guldin kleinat vnd die grossen gabē / da wart sein hertz er
hohet in grossen freuden vnd sprach in seinem hertzen / ich han
billich gesündet das ich mein heymlichkeit den vngetrūwe mā
nen geoffnet hab



Ach disem sprach d̄ k̄nig ich han mein sach nit weiß
 lich betrachte das ich meinen traum den vngetreu wē
 geoffenbart hab vnd wa mich nit die genad der gōt
 te behüt hetten vnd der rat der k̄nigin so het ich mich vñ mein
 reich vernichtiget/ vnd mein liebsten von mir in vnschuldigen
 tod gegeben/ vnd darumb geburt sich eym yegliche nit schnell
 in seinen sachen zū sein sunder rat zesuhen seiner getrüwen vñ
 den zū folgen/ dann nach rat helebat der k̄nigin vnd das ich
 ir gefolget han das hat mich gewisen zū dem heyligen m̄ in ky/
 meron/ der mich mit seiner beschaidigung bey meinem reich be
 halten/ vnd das ich mein liebsten kind vnd getrüwesten fründ
 nit in den tod geben hab zūuerlicung meins reichs/ vnd dar/
 nach berufft der k̄nig seinem sunne vñ billero dem fürsten seins
 reichs vnd seinem heymlichsten vnd sprach zū ynen/ es gezym
 pt sich mit dise gaben in meinē schar zū legen/ sunder die vnder
 euch zū teylen dye yren leib für mich geteylt haben solten vnd
 mit helebat die mich mit yrem rat bey meinem reiche vnd auch
 vor grossen schaden vnd auch alle bey eüwern leben behal/
 ten vnd meinen grossen schmerzen in grosse freud bekeret hat/
 antwurt billero/dz ist nit groß dz wir vns alle für den k̄nig in
 den tod geben haben solten /dann wellicher getrüwer dyener
 wolt sich nit seinē herzen in den tod geben /dann wellicher sich
 nit seinem herzen in den tod geben wolt der wer nit ein man der
 rechte vernunft/darumb sol den k̄nig nit wundern das seyn
 getrüw knecht sich für in zū dem tod geben wolten/ wir seynd
 auch dir darumb nit würdig von disen gaben zū nemen allein
 deinem sunne soltu das mit freyem gemüt geben/ antwurt d̄ k̄n
 nig yetz haben vns dye gōtte groß gūt beschert/darumb nym
 dauon on alle schame was dich zū deinem teyle gelust vnd hab
 da mit freude/antwurt billero vñ sprach geschehe das dem k̄n
 nige zū gefalle/ doch so neme der k̄nig vor dauon was yme
 liebe/ vnd also nam der k̄nig das helffant vnnd das schwert
 vnd gab seynem sunne das pferd vñ das ander seins brüder sun

Das .x. Capitel

billero / vñ das weiß kleit schickt er kymero dem heiligen man
vñ meynet das er des weissen kleides wirdig wer / aber die kron
vnd das rot purpur kleyt weren alleyn die weyb wirdig zu tra-
gen vnd sprach zu billero seinem fürsten nim die kron vnd das
purpur kleyt vnd gang mir nach in das frauen zimmer vñ
beruff dahin helebat mein gemahel vnd meinen bülen vñ heiss
ir yeglichs eins nemen / billero legt ynen das purpur kleyt vnd
die kron für vnd von begere zeigt er helebat der künigin mit sei-
nen augen tugentlich das sie das purpur für die kron nemē solt
nun stünd der künig vnd sach billero vnder sein augen ob er d
künigin sunder anzaigung geben wolt / das vermarckt die kün-
igin / vnd wie wol das sie bedeuten billero sach doch nam sie
die kron vñ ließ das purpur kleyt vmb das der künig nit mer-
ckung hett das ir billero mit seinen augen bedeut hett.



Das .x. Capitel

Es geschach so dick billero darnach für dē künig giēg
so wincket er mit den augē/als ob er das von gewō/
hait thete das der künig dauon nit bößes in sein hertz
verfienge/nun was gewonhait des künigs wann er ein nacht
bey der künigin schlieff das er die ander bey der dirnen schliesse
vnd auff ein nacht do er bey der künigin schlaffen wolt/da het
sye ym ein essen berait von reyß vnd nam ein guldine schüssel
darinn die speiß was vnd gieng zū dem künig vnder ir krone/
vnd das kebß weyb sach das vnd wart bewegt inn neyde wid
die künigin vnd legt an ir purpur kleyt vnd gieng in den sal zū
der künigin vnd dem künig/der sal wart erleuchtet von dē klei
de des purpurs vnd seiner kostlichait/vnd do das der künig sa
ch do wart er bewegt in ir liebe/vñ sprach zū helebat fürwar
du hast torlich geton dz du die kron nimest vñ verliessest dz köst
lich kleyt/defsgleichē in vnser trabeney nit habē/do diß die küni
gin sach dz d künig die dirne für sich lobt/vñ lieber vñ sie ver
schmehet vñ nit ongedenck was irs getreuwē rats d ym bey sei
nem reich behalten hette/da wart sie erzürnet wider den künig
vnd nam die schüssel mit der speißen vñnd schutt sie dem künig
auff sein haubt/das es ym durch sein anzlit vnd bart auff sein
kleyt rann/hie mit was der letzte traum war worden das ym
der weiß vogel in sein haubt gebissen het/der künig wardt von
diser geschicht fast erzürnet/vñ berüffet billero vnd sprach sich
wie verschmecht bin ich in der küniginne augē/vnd ich gebeüt
dir bey meiner krone das du ir das haubt on alle frag abschla/
hest vnd erscheine nit mer vor meiner angesicht biß solliches ge/
schehen ist



Das .x. Capitel

Illero gieng von der angesicht des künigs vnd sprach zu ym selbs ich wurt ir nit tödtē biß der künig seines zorns gemiltet ist / dann eyn weyß stūm weyb ist ein ere yrs künigs vnd des reichs vnd darzu ist ir gleich nit vnder allen den die der künig lieb het vñ kein stund mag er on sie frölich sein / vnd von ir weyßhait ist yetzt manig mensch vō trübseligkeit erlöst vnd der künig selber / vnd wir hoffen all genad durch sie gegen dem künig vnd ich waiß das mich der künig ewiglich hassen wurde ich mit yrem tod eylen vnnd waiß das mich der künig noch darumb über alle weisen eren würdt vnd der künig wurt noch in diser sach gewirzigt das er in keyner seiner sache eilen würdt on sittige betrachtung / wurt ir aber nit mer gedēckē noch belangē nach ir habē so mag ich dan wol sein gebot mit ir erfüllen / vnd also fūrt billero die künigin inn sein hauß vnd schüff in einem gemach ir zu warten durch edel personen vnd ir fürschung vnd ere zu thun als seiner künigin biß er befandt was in des künigs gemüt was / vnd damit nam billero sein schwert vnd bestreich das mit plüt eins lambs vñ gieng trauig für den künig.




Das .x. Capitel

Illero sprach ich hab dein gebot erfüllet vnd helebat die künigin ertödt/über ein kleine zeit darnach gedaht der künig der schonhait der künigin vnd fiel yme in sein gemüt ir fürsichtigkeit vñ güt geberd die sie an ir gehabt vñnd wie sie so weyßlich vnd yme so gefellechlich gelebt/vñnd yn erst von grossen schaden vnd schanden gewarnt hett vñnd viel ym zü ein strenge rewe yes tods vñnd schampt sich doch zü fragen von billero ob er sie getödt hett oder nit /vñ was doch hoffen das billero sein weißhait das zü thün nit gestat hette in dem sprach billero zü dem künig/der künig sol nit traurig seyn oder betrübt/dann trauern vñnd weynen geben nit wider das verloren ist/sunder es bringt dem gemüt minnerung vñnd dem leyb ab bruch vñnd macht darzü traurig alle die die den künig lieb haben /vñnd macht frölich dye den künig neyden/vñnd wer das höret der hat den künig nit für weiß das er ein groß sach gethon vñnd sich daruor was darauß gan möchte nit wol besinnen hat/vñnd bringt den künig züuerachtung vñnd zü scherzen grosser torheit/vñnd das er dardurch dester minder gescherzet wurdet/darumb tar ich dem künig raten das er sich nit betrüb vmb ein sach die nit wider bringlich ist/dann es sprechen dye weisen die mercklichste weißhait ist des züuergeffen das nit wider bracht werden mag vñnd will dem künig gefallē so will ich ym des ein gleichnuß sagen/antwort der künig ich begere des ein gleichnuß zü horen/sprach billero man sagt es sein gewesen zwü tauben ein man vñnd ein weib vñnd die hetten ir nest voll waitzer kornet getragen vñnd sprach der man zü dem weib/ich will das wir nit von disem gesammelten waitzen essen biß in den winter so wir des nit mer weder im felde noch in den schürē finden zü ym sprach das weib/ich hab dich verstandē vñ will die bewaren/nun warent die kornet die sie ein getragen hetten feucht vom regen worden vñnd dauon auff geschwollen/vñnd do die sunne heiß scheinen wart da derzet sie den waitzen das seyn wenig scheinen wardt/nach vil tagen kam der man wider zü dem nest vñnd sach den waitzen als er wont gemindert/vñnd

v.ij.

sprach zů seinem weib du waißt das ich dir gebotten hab nicht
von dem korne zůchün biß in den winter so wir nicht findē we/
der durch feldē noch gebirge/antwort das weybe ich hab des
nit versucht sunder dūrch die sunnen vnd die dūrrē winde sind
sye also geschwunden das ir wenig scheintet/diß wolt der man
nit glauben vnd baiß sie mit seinem schnabel durch ir haubt so
lang biß sie starb/vnd do der winter kam vnd die regen mit dē
feuchten winden/do wardt der waiße wider feucht vnd gesch/
wall also das sein nest wider vol was /da erkannte er das sein
weib vor gesagt vnd er sie vmb vnschulde getodt het vñ fieng
an schmerzlich zů trauern das er weder essen noch trinckē mo/
cht biß das er starb/darumb herr künig zympt sich einem wei/
sen man das er nit schnell sey in seinen sache so er künfftig ding
nit betrachtet/darumb hōre so such du auch nit das nit zů fin/
den ist/besunder behalt noch darinn du bist das du das nit al/
les verlierest/das dir nit beschehe als dem affen mit den linsen/
sprach der künig wie was dem/antwort billero/es ist gewesen
ein man der trüg ein geschirre vol linsen zūmarckte/vnd do er
kam in einen walt da stalt er die linsen von ym vnd leget sich
schlaffen/vnd do das ein aff sach von einem hohen baum der
staig herab vnd nam der linsen ein hant foll/vnd do er wider
auff den baum steigen will so fellet ym ein linsen kome auß d
hant/der aff ließ sich nit genügen der andern linsen im seyner
hand/vnd stig wider zů der erden das cynig linselin zů holen
vnd so er einen ast nach dem andern ergreifen sol /so verlūret
er die andern alle zů dem das im erstmals empfallen was auß
der hand

Das 8. Capitel



viii

Also herz der künig du hast ob hundert weybern vnd
 mit keinen vnder denen wiltu frölich sein / vñ bege-
 rest der die du nit finden machst / vnd do diß d künig
 hort da glaubt er das billero die künigin getödt het / vnd spra-
 ch zu billero durch ein verschuldigung durch die ich dich hiesse
 die künigin tödtē das hastu geton vñ hast nit ein weyl verstre-
 ckt zu bedēckē was du tereft. antwurt billero dz wort des künigs
 vñ dz wort des dz nit wider rüfft werdē mag seindgleich spra-
 ch d künig wer ist d / antwurt billero / zwen sind d keiner groß
 ist vñ lüzcl freud des d da spricht dz weß verdienē noch pyn na-
 ch diser welt sey vñ d nye kan barmhertzigkeit hie bewisen hat
 der künig sprach sehe ich helebat so wer in diser welt nicht / dar-
 umb ich trauren wölt / antwurt billero es send zwey ding die
 vmb nicht trauren sollen / wer alle tag barmhertzigkeit erzai-
 get hat vñnd der gesündt / sprach der künig ist nit möglich das
 ich helebat mer gesehen müg / antwurt billero / zwey seind dye
 nit seind zesehent / ein blinder vr. d ein tauber dann als d blind
 mit den augen nit sicht / also mag der taube das güt vor dē bó-
 sen nit kiesen / dann es ist geschriben / der tot wandelt in d vin-
 sternuß / sprach der künig sehe ich helebat so were mein freude
 groß / da antwurt billero vnd sprach / zweye ding seind dye se-
 hen / der augen hat vnd der vernunfftig ist / do sprach der kü-
 nig sehe ich das ang!it helebat / ich wurd des nymmer genü-
 gig / antwurt billero vnd sprach / zwey seind die sich nit setzen /
 der sein gemüte allein setz reichrum zu sameln / vnd der eyner
 speyß glust dye yme nit werden mag / do sprach der künig soll
 ich der nit nachfolgen in allen dingen / antwurt billero es sind
 zwey ding den mñ nit nachfolgē sol / wer sagt das nit ein künff-
 tig gericht sey über alle menschen / vnd wes oren stent zu losen
 das ym nit zu hören stett / do sprach der künig ich bin dur:h he-
 lebat willen hilflos worden / antwurt billero / drii ding seind
 dye hilff los heissent / ein rausch von eynem wasser / vñnd ein
 landt on eynen herzen / vnd ein weyb on einem mann / do spra-
 ch der künig du straffest mich heut wol / do antwurt billero

driu ding seind zu straffen wer vngetriu ist an seinē herze der
 die geset wais vn die nit helt/vn wer dē gūts tūt d dz mit ertē
 net/sprach der künig du hast helebat versaumet das du ir gere
 chtikait nit hast an dē tag gelegt/antwort billero /zway seind
 der gerechtikait versaumt würt on schulde/der ein seydin kleit
 an thūt vnd barfuß gat/vn der ein iunckfrau zu d ee nympt
 vn darnach sie wider vō im tūt vn über ein lange zeit sie wið
 nympt/der künig sprach du bist harter peynigūg wirdig vmb
 dein gedat/antwort billero driu ding seind die harter peinigūg
 wirdig seind/wer dē args thūt d yn nye erzürnet/wer zu cym
 fremdē tisch sitz vngeladē vn seinē nachbarn bittet vmb das
 so er wais das er nit hat/vn von seiner bitt vmb das er wais
 nit hat nit lassen will/sprach d künig du soltest schweigē /ant/
 wurt billero /driu ding schwigen biß mit d zorn vergieng/die
 schlang in d hend irs geschwerers/vn d nachts fisch sahē will
 vn d dā hohen ding betrachtet sprach d künig /o sehe ich hele/
 bat/antwort billero driu ding seind die begeren dz sie nit findē
 der böß d da begert mit den gūte gezelt vn geacht zu werden/
 der morder d da begeret zu sein in d stat des ainsidels / d gots
 antzlit schauwet vn der teglich schwerlich sündet vnd doch ab
 laß begert vō got vnd sich darauff verlaßt /der künig sprach
 ich bin gar schnöd gescheret in deinen augen/antwort billero
 drey seind die yren herren verschmehe /der knecht d wider sei/
 nen herren redet zorniglich on vrsach vnd yme nit schweiget/
 der knecht d reicher ist dann sein herze/vn der knecht d von sei
 nē herin zuuol wol gespeysset würt/der künig sprach du spottest
 mein mercklich/antwort billero /fiere sind d mā spottē sol/der
 sich berümet in vil streitē gewesen sein vn vil leut erschlagē vn
 zu felde vil gūts geton hab vn an ym kein wundē hat/vn d si/
 ch auß geyt für einē abgescheidē menschē mit vil fasten vn betē
 vn kēstigung seins laibs vn dabey frisch rotfarb vn starck ist/
 vn ein iunckfrau die ein frauwē verspottet die einē elichē mā
 hat oder den nemen mag/vn wer beweynt die vergangē ding
 die vnmüglich sind wider zu bringē vn begert dz nit were das
 v.iiiij

doch geschehen ist / vñ das zů sein das vnmüglich ist / sprach d
 künig du hast nit warlich gefarē das du die künigin getödt ha
 st / antwurt billero drü seind die ir sach nit warlich volbringē
 wer leugt vñ mā ym glaubt / wer ein fraß ist vñ darumb kein
 arbeit thūt / vñ wer seinē zorn nit gezemē kan das er überhand
 an ym gewinnet / der künig sprach hettestu werlich vñ gerech
 ticlich gehandelt du hettest die künigin nit ertödt / antwurt bil
 lero / fier seind die warlich vñ recht handeln / der knecht der ein
 güt speyse beraitet seinē herin / der yn fast glust vñ betracht do
 ch seinen herze vñ sparet sie dem / vnd ein man d sich an einem
 weyb lat benügen / vnd ein künig der sein sachē thūt mit seinen
 getrüwen vñ weisen / vñ der seinen zorn geweltlich gezwinge
 kan / sprach d künig noch forcht ich dich / antwurt billero / fier
 seind das nit zů fürchten ist / ein kleiner vogel ist d thūt nachts
 sein fuß über sein haubt das der himel nit auff yn falle / vñ ein
 aglaster stellet sich auff einen fuß vñ fürcht das ertreich sol vn
 der ir fallen / vnd ein krot die fürcht ir wöll ertrichs gebrestē zů
 ir speyß / vnd ein fledermauß die tags nit fliegen tar dan sie ge
 denckt das sie der schönste vogel sey von der welt vñ fürcht dar
 umb gefangen zů werden das man sie inn schliesse / der künig
 sprach es zympt sich nit mer bey dir zů harze / antwurt billero
 es seind acht ding die nit zů samen hören nacht vnd tag / d ge
 recht vnd vngerecht / gūts vnd bößs / leben vñ der todt / sprach
 der künig yetzt ist feindschafft wider dich inn meinem hertzen
 gewachsen / vmb das du helebat getödtet hast / antwurt bille
 ro es seind acht ding die gegen einander feindschafft tragē / der
 wolff vnd der baur / dye kan vnd die mauß / der habich vñ dye
 taube / der rapp vñnd dye krot / der künig sprach du hast ganz
 dein weyßhait zerstöret mit dem tode helebat / antwurt billero
 fier ding seind die weyßhait vernichten / wer seine gūte werck d
 er gewonet hat mit schande verwürcket / vnd ein herze der sei
 nem knecht mer er erbeutet dan er nordurfftig ist . vnd ein va
 ter der seyn gehorsam kinde nit lieber hat dann sein vngehorsa
 men . vnd der seyn heymlichait eym verzeiter vñ schwezer sagt

Das .x. Capitel

der künig sprach ich han mit selbs in diser widerwertkait vrsach geben / da antwurt billero vñ sprach es seind zwey ding die ynen selbs angst bringen / der sein ferssen von den erden höher vnd auff den zehen gat dann der ist nymmer sicher für fallen / vnd ein blöder der sich rümet das er keinen feindt oder streytt fürchte. vnd wann er zu fechten gedrungen würdt das er durch sein flucht geschandt würt. sprach der künig ich han ein gelübd getan. das ich dich ertodten wolle. da antwurt billero vñ sprach. es seind vier ding die ein mensch globen sol nymmer von ym zülaffen. ein güt pferd da der herz wol vnd sicher auff geritten ist. vnd ein ochsen der wol zühet / vnd ein weyse frauwe die yren man lieb hat. vnd ein getrütwer knecht der seinen dienst getreulich volbringt vnd seinen herzen fürchtet / der künig sprach ich find nit yren gleichen / antwurt billero vñ sprach es seind vier ding die nit gleichs hond / ein weib dye vil mann erkünne hat vnd sich darnach an einem benügen lat / vnd der alle lüge erkennet vnd sich der begangen hatt / vnd darnach allwegen ware sager / vnd der inn allen sachen seyns selbs rat hat / vnd yme nye myßriet / vnd der alle seine tage eyn wüterich gewesen ist / vnd darnach zu einem ainsidel würdt / do sprach der künig / du hast weder dye gerechtikait noch dye sünde betrachte das du helebat getödtet hast / da antwurt billero vnd sprach / vier seind dye weder gerechtikait noch sünde betrachten / der krank der mit siechtagen über laden ist / vnd der knecht der seynen herzen nit fürchtet / vnd der wider seinen feind der yme weder ere vnd recht schaden zugefügt hat rach begert zu suchen / vnd der schnöde der keiner güttat achtet / da sprach der künig yent hastu schmerzen in mein hertz gegossen / antwurt billero vnd sprach / drey seind die machē yn selbs schmerzen / wer einē krieg ansacht des er wol ab sein möcht / wer nit kind oder gesippen hatt vnd ym not nach reichthumb ist vnd das mit wücher vnd für kauffen gewinnet / ain alter der ein iunge tochter zu weib nymet / der künig sprach wir sollen furter nit mer gelauben inn dich haben / antwurt billero es seind fiere in die man

keinen glauben setzen sol an die nater schlangen an den wolff
 an den vngetrüwen herre vñ an dē mensche der am sterbē leyt
 sprach d̄ künig wir sollen vns vor dir bewarē / da antwurt bil
 lero vor fieren sol sich ein yeglicher bewaren / vor eym morder /
 vor eym lügner vor seinē feindt vñ vor eym wütrich / sprach d̄
 künig es sol dir gnüg sein das du mich also versucht hast / ant
 wurt billero in zehē weg versucht man die ding / einen starckē
 man in einē streyt / einē oxsen im pflug / einē knecht bey seiner
 trüwe / die weyßhait eins künigs mit auff haltung seins zorns
 den getrüwen fründt in d̄ not / den kauffman in seiner gattüg
 den gesellē gegē seinē gesellen in ablassung seins zorns / dē geist
 lichē in beharung seiner güte werck / des edeln natur by seiner
 milte / den willigen armē mit benügung seiner schlechten not
 durfft / der künig sprach wie getarst du vor mir redē so du mei
 nen zorn merckest / antwurt billero es seind sibē die nymer von
 des künigs zorn außgeschlossen werden / der seyn zunge nit ge
 maistern kan wan er geraitzt wurd / der weiß d̄ kein güt wer
 ck thut / ein hochfertiger glorierender narz / der richter d̄ vmb
 sein vrteyl myed nympt / der weyß geytig vnd der das ander
 leut auch vnderweyset / vnd der got dienet allein darumb das
 er gerümpet werde / der künig sprach du bist zu grymme wider
 mich vnd hast mit vñ dir übel geton / antwurt billero es seind
 acht ding die yn selbs vnd andern übel thünt / ain narz der nit
 weiß vnd sich selbs für weyse helt vnd ander lernen will / wer
 sucht das er nit finden mag / ain gewaltiger der ein schalck ist /
 einer der nyemands rats begert vnd sich selbs für den weißten
 helt / der sich herren dienst an nimpt vnd weder vernunfft noch
 weiße hat / der von dē tozē rat nympt wie er einen weisen betrie
 gen will wem ein ampt eins herren empfolhen vnd darinn vn
 getrüw ist / wer böß ist vñ sich nit straffen lat / hie mit schweig
 billero / dann er mercket das der künig betrübt was vmb die kün
 igin vnd grossen schmerzen nach ir het / vnd gedacht in seinē
 gemüt ich bin nun schuldig das ich dem künig erzeige darumb
 er mich ewiglich lieb gewinnet vnd allen zoren hin lasset in dē

Das.x.Capitel

das ich yn also in worten ersücht vñ angezogen hab vñ sprach
zü dē künig herr künig/got wöll dein reich regiere vñ dein ere
vñ wird erhohē daß dein gleich ist auff erden nit/vnd du hast
keinen gleichen vor dir gehabt/es wurde auch keiner dein glei/
ch nach dir/dann du hast deinen zorn über mich behalten das
ich auß meinem toechten synne /vnd durch gebrechten meiner
weißhait für genümen habe wider dich zü reden/vnd dein güc
hat das gestatt/vnd so du deinen zorn wider mich verlengt ha
st/vnd gang nicht vnendlichs wider mich geredt hast/sunder
erkennt was ich geredt oder geton hon das sollichs auß getrü/
wen vnd rechtem grund meins hertzen gangē ist/ vnd hab ich
damit gesündet das ich dein gebot nit vollstreckt vnd militair
darinn gebraucht hab/so hast du doch gewalt das an mir zü
rechen/dann ich stell mich hüt in deinen gewalt/vnd do d kün
ig diß wort hort do verstünd er dabey das er helebat nit ertö
tet het vñ was des fro vnd sprach zü billero wiß das was mir
versach geben hat wider dich nit zü zürnen /ich wißt dein liebe
vnd trüwe gegen mir die ich inn allen deinen diensten befind
vnd hett hoffnung du hettest die künigin nit getödt vnd betra
cht ob sie wider mich gesündet het/ so hett sye doch nit in bösem
noch durch eygen willen oder feindschafft /sunder in neyd der
leibß frauen geton vnd ich solt ir billich geschonet habē /vñ
darumb was ich über dich nit zornig ob du es volbracht hettest
dann ich het schuld der sachen/ vnd gedacht wie magst du yn
darumb tödten so du yme das zü thun befolhen hast / aber du
hast mir yetz gnad vnd dienst gethon desgleichen mir nye ge/
geschehē ist/darumb bring sie bald für vns/billero gieng mit
freuden von dem künig zü helebat vnd sprach das sie sich zierte
mit küniglicher wat vnd sich für des künigs angesicht antwurte
das geschach/vnd do d künig sach da wardt sein freud gegzoß
set inn seinem hertzen vnd sprach/nun hab macht züthun was
dir wol gefelle wann dein wort will ich nit wider sprechen.



Das .x. Capitel

Arnach sprach helebat zu dem künig / gott wöll dein reich bewaren du soltest vmb meine tod nit betrübt worden sein dan ich hette dich erzürnet / antwurt der künig zu billero / du hast an mir wol geton das du die künigin nit ertödet hast / dann ich hett sie mit meine geheiß getödt / vñ du hast sie vor dem tod behalten / vnd darumb wurd ich dich furter nit mer hassen / besunder soltu in meinem reich gewaltig sein zu heissen vnd zu verbieten / antwurt billero herze ich bin dein knecht doch bitt ich eins von dir / das du furter nit eilest in deinen sachen / sunder die mit güter vor betrachtung vnd dye kunfftige ding bedenckest / antwurt der künig du sprichst wol / vnd ich sol furter kein sach volbringen / ich sol sie zehē mal vō anfang biß zum mittel / vnd von mittel vnz zu ende bedenckē vnd gab der künigin für iren schrecken kostlich gewant vñ kleinat / vnd sie belaub furter bey dem künig in grossen freudē / dar nach vnder redt sich der künig mit billero wie er das ganz geschlecht der vngetrüwen vnd falschen weissagen verdarbt die ym seine treum zu grossen schaden gescheint hetten yn vnd dye seinen zuuerderben / vnd sein reich dardurch zu zerstören vnd wie er kymeron den heyligen man begaben vnd erhothen wolt durch des rats er vor argem behalten was / vnd wardt zu rat die alle zuuerbrennen



Das .xj. Capitel

Hie endet das zehent capitel vnd ist von dem der sich in seinem zorn enthalte kan vnd folgt hiernach das ailffte capitel vō einem ieger vnd der lewyn vnd ist von dem der von übel thūn lasset durch schaden vnd widerwertikait d ym zūgefügt würt



Ihesus der künig sprach zū Sendebart seynem weysen/maister ich hab dein fabel gehört vnd verstanden was ein künig vnd regierender herr thūn muß zū der zeyt ihres zorns vnd wie sie den mit vernunft mai stern müssen/nun sag mir durch gleichnuß vō einem dem widerwertikait zū handten gat dardurch er gestrafft wirdt/vnd von bösem lat vñ zū gutem keret/antwort der maister es volbringt nyemands böfers oder schedlichers dem andern dann die toren vnd die vngerechten vnd der nit vergangens gegenwertigs vnd zukünfftigs betrachtet/vnd kumpt bey weylen wann dem bösen boßhayt beschicht die im widerwertig ist/er gedēckt darbey der andern den er auch schaden zū gefügt hat vnd würt dardurch von argem gezogen vnd des ist ein gleichnuß von einem ieger vnd einer lewin sprach der künig wie was das/des antwort Sendebart. Es was ein lewin die het zwen iüger lewelin in einer hūlen geborn vnd was auß gangen den selben speyß zū bringē hie zwischen gieng ein ieger nach seinem weidwerck vnd fandt die lewelin in ir hūlen vnd er tödtet die vnd zoch yn die haut abe von dem leibe vnd trüg die hyn vnd ließ dye also tōd vor dem loch des felsens ligen.



Das.xj.Capitel

Wd do die lewyn wider zu ir hollen kam vnd ir lewe
lin tode ersach vnd geschunden/do erschrack sye vor
grossen leyd vnd ließ darumb mangē grossen schrey
diß erhört ein fuchs der nit verz von ir sein wonung hett/vnd
gieng zu der traurigen lewin vnd fragt sye was ir gebreche/ &
sagt sie vnd erzaygt ym yren schaden der sagt/vmb nicht soltu
dich also peynigen vnd sollichen schmerzen vmb dise sache an
dein hertz legen dich darumb also zu kessigen/sunder du solt di
ch selbs vrröylen mit rechtem gericht vnd dafür haben das dir
der ieger dise widerwertkait durch nicht anders zugefügt hab
dann das du dabey gedenccken soltest was widerwertkait du
manigem zugefügt habest/dann yent magst du gedencckē was
leids die gehabt dye schaden von dir genūmen haben bey dem
schaden den du leidest/darumb hab gedult an der gedat des ie
gers/dann es haben vil von deiner dat auch gedult habē müs
sen/dan es ist geschriben mit der masse ir messent / also wüde
ich auch gemessen vñ aller werck widergeltung vnd allē bau
men ir frucht/antwort die lewin erclere mir diß der fuchs spra
ch wie vil ist der iar deins lebens/antwort die lewin bey hun
derten sprach der fuchs/wauon ist dein leib so lange gespeysset
worden/antwort die lewin ich han gelebt von dem flaisch der
thiere/sprach der fuchs waist icht ob die thiere/die du gefressen
hast auch vatter vnd müter gehabt haben antwort sie/ia das
waist ich/sprach d fuchs/so wiß dz die zu gleicherweß betrübe
vnd geschmerzt worden seind von yren kinden als du vō dei
nen vnd wiß das dich diser kümer von nicht angangē ist/dan
durch dein böß hertz das du nyemans geschonet vnd dein wer
ck nit betrachte hast das lenst zu bedencken das dir desgleichen
auch beschehen möchte




Das .xj. Capitel

Ad do die lewin das von dem fuchs vernam da er
kannt sie das ir sollich durch dise versach begegnet
wer / vnd das sie zum dickern mal sunder all erberm
de yren lust auff die thiere volbracht hette / darumb ir dis zu
erkenntnuß yres vnrechten begegnet were / vnd ließ darauff fur
ter von yrem raub vud begieng sich mit frucht der erden / vnd
do der fuchs vernam das die lewin sich alleyn mit frucht der er
den begieng .do sprach er zu ir / ich gedacht dz mangel v fruchte
von myßwachs kumen were biß das ich dich sehe essen speysse
die andern thieren gewachsen ist die des mangel durch dich ge
winnen / darumb wee den thieren die allein frucht der erde nies
sen müssen so du dich zu der speysß geton hast vnd bringest yne
mangel an dem das dir vō got nit erachtet ist / vnd do das die
lewin horte do entzoch sie sich der speiß / auch vmb das sie nye
mant getrange oder mangel zūfügt / vnd büßte yren hunger
furter mit heuwe allein / darnach sprach der meister zu seinē kün
ig dise fabel hab ich dir gesagt das dick ein man von libel lœt
vmb widerwertikeit die ym zūgefügt wurd / dan es ist geschri
ben was dir mißfelt das thū eym andern nit.

Hye hat das eylfft capitel ain ende von dem ieger vnd der
lewin / vnd facht nun an das zwelfft capitel von dem ainsidel
vnd dem waller / vnd ist von dem der sein gewonheit verlasset
vnd sich an nympt das ym nit gezympt.




Isles der künig sprach zū seinē weisen mei-
ster ich han dein fabel verstanden / nun sa-
ge mir von eym der sein angeborne gewō-
hait verlat vnd sich an nympt das er nit
kan / so lang biß er seiner erste gewonhait
auch vergisset oder des yn got berat ver-
laßt vnd sucht das ym nit werden mag /
antwort der maister / man sagt es sey in eym land gewesen ein
ainsidel zū dem eins mals ein waller kam vnd der ainsidel gab
ym herberg vnd sagt ym dar gar gūt datteln von den dye sye
baid assen / sprach der waller / o wye süß ist die frucht ich wolt
wünschen das die auch inn vnserm lande weren wye wol wir
sunst güter frucht vil da haben von feygen vnd trauben / ant-
wurt der ainsidel es ist nit vnbillich wer begert das er nit ha-
ben mag / dauon empfaht er rüwen so ym das nit werdē mag
darumb sol dich als einen weisen benügen das dir von got be-
schert ist / vnd das verschmahen das dir nit werden sol vñ do
der ainsidel dise wort in ebraisch redt da gefiel dem waller die
sprach das er die begert zū leren / vñ bat den ainsidel das er ym
die sprach vnder wise vñ blaiß bey dem ainsidel ein lange zeit
diser sprache zū gewonen.



Der einsidel sprach es ist wol das dir geschehe so du
deiner sprachen verleugnen wilt vnd ein ander lerne
als der aglastern geschach mit der tauben/ sprach d
waller wie was das antwurt der einsidel man sagt dye agla/
ster hab gar einen stolzen gang für ander vogel gehabt vñ sye
sach ein taub gan vnd der selb gang gefiel ir baß vnd thet sich
zû der vnd bat sie sich den zû lernen/ vñ bezwang sich mit har
ter arbeit vnd langer gewonhait/ darzû entzoch sie sich irs er
sten angebornen gangs ganz/ vnd do sie von der tauben kam
da kûndt sie den gang nit behalten/ vnd do sye wider zû den
andern vogeln kam da irte sie an der tauben gang vnd wolt si/
ch irs angebornen gangs wider an nemen vnd het des zû re/
cht auch vergessen vnd gieng gnappen mit irem leib vñ federn
vnd wardt damit von allem andern gefûgel verspottet / diß
gleichnuß sag ich dir das billich ist das du mein sprach nymet
wol gelearnest vnd der deinen dabey nit vergiffest/ dann d heis
set billich ein tore der da sucht das ym nit zû stat vnd sein for/
dern nit geûbet haben

Hie endet sich das zwelfft capitel von dem einsidel vnd dem
waller vnd folgt nach das dreyzehent capitel von eym lewen
vnd eym fuchs/ vnd ist von der liebe der herren die sie nach der
feindschafft oder rachtung haben sullen

Das.xiij.Capitel



Der künig sprach zu Sendebat seine wey
sen maister ich hab dich gemerckt/nun sag
mir vō eym künig mit seinem hoff gesünd
wie einer versagt wurd vñ wann der kün
ig im feindt wurd/vnd darnach sin vn
schuld befindet weye er sich gen dem selben
halte würdt.antwort des künigs maister
sendebat wann der künig einen getrüwen rat hat/der ym vera
sagt vñ ym sein vnschuld kundt würt /laßt er da sein vngnad
mit ab das ist dem künig zu schaden/doch sol der künig seynen
dienst betrachten ob die vnuerteylig seynd vnd nit teglich ein
heischen oder über niessen mit geschehen/vnd ob der den künig
von der natur oder gab lieb hab/dann sol der künig nit leiche
ticlich args wider yn glauben oder vmb klein verhandlung
vmb bringen/sunder myßdat ob die von ym geschehen ablas
sen so er yn sunst gerecht vnd vernunfftig weiß /dann des kü
nigs glück vnd merung seins reichs leyt an seinen weysen vnd
getrüwen retten/dañ die weißhait ist nit tuglich on die trüwe
noch die trüw vñ liebhabūg on die weißhait dan die geschafft
der künig seind groß vnd vil vnd die rechten getrüwen rete li
gel/darumb sol der künig die für die ander kiesen vnd lieb ha
ben vnd sich der eussern die böser sitten vnd werck seind/vnd
sol die lernen vor einander erkennen /vnd sol den rechten yrer
werck nit vngelonet vnd die bösen nit vngestraft lassen /dan
wann der künig das nit thut so würt der gerecht laß in seynen
wercken vñ der böß gesterckt in seine fürnemē des ist ein gleich
nuß von eym fuchs vnd einem lewensprach der künig wie was
das/antwort der maister es was in einem land in india in ei
ner prouinz ein fuchs der vernunfftig weyß vnd getrüwer rette
gerecht vnd gelet was/vñ so der bey andern thieren was /so
begieng er doch yres wesens oder gedat mit oder keinerley vnre
chts wardt von ym gesehen also das er kein plüt vergoß/vnd
aß kein fleisch also das sein gesellen dick mit ym kriegten war
umb er nit seiner natur seinem geschlecht nach lebte darinn er

x.iiij.

geboren wer den gab er antwurt vnd sprach mir sol von iewer
gesellschaft kein sünd anhangen dan die weyl ich mein gemüte
vor sünden bewaren mag / so irret mich iewer gesellschaft nicht
dann die sünd würt nit empfangen von d stat oder gesellschaft
sunder von willen des hertzen oder volbringen der werck / dan
gleich als die an heyligen stetten seind nit all güt werck würck
en / also volbringē die nit alle böse werck die an üppigen stetten
wonen / dan weren alle werck darumb güt das sye an heyligē
stetten geschehen vnd die böse die an üppigen stettē geton wer
den wellicher dann einer in der kirchen todschlug der hette wol
geton / vñ wellicher einen in eym streyt tod schlug der het übel
geton / also bin ich euch bey gewont mit meinem leib / aber nit
mit meinē gemüt mit nachfolgūg der werck vnd er blaiß auch
also vil zeit in seinem wesen.

Das xiiij. Capitel



V was dabey nit ferre ein lewe der herschet über vil
 thier vnd het ein groß hoff gesind / vnd do er vernam
 diß fuchs wesen das er so gerecht vnnnd güts wesen
 was / da gefiel er ym vnd besandte yn / vnd do er für den künig
 kam do erkannte er sein wesen selbs mit wortē vnd sandt an sei
 nen worten vnd wesen was man ym gesagt het vnd was des
 fro vnd gewan yn lieb / darnach über ein zeyt berüfft er yn vñ
 sprach / wiß das meyn land weyt ist vnd bedarff darinn ampt
 laudt vnd fürwesser / nun vernym ich vō deiner vernunfft trüw
 vnd erberkeit vñ hab dich selbs darin erkundt vnd findt was
 mir gesagt ist dardurch ich willen zū dir gewinnen hab / also
 das ich dich nit zū diener haben vnd dich zū dem obersten re
 gierer meins lands vnd geschafft vnd über all ander setzen vñ
 dir das ganz regiment empfelhē will / antwurt der fuchs mein
 herze der künig sol das nit reden / dann der künig sol zū solliche
 sachen vnd geschafften erwelen weiß vnd vernunfft.ig menner
 der er vil hat die auch sollicher ampt begierig seind / dann wer
 nit willens zū eym ampt hat der regiert nymmer wol / nun hab
 ich nye begerüg gehabt zū des künigs amptern vñ so du über
 vil thier gewaltig bist so machst du die wol vnder yn findē dye
 togelicher darzū seind dann ich vnd die begirde darzū hond /
 antwurt der künig vnd sprach ich will das du meyn beger mit
 nicht fürter wider sprechest / dann ich wurd dich nit von meyn
 ner angesicht lassen biß du sollich ampt an nympt / der fuchs
 sprach herze des künigs ampt mag nyem.ands dann zweyerley
 leut mit nutz besitzē der ich keiner bin / ein grymer vnarmher
 ziger vnd einer der aller menschen biß on sich selbs verachtet /
 damit werden sie forchtam / vnnnd durch bringen ir für nemen
 dann wellicher inn eins künigs ampt schemig senffmütig vnd
 barmhertzig ist der mag sein ampt dem herren nit nützlich re
 gieren / auch so wurd der selb am ampt nit lang gelitten / vnd
 wider yn seind dann des künigs freunde vnd des künigs seyn /
 de / der freunde des künigs vergünnet ym des ampts vnd acht

nir wo mit er yn versagē müg der feinde des künigs hasset yn
vnd will gedencken was ym zūgefügt werd es gang durch yn
hie mit gibet sich einer in forcht des todes / antwurt d̄ künig des
laß die kein forcht sein ich will dein wesen also von ynen schai/
den vnd dich also in etlichen stat setzen das du von ynē vnā/
gefochten bleibest / vnd was du thūst das sol geton sein vñ auf
dein wort sol allein glauben gesetzt werden / antwurt der fuchs
wilcu mir die gefelligste ere thūn so laß mich in meinem wesen
heym bleiben in meiner wonung / dan̄ gar vil besser ist mir zū
leben in meinē sūnderlichen eygen wesen meiner hūly dann inn
des künigs hoff bey vil der leut beneydet vnd verhasset / dann
ob in meiner wonung nit allwegen vil der speyß ist / so ist doch
gnūg eins fridsamen lebens / dann wer on sorg vnd forcht lebē
mag dem genūgt wasser vnd brott dann ich waiß wer gewalt
hat in des künigs hoff das dē mer widerwertikait begegēt dan̄
andern menschen nun ist ye ein mynder zeyt auff erden on an/
sehung vnd widerwertikait besser gelebt dann ein fast lenger
zeyt in arbeyt vnd forcht / antwurt der lewe ich verstand dich
aber ich will dich nit verlassen / dann ich waiß das du war sa/
gest / sprach der fuchs / so der künig ye seinen willen haben will
so verheiß er mir in trūwen vñ glauben seins sigels dz er mich
gegen ym nit versagen laß er stelle mich für sein anzlit zū rede
vnd hore mein versprechen auß mein selbs mund / das mir nye
mant mein wort der entschuldigung vertere / dan̄ ich waiß dz
sie vnder mir vnd mynder dann ich seind mich neyden werden
durch forcht meus names / die mir gleich seind on adel die wer
den mich neyden vmb das ampt die über mich seynd d̄ geburt
die werden mich neyden das mich der künig über sie geeret hat
vñ darūb sol d̄ künig nit über mich eilē mit seinē zorn on war/
lich erfindung d̄ vnparteyshē personen vñ wañ mir der künig
das verglaubt so will ich trūwen dienst vñ hilff tūn nach mei/
nē vermūgē vñ yn mit keinē sachen verentrūwen d̄ künig ver/
sprach im dz nach seiner beger / vñ sant yn über all sein lād vñ

über alle sein diener in was stats die waren vñ handelt mit sei-
nem rat alle sachen/also das er yn für alle andern seins lands
lieb gewann/dann so mer er seinen rat horte so mer er sein ver-
nunft spürte/diñ alles wart den andern des hoffs widerwer-
tig vñ schwere/das sie von eym fuchs geregiert werden solten
vnd fiengen yn an zu neyden so lang biñ sie ein gemeinen heims-
lichen rat über yn besantz wie sie yn vom lebē bringē möchten



Es geschach do sie dise sache beschlussen das sie auff ei-
nen tag in des künigs hoff giengen vñnd funden da
ein edel flaisch das der künig ym selbs geordnet hett
zū seiner speiß die ym sunder gefellig was zū sein selbs munde
das namen sie dieblich in des fuchs hauß im vnwissent vñ ver-
borgen das an ein heymlich stat ganz on des fuchs schuld / an
dem andern tag so fordert d lewe die speiß / vñ do dye verloren
was vñ er sich darauff verhungert was zū lust der speiß / nun
was d fuchs auff dz mal nit zū hoff sunder in dienst des künigs
außgefahren / vñ do d künig d speiß mangelt do ward er geym
zornig vñ die solliche ratt angelegt hettē / die gaben dem künig
vrsach mer vñ mer darnach zū fragen vmb dz sein zorn geme-
ret wurd / vñ do d lewe in seiner frag beharret da sahen sie ein-
ander an als ob sie etwas dauō wüßte / vñ dz vngern sagē wol-
ten vñ hūb doch einer vnder yn an mit ainsaltiger geberde vñ
sprach / nun sein wir doch schuldig dē künig zū sagen was vns
gesagt ist / damit er wiß was ym arg oder güt sey wie wol vn-
ser vil seind dē dise geschicht leyt ist / vñ es auch etlich mit glau-
bē / d einer ich bin dan̄ nur ist gesagt dz d fuchs dz gestolē hab
vñ dz heymlich in sein hauß ym zū speiß getragē / sprach d an-
der ich gedenc̄t nit dz er es geton hab / sunder so er biß her kein
fleisch geessen hat / doch ist güt das solliche erfare werd dan̄ es
mag on got nyemāt wissen was in der menschen hertzen ver-
borgen ist / aber wurd diß auff den fuchs warlich funden so ist
desterbaß das ander alles zū glauben das vns dabey von ym
gesagt ist / der dritt sprach es sol nyemant dem andern zūwil ge-
trauwen / dan̄ vntruw trifft doch zū letst yrē maister so das er
sich nit des vnschuldigen mag / sprach der vierde weye solt der
entschuldigt werde d seinen herre betrügt / der fünfft sprach mir
ist nit heimlich gewesen sin trügeri vñ bößheit vō dē tag als ich
yn zū hoff sach / darūb hab ich mer dan̄ zū eym gesprochē diser
schalck vñ gleißner gat als ob er heylig sey vñ ich wiß das er
nit on grossen vorteyl lebt mit betrügnuß als sin geschlecht vor
im all geton habē / d sechst sprach diser fuchs sagt vor vns allē

es wer gleich ein grosse sucht vñ ein ampt zů haben in des künigs hoff vñ hat sein boßhait so an einer schnöden sach erzaigt das sie doch zůuerwundern ist/der sibent sprach würt diß warlich funden so ist es ym billich für ein groß trügnuß zů achten/wer nun trügt seinen herzen der verleugnet der gnad so ym beschehen ist/so ist auch kein grosser übel dann der dye genad so ym geschicht verachtet/dan vñdanckberkait ist groß übel/der acht sprach ir redent als dye warhafftigen vñ gerechten/aber der künig wurd schafften die ding zů ersuchē in des fuchs hauß vñ die darumb hören die das außbrachte hond dan so befind der künig schuld oder vñschuld/der neund sprach ist noch nit zů seinem hauß geschickt so werd bestellte das solliche balde beschehe/dann der fuchs hatt allenthalben auff loser das er das wiß vñ für kůne/der zehent sprach ich zweuel so es in seinem hauß vñ auff yn offenbar gemacht er wer dannocht dē künig mit seinen schmeichendē vñ gelerten Worten darzů bringen das er ym war zů lügē vñ lügē zů war mach vñ mit solliche worte beharten sie vor dem künig biß das er glauben auff ir wort setzē/vñ hieß nach dem fuchs greiffen vñ yn fragen war das fleisch komen das er ym befolhen der sagt das er das dem kichen schreiber befolhen hett zů bewaren der wardt für den künig beschickt/vñ do yn der künig beschickt vñ yn darnach fraget der antwort das ym der fuchs das nit geben hett/dann er was der eyner der mit den andern den rat beschlossen hett/auff das schickt der künig inn des fuchs hauß das hinder yme zůsuchen/dahin giengen die zwene dye das trugelichen darein verbergē hetten/vñ da namen sye das wider vñ trügen das für den künig/nun was vnder den dye sollichen anschlag über den fuchs gemacht hetten ain wolff der hette noch nit darzů geredet vñ sich vnparteiße sehen lassen vmb das sein rede darnach von dem künig dester krefftiger auff genummen wurd·er was auch von dem künig als ein frümer vñ warhafftiger geachtet/do sprach diser zů dem künig ich han zů den dingē des fuchs biß her nit reden wollen/dann sein er vñschuld wolt ich im

gar wol gegünnet haben daß er hat sich gegē mir sunder wol
vnd getrüwlich gehalten auch sein fordern vñ ich wol mit ein
ander herkūmen / noch bin ich dem künig mer dann dem fuchs
schuldig vnd sag also / seymals dem künig dise gedat vom fu-
chs offenbar ist worden vnd mit warlichen scheine an den tag
ist kūmen / so ist dem künig sollich nit hin zulassen so leichtli-
ch / dann solt er die übelcat an dem verliesen es wurd maniger
darauff vnrecht thun / sunder solt der fuchs bey seinem ampte
beleiben so getorst er doch nyemant vmb vnrecht straffen daß
er fürcht ym wurd sein vnrecht für geschlagen vnd wurd über
sehen das dem künig zū grossen schaden kame / mā wurd auch
dem künig darnach desterminder seinen schaden sagen wurde
aber diser nach seiner verdienung gestraffet des künigs hoff ist
dester forchtamer / des gestündē im die andern vmbstender all
die vor darzū geredt hetten vnd des anschlags teyl hetten vnd
des gestünd yn der künig vnd hieß den fuchs gebundē in eynen
kercker führen

Das xiiij. Capitel



Als da der fuchs also in den kercker beschloffen was.
da redet ainer des künigs diener die darzu iren anschlag getan hetten vor dem Künig vnd andern. Mich wundert & vernunft vñ weißheit des künigs das ym des fuchs böshait vnd dück so lang verholen bliben sint. Der and sprach Das ist nit zu wundern/ich sich nit das & künig vmb alles das so ym gesagt vnd ainß tails künbar worden darauff auch der schalck in gefenckniß kumen ist das & künig yn nit achtet zu fragen mit peinlicher frag dann er mag des gleichen noch vil an ym erfinden. Darauff wart der künig bewegt vñ schickt zu ym zwen die mit ym redten/vnd des ersten muntlich fragen solten wa mit er sich dieser ding entschuldigen möchte. Die kamen wid vnd verkönten des fuchs wort seiner entschuldigung ganz gegñ dem künig also das sein sach böser erschain dann vor/dann sie sagten der fuchs sprech der künig het ym ganz nütz zübehalten geben. Des wart der künig bewegt vñ hieß yn auß firen vñ ab ym richten als er das on rat & vmbstend die den anschlag über yn getan hetten erfandt. Nun was vnd andern tieren des hoff gefinds ain yelck der dieser ding nit schuld vnd da bei vernomen het die vntrew so mit dē fuchs gespilt ward & eilte zu des künigs müter & alten lewin vnd sprach zu ir. Fraw künigin mein herr iwer sun & künig ist ergrimet über sein sitzumb den fuchs vnd yn haissen vom leben zum tod richten vnd den füret man hin/vnd ich besorg das der künig nit warlich bericht vnd diese ding dē fuchs in vntrew vñ neid geschechen sei darüb genedige fraw sint daruor vnd lassend in den sachen bedechtlich erfaren vnd das & künig den fuchs muntlich hör so werden ir vnschuld des fuchs finden. Vnd da diß die lewin hörte da marckte sy das auff satz herinn gebrauchet so es so eilend zu gangen was/vnd schickt den yelck zu den die yn auß fürten: das sie still stünden vnd mit dē fuchs nit übelß zu seinem tod handelten biß sie selbs zu dem künig irem sun keme/vnd fügte sich zu dem lewin vnd sprach. Sun durch was übeltad hastu den fuchs haissen döten Der lew sagt ir handel & sach. Sprach die müter Sun du hast

zūvil fast geeillet den fuchß vmb ain sollich sag zū döten / oder
 waißt du nit d̄ sein sach eilends volbrunget das d̄ die frucht deß
 reuens darnach folget / wann aber ain man sein sach miltig/
 lich vnd berrechtlich handelt so mag ym kain afferrüwe nach
 folgen. Tun ist niemant in der welt dem lan ze fürberrachtung
 eigentliche erkünung vnd miltigliche fürnemung seiner sachen
 baß zū standen dann d̄ künig gegen seinen dienern / dann wie
 ain weib hoffet in iren man / ain sun in seinen vatter / ain iung
 er in seinen maister / ain solck in seinen fürer / also ist dem diener
 gegen seinem künig / aber der künig hofnung soll allain zū gott
 stan in deß forcht er beleiben soll in aller gerechtikait / vnd das
 haubt seiner regirung soll sein erkünung seiner diener yglichen
 wissen in seinen billichen stat zūsetzen / vñ nit aller wort acht ne
 men sunder sad vnd yn festigen dann das gibe d̄ künig hof das
 sy einand̄ neiden vmb iren stat yglicher den andern zūuerdruck
 en vnd zūuerstossen / darüb soltu nit alle ding glauben vnd ge/
 bürt dir nit nach dem du d̄ fuchß in sundern willen entpfangñ
 vnd yn über all and̄ gesetzt vñ dy ganz regirung befolhen hast
 vnd in allen seinen siten vnd wandel gerecht funden mit weisem
 rat wider yn also grimlich vmb ain solich sach zū zürnen dy du
 villeicht noch nit zū rechter warhait erfunden oder yn selbs dar
 umb müntlich gehört hast dann sollen dein fürsten deins reichs
 dy den fuchß in so grossen eren von dir erhöcht gesehen haben se
 hen daß du wid̄ den fuchß vmb ain stück flaisch erzürnet vñ yn
 darüb zū döten bewegt worden bist so würdest du in irē gemüt
 billich schnöd vñ leichtfertig gehalten dan̄ es mag sein das dich
 schwezer d̄ boßhait darzū bracht haben dy ym feind̄ sine vmb
 dy ere dy du an yn gelegt hast. Es soll aber ain künig wann er
 diner zū ainē hohen ampt vnd über and̄ setzt d̄ vor ym verclagt
 wirt gar mit grossen fleiß erfahrung tūn das ym sein schnell vr
 tail nit darnach widerwertikait seines hertzen bung vnd erwan
 nit seinen aigen augen ob er das gesehen oder seinen oren ob er
 das gehört het glauben dann es bringt erwan vil übels wy ma
 nig sach leit verborgen die weder mit hören noch mit sehen noch


ir gestalt zū recht erkant sein mag / sund mit betrachlicher ver
suchung / gleich als der wein d̄ bei weilen schön in dē glaß ersch
eint vñ wol d̄ gehōr nach donet vñ wann man den versuchet so
hat er ganz kainen geschmack. oder gleich dē ain hat in seinen
augen leit der scherzt das ain ganzen lock / oder das würmlein
das nachts scheint das scherzt d̄ thot für ain liecht / aber d̄ ver
nünfftig legt es in sein hant vñ befind daruon kain hitz Darūb
mein sun du solt betrachten dz wesen des fuchß in deinē rū wigē
gemüt vñ dann magstu wol sprechen wie solt er das geton hab
en so er nit flaisch ißt vñ ich han yn geordnet über allen meinen
hoff vnd scharz / über drincken vñ über essen / vñ han yn sust nie
vnrecht funden wie möcht yn sein hertz betrogen han das er mir
das stele das ich ym mit meiner hant geben han zū behalten dz
er das solt dieblich in sein hauß tragen vñ zū lest laugnen das
ich ym das geben het. Darumb sun ersar dich baß dann du solt
wissen das vō anfang d̄ welt allweg die bösen die gūten hassen
vnd die thoren die weisen / vñ die baur̄n den adel zūuertreiben
genagt sint. Dartzū hab ich von dirselbs gehört das du von dē
ersten tag seiner bestellung yn nie anderß dann getrūw gerecht
vnd vnfortailig erfunden hast / vñ ich waiß wirt d̄ künig dieser
ding grüntlich erfahrung tūn er wirt erfinden das diß ain getrēt
ner rat über den fuchß gewesen ist von den die yn niden / vnd
das ym diß flaisch haimlich on sein wissen in sein hauß verbor
gen ist worden / dann wann der sperber ain speiß zwüschen sein
en clauwen treget so flüget ym die krae nach ym das zū nemen .
Also tūnt die so des fuchß ampt begeren dann das ist nit durch
nutz deins hoffs geschehen sunder durch aigenen nutz vnd neid
Darumb betracht du auch was dir nutz sei / dann es gezimbt ei
nem weisen sich vor zwaīen zū bewaren. Das er sich nit von dē
frumen weisen eusser / vñ das er seinen gesellen nit betrieg . Vñ
zwei gūt zū behalten. Sich von den falschen fetren vñ grimen
coren fliehen. Nun ist d̄ fuchß dir aller nechst deins hoffgesinds
vnd dir vnderthenig vñ getrūw vñ hat dich nie gefortailt vnd
vil nachred vnd widerwertkait von deines nutz wegen erliten

Das·xiiij·Capitel

vnd dir nie nichts verhelet/darumb hast du wol glauben auff
ym zusetzen vnd wider ym nit bald zu glauben. Vnd da diß die
lewin mit irem sun redte da hörte das der wiesel der ainer der
sich wider den fuchß zusamen versprochen hetten vnd wart von
diser red erschrocken also das er besorgt das d künig auff seiner
müter red erfuchung tün würd/vñ erfahren sollichts vnd erkant
sich gegen dē künig seiner schuld vñ bat da mit vmb gnad vnd
saget dem künig die verainigung vñ wie sich die anschleg über
den fuchß von anfang biß zu end gemacht hetten. Vñ da die le
win die vnschuld deß fuchß hörte da sprach sy zu irem sun. So
dir yetz die vnschuld deß fuchß geoffenbart vnd wie in der sach
durch die dein gehandelt ist das sy dir ain also grosse sünd auff
gelegt vñ den fuchß vmb vnschuld durch dich erdöt haben wol
ten die sollet billich ail deins lantß verweisen vñ dein vnschuld
da mit offenbaren da durch würst du gegroßet vñ fürkumbst
das sollich lügen in deinem hoff nit geübt werden oder an dich
falschlich bracht auch fürter kein sollich gesellschaft falscher ai
nigung in deinem hoff versamelt werden mag dann ich sag die
sorgfelteit haimlicher verbündniß ist zu fürkumen nach ver
mügen/dann sich so man kraut vñ graß zusamen bindet man
macht darauff ain sail daran man ain kamel binden mag/vnd
du solt nun den fuchß wid an sein stat setzen seins ampts vñ nie
gedencken daser dich entgelten laß das du ym in d sach erzaigt
hast vnd er weiß yeglichs an sein stat zusetzen/vnd gleich als
man findet das freund feind werden mag dann auß verwunte
freund wirt feind d vndanckbar d verräter d grimm d verach
ter guter werck d nit künfftig leben glaubt das guts vñ böß wi
dergoltten werd d sein gemüt nit von zorn gezemen mag d aig
enwillig d nach zorn nit vergeben kan/wer genaigt ist zu vor
tail wer mit betrügniß vmbgat wer sein gemüt von vnkeusch
hait vñ spil nit gezihen kan/wer sich den wein überwinden lat
wer von niemant guts gedenckt wer halß starck vñ nit schemig
ist/zu disen ist sich steter getrüwer gesellschaft nit zuuerlassen.
vnd nach entschlagner freuntshaft ganz kein fruchtbar sinen
y·iiij.

zuversehen / vnd darumb soll ein yeglicher vnd besunder der künig guten vnd frumen bei wonen den zu getrauwen ist / das yn nach ergangner freundschaft aller freundschaft zu getrauwen / als der da guter werck ist vñ nit gelübd bracht der recht tün lieb hat vnd bößhait hasset vnd fridsam ist vnd irrung vermeidet / der senffmütig ist vnd nit ainß neidigen hertzen / der verschulte ding gegen seinem eben menschen gern ablast / vñ der in freundschaft verharret vnd sich aller mißdat beschemet. der selben ant er ist dein getrüwer fuchß gewesen. Antwort der künig. Ich han den fuchß dicker malß versucht vnd fand an ym guten wandel vnd getrüwen weisen rat vñ was ain auffrichtigen zu stat darumb mag ich dir folgen yn wiß zu meiner haumlichkeit vnd seinen stat zu nemen. Darnach beschickt der lew den fuchß / vñ da er für yn kam da veriach er im sein schuld die er an ym begangen het / vnd sagt ym wie das an yn bracht was / vnd begeret an yn das ampt wider von nützen von ym zu empfahen.

Das. xiiij. Capitel



y.iii.

Er fuchß gab dem leben antwort vñ sprach. Herr du
 magst glauben das du nit fürchten solt das ich dich d
 vñtrüw mir getan engelten laß vñ gezimbt sich doch
 dē künig dē erzürnten nit wol zū getrauwen / besund die ains lei
 chten glauben sint. Vñ dem künig ist auch erlaubt all tag zū ge
 dencken der fuchß hat gegen mir den haß nit vergessen vñd ver
 birgt diß in seinē hertzen biß er solichs widergelten mag. Vñd
 herr künig dir gezimbt meiner werck deßer baß acht zū nemen
 ob ich die andern od anderß dann vor handeln würd. Aber das
 alles mag d künig an mir furtumen vñ ich an ym nit / dann er
 mag mich seins diensts entsetzen wann er will so muß ich dē kün
 ig dinen so lang er will wie wol mein forcht gegen dē künig mer
 dann ym gegen mich vsach het / dann ob ain diener sein künig
 mer erzürnet so haben doch die weisen gesprochen du solt in den
 künig kein trüw setzen. nun will d künig die so yn zū meiner vn
 schuld gerait haben auff seiner müter rat deß lants verweisen
 wañ dz geschichte so nimbt d künig d geschlecht vñ die yn gesipp
 sint zū yn vñ nit lassen sund dē künig vor sein oren tonen wie sie
 mich dē künig in sein zorn bringen darüb will d künig so mag ich
 leiden sy nit zūuerreiben dann d künig mag sy dan zū recht an
 mir erkennen dann hand sie tügent in irem gemüt vñ forcht deß
 künigs so werden sie sich irer getat schemen vñ mich für deß kün
 igs erwelten halten / sagend sy aber dē künig arge von mir so
 weiß d künig das d doch on gnauwe erfahrung nit glauben vñd
 dann iren wert ganz darumb gan lassen soll. Antwort d lew.
 Jetzt erkenn ich dein gerechts hertz vñ setz dich darauff zū mein
 em obersten dann man soll ein frumen zū recht durch sein frum
 kait hundert mißhandel ob er dy geton het ablassen vñ ich weiß
 das dir mei mißhandel an dir begangen vergessen würd so wür
 de ich dich deß gemissen lassen vñ vnser lieb wurt da mit gegen
 einand gesterckt. Vñ also wart d fuchß in sein ampt gesetzt vñ
 hoher dann vor von dē künig geeret der yn auch lieber gewann
 vñd getrauwet ym biß an sein end.

Das .xiiij. Capitel.

Hie endet das dreizehend Capitel von dē lewen vn dē fuchß
Vnd fahet nun an das fiertzehend Capitel von einm goldschmid
ainer schlangen ein affen vnd einem waller vnd ist von erzai-
gung barmhertzigkait.



Der künig Disles sprach zū Sendeber seine
weisen. Ich han dise dein fabel wol verstan-
den vñ gefelt mit nun sag mir wellich man
man guts tūn oder getrauwen vnd was dē
geschehen soll der arge dē tūt von dē er gū-
tes entpfangen hat/ vnd sag mir dar über
ein gleichniß. Antwort der maister. Wiß
herr künig das die sitten der creaturen nit gleich sunder vnder-
schaiden sint vnd vñ allen creaturen die geschaffen sint/ es sei-
ent hier füßig zwai füßig oder gefögel nit edeler ist dann d̄ men-
sch vnd findet man doch darunder gerecht vnd vngerecht vnd
man findet bei weilen vnder den vnuernüfftigen tieren die mer
erkenntniß han vñ gutdat so yn geschicht dann d̄ mensch sel-
ber. Aber der künig ist schuldig erbernde zū tūn zū seiner zeit/
sunder den die es erkennen. vnd er soll vor erkennen die aigensch-
afft vñ sitten deß menschen ob der d̄ sy der glauben halt vñ ge-
naden erkenne vñ soll nit den adel vñ gebürt für die erberkait
ansehen/ doch soll er die armen nit verschmechen yn genad zū
erzaigen. Auch ob ain man d̄ nit von deß künigs hoff vñ doch
weiß frum vñ guter sitten vñ das künlich wer nit verschmahē
sund den zū hoff nemen vñ nach seim verdinen eren/ vñ soll do-
ch d̄ künig die so er bei ym stets haben will gar woll erkennen vñ
forsch auf sy haben was geschlechts vñ wie ir vatter gesitt gewe-
sen vñ wo sie erzogen seien vñ nit allain auff die gesicht buwen
gleich dem guten artz it dem gnügt nit deß siechen gebreht allā
durch sein angesicht zū erkennen sunder er besicht ym sein harm
vnd greiffet ym seinen aderschlag vnd hat acht seiner hitz vnd
kelte vnd bewegung seiner gelider. Es soll auch gerechter
vnd barmhertziger der schnöden geschöffen barmhertzigkait

zū seiner zeit erzäigen. So ist auch dem weisen etwan nütz die hant an sich zū ziehen vnd nit yederman zū getrauwen/vnd dauon schreiben die weisen ain gleichnuß. Der künig sprach wie was das. Antwort Sendebur. Man findet geschriben das auff ein zeit ain waller fant auff ein weg ein tiffe grüb von den wildern dahin gegraben zūfahen die wilden tier/vñ da er in grunt der grüben schauwet da sach er dar inn ein menschen d̄ was ein goltschmid bei d̄ sach er ain affen ain schlangen vnd ain nater vnd da d̄ waller diß ersach da sprach er zū ymselbs. Nun ist ein zeit das du ein grosse barmhertigkeit an disem mann erzäigen magst yn zū lösen von den henden seiner feind vñ bant ab das sail da mit er gegürtet was vñ warff das ain tail d̄ mann hien ab vnd behielt das and̄ tail in seiner hant das er dann her auff daran steigen solt. Das begraiß d̄ aff durch sein behendigkeit vor d̄ mann vnd sprang da mit auß der grüben. Der waller warff das zūm andern mal hinab da kroch die nater daran herauff/ Zūm dritten mal ergraiß eß die schlang vñ kam da mit auß d̄ loch. Dise drej waren d̄ waller deß danckbar mit vnderthenig/ er diemütigkeit vñ erbietung widergelts vñ warnten yn all drej vor d̄ goltschmid das er yn herauß nit ziehen solt dann es lebte kein mensch d̄ vmb gutat so vndanckbar wer als er vñ namen hie mit vrlaub vō ym vñ sprachen. Ob dich dein weg yemer für vnser wonung hin treget die nit ferr von einand̄ an ein wasser sint bei einer küniglichen stat so wöllen wir dir diser gutat nach vnserm vermügen dancken vñ dir deß vnser mittailen nach vnserm vermügen vñ schiden sich da mit von ym. Darnach warf d̄ waller das sail wider in die grüben vñ halff d̄ mann herauß vñ achtet nit der warnung d̄ tier. Diser goltschmid danckt ym mit geblinten Worten d̄ barmhertigkeit vñ gnad an ym begangen vñ wolt ym deß ob er zū seiner wonung yemer nahen würd vngedanckt nit lassen.

Das xiii. Capitel.



Am nachetlicher zeit begab sich dem waller zu gan die
straß für den affen von vngeschicht so begenet ym d
aff vnd da er yn ersach da grüßt er yn getrülich vnd
sprach. Ich hab bei mir yetz nicht da mit ich dich geeren mög/
aber harr ain claine weil ich will bald wider kumen. vnd gieng
hin vnd bracht ym vil güter vnd edler frucht da mit der pilger
sein hunger vnd durst den er laid lustlich vñ gnugsamlich büß/
set/vñ nam dauon darnach so vil ym eben was vnd schied vñ
ym. auff dem weg kam ym die nater die was seiner zukunfft fro
vñ grüßte yn vnd sprach. Groß ist die genad die ich von dir ent/
pfangen hab/vñ bitt dich hie zu bleiben biß ich wider kum/vñ
ging die nater schleichend in deß künigs hoff zu der stat die na/
hen da bei was in d tochter kamer dar inn sy vordick gewesen
was vñ nam da ir kron vnd clainat das sy vnbeschlossen fand
so vil sy deß tragen mochte vñ bracht die dē waller vñ saget im
nit wie sy das überkumen het vñ nam im vñ lob. Der waller ge
dacht dise tier hand dir groß widergelt geton vmb deinen dienst
vñ bin dem nach in hoffnung kumen ich zu dē goltschmid er wer
als ain vernüffiger mensch das auch erkennen vnd mir doch da
bei dē munsten diser clainat mit grossem nutz abhelfen. darnach
kam d waller in die küniglich stat auff ainer gassen kam ym d
goltschmid vñ grüßt yn fründlich vñ furt yn mit im in sei hauß
vñ hilt yn erlich. der waller zaigt dē goltschmid dy kron vñ clai
nat vnd saget ym wie er von dē affen vnd d nattern begabt wer
worden vñ bat yn im deß mit nutz ab zuhelffen. Der goltschmid
erkant dy kron vñ clainat vñ sprach zu dem waller das er sein
baiten solt biß er wid kum vñ ging zu dem künig vñ sagt wy er
die kron vnd clainat seiner tochter bei ain mann funden der er
in seinem hauß sein zu baiten verlassen het. Da diß d künig ver
nam da sant er nach dē waller vñ da er bei dē dy kron vñ clain
at fant da hieß yn d künig begreifen vñ nackend auff ain esell
setzen vnd durch dy stat auß gaiseln vnd yn darnach hencken.


Das xiiij. Capitel.



nd da sie yn also durch dy stat fûrten mit grossen strai-
chen da gedacht er an die wort d̄ tiere vnd irer war-
nung vor dem goltſchmid vnd sprach wainend mit
lauter stim. O her ich deß rats vñ warnûg d̄ tier gefolgt so wer
ich in disen kumer nit kumen. Diß h̄ort die ſchlang die ir wonûg
bey der straß her vñ bekant deß pilgers stim vñ ging herfür auß
ir h̄ole vnd da sy disen man in ſolichen n̄oten ſach da trauret sy
vñ gedacht auff ſatz zû ſuchen wy ſie ym zû hilff kumen m̄ochte.
Sie ſach das deß k̄nigs ſun ain iunger knab auch auff diſem
weg gefûrt ward zû d̄ trang ſy vnd baß den in ſein bain balo
ward er geſchwellen / das ſolck blib ſtil ſton von ſchrecken ireß
iungen herren. es ward nach den artzen den beſchwerern auch
den astronomien geſchickt k̄nſt zû ſuchen vnd zû finden wie d̄
iungen k̄nig zû helfen wer das geſchach mit groſſem fleiß dur-
ch diacters vñ anderß vñ es halff ganz nit. darnach beſchwu-
ren vñ ſuchten ſy durch dy k̄nſt d̄ astronomes das der knab wi-
der reden ward vñ ſprach mit heller stim. Es ſey dann das d̄ pil-
ger der zû dem tod vñſchuldiglich gefûrt wûrt zû mir kum vnd
mein geſchwulst begreiff ſo mag ich nit geneſen. Vnd da diß d̄
k̄nig geſagt ward da hieß er d̄ waller für ſich bringen d̄ ward
von ym gefragt der ſagt ym alles wy es von anfang biß auf dy
ſtund ergangen was vñ beſund wy er von den tiere vor dem
goltſchmid gewarnt vñ warûb er in dy ſtat gangen was vnd
hub auff ſein hent vñ augen vnd ſprach. O almechtiger got als
werlich iſt das ich vñſchuldig in diſem tod gefûrt bin ſo warlich
mach diſen menſchen geſund. vnd auff ſtund ſo ward der iung
k̄nig geſund. Vnd da diß der k̄nig ſach da eret er den waller
mit gaben vnd ſchid mit freuden von d̄ k̄nig. Vnd der k̄nig
hieß den goltſchmid hencken vmb ſein groſſe vnd anderbartait/
vnd das er darzû den waller zûm tod verraten hat.

Das .xv. Capitel.

Hie endet das fierzehend Capitel von dē waller affen schlang-
en natern vñ dem goltschmid. vnd ist von dē der dem vndanc-
baren guts tūt. Vnd folget nach das fünffzehend Capitel von
deß künigs sun vnd seinen gesellen. Vnd ist von der göttlichen
schickung der niemant entrinnen mag.



Ihes der künig sprach. Ich hab vermerckt
vō billikait guts zū tun ist vñ wellichē nie
Nun sag mir von ein toren der in hohem
stat ist vnd von ein weisen vnd ein d sein
person testiget. Vnd ob yemant die schick-
ung gots fliehen oder die fürkumen mög.
Antwort Sendebur. Gleich als ein man
nit zū recht probiren werden mag dann durch ein weib. Also
mag der wis nit gnügsam sein dann durch vernunft. Nun
mag vernunft vñ schicklikait nit dann durch übung oder von
got kumen vñ dem menschen geben werden als deß künigs sun
vñ seinen gesellen. Da sprach der künig. wie was das. Antwort
dermaister. Man sagt es seien fier gesellen auff dem weg zusam-
en kumen / der ain was eins künigs sun / der ander ein kaufman
der dritt eins edel manß sun / der fierd was ein wandrer / die all
fier kamen auff dē weg vnd gesellen sich zusamen durch armut
die sy all liden dann sie heten nicht dann allain ire klaiden.



Das xv. Capitel

Ise fier giengen eins tags gegen einer grossen küniglichen stat vñ da sie geriet hungern da wurden sie ein ander fragen wie sy ir speiß überkumen möchten vñ da sie manigerlay anschleg daten da sprach des künigs sun. wir sagen was wir wollen so get es allain den weg wie es von got geordent ist vñ wer sich an yn last mit getrüwer hoffnung der würt nit verlassen. Antwort des kauffmans sun. Fürsichtikeit mit vernunft ist ob allen dingen. Der edelman sprach. Ein ver möglich wolgestalte iugend ist ob de allen. Der wandrier sprach Ich main sorgsamkeit mit übung sei das best nach meinem verstan. Mit dieser disputirung nahten sie der stat vñ sassen zusammen vñ betrachteten wie sie ir speiß erobern möchten vñ da sprachen die drey zü dem wandrier. Du sagst von deiner sorgsamkeit/gang hin vñ sorg souil das wir diese nacht vnser speiß haben. Der antwort. Diß besuch ich wann das an ir wer einen kume das er sollichs auch tû/vñ gieng hin in die stat vñ fragt was ein man ainß tags tûn möchte da mit er sich selb fierd einen tag speisen möchte. man sagt ym nit bessers dann holz tragen/dann da was holz thür vñ ein walt ein gute ferr von der stat da man sich beholzen must/er gieng bald in den walt vñ ban de ainen büsch holz daß er zü tragen hette vñ trüg das in die stat/zü stund verkaufft er das vmb zwen silberen pfennig vñ kaufft darumb speise ym vñ seinen gesellen. vñ schreib an die portē mit einer kreide. Ein sorgsamer frumer hat mit übung seiner sorgfelikeit eins tags zwen silberen pfennig gewonnen/vñ gieng da mit zü seinen gesellen vñ bracht yn tranck vñ speiß da mit sie den tag gespeist wurden das sie wol genüget.



Das.xv.Capitel

¶ Dem andern tag frū sprach sie zū dem edelen. Nun
lug dz du vnß heut versorgest mit speiß vñ nim dir dē
hübsche vnd was du waist zū hilff. Der ging hin vñ
so er zū der stat nahet da gedacht er in ymselbs. Du kinst nit ar
baiten oder anderß da mit du icht über kumen mögst vñ ist dir
doch schentlich wider zū deinen gesellen vngeschafft zū kumen/
vnd stalt sich also mit solichen gedenccken für die stat an einen
baum in mainung sich von seinen gesellen zū schaiden mit laid
Von geschichte gat da für hin ein reiche burgerin ein witwe da
sie yn sach mit ainer so hübschen wol gestalten iugent da schaz
te sy yn vermüglich vnd ward entzündt in seiner lieb vnd da sie
in ir hauß kam da schickte sie ir magt nach ym vnd beraite ym
kostliche würtschafft vnd behielt yn bej ir den ganzen tag vnd
müzt den nach irem gefallen. Abents gab sie ym hundert gulde
pfennig darumb kaufft er speiß für sich vnd sein gesellen vñ sch
rib an das tor mit ainer vermöglichen iugent hat ainer eins ta
ges hundert gulden pfennig gewonnen vnd kam frölich wider
zū seinen gesellen.



Das.xv.Capitel

Item dem dätten tag sprachen sie zû des kauffmans sun
Gang hin vnd mit deiner fürsichtigkeit vnd vernüfft.
schaff das wir heut vnser speiß haben. Diser gieng
durch die stat biß an die port des mereß vnd sach wie ein grosse
naue mit kauffmanschaz zû land stiesse/vnd da die kauffleut
all zû lieffen vnd hetten sich geainer mit dem patron zû reden/
vnd zû teidingen/vñ da der patron auff der kauffleut gebot nie
antwort geben wolt yn gefellig da sprachen sie. Wir sollen yetze
nit mer dartzû reden morgen gerüwet yn das er vnß nit zû gesa
get hat/es ist doch niemant ausserhalb vnser der das bestand.
Dieser iung kauffman stond vnerkant fürsichtiglich zû sehen
wann die kauffleut weichen wolten/vnd so bald das geschach
da gieng er zû dem patron der den namen seines vatterß kante
vnd kaufft das vmb fünffzig tausent gulden. So bald das die
kauffleut befunden da giengen sy bald zû disem vnd gaben ym
fünfftausend gulden gewinnß vnd bezalten sie dem patron vñ
da er diß entpfeng da schrie er an das thor da er seiner geselln
geschufft fand. Mit fürsichtiger vernüfft hatein man eins tags
fünfftausent gulden gewonnen vnd dauon speiß für sich vnd sei
ne gesellen.vnd kam mit freuden zû yn.

§ .liij.



Das .xx. Capitel

Orgens do es tagte da sprächen dise drey zu des künigs sunne gefelle es ist an dir gang hin vnd versorg vns speiß vnd bit got das er dir vil bescher so du sagest es sey alles von got allein beschert/er gieng gegen der stat auff dem weg gedacht er/ was wilt du begynnen du kanst nit kauffmanschan du magst nit arbeitten so hast du nit sunder vernunft vnd weist dich in keinen weg zu behelffen vnd satzte sich vor der stat bey der straß auff einen stein/ nun was der künig der selben stat auff den selben tag erblosß tod/ vnd alles solck folgte der leich zu grabe für dye statt in ein closter für diser iungen hin/ diser iung künig saß verdacht vor widerwertig/ kait on alle versynlichkeit das er gegen der bar nit auff stond das nam ein gewaltiger des folcks acht dz er ganz kein erbermde mit der leyche vnd den klagenden hett/ darumb schlug er disen an sein wangen vnd sprach/ du verflüchter aller menschen solck vmb des künigs tod den alle mensche klagen nit leyt oder mitleiden haben vnd stieß yn ganz vō dem stein hinweg/ vñ do sie wider kamen do sach yn diser der yn vor gescholten hette aber auff dem stein sitzen vnd sprach zu ym hab ich dir nit vor gesagt du soltest dich hie nit mer finden lassen / vñ nam yn als einen veretter vnd legt yn in einen kercker/er bat got mit wender vnd grosser hoffnung das er yn nit vor seynen gesellen ließe zu schanden werden/ morgens kam alles folck zu samē vñ wolten einen künig welen/ da stond diser gewaltiger auff vnd sagt allem folck wie er einen man in gefengnuß vnd wie er den funden hett vnd riet den zu fragen ob er darumb veretterey gewandelt het/ auff das ward der gefangen für alles folck gestellt vnd gefragt wie er inn das land vnd durch was versach er da hin kumen were/ diser antwurt vnd sprach wissene das ich des künigs sone bin vnd nant sein vatter auß dem land vñ da mein vatter gestorben ist da ist das reich an mich gefallen/ vñ hat mich mein iüger brüder der mer anhangs im reich dan ich gehabt hat vom reich verstossen / vnd von sorgen das er mich darzu nit ertödet bin ich gewichen vñ in diß land also geflohe

5.iiiij

vnd da diß das folck hort da was vil vnder ynen die seinē vater
er gekennet vnd in dem selben künigreich gewandelt hettē. die
sagten wie gar ein frummer man der selb künig gewesen wer vñ
schraien all mit gemeiner stymm / lebe vnser künig vnd welten
yn zū yrem hetzen / nun was ir gewonheit yren hetzen vnd ge/
welten künig mit grossen eren zū allen porten der statt zū füren
vnd die ym ein zūgeben / vñ do sie zū der porten kamen da sein
gesellen durch gangen waren do sach er ir schrift die sein gesel
len dahin geschriben hetten vnd blaiß da still stan vñ hieß dar
zū schreiben das emsig sorgsamkeit vermüglich iugent. fürsich
tig vernunfft / vnd was gūts oder bößs dem menschen begegēt
ist alles von got erachtet durch verdienung des menschen / des
verwunderten sie sich alle sollicher vernunfft in disen iungen
mañ vnd freuerten sie sich selbs einen sollichen herren erwelt
haben vnd satzen das ynen das von got erachtet wer / vñ do
er inn seinē küniglichen sale von dem folck gefürt vnd auff den
stül des reichs gesetzt ward / da sandt er nach seinen gesellē das
sie für yn künen soltē vnd hieß für sich sameln sein edeln des rei/
chs vnd die weisen vnd alles folck / vñ do die alle vor ym ston
den da fieng er an vnd redt also

Das xv. Capitel



Es ersten lobte er got vnd danckt dem vnd holet seinen namen vmb die grosse gütet die er ym erzaigeth vnd sprach mein gesellen hond nit glaubt noch erkannt was ynen begegnet das es von got erachtet wer/nun müssen sie das an mir erkennē dan weder durch weißheit vernunft noch fürbetrachtung emsigkeit/noch durch gewalt ist mir dise versuchung zū gefallen/ich hab auch von dem tag als ich von meinem brüder von dem reich gestossen ward nie gedacht oder vor betrachte zū sollichen eren zükūmen dann das got der almechtig das also geschickt vnd mich in bilgerins weiß also her gewisen vnd mich zū eym gewaltigen künig gemacht so mich doch gar nit kleiner narung bēniget het/do stond einer vnder dem solck auff vñ sprach/nun hören wir erst das du diß reichs billich würdig bist so dir got souil weißheit vnd vernunft verlihe hat/vñ das wir mit dir als mit eym weisen künig versorget sein vns zū gūtem/vnd got ist dir vor andern getrüwe/dann er hat dich nit on geschichte auff dise gesellschaft bracht/dann du werest sunst diß reichs nit empfahig worden vnd got hat mit dir vnsern nutz erfüllet/darūb wir ym billich lob vnd danck sagen das er vns mit dir also geeret hat vñ da bey einander hūbē sie auff vñ sprachē wir seind schuldig got loben d dich künig über vns gesetzt hat dann diß ist allein durch sein göliche ordnung geschehen vnd ich sag euch in der zeyt meiner iugent was ich bey einem edel man/vnd do ich man ward da bebauchte mich die welt vnd yren wollust zūuerlassen vnd da ich mich abschied da bliben mir an meinem lon zwen pfennig vñ ich gedachte den einen vmb gots willen zū geben vnd den andern zū meiner nordurfft zūhalten /vnd sach auff dem marckte einen fogler tragen zwū durtel tauben die er gefangen het vnd gedacht es ist nit grosser verdienung gegen got / dann der yemands vom tod erlösen mag vnd faul sach die zwū tauben vñ do er mir die nit baide wolt vmb den einen pfennig geben /da gedachte ich last du dann die eyne on die ander so seind sie von eināder verweisen vñ gab die zwen pfennig vmb die zwū taubē

Das .xv. Capitel.

vnd trüg die auff einen weiten anger vnd ließ sie fliegen. die flugen hien vñ sassen auff eins baumß ast / vnd da ich von yn schide da hörte ich das die ain zü der andern sprach. Jetzt hat vnß diser von dem tod erlöst vnd vnß vnser leben vmb alls sein gut das er vermocht erkaufft wir sint billich ym guts mit widergeltung schuldig / vnd rüfften mir wider vnd sprachen. Du hast vnß grosse genad erzaiget die wir dir schuldig sint wider züuer gelten. Nun was bei der wurzel diß baumß ein grosser schatz / geleyt da hin grabe so findest du. Ich gieng zü dem baum vnd grub vnd fand ein schatz / da danckte ich got vnd bat yn das er sy vor allem übel behüt vnd sprach zü yn. So üwer vernunft vnd weißhait so groß ist vnd dartzü zwischen himel vnd erden fliegen wie sint ir in disen strick gefallen auß dē ich üch erkaufft han. Die gaben mir antwurt. Du weiser man waist du nit das der flug der vogel der lauff den schnellen noch die sterck den streitend mit versacht allain die zeit der götlichen ordnung beschlisset die augen der lebenden da mit sich kein creatur bewaren kan wider das so ym von götlicher schickung geordnet ist.

Hie hat ein end das fünffzehend capitel von dem künig vnd seinen gesellen vnd fahet an das sechzehend capitel von den fōgeln vnd ist von gesellen die sich vnder ynselbs betriegen.




Arnach sprach d̄ k̄nig disles zū seinē mai/ster. ich hab deine wort verstandē so du ge/sagt hast von d̄ götlichen schickung d̄ nie/mant entrinen mag. nun gib mir ein gelei/chnüß vō gefellē da einer den andern vnd stat zū betriegen. antwurt sendebar. Es ist gewest ein see da vil lustlicher wasser ein fliessen darinn vil fisch waren vñ diser see was fere vō den leuten dahin die fōgel vor d̄ mere k̄in wandel heten. Auf ein zeit kam dahin ein fōgel vō d̄ land genant holgot vñ da er dy gnūg des fees vñ die lustlichkeit des wassers in haimlichkeit vñ fere d̄ leut sach sprach er zū inselbs. hie her wilt du dein weib vñ gefind fūren zū ewiger wonūg ires lebens dan hie mögen wir gnūg vnd lustliche speiß finden zū aller nottuerfft vñ wirt dise wonūg mir vñ mein k̄indē zū erb vñ niemans ist mir hie wid̄wertig. Nun het er ei weib dy saß auf die zeit in ire nest ob iren airen dy schier auß schlieffen solten dise het ein andern fōgel d̄ ir freuntlich vnd gefellig was d̄ hieß mosam d̄ was ir fast lieb also dz er weß speiß noch tranck schmacket od̄ keinerlay kurtzweil on den fōgel. vñ da sy hört dz fūrnemen irß manß dz was ir fast wid̄wertig vñ wolt das irē freunt nit verhelen wie wol ir d̄man das hart verboten het vñ gedacht fund wie sie versach het zū mosam d̄ fōgel zū kumen dz sie diser ding hind̄ irē man anschleg nit im tet vñ sprach zū holgot irem mann. Jetzt sint vnser iunge schier zeitig auß zū schlieffen. Nun ist mir gesagt gar von ainer nūzen arznei vnsern iungen wann sie auß schlieffen sollen das yn ir gefieder fast vnd starck wachsen werd auch soll es yn sust gelückselig sein irē leben lang für all böß zūsell wer dir nun gefellig so wolt ich das suchen. Der man sprach was ist das. Sie antwurt. Es ist ein fisch in ein grossen see in einer insell die mir genaigt ist worden vnd dises weiß niemant anderß dann ich vnd der der mich dasgeleret vnd gewisen hat vnd darumb so ist mein rat du sitz est die weil über die aier an meiner stat die auß zū brüten biß ich her wider kumen mag von dem see so will ich der fisch einen

Das .xvj. Capitel.

oder zwen bungen die wir mit vnß führen zů dem selben da wir hin wöllen. Der man sprach es zimbt sich nit ein vernüfftigem das er alles das versuch das ym der artzt sagt / dann etwan sagen sy von dinge n die man nit haben mag vnd zů überkumen vnmüglich oder fast sorglich sint / dann ich hab oft gehört das ire bücher sagen von kostlichen medicamenten das zů machen sey von dem vnßchlüt eines lewen vnd von der giffte der natern / aber keinem vernüfftigen ist darumb zů raten das er darumb den lewen in der wiltnüsse vnd dy natern in irer hôle suchen soll vnd sich da mit in sorg deß todes geben / vnd darumb so laß von deinem fürnemē vñ nim mit dir diß nest mit vnsern iungen zůtragen dahin wir wöllen dann da magst du allerlai fisch finden vnd die weiß niemand dann wir / vnd weiß wer sich an d artzt lere kört vnd sich weisen lat artzney zůsuchen an sorgliche steten dem geschicht als dem affen. Sprach das weib wie was das. Antwort der man. Man sagt das an einer stat die fast fruchtbar was vñ gepflanzt mit vil guter frucht baum wasser vñ waid da bei het ein aff ein lange zeit wonung gehabt dem selbñ affen wuchß in seinem alter die raud das er fast schebig vnd vn sauber wart / diß was ym fast überlestig dann er wart dauon mager vnd krafftlos das er sein speiß nit mer gewinnen mocht Von geschicht kam ein and aff zů ym d sprach. Wy sich ich dich so ganz deins laibs verzert vnd ermagert. Diser antwort. Ich weiß sein kein sund vrsach dann das es d will gotts ist den nie mans fliehen mag. Antwort der and aff. Ich han vor einen gekennet der deß gleichen siechtigen het vnd dē mocht nit geholffen werden dann mit ein haubt einer schwarzen natern vnd da er dzaß da genaß er / darüb möchtest du das haben es wer güt. Antwort diser aff. Wie möcht ich das überkumen so ich mein narüg vor onmacht nit überkumē mag Diser gab ym antwort vñ sprach. Ich sach vor zwaien tagen vor einer hól in ein hohe fels ein man stan wartend einer schwarze natern vmb ir zungē zů haben seinē herren zů einer credenz da will ich dich hin weisen vñ hat er die ertötet so nim dir das haubt. Antwort d siech


Aff ich bin krank magst du mir icht gutes zu weisen das stünd
mir wider zuuerdienen. Er fñrt yn mit ym vñ zaigt ym ein hó
le vnder ein hohen fels dar inn er west eins trachen wonung.
Vnd da der siech aff hinauff kroch da sant er vor dem loch groß
tritt die wonde er das sie ein mensch geton der die nater gesucht
het vnd gieng da mit biß in das loch da lag der trach vñ zuckte
den affen ym zu speiß. Da diser aff das hört vnd besant das der
trach den alten affen freßen het da sant er sich in die gewer der
guten fruchtbäum vñ het also seinen gesellen betrogen vnd arn
ne genaygt zu seinem tod.



Is beyspil hab ich dir gesagt züuerstan das eym vernünftigen nit gezympt zü wagen sein lebē auff eins andern rat des er kein eygenschaft hat / vnd ob im daran vil nutz gezaigē wüerd / das weib antwurt ich hab dich verstanden aber es geburt sich mir vor allen dingen dahin zü kōmen / dann es ist ganz on alle sorg / vnd diß würt vnsern iūgen fast nützlich sein sie damit vor vil myßfallen zü bewaren / do der man sach das sein weib sollichen genaigten willen vnd glust darzū het do sprach er / so du ye das zü thūn dir selbst für gesezt hast so lüg das du mit nyemant wer der sey der dir bekūmen möcht red habest das so wir zü thūn für vns haben dann die weisen sprechen eins yeglichen vernunft sey zü loben / aber das für die größte vernunft der sein heymlichkeit vergraben kan das sie nyemands find / also flog der vogel do er mosam seinen lieben vogel fand vnd sagt im alle heymlichkeit diser sache war er man ziehen wolt an ein stat zü eym see da gnung d fisch frisch wasser vnd lustliche wonung wer vnd on sorg aller thier vnd menschen / vnd sprach möchtest du fund finden das du da hin auch kūmen möchtest vnd doch mit willen meins mannes dann sol mir ichz gūts wider faren / so hab ich doch des on dir kein freude / diser vogel begerte auch bey ir zü sein wider willen des manns vnd sprach / warumb wer ich gezwungen alleyn mit willen deins manns da zü sein / wer hat ym sunderlichen gewalt an dem ende geben für mich vnd ander / warumb solt es nit mir als yme erlaubt sein / vnd ich will auff stünd dahin vnd will da mein wonung haben / so ich hōre das es so ein genügsame stat ist vnd wüerd dein man kummen vnd mich wōlen da von dannen treiben / ich wüerd es ym nit gestatten vnd yme sagen das er noch seyn fordern nye kein besitz da gehabt hond oder mere gerechtigkeit da haben mügen dann ich oder ander / do sprach das weybe du sagest gar recht / aber ich habe dich dahyn zü dir erwelt das doch allwege fryd vñ gūter wille vnder vns allen sey / dann soltest du mit wider willen meynes manns dahin kōmen / so wüerd zwischen vns schand vñ laster

Das .xvj. Capitel

vnd vnser fruntschafft vnd freude zu traurigkeit bracht/antwort der vogel du sagst war/doch sag du einen weg da mit es mit willen deins mans zu gan müge/sprach das weyb ich rat du gangeſt zu ym als ob du vmb die ſach ganz nit wiſſeſt vñ ſprich wiß freund das ſich begebē hat das ich neſt für einen ſee gewandelt bin/vnd hab geſehen vñ befundē das es ein fruchte bar wonung iſt/vnd es wonet ganz nyemāt da /vnd ich hab mir für geſetzt dahin mein wonung zu machen wiltu mit mir dahin dann da iſt vil der fiſch/vnd diß red mit meinem man ee ich wider heym kün/ſo wiß ich wol er würt dir hinwider ſagen das er die ſtat vor auch funden hab vnd ſagt er alſo zu dir/ſo ſprich ſo biſt du der ſtat würdiger dann ich /aber ich bit dich laß dir gefellig ſein mich bey dir zu habē/dañ dir ſol kein vngleichs von mir begegnen/dann ich will dein gütter fründe vnd geſell ſein diß folgt der moſam vnd kam zu holgot/diß ſogels mann das weib ſloge zu aller nechſt in einen ſee vnd ſienz zwen fiſch als ob ſie die in ſunder waſſer vñ vō ferrem her bracht hette/vnd trüg die heym yrem man vnd ſprach /diß ſeind die fiſch von den ich dir geſagt hab/vnd ſandte diſen vogel bey yrem man vnd thet nit der gleich als ob ſie yn vor/inn ſo kurt/zen geſehen hette



Das .xviij. Capitel

Iser fogel redt mit des andern fogels mann dem hol
got/ wie er des vom weib vnder wifen was vñ gab
ym diser fogel antwurt ym wer sein geselschafft gefel
lig vnd das weyb wolt fürkūmen das ir man nit gedenckē mo
chte das sie ym das geoffenbaret hett/ vnd erzaigte sich wider/
wertig/ vnd sprach zū yrem man/ wir haben die stat alleyn er
welet/ vmb das daselbst kein ander fogel oder thier seind/ vñ
besorg würt diser fogel mit vns kūmen ym folg nach ein schare
ander fogel seiner gesellen damit vns gebüren werde dye statt
auch zūuermeyden/ antwurt der man du sagest recht/ aber ich
getrau we disem fogel vnd hoff wir sollen vns mit seiner hilffe
ander fogel/ ob vns die über dringen wolten erweren. darumb
ist villeicht gūt das diser fogel bey vns wone dan es sol niemāt
in sein eygen sterck getrau w hon/ dan wir seind dye sterckestē
vnder den fogeln/ aber hilff gibt zū dem krancken den starcken
zū überwinden/ als den maußfahern die den wolff überwondē
der yn widerwertig was/ sprach das weyb wie was das/ ant/
wurt holgot/ man sagt das bey des meres staden wer ein schae
wolff vnder den was ein wolff der gedorstiger was dann dye
andern/ auff ein zeyt wolt er rīm vnder seinen gesellen erwer/
ben vnd gieng auß zū iagen in ein gebirg da vil meug d̄ thier
waren/ vnd dieser berg was zū allen orten beschlossen das dye
thier vor andern thieren sicher waren/ vnd dise thiere wonten
alle fridsamlich auff dem gebirge vnder dē was auch ein schar
der maußhund die hettē einen künig/ nun was diser wolff mit
gescheidigtait in das gebirg kūmen/ vnd do er befand das die
thiere ir beschlossenen wonung da hetten/ da nam er sein wonūg
da vñ alle tag nam er ein thier zū seiner speißen/ nun was das
gar widerwertig den maußhunden dann sie wurden fast von
ym geschedigt/ vnd samelten sich zū yrem künig vnd versien/
gen einen rat wie sie sich sicher machtē vor dem wolff/ nun wa
ren vnder yn drey vor auß weiß vnd firtrechtiger maußhund
die berufft der künig vnd hette mit ynen rat.



Das .xxj. Capitel

Der künig fragt dē erste vñ sprach zū ym was ist dein rat wider disen wolff/ d vns so widerwertig vñ freysam ist/ vñ vō vnser schar so manigē gelernt hat/ der sprach ich weiß keinē rat wider yn zū gebē/ dan vns got zū empfelhē/ dan wir mügē ym keinē widerstant tūn/ er fragt dē andern d sprach/ ich rat das wir vns gemeinlich vō disem berge tūn vñ vns selbs ein ander wonūg suchē vñ vielleicht findē wir an eym andern end da wir berügiger sein mügē/ dann wir seind hie in grosser trübseligkait vñ sorgen vnser leibs/ der dritt saget auff des künigs frag mein rat ist das wir hie bleibē vñ diese wonūg vmb die vrsach nit verlassen/ aber eins will ich ratē vñ hoff herr künig thūstu das/ so wölle wir yn über windē vñ vns zū ganzē fridē seinenthalb setzen/ sprach d künig wie were das zū geschehē/ antwurt diser so rat ich dz wir acht habē auff den wolff wan er etwas eriagt hab yme zū speysse/ vñ das an ein end trag im zū fressen dz der künig ich vñ andern des künigs schar die starckste vns zū ym nahē als ob wir dz überig seiner speiß suchen wölle/ vñ so er wenet sicher vñ vnser one sorg zū sein so will ich auff yn springē vñ will ym sein augē auß kratzē vñ kratzē/ darnach yeglicher vñ vns so er sich gegē vns nit werē kan/ thū so vil er ym schadē mūg biß wir yn ertödtē. vñ ob vñ vns darūb einer stirbt oder schadē empfach dz sol vns nit irē/ dan dardurch erlösen wir vns vñ vnsern kindē vnser lebē dz wir vñ sie mit rüwen in vnsern besitzlichē wesen dz wir vō vnsern fordern er erbt habē bleibē mügē/ dan ein weiser sol nit leichtlich vō dē erb vñ besitz seins vatters scheidē. vñ ob er das mit forcht vñ wagūg seins lebēs tūn müß/ es geschach auff einē tag dz d wolff ym selber ein gūt speiß gefangē hett/ vñ do er die auff einē hohē felsē trüg des hettē die meußhund achtgenūmen vñ hūb sich d künig vñ sein schar die sechtbar waren auff/ dem wolff nach vñ in seiner verachtūg kamē sie ym so nahe das sie ym dē felsē verstündē/ da sprang d der dē rat het gebē auff yn vñ kratz im sein augē auß/ d künig fast yn by seinē wadel vñ reiß im dē hin darnach ir yeglicher nach seiner macht

A. iij.



Das·xvj·Capitel

Iſe ſabel hon ich dir geſagt liebs weib dz du merckteſt
das vns vnſer ſterck nit alweg gnügsam ſein mochte
on einen getrüwen geſellen / darumb geſellet mir vn̄
mag raten das wir diſen zū vnſerm geſellen nemē / do diß das
weyb hort do was ſie fro in yrem hertzen das ir anſchlag ſo vn̄
uerdechtlich fūrgang gewinnen hett / alſo hūben ſich der fogel
holgot ſein weib vnd der moſam an die ſtatt vnd machten yn̄
ſelbs da ein neſt nach ir nordurfft / vnd diſer fogel macht ſeyn
neſt gleich nahe bey ym vnd wonten da fridſamlich mit gnüg
licher vnd gnügsamer ſpeiſen / vn̄ verhieſſen ein ander trūwe
zū halten / nun hett holgot vnd ſein weib yren frūnde gar vil
lieber dan̄ er ſie hinwider / alſo in nachſolgender zeyt da ward
der waſſer eins von langwerender werme vnd hiez der ſunnen
verdorret / das darinn ganz kein fiſch was / vnd do diß der ſo
gel moſam acht nam da ſprach er zū ym ſelbs / wie wol glūbde
vnder geſellen groſß iſt vnd vnder freūnden vnd eyn yeglicher
das ſchuldig were zū halten / ſo iſt doch ein yeglicher yme ſelbs
vnd ſeiner perſonen bey dem maiſten ſchuldig / vnd wer yme
ſelbs nit fürſichtig iſt wey mag der andern nutz ſein / vnd wer
künfftigen ſchaden nit verſicht ym ſelbs ſo der gerne entrünne
ſo iſt es nit mer in ſeiner macht / nun wurt mir die geſelſchafft
diſer fogel ſchaden wann ſpeiß hie gebreſtē wurt villeicht wer /
den mich die fogel von hinnen verdringen / nun hab ich mich
hie geſetzt das mir von hinnen nit geburt zūkūmen vnd iſt mir
kein beſſer verſuch dann weg zefuchen wie ich ſie müge ertōdē
ſo bleib ich hie mit rūwen vnd luſt on anhangender geſelſchafft
oder eynigen freūnde vnd des geburt ſich mir den man erſt zū
tōdten / darnach mag ich dann leicht weg finden das weib zū
tōdten dann ſie iſt eins blinden hertzen vn̄ getrauwer mir / vn̄
hoffnung mein iſt ich müg den man durch ir hilff aller ſicherſt
ertōdten / vnd gieng darauff zū dem weib in trauriger geſtalt
vnd ſprach das weib zū im watumb ſich ich dich ſo traurig / d̄
fogel antwurt vnd ſprach / ich trauren nit dann vngeſell / der
zeyt vn̄ verkerung der zeit / vn̄ luſt darinn vns abgang vnſer


A·iiii

narung an ligē mag/antwort das weib ich sich das dir etwas
an ligt darūb du traurig bist/er antwort ia aber es ist alleyn
von deinen wegen doch wiltu mir folgen so magstu mich vor
diser widerwertigkeit wol bewaren/sprach das weyb was ist
das wie wol wir von geburt vnser geschlets gezweyet vñ nit
ein natur hond so wöllen wir doch gebrüder sein in vnser gesel
schafft die wider vns bestendiger sein mag/dann gesipt frunt/
schafft/dann man sicht vil gebrüder von eym blüt geborē wi
der einander seind/vnd die selb feindschafft ist dick böser dan
gyfft/dann es ist ein spruch wer eins brüders mangelt der mā
gelt eins feinds vnd wer nit gesipten hat der hat nit nyder/vñ
ich will dich zū einer sach fordern/die dir nutz sein würdet vñ
wie wol es dir vñleucht hart ist zūvolbringen vnd du möchtest
mir es zū vnrecht scherzen so ich dir das offenbare vnd ist doch
ring in meinen augen/so ich gedencē die widerwertigkeit dye
du da mit über kōmen magst/vñ darumb so nym war meis
rates vnd frag mich nit warumb bistu das volbringst/sprach
das weyb du hast mir yetz ein rede gesagt der ich erschrocken
bin vnd kan nit erscherzen was das sey/vñ glaub doch das sol
lichs nit sey zū meiner verderbnuß aber mir ist leicht durch dei
nen willen zūsterben/sag doch dein meynung dann man sagt
wer sein leben nit setz für sein getrüwen gesellen dann der ist
ym nützer dann brüder oder kind/antwort mosam mein rat
ist das du nun deinen man ertödtest vñ dich ledig von im mā
chest/vnd dardurch mag dir glück vnd heyl zū reysen vñ mir
mit dir vnd frag der vrsach nit biß du sollichs volbringst.dan
wer es nit zū guter vrsach so getrau we mir das ich dir das nit
riete/aber so bald du das gethust so will ich dirs sagē vñ trau
re nit vmb deinen man dann ich will dir gar vil eynen bessern
vñ iungern deins geschlechts geben der vnser getreüwer gesell
sein würdet/vnd der dich allwegen lieb haben vnd bewarē sol
vnd darzū würdet vnser geselschafft deßer langweriger/dann
wiß thustu nit nach meinē rat so geschicht dir als d mauß/dye
auch gūts rats nit folgen wolt/sprach das weyb weye was das


antwort der vogel /man sagt es seind gewesen in einē speiß ga-
dem vil meuß die dem wirt vil schaden theten/der nam ein tier
was gleych eym hund/das den meusen heßig was /vnd wolt
da mit die meuß von seinē hauß vertribē/nun was vnder den
meusen ein grosse vñ stercker dan die andr. vñ do sie sach wie d̃
haußwirt sein sach über sie bestelt het/da merckt sie das sie sich
des mit gewalt nit erwerben mocht/vnd gieng zū dem thier vñ
sprach/ich wiß das dich dein herr darumb allein bestalt hatt
das du mich vertriben oder tödten solt/nun bin ich kumen dz
ich gesellschaft suchen will dan ich sich dein vernunft vñ will
dir bey wonen antwort das thier/ich hon dein wort verstan-
den vnd mag dich wol zū gesellen leyden /vnd will dich sicher
vnd dir frid zū sagen das du mein gesell sein solt/doch verheiß
ich dir nit das ich dir nit gehalten mag/dan mein herr hat mi-
ch gesatz ein bewarer seins hauß/dz im icht schad von dir oder
deiner gesellschaft zugefügt werd da gebürt mir mit nit meinē
herrn züuer vntzriwen/darumb verneyd meins herren schade
oder scheid dich von diser wonung.vñ versich dir ein ander die
dir nutz sein mag/dann thust du das nit so will ich an deinem
schaden kein schuld haben/dann mir gezympt wider die besel-
he meins hauß wirts nit zūtun.antwort die mauß ich hab dich
erst mals gebeten vñ hon mich dir darumb vnder würffig ge-
macht vmb dise bitte/vnd darumb gebürt dir mir nit solliche
bet züuerziehen/sprach das thiere es ist war /mir gezympt dir
triwe vñ liebe züuer folgen/aber wie mag ich das thun so dein
gesellen mein herren das sein verwüsten.dann solt ich ym das
seyn mit willen verwarlosen vnd eich das nyessen lan er tödt
mich vnd billich darumb bezaig ich mich mit dir selbs das du
dein person an sehest vñ weich vō diser wonung noch in dreien
tagen da zwischē magst du dir ein ander wonung besehen dan
so mag ich dir güt gesellschaft halten in güter sicherhait/sie sp-
rach mir ist schwer dise mein wonung züuerlassen vñ hon mir
recht fürgesetzt hye zū bleiben vnd mich des besten vor mir zu
bewaren/am andern tag begab sich das dye mauß auß yrem
A v.

lóchlein begund zúlauffen vndir speiß zú suchen / diß sach das
thier vnd wardt wider sie nit bewegt dann es wolt ir die drey
tag halten so es ir zú g·sagt hett / vnd do dye mauß sach das es
ir nit achtet vnd sye nit schediget da meiner es des thiers ganz
on sorgen zú sein / vnd betrog da mit ir hertz dann sye lebt sey /
nenthaltens ganz on sorg in allem yrem handel / nach den drey
en tagen gieng die mauß aber auß nach ir gewonhait vnd das
thier lag verborzen inn einem winckel des speiß gadens war /
tende vnd ergrast die mauß vnd verschlant sie


Das.xvj.Capitel



Esse gleichnuß hab ich dir gesagt das du vermeynst
das sich eym verstendigen nit zympt züuerschmahen
den rat seins fründs / wann der von trüwe vñ glau
ben gat / dann man spricht das der rat eins fründs der schwer
sey gleich einer artzney wie wol die bitter ist / so hilfft sie doch
für den siechtigen / darumb soltu meinen rat nit verschmahē
vnd das du dich dein hertz betriegen lasset / das du deinē man
nit tödtest / dann du nemeß dauon grossen schaden / dan tötest
du yn so will ich dir einen bessern geben / do das weib hort vō
eym bessern da erschrack sie zü sagen vnd begert doch eins bes
fern manns zü habē vnd sprach wider yn / ich merck deinē rat
in trüwen vnd das es sey ein zaichen deiner lieb in trüwen ge
gen mir / dann ich befind mein hertz ganz volkūmen gegē dir
vnd wer dein rat allein dir vnd nit mir nutz / noch wolt ich dei
nen willen volbringen / aber wie mag ich diß zü bringē / es ist
mir vnmüglich / antwurt diser ich zaig dir anschleg vnd verfa
chen damit es on alle sorg geschehen mag / sie sprach sag an / er
antwurt ich waiß ein bach da vil fischens in ist vnd wann die
fischer groß fisch darinn fahen wöllen so nemen sie ein holz zü
baiden seyten spiz vnd stecken daran ein fisch von dem kopff
biß in den schwanz / der selben fischlein trag deinem man eins
an das end do er pfligt zü essen vñ wañ er das schlickt so würt
er daran erworzen / das weib ihet wie er sie beschied vnd trüg
ym der fisch einen dar vnd warff ym den fūr / nun was holgot
ir man hungerig · dann er mocht vor alter sein speiß nit mer er
iagen dan was ym das weib bracht / vnd verschland den fisch
vnd erworzt daran



Arnach bliben diſe zwen fogel bey einander mit gü-
ter geſellſchafft / darnach gedacht das weib der wort
ſo ir moſam d fogel verheiſſen het ir einen iungē mā
zū gebē vñ bat yn dz er ir vmb einē beſche / er ſagt ir dz zū auf
ein zeyt wandelt er an des meres ſtadē. do bekam ym ein fuchs
zū dem ſprach der fogel / ich will dir ein ſach offenbaren dauon
du freud empfahen ſolt / ich hab einen fogel bey mir wonē faſt
ſeiſt dem ich feindt bin vnd wolt des geren ab kumen vnd ge-
dencken wie ich dir den zū ſpeiſſe bringen möchte / nun will ich
ym alſo thun er iſt begirig eins manns vnd eins iungen / nun
will ich ym ſagen das ich ein iungen fogel ſeins geſchlechts hye
funden vnd dem von ir geſagt hab der will ſie nemen vnd ver-
birg dich hinder diſen ſelſen ſo will ich yn heiſſen ſuchen biß du
yn ergrafen magſt dz dē altē weib ir vnkeuſchait gebüſſet wer-
de / diß geſiele dem fuchs vmb ſein ſelbs nutz / alſo kam moſam
zū ſeinem geſellen vnd ſprach / ich hab einen deins geſchlechts
funden an dem wasser vñ ſo ich ym geſagt hab vō deiner ſchō-
ne vnd guten wandel / auch deiner vernunfft vnd güter geſel-
ſchafft ſo zwiſchen vns baiden iſt vnd von liſtigkait diſer ſtat
ſo geſellet ym das er dich zū weib nemen ſol vnd hat mich ge-
beten das ich dich zū ſeiner wonung bring den heyracht zūuol
bringen dann er will ſich ye deiner ſchōne vnd weiſſhait zū er-
geren / darumb wol auff vnd berayt dich mit mir zūgan / diß
geſiel dem weib vnd gieng mit freudē das ſie einen iungē mā
haben ſolt / der fogel furt ſie zū dem ſtein do er dē fuchs beſchei-
den hette vnd ſprach hie beitte ein klein zeyt diß wegs würdt er
her kumen vnd gieng er von ym als ob er dem fogel entgegen
wolt gan / vnd ſo das weyb faſt lügte vnd ir augen gegen dē
weg ſtellet zū lügen ires manns zükunfft / do ſprang der fuchs
auff yren halß vnd ergraiſſ ſie bey yrem tragen ym zū ſpeiſſe.



Hie endet sich das sechzehent capitel von den vogeln / vnd
sahet an das sibenzehent capitel vñ das letst / vnd ist von dem
der eym andern raten kan vnd ym selber nit




Iß der künig sprach zū seinē maister sen
debar / ich hon verstanden dein fabel dar
auff du mir das gesagt hast / nun sag mir
von eym der eym andern raten kan vnd
ym selbs nit / antwort sendebar es hat ein
taub ir nest auff eym hohen palmen vnd
wart ir fast saur vñ arbeitsam ir speiß zū
getragen so hoch yren iungē. vñ wann sie ir iungen mit grosser
arbeyt außgebrütet so kam allweg ein fuchs vnd stond vnder
den baum vñ trauwet ir wie er sie vnd ir iungē essen wolt / vñ
bracht sie mit drawen darzū das sye ym ir iungen selbs herab
warff / dz er sie sicher sagt / auff ein zeyt saß die taub aber vnd
bräutet ir ayer / da stond gegē ir ein spar auff eym ast d̄ nit verz
vō ir by dē wasser sein wonūg het / vñ do er die taub so trurig
sach do sprach er / nachbur was macht dich traurē so du deiner
iūgen so nehg bist / antwort die taub was freu wē mich meyn
iungē / dan wiß so bald ich die außgebrüte so kumpt d̄ fuchs vnd
drewwet mir so hart vñ tringt mich durch forcht die ich mit im
gewin das ich ym mein iūgen gib vmb das er mich sicher sage
der spar sprach kenneß du nit den trügner den fuchs / folg mei/
nem rat / vnd der fuchs würt dir furter nit thūn / die taub sp/
rach / sag ich folg dir / antwort der spar / wann der fuchs mer
kumpt vnd dich schrecken will / so sprich thū alles dein vermü/
gē noch irzt es mich nit / vñ wan du lernest disen baum steigen
so wolt ich bald mein iūgē auff einē andn baum tragē vñ will
dir gantz nicht gebē / in nachfolgender zeyt kam d̄ fuchs da yn
bedaucht das die taub ir iungen auß gebrütet hette vnd treu/
wet ir wie vor / die taub antwort ir wie sie der spar geleret hett
do sprach der fuchs sag mir wer hat dich dise antwort gewisen
so will ich dich vnd auch deine iungen sicher lassen vnnd sa/
gen / antwort die taub das hat die spar gethon d̄ dort bey dem

Das .xvij. Capitel

wasser sein wonung hat / der fuchs ließ vō der tauben vñ giēg
zū der sparen / vnd do er den bey dem wasser sandt da grüßte
er yn tugentlich vnd sprach / lieber nachbaur wie magstu dich
vor dem wind vnd regen enthalten / der spar antwurt vnd sp
rach wann mich der wind auff der rechten seitten an wehet so
ker ich mein haubt auff die lincken seyten / vnd wann er mich
auff die lincken seyten an sichtet so kere ich mein haubt auff dye
rechten seyten vnd bin sicher / sprach der fuchs / dick kumpt eyn
wetter das zū allen seyten windt bringet / antwurt der spar so
thū ich mein haubt vnd halß vnder mein fettich / do sprach d
fuchs ich main das solliche nit sein müg / der spar sprach ia wol
mag das sein / antwurt der fuchs selig seind ir vogel all die got
für ander geschöpffen begabt hatt / ir fliegen zwischen hymel
vnd erden in einer kleinen zeyt das menschen oder thiere nit er
lauffen mügen vnd kumen dahyn da sunst kein creaturen hin
kumen mag / vnd darzū sollen ir die groß gnad vnd vorteil ha
ben in wind regen vñ schnee wañ es not geschiche das ir uwer
heubter vnder uwer fettig bringen mügen da mit üch kein vn
gewitter schaden mag / o wye selig seind ir zaig m · doch wye
das sein müg · der spar wolt sein kunst vor dem fuchs eugen vñ
schleufft sein haubt vnder sein fettich die weil erzwackte yne der
fuchs in sein klawen vnd sprach / du bist der ym selbs seindt ist
du kündeſt der tauben gūten rat geben ir iungen vor mir zū be
halten vnd kündeſt dir selbs nit raten vnd fraß yn · vnd damit
hat diß büch ein end

Hie endet sich das büch der weißhait / der alten weisen von
anbeginne der welt von geschlechte zū geschlechte ·

Gedruckt vñ vollendet durch lienhart hollen zū vlm / nach
cristi geburt · m · cccc · lxxxiij · iar auff den · xxviij · tag des mayenß



V
EBERHARDI BARBATI DVCS WIRTEMBERG. CI.
Effigies in domo provinciali Stutgardie.



U



BOUND

DEC 3 1943

UNIV. OF MICH.
LIBRARY



